

## **Ilanngussaq 1**

### **Tusarniaanermut akissutit pillugit allakkiaq**

Piffissami 27. maj 2016-imiit 1. juli 2016-imut tusarniaanermut akissutit allannguutissatullu siunnersuutit tulliuttuni suliarineqarput. Tusarniaanermut akissutit tamakkerlugin saqqummiunneqarnerat attuumassuteqarfisaannullu tunngatillugit akineqarnerat erseqqissaatigineqassaaq.

#### Inatsisissatut siunnersummut tulliuttut oqaaseqaateqarput:

##### **1) Aningaasaqarnermut Naalakkersuisoqarfik**

AN imatut oqaaseqaateqassaaq:

Aningaasaqarnikkut kingunerisassat

2017-imut Aningaasanut Inatsisissatut siunnersummut (AIS 2017) atatillugu qinnutigineqarpoq Ilaqutariinnermut, Naligiissitaanermut, Isumaginninnermullu Naalakkersuisoqarfimmiit ulloq 31. maj 2016-imi paasissutissiineq tunngavigalugu tulleriaarinermi ilanngunneqassasut uku:

	2017	2018	2019	2020
Nuna tamakkerlugu nalunaartarfik	1,8	1,2	1,2	1,2
Kommunit akisussaaffiisa annertusineqarnerat	4,0	4,0	4,0	4,0
Meeqjanik illersuisoq	0,2	0,2	0,2	0,2
Malitseqartitsinermik atuineq annertusillugu	6,7	6,7	6,7	6,7
Qitornartaalersunut neqerooruteqarneq	6,5	6,5	6,5	6,5
Tikeraarnerit amerlanerit	0,5	0,5	0,5	0,5
Piviusunngortitsinermi allaffissornikkut aninggaasartuuteqarnerunerit	2,0	2,0		
Katillugit	21,7	21,1	19,1	19,1

Aningaasaqarnikkut sunniutissasa inatsisissatut siunnersummut, ulloq 27. maj 2016-imi tusarniaassutigalugu nassiunneqartut, oqaaseqaatini allaaserineqarsimasut ataatsimut katikkaani inernerivaat uku:

	2017	2018	2019	2020
Nuna tamakkerlugu nalunaartarfik	1,8	1,2	1,2	1,2
Kommunit akisussaaffiisa annertusineqarnerat	4,0	4,0	4,0	4,0
Meeqjanik illersuisoq	0,2	0,2	0,2	0,2
Malitseqartitsinermik atuineq annertusillugu	6,7	6,7	6,7	6,7
Qitornartaalersunut neqerooruteqarneq	6,5	6,5	6,5	6,5
Tikeraarnerit amerlanerit	6,0	6,0	6,0	6,0
Meeqqamik oqaloqateqarneq	0,4	0,4	0,4	0,4

Saaffigisassaq	0,2	0,2	0,2	0,2
Piviusunngortitsinermi allaffissornikkut aninggaasartuuteqarnerunerit	2,0	2,0		
Katillugit	27,8	27,2	25,2	25,2

Tassa assigiinngissut 6,1 mio. kr. imaluunniit piffissaq 2017-2020 tamaat isigalugu 24,4 mio. kr.

Inatsisisatut siunnersuutip tusarniaassutigineqarnerata kingorna AIS 2017-imut isummersuutinik AN tigusaqarnikuuvooq, taamaammat naatsorsuutigineqarpoq, aninggaasartuutinut missingersuut nutaaq atorlugu inatsisisatut siunnersuutip sunniutissai iluarsineqassasut.

*Akissut: Inatsisisatut siunnersuummut nassuaatinut nalinginnaasunut ilanngunneqarpoq.*

*Takussutissami aamma siunnersuutip aningaasaqarnikkut allaffissornikkullu kingunissai pillugit nassuaatinut nalinginnaasunut aallaqqaasiinermi ilanngunneqarput.*

Oqaaseqaatigineqartut allat

Kommunini sulisussarsiorneq

Inatsisisatut siunnersuut kommunit sullissisunik amerlanerusunik atorfinitssisariaqarnerannik pisariaqartitsilissaq, inatsisitigut piumasaqaatit nutaat kommuninit naammassineqassappata.

Sulisussarsiortarneq kommunit ullumikkut ajornartorsiutigivaat. Aningaasaqarnermut

Naalakkersuisoqarfiup kaammattuutigaa, Ilaqtariinnermut, Naligiissitaanermut

Isumaginninnermullu Naalakkersuisoqarfiup allaaserissagaa, qanoq iliorlutik kommunit maannakkut sulisuuusunik pikkorissartitsinermikkut assigisaanilluunniit sulisutigut piumasaqaatinik naammassinnissinnaassanersut aamma erseqqissaatigineqassasoq, tamatumta tungaatigut immikkut iliuuseqarnissaq pisariaqartinneqassappat.

*Akissut: Ilanngunneqanngilaq. Ilimagineqartariaqarpoq kommunit pisariaqartitaat assigiinngitsuussasut. Allaffissornikkut aningaasaqarnikkullu kingunissai siunnersuummut nassuaatinini nalinginnaasuni aningaasatigut allaffissornikkullu kingunissaa pillugit immikkoortup ataani allaqqasutut kommuninut tamanut tamakiisuussanngillat, taamaammat tamanna pillugu oqaloqatigiinnerit soorunami aallartinneqartariaqarput.*

## 2) Kalaallit Nunaanni Politiit

Naalakkersuisoqarfiup 27. maj 2016-imi allakkiaa (Nanoq ID 287456, suliap nr 2016-8524) innersuussutigalugu ilisimatitsisinnaavunga, siunnersuummut tunngatillugu makkuninnga oqaaseqaatissaqarlunga:

§ 25-imut aamma § 26-imut tunngatillugu oqaaseq "peqquussut" (pålæg) allanngortinnissaa eqqarsaatigineqarsinnaavoq, pissutigalugu oqaaseq peqquussut/inassut nalinginnaasumik ingerlatsivinni pinngitsaaliissutaasinnaasumik aalajangiisarnerni atorneqartarmat.

*Akissut: Ilanngunneqarpoq. "Peqqusineq" pillugu aalajangersakkat marluk siunertamik isiginniarneq malillugu angajoqqaat meeqlallu akisussaanerat pillugu angajoqqaanik/meeqqaanik oqaloqateqartarnernik imalik taarserneqarpoq nutaamillu ilanngunneqarluni.*

Ad. § 40, imm. 4-mi oqaaseq atorneqarpoq: "Meeqqat politiinit tigummigallagassanngortinneqartut".

Pinerluttulerinermut tunngasut isumagineqarneranni tigummigallagassanngortitsisarneq (meeraq aatsaat 15-ileereersimappat) eqqartuussiviup aalajangigaanik taamaallaat pisarpoq. Taamaammat oqaaseq atorneqartoq allanngortinneqartariaqarpoq assersuutaasinnaavoq: "Meeqqat 15-it sinnerlugit ukiullit pinerluttulerinermut tunngasunik isumaginninnermi aalajangerneqartoq malillugu tigummigallagassanngortinneqartut". Missingiummi takuneqarsinnaavoq § 40-mut imm. 4 nassuaatitaqanngitsoq, tassunga atatillugu siunnersuutigissavara meeqqamik 15-leeereersimasumik tigummigallagassanngortitsisoqassappat communalbestyrelsi tigummigallagassanngortitsinermi inissiivissamik politiinit isumannaatsuunissaq pillugu illorsorneqarsinnaasutut nalilerneqarsimasumik pinngitsooratik pissarsisussaanerat nassuaasiornermi inatsilluunniit oqaasertaanik ersarissaanikkut aalajangersarneqassasoq, pissutigalugu inatsimmi allassimammatt: "... immikkoortortanut isumannaallisakkanut inissinneqarsinnaapput.", taamaanngippat communalbestyrelsi tamassumunnga pinngitsoorani pisussaaffeqanngitsutut paatsoornassaaq.

*Akissut: Ilanngunneqarpoq. Imm. taanna peerneqarpoq immikkullu paragrafinngortinneqarluni (36), tassani tusarniaanermi akissut ilanngunniarneqarluni. Ilimagineqarpoq tamanna iluatsissimanngippat politiit tusarniaaqqinnermi tusarniaanermi akissumminni tamanna qanoq eqqornerusumik ilanngunneqarsinnaanersoq erseqqissassagaat.*

Tassunga atatillugu Sisimiuni paaqqinnittarfimmi matoqqasumi, meeqqat tigummigallagassanngortinneqarsimasut paaqqinnittarfik qimassinnaasimannginnerat pissutigalugu, isumannaallisakkut pissutsit arlaleriarlutik naammassimanngitsut ersarissaatigissavara.

*Akissut: Qulaaniittoq takujuk. Ulloq unnuarlu paaqqinnittarfik pineqartoq matoqqasumik ammasumillu immikkoortortaqarpoq. Ulloq unnuarlu paaqqinnittarfinni immikkoortut isumannaallisakkat siunnersummi erseqqissarneqarput, nalunaarutinilu il.il. suliareqqiinermi ilimagineqarpoq immikkoortuni isumannaallisakkani immikkut unammilligassat erseqqissarneqassasut tamassumunngalu naleqqussakkanik ilimagisaqtitsilissalluni. Inissiisarnerni piumasaqaatit pissutsillu allat tamassumunnga tunngasut pillugit suleriaatsit politiit*

*suleqatigalugit sukateriffiqeqassapput, aamma ulloq unnuarlu paaqqinnittarfinni immikkoortut isumannaallisakkat pillugit.*

§ 63, taamaattunik – siunissami akiliitsiniartarnerit il. il. paatsoorneqarnissaat pinngitsoortinniarlugu – kommunalbestyrelsimit pisussaafflersuisarnermi akiligassanullu pinngitsaliissutit akiliitsiniartarnermi il.il politiit aqqutigineqaratik ingerlatsiviit/eqqartuussiviit aqqutigineqartarnissaat ersarissarneqartariaqarpoq.

*Akissut: Imm. 1-imut nassuaatit ilaattut immikkut nassuaatinut ilanngunneqarpoq (maannakkut § 60).*

Naggataatigut meeqqat pillugit sulianik ingerlatsinermik, taakku pillugit kommuni oqartussani allaffisornermk kiisalu naalakkersuisoqarfimmit nakkutilisarnermk pitsanngorsaarusunnermut atatillugu kommune meeqqat pillugit sulianik ingerlatsinermut piumasaqaatinik malinninngitsoq paasineqarpat matumuuna ingerlatsisartut allat soorlu atuarfiit, peqqinnissaqarfik, politiit, pinerluttunik isumaginnittoqarfik, meeqqat illersortaat imaluunniit ingerlatsisartut meeqqap ingerlalluarnissaanut soqtigisallit naalakkersuisoqarfimmut naammagittaalliorsinnaanerannut inatsisiliortoqarnissaa pissusissamisornerpaasorigiga ersarissarneqassaaq.

*Akissut: Ilanngunneqanngilaq.*

### **3) Meeqqat illersuisuat aamma MIO**

Meeqqat Illersuisuata Meeqqanik ikorsiisarneq pillugu Inatsisartut inatsisisaattut nr. xx, xx.xx 2016-imeersumut siunnersuut pillugu tusarniaaneq 27. maj 2016-imi tiguaa. Meeqqat Illersuisuat inatsisisatut siunnersuutip oqaaseqarfinginissaanut periarfissinneqarnini qujassutigaa.

Oqaaseqaatit nalinginnaasut

Meeqqat Illersuisuata aallarniutigalugu inatsisisatut siunnersuummi ilaqtariit tapersorsorniarlugit pimoorussilluni ujartuilluni sulineq kiisalu siusissukkut iliuuseqarniarnerup pingartinneqarnera takullugu nuannaarutigaa. Ilaqtariit aaqqiissutissanut ilaatillugit eqqarsaatigineqarnerat kommunillu tapersiiniutinik amerlanernik periarfissaqalernerat pitsasuuvvoq.

Assut aamma pitsaavoq nuna tamakkerlugu nalunaaruteqartarfekarnikkut tamakkiisumik takunnissinnaalernissap pingartinneqarnera aamma kommunit qanoq qanorlu sukkatigisumik tamakkununnga qisuarialeqartarnissaannut piffissaliussanik ersarissunik aalajangersaasoqarsimanera. Nuna tamakkerlugu nalunaaruteqartarfekarnikkut meeqqanik sumiginnaaneq nakuusernerlu pillugit paassisutissanik katersisarneq assersuutigalugu suliniutinik aallartitsinissamut tunngaviusussanik tapersernejassaaq, taamatut aamma Naalagaaffiit Peqatigiit Meeqanut Komitéa siusinnerusukkut inassuteqarnikuuvvoq.

Meeqqap suliami namminerminut tunngatillugu illuatungiusutut pisinnaatitaaffeqartutullu ineriaortoqarnera kiisami takuneqarsinnaavoq, tassami inatsisissatut siunnersuummi pingaartinneqarpoq pissutsini tamani meeqqap nammineq isumaa, soorlu aamma meeraq inatsit naapertorlugu aalajangiinernut naammagittaalliuteqarsinnaanera ersarissoq.

Inatsisissatut siunnersuummi Meeqqat pisinnaatitaaffii pillugit Naalagaaffiit Peqatigiit isumaqtigissutaannik atuutilersitsinerup isiginiarneqarnera inatsisillu nassuiardeqarnerata taassuminnga aallaaveqarnera Meeqqat Illersuisuata nuannaarutigaa. § 2-mi aamma tunngaviutinneqarpoq, tassannga erserpoq inatsit manna tunngavigalugu aalajangiinerni tamani meeqqamut iluaqutaanerpaaq aallaavagineqartassasoq meeqqallu pisariaqartitaanik tamakkiisumik naliliinermik aallaaveqartassasoq.

Meeqqalli Illersuisuata inatsisikkut anguniarneqartut ilumut piviusunngortinnejarsinnaanersut ernumassuteqarnini oqaatiginngitsoorsinnaanngilaa, tak. isumalluutit kommunimilu neqeroorutit amigarnerat, neriuutigalugulu Namminersorlutik Oqartussat pissutsit taakku pitsangorsarneqarnissaannut kommunit tapersorsoramaaraat, taamaalilluni "isumaginninnermut ingerlatsiviit pikkorissut nutaaliaasullu" inatsisissatut siunnersuutip nassuaataani oqaatigineqartut piviusunngortinnejarsinnaaqqullugit. Inatsisikkut anguniarneqartut piviusunngussappata pisariaqartoq pingaarutilik tassaavoq sulisut piginnaasaqarluassasut kommuninilu sulianik suliarinninnermi pitsaassusermik qulakkeerinnineq siunertaralugu nakkutiginninneq.

*Akissut: Inatsisissatut siunnersuummi siunertaq tassaavoq meeqqat pitsaanerusunik pisinnaatitaaffeqarnissaasa qulakkeerneqarnissa tamassumalu ingerlanneqarnerani akisussaanerup erseqqissarneqarnissa. Tassunga peqatigitillugu neqeroorutit misissuinerillu pitsaassusaat pillugit piumasaqaateqarpoq, aammalu sumiginnaanerit il.il. pillugit nalunaarutinik tigusaqarnermi uppermarsaatit akineqarnissaannut piffissap sivisunerpaffissaa ilanngunneqarluni. Ingerlatsiviit ingerlatsilluarsinnaanerannut piginnaasaannullu annertunerusunik piumasaqaateqartoqarpoq, ilimagineqarporlu tamanna ingerlatsivinni suisut piginnaasaasa qaffarsarnissaasa sanileralugulu ilinniartitsisarnerit annertunerusumik isiginiarneqalernissaannut tapersiissasoq, kiisalu kommunini isumaginninnermi eqqortunik amerlassusilinnik eqqortunillu sulisoqalissasoq.*

Nassuaatini "meeqqat pisinnaatitaaffii aalajangersimasut oqariartuitigineqarnerat" erseqqissaatigineqarnerat pitsaasuuvooq, kommunit akisussaaffimminnik eqqortitsinngippata pineqaatissinneqarsinnaapput, tassaniipporlu Meeqqat Illersuisuata kommunit maannakkut inissimaffitik, sumiiffimmi unamminiagassat kommunillu angissusii aallaavigalugit ilumut piumasaqaatit eqqortitsisinnaanerannik ernumassuteqarnera. Inatsisissatut siunnersuutip aningaasatigut allaffissornikkullu kingunerisassaasa misissorneranni ilanngullugu takuneqarsinnaavoq aningaasartuuteqarnerungaarnermik kinguneqassasoq.

*Akissut: Ilimagineqarpoq inatsisissatut siunnersuut kommunini ingerlatsivinni pitsaasumik ineriertortilernissamut tapersiissasoq. Ingerlatsivinni sulisut eqqarsaatigalugit isumaginnittooqarfinni sumiiffinni aqutsisut, kommunalbestyrelsit, inatsisip malinnejarnissaq aaqqissuussaanermilu inatsisip malinnejarsinnaanissaq qulakkiissavaat.*

Meeqqat Illersuisuata pingaartumik meeqqat nunaqarfimmiut sumiginnaanermut tunngatillugu eqqorteriaannaasut, ilinniarsimasunik kommunini nalinginnaasumik nakkutilliinermik suliaqarsinnaasunik sulisoqannginnera pissutigalugu pingaartumik ernumassutigai. Kommunit nakkutilliinerisigut meeqqat tamarmik toqqisisimasumik ineriertornerannillu isumannaarinnettumik peroriartornissaat qulakkeerneqartariaqarpoq, meeqqalli nunaqarfimmiut suliamut peqataasinnaannginneq imaluunniit najukkami assersuutigalugu nalunaarutiginninnissamut tunngatillugu innuttaqatinut siooraneq pissutigalugu immikkut ajornartorsiopput. Meeqqat Illersuisuata sinerissami angalanerminut atatillugu innuttaasut najukkani minnerusuneersut annertuunik unamminiagassallit meeqqallu peroriartornerminni atugaat eqqarsaatigalugit ingerlalluanngitsut naapissimavai, kommunit innuttaasunik taamaattunik sullissinissaat qulakkeerneqartariaqarpoq, matumani meeqqanut tunngatillugu nakkutilliisussaatitaanerminnut ilaatiillugu innuttaasut akuutissallugit. Inatsisissatut siunnersuummut nassuaatinit kommunit nalinginnaasumik nakkutilliisussaatitaanerannut atatillugu aamma erserpoq, meeqqat peroriartornerminni atukkamikkut nukittorsaavigisariaqarfii aamma pissutsinut tamanut tunngatillugu nalinginnaasumik nakkutilliisussaaneq najukkami inuuniarnikkut atugassarititaasut meeqqanut pingaaruteqartut pillugit ilisimasanik pissarsinissaq siunertaralugu, tamannalu Meeqqat Illersuisuata pitsaasutut isigaa.

Aalajangersakkanut ataasiakkaartunut oqaaseqaatit

Atuuffia

§ 3, imm. 2-mit erserpoq, meeqqap inuunera pissutsit ataatsimut isigalugit ikorneqassasoq sapinngisamillu siusissukkut ikorneqassasoq. Ikorneqarneq sapinngisamik "angerlarsimaffimmi avatangiisiniluunniit pitsaaliuilluni ikorsiinerunera ilanngullugu ersersinneqartuuppat siunertamut naapertutissaaq meeqqap kulturia, kinaassusia attaveqarneralu qulakkeerniarlugit.

*Akissut: Ilanngunneqarpoq. Meeqqamik isumassuiffiit qanigisanilu avatangiisit siusissukkullu iliuuseqartarneq tassanilu suleqatigiittarneq pitsaanerpaanngortinnejarnissaat pillugit immikkut nassuaatini annertunerusunik oqaasertalersuinerit ilanngunneqarput.*

Nassuaatini qup. 17-im iilimagineqarpoq meeqqat inissinneqarsimasut affaasa missaanniittut angerlarsimaffiup avataanut inissinneqarsimassasut. Meeqqat sungiusimasatik, attaveqaatitik qimallugit taamatut inissinneqarsimasut amerlapput, tamanna - allatut nassuaatissaqanngippat - inissiinerup nalaani meeqqap inuuneranut pingaarutilerujussuuvoq.

## Naammassinninneq

§ 7, imm. 2 kommunalbestyrelsi angerlarsimaffimmut meeqqamik aallersinnaanngortillugu periarfissinneqarpoq. Tamanna ilaqtariinnut annertuumik akuliunneruvoq, ertariaqarlunilu tamanna taamaallaat pisinnaasoq suleqatigiinnissamut periarfissat tamarmik misilinneqarsimappata. Meeqqat Illersuisuata taamatut iliortariaqalersinnaaneq paasisinnaavaa, misigisapiluttulli meeqqamut sunniuteqarsinnaanera ernummatigalugu kommunillu tamatuma qanoq ingerlanneqarsinnaaneranik najoqqutassioqqullugit kaammattorlugit.

*Akissut: Ilannunneqanngilaq. Aalajangersakkap akulikitsumik atorneqarttarnissaa ilimagineqanngilaq, aamma tamassumani ingerlatsivinni sulisut nuanniitsumut inissittussaammata, taamaammat ingerlatsivimmi sulisut angerlarsimaffimmut isernissaasa killilersorneqarnera pissutigalugu meeqqap sumiginnarneqannginnissaanut qulakkeerutitut eqqarsaatigineqarpoq immikkut pisoqarnerani atorneqartassasoq.*

## Nakkutilliineq

Meeqqat Illersuisuata nuannaarutigaa § 8-mi siusissukkut iliuuseqarnissamut kiisalu nalinginnaasumik inummullu sammisumik nakkutilliinermut tunngatillugu annertusineqarsimammat erseqqissarneqarlunilu.

Pimoorussilluni nakkutiliinermut tunngatillugu nassuaatini nalilerneqarpoq kommunit taamatut pisussaaffeqareersut, taamaattumik naatsorsuutigineqanngilaq kommuninut tamanna aningaasartuutaanerussasoq. Meeqqalli Illersuisuata paasinninnera naapertorlugu kommuninit pisussaaffik tamanna eqqortinneqanngilaq ilaatigut isumalluutit amigarnerat eqqarsaatigalugit najugaqarfiillu ilaanni meeqqat najugaqarfiini pimoorussilluni nakkutilliineq naammassineqarsinnaassappat isumallutinik atuingaatsiartoqartariaqarpoq, tassami najukkani ilinniarsimasunik piginnaasaqarluartunik sulisoqanngilaq nakkutilliinermik taama ittumik ingerlatsisinnaasunik.

§ 9-mut tunngatillugu Naalakkersuisut nakkutilliisoqarneq eqqarsaatigalugu nutaamik nakkutilliisoqarfeqalernikkut nukittorsaasoqarniarnera pitsaasutut nalilerneqarpoq, taanna ilitsersuutaasumik inassuteqarsinnaavoq sulianilu aalajangersimasuni piffissalersugaasumik isumaginninnermi misissuinissamik aallartitseqqusisinjaalluni.

§ 10-mut tunngatillugu erseqqissartariaqarpoq ilitsersuutini, nipangiussisussaatitaaneq paasissutissanik ingerlateqqiisinnaanermut aporfüssanngimmat, paasissutissanik taakkuninnga ingerlateqqiineq meeqqat atugaanik qulakkeerinninnermut pisariaqarpata.

*Akissut: Tusaatissatut tiguneqarpoq.*

Nalunaaruteqartussaatitaaneq iliuuseqartussaatitaanerlu

Tak. §§ 17 aamma 18 kommunimit nuuffigisamit kommuni nakkutillisuusaaatitaasoq nalunaarfigineqassaaq, ilaqtariit imaluunniit angajoqqaanngulersut nuuppata kommunillu nalilerpagu ikiortariaqartuusut. Inuuusuttu suliniuteqareernermi malitseqartitsivigineqartut aamma § 27-mi pineqartunut ilaappat?

*Akissut: Naamik.*

Tak. § 20 Kommunalbestyrelsi nalunaarummik tigusaqaruni nalunaaquttap akunneri 24-it qaangiutsinnagit isumaginninnikkut misissuinissamik aallartitsisoqarnissaanik tunngavissaqarnersoq isummerfigissavaa. Isummerneq taanna allaganngorlugu tunngavilersorneqarnissaa erseqqissartariaqarpoq. Taamaalilluni suliamut akuusinnaannginnermi najukkani inukinnerusuni nalunaarutit qisuarianngitsoorfingineqarnerannik kinguneqassanngillaq. Tamanna ajoraluartumik maannakkut pisarpoq MIO-milu tamanna pillugu saaffigineqartarpugut Avannaanilu angalanitsinnut atatillugu assersuutissaqqissunik takusaqarpugut.

*Akissut: Aalajangiineq allaganngorsimassasoq nalunaaruteqarnermullu ilanngullugu toqqorsivimmuit toqqorneqassasoq immikkut nassuaatini (maannakkut § 19) ilanngunneqarpoq.*

§ 20 imm. 3-mit erseroq, paarsinerluttoqarsimanera, persuttaasoqarsimanera imaluunniit kinguaassiuutitigut atornerluisoqarsimanera pillugu communalbestyrelsi nalunaarummik tigusaqaruni ingerlaannartumik nalunaaqutallu akunneri 24-t iluanni isumaginninnikkut misissuinermit aamma ikiuigallarnermit aallartitsissasoq. Pisunili amerlasuuni ullumikkut takusarparput pissutsit ilungersunartut taakkutut pissuseqartut nalunaarutigineqarneranni sukkasuumik qisuararfingineqarneq ajortut neriuqarporlu inatsisikkut nutaakkut tamanna allangortinneqassasoq.

§ 20, imm. 4-mit erseroq nalunaarummik tigusisoqarnerani, nalunaarut tiguneqartoq pillugu communalbestyrelsi ingerlaannartumik politiinut nalunaaruteqartassasoq. MIO-mi ajoraluartumik tusartarparput kommunit politiinik suleqateqarnissaq paatsorsimagaat, aamma politiit uppernarsaatissanik nassaarsimanngikkaangata, assersuutigalugu kinguaassiuutitigut atornerluinermut tunngatillugu meeqqap ikiorserneqarnissaanut pilersaarutit aamma unitsinneqartarmata. Taamaattoqartarpoq naak meeraq atugarlioraluartoq. Kommunit paasisariaqarpaat politiit atornerluisoqarsimaneranik uppernarsaatissaqarnerat meeqqamut pisussaaffeqarnerminnut apeqqutaanngitsoq, tamanna immaqa inatsimmut ilitsersuummi ersarissarneqarsinnaavoq. Oqaaseqaatituinnaq, aamma ajoraluartumik tusartarparput suliat, politiinut nalunaarutigineqarsimasut, pissutsit ilungersunartut pillugit paasissutissat isumaginninnermut ingerlatsivinnut ingerlateqqinngitsoorneqartartut.

Isumaginninnikkut misissuinerit

Meeqcat Illersuisuat isumaqarpoq ersarissumik nukittorsarneqartoq, inatsisissatut siunnersuutikkut aalajangersimaqqissaartunik piumasaqartoqarnera suut isumaginninnikkut misissuiffigineqasanersut. Tassuunakkut meeqqap inissisimaneranik meeqqallu attaveqaataani isumalluutit piusut tamakkiisumik ersersinnejnarnerannik qulakkeerinnittoqassaaq. Tamatumunnga peqatigitillugu sulianik suliarinnittunut ilinniarsimanngitsunut suliap naammattumik paasissutissartalersornera eqqarsaatigalugu oqinnerulissammat. MIO misissuinermut "Inatsimmit sulinermut" atatillugu meeqqanik suliassaqarfimmi sulianik suliarinnittunik arlalinnik apersuisoqarsimavvoq, misissuineq sunik imaqassanersoq qanorlu aallarteriarneqassanersoq. Siunnersuummik taassuminnga ersarissisinnejassaaq sulianik suliarinnittup suut misissussanerai, meeraq ikiorneqarnissamut pisariaqartitsinera pillugu isummernissamut tunngatillugu.

Isumaginninnikkut misissuinerup qaqlugu naammassineqarsimanissa pillugu piffissaliisoqarnissaa kissaatiginaraluarpoq, Meeqcat Illersuisuata ilimagaa tamanna paasinarsiumaartoq, tak. malittarisassat sukumiinerusut, Naalakkersuisut, tak. § 21, imm. 5-imi aalajangersagaat.

*Akissut: Inatsisissatut siunnersuut akuerineqassappat sukumiisorujussuarmik allaaserineqassasoq malittarisassanilu annertunerusuni suliarineqartussani ilitfersuisoqarnissaa ilimagineqarpoq. Suliat assigiinngitsuuusarnerat pissutigalugu misissuinerup naammassereernissaanik piffissaliisarneq aalajangeruminaassaaq. Taamaammat misissuinerup piffissaq kingusinnerpaamik aallartiffissa suli ilaatinneqarpoq.*

§ 21, nr. 3-mut "ulluunerani paaqqinnittarfik" ilannguttariaqarpoq, taamaalilluni atualinnginnej sioqqullugu aamma ilannguttariaqarpoq.

*Akissut: Ilanngunneqarpoq. Nr. 3 maannakkut uuminnga ilaneqarpoq "Meeqqamik ulluunerani paaqqinnittarfimmi atuarfimmiluunniit pissutsit" (maannakkut § 45).*

§ 31, imm. 3-mi oqaaseq "tulluartumik" peerneqarluarsinnaavoq.

*Akissut: Ilanngunneqanngilaq.*

Akuutitsineq meeqqanillu oqaloqatiginnittarneq  
Meeraq NP Meeqcat pisinnaatitaaffii pillugit isumaqatigiissutaat tunngavigalugu pissutsinut tamanut tunngatillugu nammineq isummaminik oqaatiginnissinnaavoq, soorlu aamma ingerlatsinermi oqartussaasut meeqqap oqaaseqarnissaanut periarfississagaa meeqqallu isumai naleqquatumik pingaartissallugit ukiuinut inerissimassusianullu naapertuuttumik.

Inatsisissatut siunnersuutikkut aamma meeqqat inerissimassusii akuliunnissamullu ukiuinut killiliussat peerneqassasut. Tamanna pitsasuuvoq, sulianik suliarinnittut tamatuminnga nalilersuisuugunik meerarlu akuutillugu. Nalunngilarput ullumikkut amerlanertigut pineq ajortoq

ilaatigut sulianik suliarinnittut ulapinnerat pissutigalugu ilaannilu meeqqanik oqaloqatiginninnis-samut piginnaasat amigarnerat pissutigalugit. Meeqqat Illersuisuata taamaattumik § 22-mi ersetsoq, tassalu aaqqiinermik imaluunniit aaqqiinerup atorunnaarnissaanik aalajangiisoqartinnagu meeqqap oqaloqatigineqarnissaa pitsasutut isumaqarfigaa § 22, imm. 3-mullu nassuaatini suliami allaganngorlugu tunngavilersuisoqassasoq meeraq oqaloqatigineqarsimanngippat.

Inatsisissatut siunnersuutip meeqqanik oqaloqatiginnittarnermut tunngatillugu aningaasatigut kingunissaanik naatsorsuinermit erserpoq ukiumut misissuinerit aalajangiinerillu 500-t aallaavigine-qarsimasut oqaloqatiginninnermullu nalunaarusiamillu allannermut 4 tiimit atugassiissutigineqarsi-masut. Meeqqat Illersuisuat isumaqarpoq misissuinerni, aalajangiinerni, iliuusissatut pilersaarutinik nutarterinerni il.il. meeqqamik ingerlaavartumik akuutitsineq qulakkeerneqassappat tiimit ikinaarneqarsimasut. Meeraq ingerlaavartumik inuunerminut tunngatillugu aamma aaqqiinernut aallartinniarneqartunut isummaminik saqqummiussinissaminut periarfissinneqartariaqarpoq.

*Akissut: Ilimageqarpoq inatsisissatut siunnersuutip kingunerissagaa, meeqqat namminneq pillutik suliani ingerlaavartumik peqataatinneqartassasut, aamma meeqqat namminneq naammagittaallior-sinnaatitaalerterat pissutigalugu, taamaammat meeqqamik qanimat oqaloqateqartarneq pitsaanerpaamillu nutarterisarnissaq pitsaalluinnartuussapput.*

#### Iliuusissatut pilersaarutit

Iliuusissatut pilersaarut sakkuuvoq pingaarutilik ilaatigut anguniagassanut aaqqiinernik aallartitsinermut ilaatigullu aaqqiinermi inuit attorneqartut susoqarnissaanik suullu anguniagaaneri pillugit ilisimasaqarnissaallu qulakkiissallugit Tassuunakkut pilersaarutit aallartinneqartut siunniussat sunniuteqarnissaat periarfissaqarnerussaaq. Taamaattumik angajoqqaatut oqartussaasut suleqatigineqarnissaasa aamma inissiiffissaq pillugu ilisimatitsisarnerup pingartinneqarnerat takullugu nuannerpoq, kiisalu meeqqap paasisinnaasaanik akuutinniarneqarnera ilisimatinneqartarnissaalu nuannerluni. MIO-p misissuinermut "Inuk inuuvoq"-mut atatillugu meeqqat inuusuttullu 33 taakkulu inissinneqarneranut atatillugu misigisimasaat aamma iliuusissatut pilersaarutit pillugit oqaloqatigineqarnerat. Meeqqanit taakkunannga amerlavallaat ilisimanngilaat iliuusissatut pilersaaruteqartoq, sooq tassungarpiaq inissinneqarsimanagerlutik, ikorsiissutit suut pilersaarutaa-nersut, qanoq sivisutigisumik tassaniissanerlutik imaluunniit inissisimaffiat qaqgu isummerfigine-qaqqisanersoq. Meeqqat ilaasa inuunerannut tamanna sunniutilerujussuuvooq. Taamaattumik pingaaruteqartorujussuuvooq, siunnersuummi nutaami iliuusissatut pilersaarutip qitiutinneqarnera – meeqqamut aamma tapersersortimut angerlarsimaffimmi meeqqap isumassorneqarnerminut avatangiisiani suliniutinik aallartitsinissamut atatillugu – aamma tamatumani erseqqissarneqassaaq, taanna pillugu suut isummerfigineqassanersut, taamaasilluni suliami meeqqamut tunngasumi sakkussaalluarsinnaaqquullugu meeqqallu inuttut pisumilu pisariaqartitai aallaavigalugit sulinissaq qulakkeersinnaaqquullugu.

Piumasarineqarpoq iliuusissatut pilersaarut minnerpaamik ukiumut ataasiarluni nutarterneqartasaq, pissutsillu meeqqat atugai allanngoraangata. Aalajangersagaq taanna assut pitsaavoq, tassami meeqqap inissisimanera isiginiarneqarmat pilersaarullu akuttoqatigiissaartumik nutarterneqartartusaammat. Ukiorli ataaseq assut sivisuvvoq, meeraq ingerlanerluppat inissinneqarfialu tamatumunnga qisuarianngippat. Meeqqat Illersuisuat taamaattumik isumaqarpoq inissiinermi iliuusissatut pilersarusiaq qaammatit pingasut qaangiunnerani meeqqap oqaloqatigineratigut nalilersoqqin-neqartassasoq, tamatumalu kingornatigut ukiumut ataasiarluni nalilersorneqartarsinnaassalluni. Meeqqat Illersuisuatali suliamut tamatumunnga isumalluutit ernummataqigalugit oqaatigeqqittariaqarpai.

*Akissut: Ilanngunneqanngilaq. Ammanerusumik periuseqarnissaq piumaneqarneruovoq, tassani iliuusissatut pilersaarutit meeqqap pisariaqartitaanik ineriartorneranillu suliamik ingerlatsinermi missingiinernik tunngaveqassallutik. Tamanna periutsini atorneqassanngippat, ilitsersuinertut isikkulerlugu inassuteqaatit nassiunneqassapput, taakkulu piffissaliinernik taaneqartunik inassuteqaatinillu assigisaannik imaqarsinnaapput.*

Angajoqqaanut meeqqanullu peqqussut

Tak. § 25 kommunalbestyrelsi angajoqqaatut oqartussaassuseqartumut suliassanik naammassisassanik pisussaaffinnilluunniit peqqusisinnaavoq. Peqqussulli eqqortinneqanngippat siunnersuut malitseqartitsinissamut pineqaatissiinissamullu periarfissiinngilaq. Meeqqat Illersuisuata taamaattumik qularutigaa peqqussut kissaatigineqartutut sunniuteqassasoq.

*Akissut: Ilanngunneqarpoq. Angajoqqaanut peqqusisarnerit meeqqanullu peqqusisarnerit pillugit aalajangersakkat siullermeerluni avammut tusarniaareernerup kingorna tusarniaanermi akissutit tiguneqartut tunngavigalugit angajoqqaat akisussaaffeqarnerat meeqqallu akisussaaffeqarnerat pillugit oqaloqatigiinnissamut aggersaasarneq pillugu aalajangersakkanik nutaanik taarserneqarput, tassa taakku "peqqusisarneq" pillugu siusinnerusukkut aalajangersakkatut sunniuteqarnerusumik pitsaanerusumillu sunniuteqartutut isagineqarmata.*

Tak. § 26 kommunalbestyrelsi iliuusissatut pilersaarummut ilaasumik meeqqamut peqqusisinnaavoq. Nassuaatininit erserpoq tamanna pineqaatissiinertut paasineqassanngitsoq pitsaaliusitsinermilli perorsaanermillu siunertaqassasoq. Peqqusisoqassaaq meeraq pissusilersonermigut ajornartorsiopat namminerlu kajumissuseq tunngavigalugu aaqqinnejqarsinnaanngippat. Meeqqat Illersuisuat isumaqarpoq pissusilersonerit inooqatigiinnermit tarnikkut innarligaanermik peqquqteqarsinnaanerat - assersuutigalugu meeraq kinguaassiutitigut atornerlugaasimasinnaavoq - pillaanermut taarsiullugu meeqqap ingerlanerlunneranut tarnikkulluunniit ajornartorsiuteqarneranut ikiornissaanut periarfissinneqartariaqannginnersoq eqqumaffigisariaqartoq. § 26 taamaalilluni taamaallaat atorneqassaaq meeqqap pissusilersonermigut ajornartorsiuteqarnera inooqatigiinnermit tarnikkut innarligaaneranik tunngaveqanngippat.

## Suliniuteqareernermi malinnaaneq

§ 27 naapertorlugu inuuusuttup pineqaatissinneqarsimasup ulloq 18-inik ukioqalerfissaar qaammatinik 6-inik sioqqullugu communalbestyrelsi aalajangiissaq, inuuusuttoq malitseqartitsinissamik neqeroorfigineqassanersoq. Soorlu nassuaatini oqaatigineqartoq inuuusuttut taakku inissiinerup kingornatigut nammineerniarnerminnik ajornartorsiuteqartarpuit tapersersortariaqartarlutillu. Meeqqat Illersuisuata nalilerpaq inuuusuttoq 18-inik ukioqalernissaa qaammatinik arfinilinnik sioqqutsilluni namminiilernissaanut piareersarneqartarnissaa kingusippallaartoq. Inuuusuttup 18-inik ukioqalernissaanut pilersaarutit siusinnerujussuakkut inuuusuttumik oqaloqateqartarnikkut aallartereersimasariaqarput, taamaalilluni ungasinnerusumut ilinniarnissamut, inissarsiornissamut, ineqalernissamut sungiusarnermut tapersersuinissamullu aaqqiissutinut pilersaarusiortoqartariaqarlung.

*Akissut: Malitseqartitsineq pillugu aalajangersagaq (maannakkut § 42) erseqqissarneqarpoq oqaasertaalu allanngortinneqarlutik, taamaasilluni nutaartaani imm. 3-mi ilaneqarpoq communalbestyrelsi aalajangiisinnasaq, malitseqartitsineq inuuusuttunut 18-inik ukiulinniit 23-nut ukiulinnut neqeroorutigineqarsinnaasoq imaluunniit ingerlateqqinnejarsinnaasoq: 1) inuuusuttup siusinnerusukkut neqeroorutigineqarsimasup itigartinnikuunera peqqissimissutigippagu sulilu pisariaqartitsisoqarpat, 2) inuuusuttup inissisimanera allanngorpat, taamaalilluni suliniuteqareernermi malinnaavigininnissamik kingusinerusukkut pisariaqartitsisoqalerluni imaluunniit 3) suliniuteqareernermi malinnaanissaq taamaatinneqarsimappat kingusinnerusukkullu pisariaqartitsisoqaqqilerpat.*

Meeqqat Illersuisuata ernumanartutut isumaqarfingaa kommunip inuuusuttoq malitseqartitsinermik neqeroorfigineqarnissamik pisariaqartitsisoq taamaallaat nalilerpagu inuuusutorlu tapersersortariaqarnerminik nammineq naliliisinneqartassanngippat. Taamaalilluni inuuusuttoq kommunip sinneqar-toorutaanut isumalluutaanullu eqqortianerulissaq. Taamaattumik pitsaavoq inuuusuttup naammagittaalliorsinnaanera qulakkeerneqarmat - malitseqartitsisoqarnissaa pillugu aalajangiisoqarpat aamma malitseqartitsisoqannginnissaa pillugu aalajangiisoqarpat.

Meeqqat Illersuisuata aamma isumaqarpoq inuuusuttut 18-inik ukioqalernerani malitseqartitsinissamik kissaateqarsimannginnerminnut peqqissimisinnaatitaasariaqartut, isummaminillu allanngortitsillutik. Taamaalilluni 18-inik ukioqalereernerup kingornatigut assersuutigalugu ukiup ataatsip iluani communalbestyrelsi qinnuigineqarsinnaasariaqarpoq malitseqartitsinissamik pisariaqartitsisoqarnersoq isummerfigeqqullugu.

*Akissut: Ilanngunneqarpoq. Akissut qualaaniittoq takujuk*

Meeqqat Illersuisuata eqqummaariffigai ikaarsaariarnerit meeqqanut inuuusuttunullu pingaaruteqartusut. Taamaattumik siunnersuutigineqarpoq malitseqartitsinerup naammassineqarnerani

inuusuttut peqatigalugit pisariaqartitsisoqarneranik paasiniaasoqartassasoq, paasiniaanerlu taanna inuusuttoq suliamik suliarinnittoqarpat suliarinnittuanut tunniunneqartassasoq.

*Akissut: Ilanngunneqanngilaq. Maannakkut pisarianngitsutut nalilerneqarpoq.*

#### Pineqaatissiissutit

Kommunalbestyrelsi § 28-ikkut meeqqamik ilaquaanillu ikorsiinissamut arlaqaqisunik periarfissinneqarnera pitsasuuvooq. Meeqqat Illersuisuata pingaartumik nuannaarutigaa § 28, imm. 3, nr. 7-mi meeqqanut inuusuttunullu ullukkut, unnukkut unnuakkullu toqqisisimanartumik ornittagassamik neqerooruteqarsinnaammatt, kiisalu § 28, imm. 3, nr. 9-mi assersuutigalugu ilaquitariinnut ineqarnermut akiligassanut kinguaattoorutilinnut inigisaannit anisitaanissaat pinngitsoortinniarlugu aningaasatigut ikorsiisoqarsinnaammatt, tassami tamanna ullumikkut ilaquitariit meerartaasa inissinneqartariaqalernerannik kinguneqassammat. MIO ajoraluartumik taamaattoqarsimamaneranik saaffigineqarsimavoq periarfissamilu nutaami akuliunneq minnerungaassaaq meeqqamullu misigisaqapilutsitsissanani.

Meeqqalli Illersuisuata apeqquserpaa neqeroorutit tamakku najukkani minnerusuni ilumut piviusunngortinneqarsinnaassanersut.

*Akissut: Kattuffinnit, innuttaasunit oqartussanit kiisalu nakkutilliisunit nalunaarutit takutikkumaarpaat inatsit naapertorlugu Kalaallit Nunaanni assigiinngitsuni ingerlatsisoqarnersoq. Innuttaasut inatsimmi naligiisinneqarput, piffissalli takutikkumaarpaa ingerlatseriaatsimi assigiinngitsunik neqerooruteqartoqalernersoq aamma tapersiisarnermi iliuutsit pillugit inatsimmi neqeroorutit qanoq paasineqarnersut.*

#### Meeqqanik illersuisoq

Meeqqat pisinnaatitaaffii pillugit NP isumaqtigisiissutaanni artikeli 12-im i meeqqap pissutsini imminut tunngassuteqartuni pisinnaatitaaffigalugu tusarneqarnissaa allaaserineqarpoq. Meeqqap pisut ilaanni pisinnaatitaaffimmik tamatuminnga atuinissaminut ikiorneqartariaqarpoq.

Imaassinaavoq meeraq assersuutigalugu kommunimi oqaloqateqarnermi oqaaseqarnissamut sapilertoq imaluunniit kissaatini pisariaqartitanilu oqaasertaleruminaatsikkai. Meeqqat Illersuisuata taamaattumik pingaartippaa meeqqat inuusuttulluunniit malitseqartitsivigineqartut suliamik suliarinnittuusumik oqaloqateqarnerminni tamatigut illersorteqartarnissaat. Ilaannikkut illersuisumik isumaginninnermi inatsisink meeqqallu ineriarornerinik ilisimasalimmik pisariaqartitsisoqarsinnaavoq.

§ 29-ip imaraa inuussutissarsiutigalugu meeqqamut illersorteqartitsinissamut neqerooruteqarnissamut periarfissaq. § 29-ip oqaasertaa naapertorlugu meeqqanut ulloq unnuarlu paaqqinniffimmik nakkutigineqartumi inissinneqartussatut eqqarsaatigineqartut imaluunniit ulloq unnuarlu paaqqinniffimmut nakkutigineqartumut inissinneqareersimasut illersuisumik

ikiorteqarnissamik kommunalbestyrelsi neqerooruteqartussaavoq. Meeqqat Illersuisuat isumaqarpoq meeqqat kommunimi isumaginninnikkut sulianik ingerlasuuteqartut tamarmik (silarsuarmi pitsaanerusumi) taamaattumillu sulianik suliariinnittunik oqaloqateqartartut illersorteqarnissaminnik periarfissaqarlutik ilisimtinneqartariaqartut. Meeqqat Illersuisuata kaammattuutigaa inuussutissarsiutigalugu meeqqamut illersorteqarsinnaatitaaneq annertusineqassasoq, tak. § 29, imm. 2 aamma 3, communalbestyrelsi suliani tamani pisariusutut nalilerneqartuni pisussaaffilerneqassasoq meeraq inuusutorluunniit inuussutissarsiutigalugu meeqqanut illersortimik neqerooruteqarnissamik.

*Akissut: Ilanngunneqanngilaq. Taamaaliortoqarsinnaanera neqeroorutigissallugu iluassagaluaqisoq, meeqqanut illersortit amerlasuut maannakkut pissarsiarineqarsinnaanngitsut nalilerneqarpoq. Taamaammat suliassat sakkortunerit suli salliutinneqarput. Immaqa meeqqanut illersortit naammattumik amerlassuseqartut siunissami ilinniartinneqarsinnaapput atorfinitsinneqarlutillu, taamaalilluni najuuttartut amerlinissaat inatsimmi allatulluunniit iliortluni ilanngunneqarsinnaanerat isumaliutigineqarsinnaalluni. Kommunit aamma, meeqqap tamanna iluarissappagu, inatsimmi allassimasumut sanilliullugu suli pitsaanerusumik sullissilluarsinnaapput.*

§ 29, imm. 2 aamma 3 tunngatillugu Meeqqat Illersuisuat isumaqarpoq meeraq inuussutissarsiutigalugu meeqqanut illersortimik communalbestyrelsip neqerooruteqartussaaneranut naameersinnaatitaassasoq.

*Akissut: Ilanngunneqanngilaq. Kommunit neqerooruteqarsinnaapput, innuttaasulli neqeroorummut akuersisinnaatitaagajuttarput naaggaarsinnaatitaagajuttarlutillu. Meeraq naaggaarsinnaavoq, kisiannili angajoqqaatut oqartussaassusillit meeraq sinnerlugu akuersisinnaatitaapput. Tamassuma allanngortinnissaa kissaatigineqanngilaq. Meeqqamut illersortip meeqqap pisinnaatitaaffisa malinnejqarnissaat qulakkiissavaa, meeqqalli tapersiinissamut naaggaarsinnaatitaanerata inatsimmi ilanngunneqarnissaa pisariaqanngitsaq nalilerneqarpoq.*

§ 29, imm. 4-mi aalajangersarneqarpoq Naalakkersuisut aaqqissuussamut tunngatillugu malittarisassanik sukumiinerusunik aalajangersaassasut. Meeqqanut illersorteqartitsinerup ungasinnerusoq isigalugu inissisimaffeqarnissaa isumannaartariaqarpoq, soorlu aamma akissarsiaqartitsineq, illersortinik arlalinnik piginnaanngorsaanerit, ataqtigiiisaarineq allaffisornerlu aningaasaliiffigisariaqartut. Siunnersuummi aningaasatigut kingunerisassat naatsorsorneqarnerannut atatillugu akissarsiat taamaallaat eqqarsaatigineqarsimapput. Meeqqat Illersuisuata aamma ilisimatitsisutiginiarpaa MIO meeqqanut ikorsiisarneq pillugu inatsisissaq nutaaq pillugu tusarniaanermut siullermut atatillugu Ilaqtariinnermut Inatsisinillu Atuutsitsinermut Naalakkersuisoqarfik (taamani taamatut taaguuteqarmat) isumaqatigiissuteqarfigaa MIO Peqatigiiffik Kalaallit Meerartai suleqatigalugu piffissami suliniuteqarfiusumi meeqqanut illersorteqartitsineq arlaannaanut

attuumassuteqanngitsup ineriertortinnejarnissaa piginnaanngor-saasoqarnissaalu isumaginialugit sulinerlu maannakkut ingerlavooq. Ungasinnerusoq isigalugu meeqlanut illersorteqartitsineq MIO-mi inissinneqarsinnaavoq, aatsaalli aalajangersimasumik aningaasaliivigineqartassappat.

*Akissut: Inatsisissatut siunnersuut akuerineqassappat, tamanna Naalakkersuisut (naalakkersuisoqarfiiup), MIO-p soqutigisaqartullu allat akornanni oqaloqatigiissutigineqartariaqassaaq, taamaalilluni meeqqat illersuisuinik aaqqissuussinerup amerlanerpaanit taperserneqarnissaa, ineriertortinnejarnissaa, pilerinartuunissaa atuutilivinnejarnissaalu qulakkeerneqassalluni.*

Tusarniaanerup kalaallisoortaani meeqlanut illersortimut oqaatsit assigiinngitsut marluk § 29-mi atorneqarsimapput: "Meeqlanut illersorti" aamma Meeqlanut tapersersorti". Tamanna paatsiveerunnermik pilersitsisinnaavoq. Meeqqat Illersuisuata aamma "meeqlanut illersorti" inatsimmi inaarutaasumik atorneqannginnissaa kaammattuitigivaa, tassami innuttaasut akornanni Meeqqat Illersuisuanut atorneqarmat. Meeqlanut illersorteqartitsinermut tunngatillugu Peqatigiiffiup Kalaallit Meerartai aamma MIO aallartissimasaani paatsuineq pinngitsoortinniarlugu "Najorti"-p atorniarlugu toqqarsimavarput meeqlanut illersortimut taarsiullugu. MIO-p inatsisissatut siunnersummi "Najorti"-p assigiimmik atorneqarnissaa kaammattuitigaa.

*Akissut: Siunnersuutip Inatsisartut 2016-imi ukiakkut ataatsimiinnissaanut immikkoortutut saqqumiutinginnerani, inassuteqaat Namminersorlutik Oqartussat nutserisoqarfianut taassuminnga nutserisumut nutsikkallu pitsaassusaanik qulakkeerinnittumut nammineq oqaaseqaateqarani ingerlateqqinneqassaaq.*

Inuttut siunnersorti, inuk attaveqarfigisaq, inuk tapersersorti  
Tak. §§ 30, 31 aamma 32-mi kommunalbestyrelsi periarfissaqarpoq meeraq aamma ilaqtut imaluunniit meeqlamik isumaginnittut inuttut siunnersortimik, inummik attaveqarfigisassamik imaluunniit inummik tapersersortimik neqeroorfiginissaannut, Meeqqat Illersuisuata tamanna tapersersorpaa. Meeqallit Illersuisuata ernummatigaa inuit piginnaasaqarluartut qanoq qulakkeerneqarsinnaanersut tamakkuningga suliaqarsinnaasut assersuutigalugu nunaqarfinni.

*Akissut: Ilanngunneqarpoq. Inatsisissatut siunnersuut sukateriffingineqarpoq aammalu inisisimaneqarut/suliassat pitsaanerusumik nassuiarneqarlutik.*

Meeraq suli erniunngitsoq

Tak. § 34 kommunalbestyrelsi angajoqqaanngulersunut ikorsiissutinik neqerooruteqassapput, inooriaasiat meerassap atugassaanik, ineriertorneranik peqqissusianillu navianartorsiorqatitsippat. Soorlu aalajangersakkami oqaasertalerneqarnerani, neqeroorut pineqarpoq. Meeqqat Illersuisuata kaammattuitigaa angajoqqaanngorlaat atornerluinermit pinngitsaalillugit katsorsartinneqartassanersut isumaliutigineqartariaqartoq oqallisigineqarlunilu, soorlu tamanna

Sverigemi Norgemilu ajornanngitsoq, meeqqap suli erniunngitsoq isumagineqarnissaa qulakkeerniarlugu.

*Akissut: Ilanngunneqanngilaq.*

Meeqqat Illersuisuata ilanngullugu kaammattuutigaa inuuusuttunut angajoqqaanngortussanut 18-it inorlugit ukiulinnut immikkut neqerooruteqartoqartassasoq erninerup kingornatigut immikkut tapersorsorneqartariaqartunut (assersuutigalugu unamminiagassanut tunngatillugu peqatigisaanillu ilinniarnerup paarinissaanut).

*Akissut: Ilanngunneqanngilaq. Angajoqqaanngortussanut tapersiinerit angajoqqaanngortussat, aamma meeqqat namminneq meerartaartussat, pisariaqartitaannut naammattutut nalilerneqarput. Paasinarsissappat meeqqanut namminneq meerartaartussanut taakku naammanngitsut, inassuteqaat qulaaniittoq politikkikku tamatigut eqqinnejarsinnaassaaq.*

Angerlarsimaffiup avataanut inissiineq

Meeqqat Illersuisuata pitsaasutut isumaqarfigaa "inissiinermik" aaqqiineq ikorsiissutitut aaqqiinernit allanit immikkoortinnissaa toqgarneqarsimammat immikkullu eqqartugassartaqarmat, tassami akuliunneq assut ilungersunartoq pineqarmat.

§ 37-mit erseroq kommuni pingitsaaliliunni angerlarsimaffiup avataanut inissiisinnaanngitsoq meeraq illersorteqarnissaminut pisinnaatitaaffeqrnera pillugu nalunaarfingeqaqqaartinnagu. Meeqqat Illersuisuata ilimagaa meeraq § 36 naapertorlugu nammineq kajumissuseq tunngavigalugu inissiinermut atatillugu aaqqiineq, iliuusissatut pilersaarusiorneq pillugu oqaaseqarnissaminut periarfissinneqassasoq kajumissaarneqassallunilu aamma suliani taakkunani meeqqanut illersorteqartinneqarnissaanik, kommunalbestyrelsip nalilerpagu suliaq ilungersunartoq pineqartoq imaluunniit meeqqap angajoqqaallu soqtigisaat assigiinngippata.

*Akissut: Meeqqap nammineq pilluni suliami tamatigut ilisimatinneqartarnissaa peqataavittarnissaalu ilimagineqarpoq, aamma inissiinerit pilligit suliani. Meeraq meeqqamullu pitsaanelerusut tamatigut eqqarsaatigineqartassapput.*

§ 40, nr. 4-mit erseroq, inissiiffik aamma tassaasinnaasoq nammineq sinittarfik, inissiaq, najugaqatigiiffik assigisaalu. Meeqqat Illersuisuata periarfissaq nutaaq taanna tapersorsorpaa pingaartumik inuuusuttunut nammineersinnaanngortinniarlugin malitseqartitsivigineqartunut naleqqummat.

§ 40, imm. 2 aamma 3 inissiinerup ataavartuunissaataqatigiinnissaalu qulakkeerniarneqarpoq. Meeqqap atugarissaarneranut ineriartorneranullu tamanna pingaarutilerujussuuvooq. Ullumikkut ajoraluartumik imaappoq meeqqat inissinneqartut arlaleriaqalutik ilaqtariinnut

paaqqutarinnittartunut nuutsinneqartarlutik, ulloq unnuarlu paaqqinnittarfimmuit naggataatigut inissinneqarlutik. Nuuttarnerpassuit meeqqanut ataasiakkaanut annertuumik kinguneqartarpuit. Taamaattoqartarnera kipitinniarlugu immikkut suliniartoqartariaqarpoq, taamaattoqassappallu angajoqqaarsiat suliassartik suunersoq paasilluarsimasariaqarpaat, kommunip siumoortumik nalilereersimasariaqarpaat angajoqqaarsianngortussat meeqqap aalajangersimasup paarinissaanut nammassinnaassaneraat angajoqqaarsiallu ilitsorsorneqarsinnaanersut siunnersorneqarsinnaanersut tapersorsorneqarsinnaanersullu.

*Akissut: Ilanngunneqarpoq. Ilaqtarsiat suliassamik paasitinneqarluarsimanissaat pingaaruteqartorujussuuvoq. Taamaammat inatsisissatut siunnersuummi sukaterreqittooqarpoq, ilaqtarsianullu inissiinerit siunissami taamaallaat kommunit aaqqissugaannik ilaqtarsianut inissiisoqartassaaq. Inuinnaat akornanni isumaqatigiissutaasumik ilaqtarsianut inissiisarneq inatsit tunngavigalugu inissiinertut isigineqanngilaq, taamaallaallu kommunit aaqqissugaannik ilaqtarsianut inissiisarnermi aningaasatigut tapersiisoqarsinnaavoq.*

Meeqqap mikineraniit atalernissaat immikkut pingaaruteqarpoq, taamaattumik pitsaavoq meeraq pingasut inorlugit ukioqarpat inissiivimmut allamut nuunneqassangimmat, tak. § 40, imm. 3. Ukiui pivallaarnagit meeqqat mikinerat isiginiarneqarsinnaavoq piffissamilu ukiuni pingasuni nuunneqassanatik, atalernissaminnut pisariaqartitsinerat annertummat.

*Akissut: Ilanngunneqarpoq. Aalajangersakkap oqaasertai allanngortinneqarput.*

Meeqqat Illersuisuata aamma kaammattutigerusuppaan meeqqat sivisuumik angajoqqaarsiani ataatsini najugaqarsimasut assersuutigalugu erniarineqarnermi kinguninnguaniilli angajoqqaavinut utertinneqarsinnaanerannut killissalersuisoqartariaqartoq, soorlu uppernarsarneqartariaqartoq akuttoqatigiimmik angajoqqaaminnik attaveqartarsimanerannik. Ajoraluartumik arlalinnik assersuutissaqarpoq meeqqat mikineraniilli ataavartumik angajoqqaarsiaminiissimasut taamaattumillu angajoqqaarsiaminnut qanimut atalersimasunik angajoqqaavinut ilisarisimariarinngisaannut angerlartinneqarsimasunik. Taamaalilluni angajoqqaat isumagineqarnerat salliutinneqarpoq meeraq tunullinngorlugu.

*Akissut: Ilanngunneqarpoq. Aalajangersagaq nutaaq § 37, imm. 3-tut ilanngunneqarpoq, tassani kommunalbestyrelsit ilaqtarsianut inissiinernut akisussaasutut, ilaqtarsiat meeqqalluunniit qinnuteqarnerisigut, meeqqap ilaqtarsianut inissinneqarnera meeqqamut pitsaanerpaaajusutut isumaqarfigineqarpat ilaqtarsianii inissiivimmut allamut nuunneqannginnissaanik aalajangiisinnappaat. Aamma meeqqap ilaqtarsianut inissinneqarnerata ingerlaqqinnissaa meeqqamut pitsaanerpaaajusutut isumaqarfigineqarpat, meeqqap angajoqqaaviminut nuunneqannginnissaanik aalajangiisoqarsinnaavoq*

§ 40. Immikk. § 40. Imm. 4 ulloq unnuarlut paaqqinnittarfimmi immikkoortortamut isumannaallisakkamut inissiinermik imaqrpoq. Ersertariaqarpoq meeqqanik 12-inik 15-inillu ukiulinnik taamaallaat inissiisoqarsinnaasoq allanik periarfissaqangippat. Meeqqat Illersuisuat tassunga atatillugu pingaaruteqartutut isumaqarfigaa inissiinerup inuiaqatigiinnut akuuleqqitsitsiniaanermik siunertaqarnissaa (Meeqqat pisinnaatitaaffii pillugit NP isumaqatigiissutaanni artikeli 40-mi aalajangersarneqarpoq naalagaaffik pisussaaffeqartoq meeqqanut pineqaatissiinerit pillaanermut taarsiullugu inuiaqatigiinnut akueqqitsitsiniarnermik siunnerfeqassasut). Meeqqap immikkoortumut nakkutigisaasumut inissinneqalernerani meeqqap pisinnaatitaaffiisa qulakkeerneqarnissaat pingaaruteqarpoq (politiinit tigummigallarneqarneranit) inissinneqarnerata tungaanut. Tamanna aamma isumaqarpoq, meeqqap atuartussaanera/ilinniarnera qulakkeerneqassasoq. Tamanna ullumikkut ajornartorsiutaavoq kikkut suut suliarissaneraat kommunit, ulloq unnuarlut paaqqinniffiit pinerluttunillu isumaginnittoqarfiup akornanni qulaajarneqarnikuunnginnami. Taamaattumik taakkuninnga suliaqartut akornanni pisussaaffiit ersarissartariaqarput.

*Akissut: Ilaatigut ilanngunneqarpoq. Aalajangersakkap oqaasertai allanngortinneqarput, immikkullu aalajangersakkatut (§ 36) nuunneqarluni.*

Pinngitsaaliinikkut inissiineq

Meeqqat Illersuisuata "Akuersititseqqaarnani inissiineq" paarlattuanik atorneqarnissaa kaammattutigaa, taanna naqissusiivallaanngimmat pillaanertullu nipeqarnani.

*Akissut: Ilanngunneqarpoq. Aalajangersakkat quelequtaasa oqaasertai imatut allanngortinneqarput "angajoqqaatut oqartussaassusillit akuersinerisigut inissiineq" §27) aamma "angajoqqaatut oqartussaassusillit akuersiteqqaarnagit inissinneq" (§28).*

Tikeraarluni angalanerit

Meeqqap, tak. Meeqqat pisinnaatitaaffii pillugit NP isumaqatigiissutaanni artikeli 9 naapertorlugu angajoqqaaminut akuttoqatigiissaartumik attaveqarnissaminut pisinnaatitaaffigaa, meeqqap angajoqqaami aappaannaajorpagu imaluunniit marluutillugit najunngikkunigit. Meeqqat Illersuisuata § 42-mi ukiumut marloriarluni meeqqap imaluunniit angajoqqaatut oqartussaasup imaluunniit inuk alla meeqqap immikkut ataffigisaa tikeraartitsisinnaanera tapersorsorpaa.

Katsorsaanissamut pilersaarutit § 46

§ 46-mi piumasarineqarpoq ulloq unnuarlut paaqqinnittarfiiit ukiumut ataasiarlutik iliuusissatut pilersaarut aallaavigalugu katsorsaanissamut pilersaarusiortoqartassasoq, kiisalu ukiumut marloriarlutik communalbestyrelsimit killiffik pillugu nalunaarusiortoqartassasoq siullermik inissiinerup qaammatit pingasut qaangiunneranni. Meeqqat Illersuisuata meeqqap ingerlalluarnera qulakkeerniarlugu meeqqap pisariaqartitaanik ingerlaavartumik nalilersuiffigineqartarnissaa tapersorsorpaa, isumaqarlunili killiffik pillugu nalunaarusiat meeqqap suliamik suliarinnittuminik

attaveqartarneranik taarsiisinnaanngitsut. Meeqqap inissiivimmi nutaami ingerlalluarnera qulakkeerniarlugu aamma inissiivik pillugu isumaanik saqqummiussinissamut periarfissinniarlugu immikkut pingaaruteqarpoq suliamik suliariinnituata meeraq oqaloqatiginissa. Meeqqat Illersuisuata paasinninnersa naapertorlugu killiffik pillugu nalunaarusiamit ulloq unnuarlu paaqqinnittarfimmit suliarineqartussamit taarserneqarsinnaanngilaq suliamik suliariinnittup meeqqamik attaveqarnera, tak. § 46, imm. 2. Taamaattumik isumaliutigineqarsinnaavoq isumalluutit siunnersuummi matumani eqqortumik atorneqarnersut imaluunniit paaqqinnittarfip meeqqamik suliaqarnini toqqaannartumik isiginiaassannginneraa. Tassunga atatillugu ajornartorsiu taasariaqartoq tassaavoq meeqqap misissuiffigineqarneranut tunngatillugu unamminiagassat, ullumikkut tamanna annertuumik ajornartorsiutaasarmat, tassami inissinneqarnikuunngilaq kia misissuiffigininnermut akisussasaunersoq, soorlu aamma suliamut tessunga piginnaasalinnik qulakkeerinninnissaq ajornartorsiutaasoq.

*Akissut: Ilanngunneqanngilaq. Killiffik pillugu nalunaarusiat suliassanik suliariinnittartup meeqqamut atassuteqartarnera taarsissanngilaat. Kommunit inunniit nakkutilliisussaatitaanerat inatsisisstatut siunnersuummi sukateriffigineqarpoq, taamaammallu suliassanik suliariinnittartup nammieq meeqqamut atassuteqartarnera pillugu killifillu pillugit nalunaarusiat pillugit inatsisisstatut siunnersuummi piumasaqaateqartoqarpoq. Killiffik pillugu nalunaarusiat pingaaruteqartutut nalilerneqarput, tassa ilaatigut iliuuserineqartut kinguneri pillugit allaganngorlugit qisuarriaatinik imaqtarmata, taamaalillutillu meeqqamut maannakkut siunissamilu tapersiinissanik pisariaqartitsinermik paasiaqartarnerup pitsangortinnissaanut tapersiisarlutik.*

Ilaqtariinnut paarsisartunut paarsinissamut akuersissutit

Meeqqat Illersuisuat isumaqarpoq § 47, imm. 4-kkut meeqqamut ataatsimut paarsinissamut akuersissut allaganngorlugu tunniussisoqartarnissaanik piumasaqartoqarnera assut pitsasuuusoq, tassami isumaliutigineqarsinnaagami meeraq angajoqqaarsiallu imminnut tulluunnersut, matumani angajoqqaarsiat meeqqamut eqqortumik tapersersuisinnaanerat ilanngullugu. Pingaaruteqarpoq qulakkiissallugu, angajoqqaarsiat meeqqamut paarisassaminut toqqissimasumik peroriartortsisinnaanerat. Meeqqat Illersuisuata assersuutigalugu Tasiilami meeqqat nammieq kommunillu angajoqqaarsiarititaat atornerluisuusut allatulluunniit meeqqap pisariaqartitaanik matussusiisinnaanngitsut takuai.

Angajoqqaarsiat meeqqamik peroriartornerminni atugarliorsimasunik tapersersuisinnaalluartut qulakkeerniarlugin aamma pingaaruteqarpoq ilitserneqarsinnaasariaqarput siunnersorneqarsinnaasariaqarlutillu, tamanna § 47, imm. 5-imi ersersinnaalluarpoq.

*Akissut: Ilanngunneqanngilaq. Naalakkersuisut, inatsisisstatut siunnersuut akuerineqassappat, ilaqtarsiat il.il. annertunerusunik malittarisassiornissamut pisinnaatinneqassapput. Nakkutiginninnerup ilaqtarsiallu suliamik ingerlatsinerannik inuttullu piginnaasaannik*

*ineriartitsinerup ilaatut tapersersuilluni oqaloqatigiittarneq neqeroorutitut ilanngunneqassanersoq tassunga atillugu immaqa oqaloqatigiinnissutigineqarsinnaavoq.*

Tak. § 48 kommunalbestyrelsip angajoqqaarsiat suliassamik paasinnilluarsimanissaat qulakkiissavaat, ersillunilu minnerpaamik iliusissatut pilersaarummik tunineqassasut. Meeqqat Illersuisuat isumaqarpoq angajoqqaarsiat suliassamik paasinnilluarnissaannut tamanna naammanganitsoq eqqumiigalugulu tamanna taamaallaat kommunit angajoqqaarsiaannut atuutissasoq. Nammineq aaqqissuussamik angajoqqaarsiaqtitsisoqaraluarpallaannit imaassinnaavoq ilaqtariit meeqqamut tunngatillugu ikiorserneqarnissamik aallartitsivigisariaqartut, angajoqqaarsiat ilisimasariaqagaannik.

*Akissut: Inatsisissatut siunnersuummi sukatereqqittoqarpoq, ilaqtarsianullu inissiisarnerit siunissami taamaallaat kommunit aaqqissuussinerisigut pisinnaapput. Inuinnaat akornanni isumaqatigiissuteqarluni inissiinerit inatsit tunngavigalugu inissiinertut isigineqartassanngillat. Inatsisissatut siunnersuut maannakkut aalajangersakkamik (§ 39) imaqpaoq, angajoqqaatut oqartussaassusillit meeraq allani ineqartippassuk, pisortanit tapiissutisisinnaanani namminerisamik isumaqatigiissutigineqartumik ilaqtarsiamitsitsineq pineqassaaq. Kommunimi ilaqtarsiat najugaqarfingisaanni communalbestyrelsi meeqqat ataasiakkat pillugit paarsinissamik akuersissuteqarsimatinngit namminerisamik isumaqatigiissutigineqartumik ilaqtarsiat meeraq qaammatit tulleriit aqqaneq marluk iluanni qaammatit pingasut sinnerlugit ulloq unnuarlu paarisinnaanngilaat. Paarsinissamik akuersissut taamaallaat tunniunneqarsinnaavoq, ilaqtarsianik misissuereernerup kingorna ilimagineqarsinnaappat, taakkunani najugaqarneq meeqqamut iluaqutaassasoq. Meeqyanik inuinnaat akornanni isumaqatigiissuteqarnikkut ilaqtarsianut paarsinissamik akuersissummik pigisaqartunut inissitanik communalbestyrelsi aamma nakkutilliissaaq.*

Aaqqiinerit atorunnaarsitaasarnerat

Meeqqat Illersuisuata pitsasutut isumaqarfigaa, § 50-imi aaqqiinerit atorunnaarsinneqarnerannut atatillugu erseqqissarneqarmat, communalbestyrelsip meeqqap pisariaqartitaanik ingerlaavartumik misissuisassaaq meeqqap ineriarornera angajoqqaallu angajoqqaatut piginnaasaat isiginiartassallugit, meeqqap isumaatigut uppermarsaasersuinermigut, inissiivimmit oqaaseqaatinik pissarsinermigut, meeraq angajoqqaallu angerlartitsinissamut piareersarlugit, angerlartitsinnginnermi siumut sivikinnerpaamik sapaatit akunnerini aqqaneq marlunni nalunaarutigineqarsimasassaaq, kommunillu iliusissatut pilersaarusiornissaa ikorsiiniutillu qulakkeerneqassallutik. Tapersiut Meeqqat Illersuisuat ajoraluwartumik angerlartitsinerni assersuutigalugu ikorsiiniutit pisariaqartinneqartut - qulaajarneqarnatillu piviusunngortinnejqarsimanngitsut. § 50-ikkut tamanna piumasaqaatalissaaq pinngitsoortissinnaassallugulu piareersaateqaqqaarnani pilersaarusoqqaarnanilu meeqqamik angerlartitsinerit, tamanna ajoraluwartumik akuttunngitsumik pisarpoq.

Meeqcat Pillugit Paasisimasalittut Qitiusumik Ataatsimiititaq

Meeqcat Illersuisuata pitsaasutut isumaqarfigaa § 50, imm. 3 aamma § 54-imi angajoqqaarsianit angerlartitsinerit aamma Meeqcat Pillugit Paasisimasalittut Ataatsimiititaliamut saqqummiunneqarsinnaammata tassa imaappoq angerlartitsinissamik aalajangiinissamik inassuteqarneq angerlartitsinerlu ingerlanneqarsinnaanngitsut ataatsimiititaliap oqaaseqaqqaartinnagu. Tamanna meeqqap illersorneqartussaaneranut qulakkeerinninneruvoq.

Meeqcat Illersuisuata ilimagaa qulakkeerinninneq taanna § 35 naapertorlugu nammineq kajumissutsimik inissiinernut aamma § 36 naapertorlugu pinngitsaaliilluni inissiinernut atuuttusoq.

*Akissut: Aalajangersakkap oqaasertai imatut allanngortinneqarput, ullumikkutut taamaallaat ulloq unnuarlu paaqqinnittarfinnut inissiineq pineqarluni. Aalajangersagarli suli annertunersineqarpoq, akuersissuteqartoqartillugu akuersissuteqartoqartinnagulu inissiisarnernut qulakkeerinninnermut atuulluni. Inatsisisstat siunnersuutip avammut siullermearlugu tusarniutigineqarnerata kingorna nalilerneqarpoq, ataatsimiititaliami ilaasortat katitigaanerat ilaanniinnakkullu ataatsimiittarnerit meeqcat pillugit qitiusumi immikkut ilisimasallit aggersarneqartarnerannik aaqqissuussinermut tunngatillugu inissiiviit tamarmik naligiissinneqarsinnaanngitsut. Taamaammat ataatsimiititaliap sulilluarsinnaanera ajoquserumanagu, aaqqissuussineq inisseeriaatsinut taakkununnga marlunnut atuuttussanngorlugu annertusineqarpoq, inissiiviilli tamarmik pineqaratik.*

Perorsaanermi sulinermut ilaattillugu kaasarfimmioqartitsinermik aqutsineq § 56, imm. 5-imit erseroq, Naalakkersuisut ilaatigut kaasarfimmui perorsaanermut ilaattillugu aqunneqarnissaat pillugu sukumiinerusunik malittarisassanik aalajangersaasinnaasut nassuaatinilu erseroq tamanna assersuutigalugu meeraq inissineqarsimasoq ulloq unnuarlu paaqqinnittarfiup najoqquṭassiaanik malinninniassamat. Meeqcat Illersuisuat matumani oqaatigaa kaasarfimmui aqutsineq perorsaarriaatsimik kinguneqartitsisarneq atorneqartariaqanngilaq, inuusuttulli katersinermik ilinniarnissaa siunertaralugu.

*Akissut: Ilanngunneqarpoq. § 55, imm. 6-imut immikkut nassuaatini aalajangersagaq maannakkut imatut oqaasertaqartilerlugu ilanngussisoqarpoq: R "Kaasarfimmui aqutsineq perorsaarriaatsimik kinguneqartitsisarneq atorneqartariaqanngilaq, kisiannili siunertalimmik soorlu assersuutigalugu inuusuttut katersinermik ilinniartillugit, imaluunniit aningaasat naleqarneri pisariaqartinneqarnerilu pillugit."*

Naammagittaalliuuteqarsinnaaneq

Meeqcat Illersuisuat aallaqqaasiummi oqaatigineqartutut assut pitsaasutut isigaa inatsimmi maanna ersermat meeraq isumaginninnermi sulianut imminut tunngasunut naammagittaalliuuteqarsinnaatitaanera meeqqallu naammagittaalliuuteqarsinnaatitaanerani malittarisassat sukumiinerusut qilanaaralugit, tak. § 59, imm. 3. Meeqcat Illersuisuat aamma isumaqarpoq meeqqap naammagittaalliuuteqarsinnaanera pillugu ikiorsiiniutinik suliniutinik aallartitsisoqartariaqartoq assersuutigalugu kommunini suleriaatsit immikkut ittut, meeraq

tamakkuninnga ilisimasaqalernissaanik qulakkeerinnittunik kiisalu naammagittaalliuteqarnermini oqaasertalersuinissamut ikiorneqarsinnaaqquullugu assersuutigalugu inersimasumit ikiorneqarnermigut imaluunniit meeqqanut illersortimit.

*Akissut: Ilimagineqarpoq naammagittaalliorsinnaatitaanerup qanoq atorneqarsinnaanera aamma pisortani oqartussat oqartussallu allat tassunga atatillugu suut mianerissaneraat kiisalu meeqqat qanoq iliorluni peqataatinneqartassanersut tamannalu pillugu ilitsersorneqartassanersut malittarisassani pingaaartinneqassasut.*

Oqaaseqaatit allat

Sulianik suliarinnittunut ikorsiineq

Inatsisisstat siunnersuutip imarai malittarisassat taaguutillu nutaat assersuutigalugu angajoqqaatut piginnaaneqarnermik naliliineq sulianillu suliarinnittup tamakkuninnga sulinerani tapersorsorneqarnissaa pingaaruteqarpoq. Meeqqat Illersuisuat taamaattumik aqtsinerup, allattuiviit, suliat ingerlanneqarnerannut suleriaatsit allaaserineqarnerat kommuninilu sulianik aqtsineq, taamaalillutik sulianik suliarinnittut takusinnaavaat assersuutigalugu aalajangiisoqartinnagu suliami paasissutissartlersuinermi paasissutissat suut ilaassanersut aamma qaqugukkut suliaq ataaseq meeqqanut ataasiakkaanut tunngasut malitseqartitsivigineqassanersut pingaaruteqartutut isumaqarfigai.

Meeqqanut kingunissaat pillugit naatsorsuineq

Meeqqat Illersuisuat isumaqarpoq, kingunerisassanik naatsorsuinermi immikkoortoq "Meeqqanut inuusuttunullu kingunerisassat" ilannguttariaqartoq. Kalaallit Nunaat Meeqqat pisinnaatitaaffii pillugit NP isumaqatigiissutaanut ilanngunnikuuvooq taamaattumillu pisortani namminersortuniluunniit meeqqanut inuusuttunullu tunngatillugu aaqqiinermi taakku atugarisaat salliuinneqarnissaat qulakkeerneqassalluni. "Meeqqanut kingunerisassanik naatsorsuisarneq" skandinaviami nunani arlalinni isumassarsiorfissatut atorneqartarpoq.

*Akissut: Ilanngunneqanngilaq. Imaaliinnarluni naalakkersuisoqarfimmit tapersorneqarnissaa iluassagaluaqisoq, inatsisisstat siunnersuutini tamani allaganngorneri inatsisilioriaatsimi Naalakkersuisut najoqquṭassiaat malinnejassapput, taakkunanilu immikkoortunik kapitalinillu aaqqissuussineq aalajangersarneqarpoq. Inassuteqaalli Namminersorlutik Oqartussat inatsisilerinermi immikkoortortaqarfianut nutarterinermut inatsisilioriaatsimillu Naalakkersuisut naalakkersuisoqarfiisa inatsisisstat siunnersuusioraangamik malitassaannik ineriertortitsinermut akisussaasumut ingerlateqqinnejassaaq.*

Naggataatigut oqaatigiumasat

Eqikkaanermi nalilerneqarpoq siunnersuutikkut meeqqat inuusuttullu siusissukkut tamarmik immikkut ikiorneqarnissaat meeqqallu inuusuttullu suliani imminnut tunngasuni

akuutinneqarnerunissaat periarfissinneqartoq, kommunit inatsisikkut siunnerfigineqartut piginnaasatigut iliuusissatigullu naammassisinnaassappatigut.

Meeqqat Illersuisuat MIO-lu oqaaseqaatit uku itisilerneqarnissaat kissaatigineqarpal piareersimapput.

#### 4) IMAK

IMAK-ip siulersuisua siunnersuut nassiunneqartoq eqqartorpaat imalu oqaaseqaatissaqarlutik.

Oqaaseqaatit nalinginnaasut

Siulersuisut isumaqarput aalajangersakkat inatsimmi ataatsimi ataatsimoortinneqarnerat inunnut meeqqanik inuuusuttunillu sullissisuusunut meeqqamullu pineqartumut siunissami iluaqtaassasoq tamannali innuttaasunut paasiuminaassinjaassagunarpoq taamaattumillu innuttaasunut tunngatitamik ilitsersuutinik quppersagialortoqarnissaa IMAK-imit kaammattutigineqarpoq.

*Akissut: Inassuteqaat malinneqarumaarpoq. Inatsisissatut siunnersuut akuerineqassappat atuagaqqani ilitsersuutit suliarineqarsinnaapput.*

§§-inut ataasiakkaartunut oqaaseqaatit.

IMAK-ip isumaa naapertorlugu § 7-imni aalajangersagaq peerneqassaaq pissutigalugu aalajangersagaq tunngaviusumik Inatsimmut akerliummatt.

*Akissut: Ilanngunneqanngilaq. Inatsisini tunngaviusuni inigisap innarlerneqannginnissaa pillugu malittarisassap pingaernerup saneqqunneqarsinnaaneranut inatsisini tunngaviusuni piumasaqaatit inatsisip akueralugit oqaatsillu aalajangersimasut atorlugit oqaasertalersorneratigut malinneqarput. Aalajangersagaq taamaammat Inatsisiniut tunngaviusunut akerliunngilaq, kisiannili Inatsisit tunngaviusut ataqqineqarlutik.*

Imm. 3 Nakkutilliartornerit amerlassusaat inatsimmi alassimassaaq IKINNERPAAMILLU ukiumut marloriarluni pisassalluni.

*Akissut: Ilanngunneqanngilaq. Nakkutilliilluni pulaernerit pisariaqartitsineq tulleriinnilersuinerlu malillugit pippata nakkutilliinerup angusaqarluarfingeqarnissaanut nalequnnerusut nalilerneqarpoq. Kommunit sumiiffinni nakkutilliinerannut inatsisissatut siunnersuummi piumasaqaatit annertusineqarput, Naalakkersuisullu qitiusumiit nakkutilliinerit pitsaanerulersinneqarluni, taamaammat ilimagineqarpoq nakkutilliineq siusinnerusumut sanilliullugu pitsaanerulingaassasoq akulikinnerungaartumillu ingerlanneqartassasoq.*

§ 10 Aalajangersakkat erseqqissuullutillu inatsimmut ilanngunneqarsimanerat pitsasuuvvoq, tassami paasissutissat sorliit kikkullu akornanni ingerlateqqinnejarsinnaaneri maannamut nalornissutigineqarsimaqimmat. Naak aalajangersakkat taamaattut inatsisartut peqqussutaanni nr 4/1982-imi allassimagaluartut. Tamanna meeqqanut arlalinnut ajunngitsussamut qularnanngitsumik ajoquutasimassaaq.

§ 16 imm. 2 Ilanniartitsisorpassuit ukiorpassuit ingerlanerini nalunaarutigisartakkamik tiguneqarsimanerinik tiguneqarsimannginnerinilluunniit ilisimatinneqartanginnertik ilungersuutigisarsimaqaat. Taamaatumik aalajangersagaq pingaaruteqarpoq.

§ 20 Assersuutigalugu atuarfimmit nalunaartoqarsimatillugu kommunit piaartumik iliuuseqartarsimannginneratut misiginarpoq, taamaammat iliuuseqarnissamut piffissalersuinissaq pingaaruteqarpoq.

§ 25 Aalajangersagaq IMAK-imit atorunnaarsinneqartariaqarsorineqarpoq, tassami angajoqqaat taamatut peqquneqartut amerlanertigut nukissaqarneq ajormata taarsiulluguli pakatsisitsinertut paasineqarsinnaalluni.

*Akissut: Ilanngunneqarpoq. Aalajangersakkap oqaasertai siunertaq malillugu imatut allangortinneqarput, angajoqqaat akisussaanerat pillugu oqaloqatigiinnissamut aggersaasarneq maannakkut pineqalerluni.*

§ 26. Peqqusineq pillugu aalajangersagaq atorunnaartariaqarpoq, malitsinniarnissaa ajornareermat.

*Akissut: Ilanngunneqarpoq. Aalajangersakkap oqaasertai siunertaq malillugu imatut allangortinneqarput, meeqqat akisussaanerat pillugu oqaloqatigiinnissamut aggersaasarneq maannakkut pineqalerluni.*

§ 27 Malitseqartitsisarneq pillugu aalajangersakkat tikilluaqquneqarput pissutigalugu inuuusuttuaqqat amerlavallaartut atuarnerik naammassereeraangassuk puigorneqaannartarmata.

§ 29 Meeqqap meeqqat illersuisuannit tapersorsorneqarnissaa qulakkiissallugu kommunalbestyrelsip pisussaaffigissavaa.

*Akissut: Ilaatigut ilanngunneqarpoq. Meeqqat illersuisui suliamik suliarinnissamut qulakeerinninnej pillugu aalajangersakkatut maannakkut ilanngunneqarpoq, meeqqallu angajoqqaatut oqartussaassuseqartut akuersiteqqaarnagit angerlarsimaffiup avataani inissinneqarneranni aamma ulloq unnuarlut angerlarsimaffimi immikkoortumi isumannaallisakkami inissiinermi kommunalbestyrelsi taamatut maannakkut pisussaaffilerneqarluni (§ 44, imm. 2 aamma 3).*

§ 30 Kommunalbestyrelsi inuttut siunnersortinik meeqqap peroriartorneranut, atuarneranut, ilinniarneranut allanullu ulluinnarni atugaanut tapersersuisussamik neqerooruteqassaaq.

*Akissut: Ilanngunneqarpoq. Tamanna pillugu kapitalitut 6-itut aalajangersagaq nutaaq ilanngunneqarpoq* (§ 20).

§ 31 Kommunalbestyrelsi inunnik attaveqarfissanik inuup pilersaarutaanut qanumut tapersersuisussanik neqerooruteqassaaq.

*Akissut: Inatsisissatut siunnersuutip siullermeerlugu suliarineqarnerani avammut tusarniutigineqartumi inunnik siunnersuisartoqarpoq, inunnik tapersersuisartoqarpoq inunnillu attaveqarfigisartagaqarluni. Inatsisissatut missingiummi nutarterneqartumi uani suliniutit imminnut atanissaat qulakkeerniarlugu tamanna sukateriffigineqarpoq. "Inuit" assigiinngitsut assigiinnik suliaqartut amerlavallaaleriaannaapput, pisinnaatitaaffiillu agguarneri paatsuunganarsileriaannaallutik. Taamaamat tusarniaanermi akissut tungavigalugu inuit marluk ataatsimoortinneqalerput "inuk tapersersuisoq attaveqaataasorlu" aamma inuk siunnersuisartoq tamanut tunngasumik siunnersuisarnermik taarserneqarpoq. Meeqjanut illersuisut tassunga peqatigitillugu suliamik suliarinnittarneq pillugu malittarisassat ilaatut inatsisissatut siunnersuutip naggataanut nuunneqarput, tassungalu taarsiullugu suliamik suliarinnittarnermi qulakkeerinermut ilanngunneqarlutik. Tamassumani meeqjanut illersortit inatsisissatut siunnersuummi inissisimanerat aamma pitsanngortinneqarpoq.*

§ 32 Kommunalbestyrelsi ikorfartortissanik neqerooruteqassaaq.

*Akissut: Inatsisissatut siunnersuutip siullermeerlugu suliarineqarnerani avammut tusarniutigineqartumi inunnik siunnersuisartoqarpoq, inunnik tapersersuisartoqarpoq inunnillu attaveqarfigisartagaqarluni. Inatsisissatut missingiummi nutarterneqartumi uani suliniutit imminnut atanissaat qulakkeerniarlugu tamanna sukateriffigineqarpoq. "Inuit" assigiinngitsut assigiinnik suliaqartut amerlavallaaleriaannaapput, pisinnaatitaaffiillu agguarneri paatsuunganarsileriaannaallutik. Taamaamat tusarniaanermi akissut tungavigalugu inuit marluk ataatsimoortinneqalerput "inuk tapersersuisoq attaveqaataasorlu" aamma inuk siunnersuisartoq tamanut tunngasumik siunnersuisarnermik taarserneqarpoq. Meeqjanut illersuisut tassunga peqatigitillugu suliamik suliarinnittarneq pillugu malittarisassat ilaatut inatsisissatut siunnersuutip naggataanut nuunneqarput, tassungalu taarsiullugu suliamik suliarinnittarnermi qulakkeerinermut ilanngunneqarlutik. Tamassumani meeqjanut illersortit inatsisissatut siunnersuummi inissisimanerat aamma pitsanngortinneqarpoq.*

§ 34. Siusissumik iliuuseqartarnissaq pingaaruteqarluinnarpoq, taamaamat aalajangersakkat pingaaruteqarput.

§ 55 meeqqanut inuuusuttunullu ikorsiissutinut aningaasartuutit kommuninit, Naalakkersuisunit il. il. ingerlanneqartut iluarineqarput.

Oqaaseqaatigineqartut Naalakkersuisoqarfimmit erseqqissaatigeqquneqarpata IMAK tamatumunnga piareersimavoq.

## **5) Foreningen Grønlandske Børn (Peqatigiiffik Kalaallit Meerartaat)**

Foreningen Grønlandske Børn (FGB) Peqatigiiffik Kalaallit Meerartaat matumuuna Meeqqanik ikorsiineq pillugu Inatsisartut inatsisissaattut siunnersuut pillugu tusarniaanermut akissuteqaatinini nassiuppa. FGB-p inatsisisstatut siunnersuut soqutigilluarlugu atuarsimavaa qilanaaaralugulu Naalagaaffiit Peqatigijt meeqqat pillugit isumaqatigiissutaat meeqqallu pisinnaatitaaffii inatsisisstatut siunnersummi ukkatarineqarmata, matuman i laatigut meeqqat imminnut tunngasunik suliani tusarneqarsinnaatitaanerat meeqqallu imminnut tunngasuni suliani naammagittaalliuteqarsinnaatitaanerat eqqarsaatigalugit. FGB pingaartumik siunnersummi § 29-mi meeqqanut illersuisut pillugit immikkut oqaaseqaatissaqarpoq.

Meeqqat illersuisoqarnissaminnut pisinnaatitaaffeqartariaqarput.

Inatsisisstatut siunnersummi § 29 imm. 1-imi allaqqavoq kommunalbestyrelsip meeraq meeqqap illersuisoqarnissaanik ikorfartortissaanik peqarnissaa neqeroorutigisinnaagaa. Paasinninnerput naapertorlugu oqaaseqatigiit taakku Naalagaaffiit Peqatigijt Meeqqat Pisinnaatitaaffii pillugit Isumaqatigiissutaanni aalajangersagaq artikeli 12 naapertorlugu meeqqap isummaminik oqaasinngortitsisinnaaneranut tusarneqarnissaanullu pisinnaatitaaffianik naammattumik qulakkeerinninngilaq, tassami kommunalbestyrelsi meeqqap illersorteqannginnissaanik aalajangiisinnaammat.

*Akissut: Inatsisisstatut siunnersuutip siullermeerlugu suliarineqarnerani avammut tusarniutigineqartumi inunnik siunnersuisartoqarpoq, inunnik tapersersuisartoqarpoq inunnillu attaveqarfigisartagaqarluni. Inatsisisstatut missingiummi nutartereqartumi uani suliniutit imminnut atanissaat qulakkeerniarlugu tamanna sukateriffigineqarpoq. "Inuit" assigiinngitsut assigiinnik suliaqartut amerlavallaaleriaannaapput, pisinnaatitaaffiillu agguarneri paatsuunganarsileriaannaallutik. Taamaammat tusarniaanermi akissut tunngavigalugu inuit marluk ataatsimoortinneqalerput "inuk tapersersuisoq attaveqaataasorlu" aamma inuk siunnersuisartoq tamanut tunngasumik siunnersuisarnermik taarserneqarpoq. Meeqqanut illersortit suliassanik suliarinnittarneq pillugu malittarisassat ilaatut tassunga peqatigitillugu inatsisisstatut siunnersummi kingullinngorlugit nuunneqarput tassungalu taarsiullugu suliassanik suliarinninnissamik qulakkeerutinngortinneqarlutik. Tamassumani meeqqanut illersortit inatsisisstatut siunnersummi inissisimanerat aamma pitsanngortinneqarpoq.*

FGB-p paasinninna naapertorlugu meeqqat tamatigut illersuisoqarnissartik pisinnaatitaaffigiuannassavaat. Suliani immikkut ilungersunartuni meeraq meeqqat illersuisuannik ilinniarsimasumik neqeroorfigineqarsinnaajuaannassaaq.

*Akissut: Ilanngunneqanngilaq. Taamaaliortoqarsinnaanera neqeroorutigissallugu iluassagaluaqisoq, meeqqanut illersortit amerlasuut maannakkut pissarsiarineqarsinnaanngitsut nalilerneqarpoq. Taamaammat suliassat sakkortunerit suli salliutinneqarput. Immaqa meeqqanut illersortit naammattumik amerlassuseqartut siunissami ilinniartinneqarsinnaapput atorfinitisinneqarlutillu, taamaalilluni najuuttartut amerlinissaat inatsimmi allatulluunniit iliortluni ilanngunneqarsinnaanerat isumaliutigineqarsinnaalluni. Kommunit aamma, meeqqap tamanna soqutigisaritillugu, inatsimmi allassimasumut sanilliullugu suli pitsaanerusumik sullissilluarsinnaapput.*

Meeraq oqaasinngortitsisinnaanissaminut ajornartorsiuteqaruni suliamilu imminut tunngasumi illersuisoqarsinnaanngikkuni meeqqap isummaminik saqqummiussisinnaatitaanera meeqqamut akornutaasorujussuarmik innarlerneqassaaq. Meeqqat illersuisoqarnissaanik inatsisitigut piumasaqaatip aamma sulianik sullissinerit nukitorsassavaat, taamaalilluni meeqqamik peqataatitsiniarneq meeqqamut iluaqutaasussamik iluarsiinermik kinguneqartassalluni. Illersuisoqarsinnaatitaanermik inatsisitigut piumasaqaat aamma soorunami inuusuttunut suliniuteqareernerme malitseqartitsiffiusunut aamma atuutissaaq. Pisuni immikkut ilungersunartuni ittuni inuusuttoq meeqqat assigalugit suliniuteqareernerme malitseqartitsiffiusumut ilinniagalimmik meeqqat illersuisuannik neqeroorfigineqartassaaq.

*Akissut: Qulaani akissut takujuk.*

Meeqqat ilinniagalimmik illersuisoqarnissaat pillugu nutaamik aaqqiisoqarnissaanut siunnersuut MIO aamma FBG maanna Nuummi, Sisimini Maniitsumilu ineriartornermut suliniutinik ingerlatsippu, tassani ataatsimoorluta meeqqat illersuisoqartarnissaannut aaqqissuussamik periusissamik ineriaalluta kiisalu meeqqat illersuisuinut ilinniarnikunut meeqqat illersuisutut ilinniakkamik ineriaalluta.

Aaqqissuussaqtan na tamakkerlugu atuutilissasoq takorluugaraarput, kiisalu takorloorlutigu siunissami MIO-mi meeqqat nunatsinneersut tamaasa kissaatigippassuk neqeroorfigisinnaallugit MIO-mi meeqqanut illersuisunit ilinniarnikumik meeqqanut illersuisoqarsinnaanissaat.

Peqatigiiffik Kalaallit Meerartaanni isumaqarpugut inatsisissatut siunnersuummit uannga meeqqat pisinnaatitaaffii nukitorsarneqarnerussasut meeqqanut illersuisoqartarneq (§29-mi eqqaaneqartutut) kommuninit maanna sulianik sullisisumit pinnani MIO-mit aallaaveqaleruni isumagineqartarluni, taannalu peqatigiiffiuvvoq arlaannaannulluunniit attuumassuteqanngitsoq.

*Akissut: Qulaani akissut takujuk.*

Meeqjanik illersuisoqartarneq pillugu siunissami ima aaqqissuunneqassasoq siunnersuutigaarput (§ 29-mi periaassisatut siunnersummut taarsiullugu): kommunip siunissami meeraq isumaginninnikut sullinneqartoq taassuma kissaatigippagu ilinniarsimasumik meeqqat illersuisuannik neqeroorfigineqartassasoq. Sulinermi MIO tassaassaaq meeqqat illersuisuannik ilinniartitsisoq meeqqallu pisariaqartitaat naapertorlugit ilinniartitsilluni meeqqat illersuisuannik.

MIO-mit nuna tamakkerlugu ilinniarsimasumit meeqqat illersuisoqalernissaanik siunnersuutitsinnut itisiliinissamut pisariaqartitsigussi tamannalu soqutigigussiuk piareersimallutalu ammavugut.

Eqqortussaq anguniarlugu eqqaassavarput MIO-p FGB-mut oqaatigisimammag u nuna tamakkerlugu ilinniarsimasunik meeqqanut illersuisoqarnissaanut MIO sulerusulluni.

*Akissut: Qulaani akissut takujuk.*

## **6) NIISIP**

Inatsisisatut siunnersuut Isumaginninnermik Siunnersortit Kattuffiannut NIISIP-mut AK-mulluunniit tusarniaatigineqarsimanngilaq, kattuffiullu tamanna tupigalugulu ugguarnartutuippaa, tassami kommunini ingerlatsivinni isumaginninnermik siunnersortit taakkummata inatsimmik sulinermanni ingerlatsisut kiisalu inatsimmik allannguineq isumaginninnermik siunnersortit ulluinnarmi meeqqanut inuuusuttunullu sulinerannut annertuumik kalluaasussaammat. Taamaattoq NIISIP naalakkersuisoqarfik tusarniaanerani akissuteqarfigerusuppa.

*Akissut: Inatsisisatut siunnersuutip avammut tusarniutigineqarnerani NIISIP-imut AK-mullu toqqaannartumik nassiunneqannginna, siunnersummillu soqutigisaqtut marluk taakku taamaallaat tamanut tusarniaanermi nittartakkami takuneqarsinnaanerat allaffissornikkut ajuusaarnartumik kukkusqarneranik pissuteqarpoq. Oqaatigineqassaarli kukkuneq naalakkersuisoqarfip paasiniariarmagu inatsisisatut siunnersuut NIISIP-imut nassiunneqartoq. NIISIP AK-lu 2016-imi augustip qaammatata naanerani tusarniaanermi akissutit ilanngutereernerisa kingorna tamanut tusarniaasamut pilersaarutigineqartumut atatillugu soorunami toqqaannartumik nassitsivigisassaniissapput. Innuttaasut tamarmik kattuffiillu tamarmik avammut tusarniaanermi nittartagaq takusinnaavaat, aammalu toqqaannartumik nassitsivigineqartut allattorsimaffianni kissaatigineqanngitsumik siunertaanngitsumillu allaffissornikkut kukkusqartillugu, allagaatit uppermarsaatit tamanut tusarniaanermi nassiunneqarnerat tuppallersaatigineqartariaqarpoq. Inatsisisatut siunnersuut, nassuaatit tusarniaanermilu allagaqaat aamma tusarniaaffigineqartut allattorsimaffiat tamanut tusarniaanermi nittartakkami tamanit pissarsiarineqarsinnaapput.*

Meeqjanut ikorsiisarneq pillugu Inatsisartut inatsisissaattut siunnersuutikkut meeqqat inatsiseqartitsinakkut inissisimanerat ukkatarineqarpoq. Taamaammat sulianik sullissinermi aalajangersimasumik sivisussusilimmik sularineqartarnissaat eqquunneqarpoq.

Meeqqap pisinnaatitaaffiisa patajaallisarnissaat NIISIP-p isumaqtigaa aalajangersimasumillu piffisaliilluni sullissisarnissap atuutsilernissaat pitsasutut isigalugu.

Sulianik sullissisunut ataasiakkaanut aalajangersimasumik piffissalersuineq annertuumik sulisitsinerulissaq, taamaammat pingaarluinnarpoq killilimmik piffissaliussat eqquutsinniarlugit kommunit amerlanernik sulisoqalernissaat.

*Akissut: Ilaatigut ilanngunneqarpoq. Piffissarititat inatsisissatut siunnersuummi arlalinni sivitsorneqarput, taamaalilluni ingerlatsivinni sulisunut immikkut piumasaqaateqarani taakku malinneqarsinnaassallutik.*

NIISIP ilisimavaa kommunit isumaginninnermi ingerlatsivinni sulianik sullissisunik ullumikkut sulisussarsiornerminnik sulisunillu attassiinnarniartarnerminnik annertuumik unammilligassaqartut. Inatsisartut inatsisaannik uuminnga atortuulersitsinakkut aalajangersimasumillu piffissaliilluni sullissinissat eqqartorneqartut atuutsilernerisigut NIISIP-p eqqoriarpa komunit ullumikkutut sulisussaqarniarkut inissisimatillugu inatsimmi piumasaqaatinik naammassinninniarnissaat ajornakusoortorujussuussasoq. NIISIP taamaammat pisariaqarsoraa inatsimmik atortuulersitsinakkut sulianik sullissisartussanik atorfinnik pilersitsinakkut isumalluutinik annernik malitseqartinneqassasoq. Taakku saniatigut nuna tamakkerlugu komunit kalaallinik isumaginninnermik siunnersortinik qanoq sulisussarsortarnissaat attassiinnartarnissaallu pillugit pilersaarusiornissaat pisariaqarpoq.

*Akissut: Tusaatissatut tiguneqarpoq.*

Ilumoortoq tassaavoq Kalaallit Nunaanni isumaginninnermik ilinniarnikut 240-t sinneqarmata, affaannaasali missaat ilinniakkaminnik sulillutik. Piffissami kingullermi takuarput sulianik sullissisussaaleqineq peqquaalluni kommunini meeqqat ilaqtariillu pillugit immikkoortortani suliassat qaleriaaginnalersimanerat kiisalu meeqqat inuuusuttullu atugarliortut pillugit nalunaarutiginninnerit quisuarfigineqartarsimannnginneri.

NIISIP-p qularutiginngilaa meeqqanut ikorsiisarneq pillugu Inatsisartut inatsisaat ullumikkornit pitsaanermik "meeqqanut inuuusuttunullu illersuinermut ikiunermullu atorneqassaaq, meeqqat inuuniarnikkut atugarliortut imaluunniit immikkut pisariaqartitsisut immikkut siunnerfigalugit."

NIISIP-p Inatsisartut inatsisissaattut missingiut pillugu oqaatigaa kommunit suliassat assigiinngitsorpassuit PINNGITSOORATIK suliassarigaat taamaalillunilu isumaginninnermik siunnersortit assigiinngitsorpassuarnik oqimaatsunik suliaqartarlutik.

Kommuninut ataasiakkaanut suliassat nutaat **PISARIAQARTUT SULIARINEQARTUSSALLU** aaqqissusseqinnermik piumasaqaatitaqassapput, suleriaatsit assigiinngitsut isumaginninnermik siunnersortit immikkoortortani assigiinngitsuneersut meeqqanut inuuusuttunullu sulisut malitassaat annertuumik allannguiffigineqassapput. Suliat tamakku suliarinissaannut pisariaqassaaq sulisut amerlassusaasa allanngortinnissaat, pingaartumik kommunini isumaginninnermik ingerlatsivinni oqartussaqarfik eqqarsaatigalugu, aamma isumaginninnermik ingerlatsivimmi immikkoortuni allani kommunit meeqqanut pitsaanerpaamik ikorsiiniarneranni.

Taama allannguiniarneq minnerpaamik piumasaqaatigissavaat isumaginninnermik ingerlatsiviit ataasiakkaat suleriaatsiminnik allannguinissaat, tassani pisariaqassalluni suleriaatsimik allannguinermi sulusumut (+innuttaasunullu ataasiakkaanut) naatsorsuutigineqarsinnaasumik suleriaaseqartoqarnissaa, suliassat ilinniarnikunik suliarineqarlutik meeqqamullu pitsaaneq isiginiarneqarluni. Aamma sulianik suliarinninnermi pitsaassutsimik qulakkeerinninniarnerni periaatsit isiginiarlugit (ass. sulusup suliai tamarmik piareersarneqarsinnaallutik taassumanngalu kingorna suliareqqinneqarlutik innuttaasumut suliffimmullu iluaqutaasumik).

Taamaammat sulineq aaqqissuunneqartariaqarpoq NIISIP-llu kissaatigaa kommunit tarnikkut avatangiiserissaartumik suliffimmik pilersitsinissamut sinaakkusiussasut peqataanerutitsisussamik, sulianik nuannarinninnermik allisitsumik kiisalu pitsaasumik patajaatsumillu sulianik sullissineq ingerlalernerinik kinguneqartunik, tamanna aqutsisunit isumagineqarluni kiisalu NIISIP-mit pingaartinneqartumik aaqqissuussaasumik suleriaaseqalerluni, taamaalilluni inunnik isumaginninnermik siunnersortit ataasiakkaat meeqqanut taassumalu ilaquutanut kiisalu inuaqatigiinnut pitsaanerpaamik sullissinermik kinguneqartumik.

*Akissut: Kommunalbestyrelsit akisussaaffii pillugit aalajangersakkat "-sinnavoq" aamma "-saaq" atorneqarneranni pisinnaatitaaffeqarnerup isumaginnittoqarfinnilu aqutsisusut ingerlatsinerullu tulleriinnilorsorneqarnerisa aaqqissuunneqarnerisalu kommuninut allaffissornikkut oqinnerunissaat siunertaavoq.*

NIISIP isumaqarpoq inuaqatigiinni paasineqartariaqartoq isumaginninnermik ingerlatsiviit suliaat qanoq pingaaruteqartigisut, taakkulu tamarmiullutik Kalaallit Nunaanni najugaqarfinni ataasiakkaani innuttaasunik ataasiakkaanik inuaqatigiinni ineriaartortitsinermik tunniussisumik.

NIISIP suliaminut atatillugu maluginiaqqullugu tikuassavaa assersuutigalugu kommunini isumaginninnermik siunnersorterpassuit suliaasa amerlasuut ilaqtariit eqqugaasut isumaginninnermilu sullitat suliffeqanngitsut ikiorserniarlugit annertuumik pakkersimaartarpaat

taamaalillutik suliffeqarnermut kalaallinut allanut naleqqiullugit sivisunermik piffissamik atuiffiusarlutik. Meeqcat Kalaallit Nunaata siunissarai taamaammallu siunissami suliffeqarfinnut pingaartumik inissisimasussaallutik. Taamaammat NIISIP-mit pingaartinneqarpoq isumaginninnermik siunnersortit innuttaasullu qanimut suleqatigiinnissaat suleriaatsimilu innuttaasoq oqartussanut uteqattaartinnagu ataatsimut sullinnissaa. Kalaallit Nunaat taama ittunik suliniuteqaruni NIISIP isumaa malillugu ukiualunnguit qaangiuppata "tamanna imminut akilissaaq". Taamaammat SULIAT AMERLASSUSAAT sulisullu amerlassusaat Meeqyanut ikorsiisarneq pillugu Inatsisartut inatsisissaattut siunnersummut tunngatillugu ilaapput pingaartut.

*Akissut: Tusaatissatut tiguneqarpoq.*

## **7) Kommune Kujalleq**

Kommunip 27. maj 2016-imiit 1. juli 2016-imut killiligaalluni Ilaqtariinnermut, Naligiissitaanermut Isumaginninnermullu Naalakkersuisoqarfimmait meeqyanut ikorsiisarneq pillugu Inatsisartut inatsisissaattut siunnersuut suliarisimavaa.

Inunniq Isumaginninnermut Ingerlatsiviup Borgmesterip allaffiani pisortaaqataalluni siunnersorti Michael Mikkelsen suleqatigalugu inatsisissatut siunnersuut oqaaseqaatitalik misissorsimavaa, siunnersuullu kommunip inunniq isumaginninnermut ataatsimiititaliaanit ulloq 30. juni 2016-imi oqallisigineqarpoq. Kommuni kinguliiniittunik oqaaseqaateqarnissaminut pissutissaqarluni isumaqarpoq:

### **Ataatsimut isigalugu**

Inatsisissatut siunnersuutikkut siunertaavoq pisortat meeqyanut inuusuttunullu inunniq isumaginninnikkut suliassaasa arlalippassuit pitsaanerulersinneqarnissaat. Taamaaliorneq meeqyanut inuusuttunullu inatsisartut inatsisaannik atuuttumik annertuumik annertusaaneruvooq. Taamaakkaluartoq kommunimi isumaqarpugut siunniunneqartutut pitsanngorsaatissat ilaat amerlasuut inatsisissatut siunnersuuteqarnikkut naammassineqarnavianngitsut.

Pingaartumimmi kommunimi isumaqaratta suliassanik akisussaaffinnillu agguassisimancerup erseqqissarniarneqarnera anguneqarnavianngitsoq; paarlattuanik kommunimi naliliisoqarmat inatsisissatut siunnersuut piginnaatitaaffit akisussaaffillu pillugit annertuumik nalornilersitseqataaginnassasoq. Aaqqissuussaanermut tunngatillugu oqariartaatsinik nutaanik atuisoqarpoq taakku pisortat ingerlatsineranni inatsisitigut inissisimancerat ataasiakkaarlutik akunnerminnilu erseqqararlulluni.

*Akissut: Ilanngunneqarpoq. Inatsisissatut siunnersuutip oqaasertai ersarissaavigineqarput pitsaanerusumillu ilusilersorneqarlutik.*

Tamakkua saniatigut inatsisissatut siunnersuut tamakkununnga tunngasuni inatsisinut allanut nalinginnaasumillu pisortat ingerlatsineranni inatsisitigut malittarisassanut tunngatillugu eqqarsaatiglluagaanngilaq, soorlulusooq inatsisissatut siunnersuut malittarisassanut nutaanerpaanut UPA 2016-imi suliarineqarsimasunut, pingartumik inunnik isumaginnitoqarfiup aqunneqarnera aaqqissuussaaneralu pillugit Inatsisartut peqqussutaata allanngortinnejnarnera pillugu Inatsisartut inatsisaat nr. 14, 6. juni 2016-imeersumut (inunnik isumaginninnermi malittarisassanik kommunit ingerlatsiunnaarsitaanerat) 1. juli 2016-imi atuutilersumut aamma inunnik paassisutissat pillugit inatsisip Kalaallit Nunaannut atuutilersinnejnarnera pillugu kunngip peqqussutaanik Kalaallit Nunaanni Namminersorlutik Oqartussat atuutilersitsinerat pillugu Inatsisartut aalajangiiffigisassaattut siunnersummut, Inatsisartut akuersissutigisimassappassuk 1. september 2016-imi atuutilersinnaasumut, naapertuussaasoqarsimanngitsoq.

Inatsisissatut siunnersuuttaaq pisortat tapersuersueriaasiinut sorlernut, ikorsiinissamik neqeroorutitut pissusilinnut, aamma sorliit pinngitsaaliisummik naammassineqartarsinnaanerannut tunngatillugu ersernerluppoq.

Pisussaaffiit ilaat inatsisissatut siunnersuutikkut kommuninut suliassangortinnejartut ullumikkut atuutereerput nutaamillu eqqarsartariaqalernissamik pisariaqartitsineq malittarisassat atuuttut erseqqarlunnerannik imaluunniit kommunit tamakku malinniarlugit naammattumik iliuuseqartannginnerannik pissuteqanngilaq. Kommunit ajornartorsiutiginerpaasaat inatsisissatut siunnersuutikkut aaqqiivigineqarnavianneqitsoq piginnaanilinnik sulisusanut tunngatillugu, minnerunngitsumik Nuummiunngitsoq, sulisussarsiortarnermi sulisorinniinnarniartarnermilu pissutsit ajornartorsiutaalluinnarneranniippoq.

Pingaauteqarpoq inatsisissatut siunnersummi ataatsimut isigalugu takuneqarsinnaasariaqarmat suut piviusorsiortumik kommunini (Naalakkersuisunilumi) allaffissornikkut aqutarissallugit ajornannginnersut, tassami inatsisitigut aalajangersakkat allaffissornikkut aqunneqarsinnaanngitsut inatsisinut ataaqqinninneq nukillaariartortitseqataaffigisinnaammassuk.

Tamakku saniatigut inatsisissatut siunnersummi kommunit aningaasartuutissaannik missiliuinerat eqqarsarnartoqarluinnarpoq kommunilumi akornanni assigiinngissutsit naatsorsuutigineqarsimanngillattaq.

Inatsisissatut siunnersummi Naalakkersuisut allaffissorermut tunngatillugu malittarisassanik itisilerutaasunik aalajangersanissaannut assut amerlasuunik piginnaatitaaffilorseqarniarput. Inatsisikkut aalajangersagaq kisimiilluni allassimasussaatinngu Naalakkersuisut inatsisissatut siunnersummi Inatsisartut nassuaattariaqarpaat, qanoq piginnaatisssutinik aalajangersakkat atorneqarnissaat eqqarsaatigineqarnersoq.

Taamatuttaaq inatsisilerinermi oqaasilerinermilu pissusissamisuunngitsorpaalussuit inatsisisstatut siunnersuummiippuit.

Ataatsimut isigalugu kommuni naliliivoq inatsisisstatut siunnersuut saqqummiunneqarneratut iluseqartillugu akuersissutigineqassappat meeqqat inuusuttullu inatsisitigut inissisimanerat ajorseriassasoq, piffissaagallartillugu pisariaqartinneqartumik ikiorserneqarnissaminnut periarfissaat eqqarsaatigalugit taamatullu sulianik suliarinnittarnermut tunngatillugu pitsaassusissamut aamma meeqqat ilaquaasalu inatsisitigut isumannaatsuunissamut tunngatillugu.

Inatsisisstatut siunnersuut taama anguniagarissaarfiutigisoq Kalaallit Nunaanni meeqqanik inuusuttunillu isumaginninnermi nukilaaqutit aaqqinnejarnissaannut tunngaviusussaq kommunimi naliliinerput malillugu sukumiisumik piareersarneqartariaqarpoq tamakkuninnga suliallit susassaqtut immikkullu ilisimasallit tamaasa peqataatillugit, siunertamullu naleqquttimik taamaaliortoqarsinnaassaaq inatsisisamik piareersaanermut ataatsimiititaliarsuarmik tunngaveqarluni.

*Akissut: Inatsisisstatut siunnersuut siullermeerluni avammut tusarniaanerup siulliup kingorna tusarniaanermi akissutit ilangutereernerisigut annertuumik nutarterneqartoq, oqaatsitigut erseqqissarneqartoq pitsaanerusumillu aaqqissuunneqartoq naliliisoqarpoq. Inatsisisstatut siunnersuut pillugu innuttaasunit pisortanilu oqartussaasunit tusarniaanermi akissutit suliamut attuumassuteqartut sapinngisamik amerlasuut tigunissaat qulakkeerniarlugu, inatsisisstatut siunnersuut nutartigaq 2016-imi augustip naanerani tamanut tusarniutigineqaqqissaaq (aappaat), taamaalilluni inatsisisamik siunnersummik soqutigisaqartut tamarmik inatsisisamik siunnersuut annertuumik nutartigaq isummerfigeqqinniassammassuk, aamma meeqqanut tapersiisarneq pillugu Inatsisartut inatsisissaattut siunnersuut 2016-imi ukiakkut ataatsimiinngermermi Inatsisartuni suliarineqartussanngorlugu saqqummiunneqannginnerani tusarniaarnermi akissutiminnik annertunerusunik nassiussisinnaaniassammata.*

Kommunip inatsisisstatut siunnersuummi aalajangersakkanut ataasiakkaanut taakkununngalu oqaaseqaatinut oqaaseqaatigiumasai

Inatsisisstatut siunnersuummi oqaaseqaatit nalinginnaasut

Siunnersuummut tunuliaqutaasut pingarnertullu siunertarineqartut pillugit immikkoortoq 1.1-imi atuarneqarsinnaavoq siunnersuummi Haagerimi meeqqat illorsorneqarnissaat pillugu nunat tamalaat isumaqatigiissutaat innersuussutigineqarpoq. Erseqqissarneqartariaqarpoq nunat tamalaat isumaqatigiissutaat sorleq pineqarnersoq (immaqami nunat tamalaat isumaqatigiissutaat 1993-imeersoq) tassami meeqqanut tunngassuteqartunut Haagerimi nunat tamalaat isumaqatigiissutaat 2012-imeersoq Kalaallit Nunaannut atuuttussanngortitaanngimmat.

*Akissut: Ilanngunneqarpoq. Oqaatsitigut erseqqissaasoqarpoq.*

Immikkoortumi tassani atuarneqarsinnaavoq "Inatsisisstatut siunnersuutikkut Naalagaaffiit Peqatigiit meeqqat pillugit isumaqatigiissutaat arlalippassuartigut atuuttussangortinneqartoq".

Taamaanneraaneq arlaatigut nalornisoqalernissaanut pissutissaqalersitsivoq, tassami kommunimiit innersuussutigissagatsigut nunat tamalaat isumaqatigiissutaat taanna Kalaallit Nunaannut atuuttoq. Inatsisartut peqqussutaanni atuuttumi aalajangersakkamik ikkussisoqarsimavoq Naalakkersuisut nunat tamalaat isumaqatigiissutaat atuutsilissagaat inatsisisstatut siunnersuummi nangeqqinnejarsimanngitsumik. Inatsisisstatut siunnersuutikkut nunat tamalaat isumaqatigiissutaat "arlalippassuartigut" atuutsinneqalersimasumik oqartoqarsimanera tulluartuunngilaq.

Tamatumuunakkummi nalornisitsisoqalersinnaammatt Kalaallit Nunaata inuit pisinnaatitaaffiit pillugit pisussaaffini nunat tamalaat isumaqatigiissutaat tamakkerlugu malinniarlugu malinniarnerai.

*Akissut: Ilanngunneqanngilaq. Siunnersuut meeqqat pillugit isumaqatigiissummi "piginnaatitaaffinnik allattuvimmittunik" tamanik imaqarsinnaanngilaq, tassa inatsisisstatut siunnersuummi meeqqat inuttut atukkatigut navianartumiittut (amma inuuusuttut) anguniarneqarmata. Inatsisip taassuma meeqqat pillugit isumaqatigiissummiittunik tamanik imaqarnissaa inatsisisstatut siunnersuummi siunertaanngilaq, tassa meeqqat pillugit isumaqatigiissutip ilaannik atuutilersitsisutut inatsisit ilagissagaat inatsisisstatut siunnersuummi siunertarineqarmat.*

Nalinginnaasumik oqaaseqaatini immikkoortoq 2.3-mi allassimasoqarpoq inunnik isumaginninnermik suliaqartut sulianik suliarinnitarnerannut misissuisarnerannullu erseqqissunik malittarisassaqanngitsoq. Tamanna eqqoqqissaanngilaq tassami sulianik suliarinnitarnermut inatsis nalinginnaasumillu pisortat ingerlatsineranni inatsisitigut tunngavissaq inunnik isumaginninnermik suliassani atuummata inatsisitigut paatsuugassaanngitsumik atugassaatinnginneqarsimatinngagit.

*Akissut: Ilanngunneqanngilaq. Naliliisoqarpoq ingerlatsinermi inatsisini periutsinik pisortallu suliassanik suliarinnitarnerat pillugu inatsimmik ilanngussigaluaraanniluunniit, isumaginninnermik suliaqarnermi misissuinerit qanoq ingerlanneqarnissaannik sunik imaqarnissaannik il.il. ersarilluinnartunik aalajangersagaqanngitsoq.*

Immikkoortoq 2.8 oqaatigineqarsimapput "ulloq unnuarlu neqeroorutit tamatigoortut". Taamaakkaluartoq kommunimi tamakku pillugit aalajangersakkat inatsisisstatut siunnersuummi nassaarisinnaasimanngilagut.

*Akissut: Ilanngunneqarpoq. Nassuaatini nalinginnaasuni oqaatsitigut erseqqissaasoqarpoq ilaatigullu oqaatsit atorneqartut allanngortinneqarlutik.*

Immikkoortoq 3-mi, pisortanut aningaasaqarnikkut allaffissornikkullu kingunerisassai, aningaasartuutaanerulersussanut missiliuinerpaaluit taaneqarsimapput. Kommuninut tunngatillugu

missiliuinerit taakku ajoqtigaat kommunit akornanni aningaasartuutaasartut assigiinnginnerat eqqarsaatigineqarsimangimmat.

*Akissut: Ilanngunneqanngilaq. Assigiinngissutaasinnaasut taamaattut kommuninit saqqummiunneqartariaqarput kommuninullu ataatsimut tapiissutit isumaqatiginiutigineqarneranni oqallisigineqarlutik.*

Inatsisip taaguutaa

Inatsisissatut siunnersuummi pineqarportaaq inuuusuttut 18-ileereersimasut ikiorneqarsinnaanerat, tamatumunngalumi naleqquttumik taaguutaa iluarsineqartariaqarpoq.

*Akissut: Ilanngunneqanngilaq. Inatsisissatut siunnersuummi anguniakkat pingarnerit tassaapput meeqqat inuttut atukkatigut navianartumiittut (18-it tikillugit ukiullit), aamma naak inuuusuttut (inuuusuttut siunnersuummi nassuaaserneqarput 18 – 23 ukiullit) suliniuteqareernermi malinnaavignerisigut taperserneqarnissaat pitsanngortinneqaraluartoq, takutitsinissaq eqqarsaatigalugu meeqqat taperserneqarnissaasa inatsisissatut siunnersuummi peqarnerat pillugu qulequataa inatsimmi uani ingerlatiinnarneqarpoq. Taamaammat malitseqartitsineq imatut paasineqassaaq meeqqat perornerusimasut inersimasunngornissamullu pitsaasumik ikaarsaariarnissamut ikiorneqarnissamik pisariaqartitsisorujussuit. Inatsit tunngavigalugu taaguutit meeqqat kikkuunersut (0-17 ukiullit) inuuusuttut kikkuunersut (18-23 ukiullit) kikkullu inersimasuunersut (18-inik ukioqalernermiit) paatsuungassutigineqannginnissaat qulakkeerniarlugu inuuusuttut nassuaaserneqarnerat tassunga peqatigitillugu inatsisip oqaasertaani ilanngunneqarput siunnersuummullu nassuaatini ersarissumik nassuiarneqaqqillutik. Inuuusuttut taamaalillutik siunnersuummi aamma inersimasuupput. Meerarli inuuusuttuunngilaq, meerarlu inersimasuunani. Suliniuteqareernermi malinnaanerit neqeroorutigineqarsinnaapput, meeqqat meeraanermiit inersimasumut ikaarsaariarmerani meeqqanut tapersiisarneq pillugu inatsisissatut siunnersuut naapertorlugu (inuuusuttut) taperserneqarnissamik pisariaqartitsisut nalilerneqarpat. Taamaattoqassappat iliuuseqareernerup kingorna malitseqartitsinertut ingerlanneqassaaq. Siunnersuummili siunertaanngilaq inuuusuttut meeqqatulli taperserneqassasut, meeqqalli meeqqatut ineriartorneranni taperserneqassapput meeqqallu immikkut tamarmik pitsaasumik mianerinnillunilu inersimasutut inuulernissamut ikaarsaariarnissaat qulakkeerneqassaaq, pisariaqarpallu meeqqat inersimasuunermut ikaarsaariartut suliniuteqareernikkut malinnaavignerisigut inatsisissatut siunnersuut malillugu inuuusuttuuneranni neqerooruteqarnikkut inersimasunngornissamut taperserneqassallutik, taamaalillutik inersimasuunermut pitsaasumik ikaarsaariarnissaat qulakkeerneqassalluni.*

§ 1

Oqaasertaliunneqarsimasut "uunga atorneqassapput" ersernerluppoq, kommunimimi siunertanut aalajangersakkatut imaliinnarlugu atuaratsigu inatsisillu atorneqarfissaanik killiliinerunngitsutut.

Aalajangersakkamut oqaaseqaatini erseqqissarneqarsimavoq taamaallaat ikorsiisoqartassasoq angajoqqaat meeraq pisariaqartinneqartutut isumassorsinnaasimanngippassuk. Taamaakkaluartoq toqqarlugit ikorsiinissamut periarfissat immikkullarissumik isumassuinngitsoortoqartillugu atugassatut killiligaanngillat.

*Akissut: Ilanngunneqanngilaq. Aallaavik tassaavoq angajoqqaat meeqqat inuunerissaarnissaannut, peqqissuunissaannut ineriertornissaannullu pingaarnertut akisussaasuusut.*

### § 3

Aalajangersakkakut kommuni peqquneqarpoq "suleqataalluni orniguttarlungilu" meeqqat tamarmik pitsasunik ineriertornerminni atugassaqartitaanissaat suleqataaffigissagaa.

Tamatumuuna ajornartorsiuq qaangiinnagassaanngitsoq pilersinneqarpoq soorunalimi kommunit periarfissaqarnavianngimmata - periarfissaqartoqarnaviarnaniluunniit Europami inuit pisinnaatitaaffii pillugit nunat tamalaat isumaqatigiissutaanni inuit nammineerlutik ilaqtariittullu inuunerata ataqqineqartussaatitaanera pillugu art. 8-mi killiliussat iluanni - ilaqtariinnik meerartalinnik tamanut pimoorussamik nakkutillinissaminnut. Taamaattumik inatsisitigut assigiinngisitaartumik kommunit meeqqanik ilaqtariinnillu meerartalinnik nakkutillininerisa suliarineqarnissaat pisariaqartinneqarpoq.”

*Akissut: Ilanngunneqanngilaq. Taamaakkaluartoq inatsisip oqaasertai ersarissarneqarsimapput pitsaanerusumillu ilusilersorneqarsimallutik. Aamma § 7, imm. 2-mut 3-mullu innersuussisoqarpoq.*

### § 4

Kommunimi isumaqarpugut eqqarsaatigineqartariaqartoq inuit inatsit malillugu ikiorneqarnissamik neqeroorfigineqartussat neqeroorfigineqarsinnaasulluunniit pissusissaatut ineqarnerat aallaavigalugu taamaallaat killiliivigineqassasut. Taamaammat pissutsit arlaqarput meeqqat angajoqqaavisalu ineqarnerminni atugarisaannik assigiimmik paasinniffiusinnaanngitsut.

*Akissut: Ilanngunneqanngilaq, § 4-li meeqqat Kalaallit Nunaata avataani inissinneqartut annertunerusumik mianeriniarneqarnissaannik annertusitinneqarpoq.*

Immikkoortoq 2-mut tunngatillugu inatsisip oqaasertaasa inatsimmullu oqaaseqaatit akornanni naapertuutinngitsoqarpoq, inatsisimmi oqaasertaani meeqqat Kalaallit Nunaata avataani inissinneqarsimasut taakkartorneqarmata inatsimmulli oqaaseqaatini meeqqat Danmarkimut inissinneqarsimasut taakkartorneqarlutik.

*Akissut: Ilanngunneqarpoq. Annertusineqarpoq oqaatsitigullu erseqqissaasoqarluni, taamaalilluni aalajangersakkami meeqqat Kalaallit Nunaata avataani inisseqqasut pineqarnerat ersarissumik allaqqalerluni. Immikkut oqaaseqaatit imaalerput: "Aalajangersakkut matumuuna takussutissinneqarput Inatsisartut Inatsisaanni §§ 2, 27, 28, 31, 32, 41 aamma 42 kiisalu nalunaarusiat § 41, imm. 3 tunngavigalugu suliassiissutaasimasut, aammattaaq meeqqanut pisortat ikiorssiissutaat tunngavigalugit Kalaallit Nunaata avataanut inissiinernut atorneqarsimasut, ilaatigut Danmarkimut.*

## §6

Aalajangersagaq nalornilersitsivoq kommunit aqunneqarnerat pillugu inatsimmut aamma isumaginnittooqarfiup aqunneqarnera pillugu inatsimmut tunngatillugu meeqqanik inuuksutunillu suliassat suliarineqartarnerannut tunngatillugu.

Isumaginnittooqarfiup aqunneqarnera aaqqissuussaaneralu pillugit Inatsisartut Peqqussutaat nr. 9, 30. oktober 1998-imeersukkut kommunit assigiinngitsunik qaffassisusilinni aalajangiisinnaatillugit siusinnerusukkut ilusiliussaasimasoq atuuttoq atorneqarunnaarpoq. Taamanernit kommuneqarfiup annikitsuinnarmik aalajangiiffeqarsinnaanera atuuttuarsimavoq.

Tamatuma kinguneraa inunniq isumaginninnermi suliassat suliarineqarneranni kommunimi aqutsinermi suliakkiisarnermut nalinginnaasumik tunngavigineqartut malinnejnarerat. Kommunalbestyrelse aalajangiisinnaatitaavoq, suliassaq ataatsimiitsitaliani ataavartuni suliarineqassanersoq, imaluunniit aallartitanik borgmesteri kommunemilu pisortaqarfik orninneqartariaqassanersut.

Taamaammat paasiuminaalluinnarpoq ataatsimiititaliap siulittaasuata aalajangigaa sooq kommunalbestyrelsimit akuersissutigisassanngorlugu saqqummiunneqassanersoq.

Taamatuttaarmi ilimanarpoq aalajangersagaq nukinginnartunik inissiisoqarneranut atatillugu atoruminarnerussasoq, taamaassappallu inatsisissatut siunnersuummi § 37, imm. 3-mut nuunneqartariaqarluni.

*Akissut: Ilanngunneqarpoq. Siulittaasup aalajangiisarnera pillugu aalajangersagaq (§6) § 6-imik nutaamik taarserneqarpoq, maannakkullu imatut allaqqalerluni: "Kommunalbestyrelsip qulakkiissavaa, aalajangiinerit, soorlu meeqqap tassanngaannartumik pisariaqartitai utaqqisinnaanngitsut eqqarsaatigalugit, suliassaq communalbestyrelsip pilersaarutitut ataatsimiinnissaanni suliarineqassasoq, piffissami communalbestyrelsip ataatsimiinnerisa akornanni allatut aalajangiiffiqeqassasoq. Suliassat nukinginnartut communalbestyrelsimit ingerlaannartumik suliarineqartassapput, taamaalillutilu ataatsimiitsitaliat imaluunniit communalbestyrelsit ataatsimiinnissaat siumoortumik pilersaarutaasut il.il. utaqqisariaarutissallugit.*

*Imm. 2. Imm. 1 malillugu ikorsiinermik aalajangigaq unereersimassagaluarpalluunniit kommunalbestyrelsip ataatsimiinnerani tullermi ilisimatitsissutigineqassaaq.*

## § 7

Inatsisisamut oqaaseqaatini aalajangersakkap inunnik isumaginninnermut ingerlatsiviup pisortatigoortumik ingerlatsinermut akisussaaneranik erseqqissaasoqarnissaa maqaasinarpooq.

*Akissut: Ilannungeeqarpoq. Tamanna pillugu immikkut oqaaseqaatini tamanna allaqqalerpoq maannakkullu imatut aallarniuserneqarluni: "Aalajangersakkami pineqarpoq isumaginninnikkut sullissiviup isumaginninnikkut pisortaqarfimmik sullissinera."*

Aalajangersakkami imm. 2 imaliinnarlugu nalorninartoqarpoq, tassami Kalaallit Nunaanni eqqartuussiveqarnermut inatsimmi §§ 597, imm. 3-mi, takuuk 632, imm. 2, allassimammat politiit eqqartuussissutit naammassineqarnissaannut oqartussaasutut "angajoqqaatut oqartussaassuseqarnerup oqartussaassuseqalersimanngitsunullu sinniisutut sulinerup malitsinnejarnissaannik kiisalu meeqqat najugaqarnerat pillugu inunnik isumaginninnermut ataatsimiititaliap aalajangigaasa malitsinnejarnissaannik" naammassinnittussaasut.

Kommunimi pissaanermik atuineq eqqartuussivilersuussinermik sulisumik akuliutsitsinani pissutini ajornartorsiulernermi pisinnaatitaaffinnik atuinissamut piumasaqaatit naammassineqarsimatillugit taamaallaat tapersorsorneqarsinnaavoq.

Eqqartuussiviit sulinerat naalagaaffiup susassaqarfigaa Inatsisartullumi eqqartuussiveqarnermut inatsimmut akerliusumik malittarisassanik atuutsitsilerninnaangillat.

*Akissut: Ilannungeeqarpoq. Oqaatsitigut maannakkut erseqqissaasoqarpoq, taamaalilluni § 7, imm. 2-mut immikkut nassuaatini immikkoortuni marlunni siullerni imatut allaqqalerluni: "Aalajangersagaq tapertaqartinneqarpoq Kalaallit Nunaanni eqqartuussiveqarnermi inatsisinik §§ 597, imm. 3, tak. 632, imm. 2 tassani ersersinneqarluni eqqartuussummik naammassisitsiniaasartup akiliisitsiniaaneq tunngavigalugu takuneqarsinnaavoq, tassa eqqartuussummik naammassisitsiniaasartoq ikiuussinnaasoq "taamatulli atortuutinnejassaaq eqqartuussutinik naammassinniniaasartup ikiuunnissaa pisariaqaleraangat angajoqqaatut oqartussaassutsimik sernissuisuusoqartitsinermillu atortitsiniarnermi kiisalu meeqqap najorallagassaanut tunngatillugu isumaginninnermi ataatsimiititaliap aalajangiinerinik atortitsiniaanermi. Naammassinniniaaneq pisassaaq § 631 malillugu.*

*Pinnitsaaliissummik tunngaveqarmat inunnik isumaginnittoqarfimmi sulisunut aporaannertaqlunilu navianartorsiulerninnaavoq. Taamaattumik sulisut navialitinnejannginnissaat qulakkeerneqartariaqarpoq eqqartuussummik naammassisitsiniaasartup pinerluttaalisitsisutut*

*suliaqarsinnaatitaanera atorlugu tak. eqqartuussiveqarnermi inatsit § 632, imm. 2, pisuni taamatut ittuni atorneqarsinnaasoq. ”*

## § 8

Imm. 2-mut oqaaseqaatini inunnik isumaginninnermik suliani assigiinngitsunik suliallit suleqatigiissinnaanerat innersuussutigineqarpoq. Kommunimit eqqaasitsissutigineqassaaq inatsisitigut malittarisassat maannakkut atuuttut 1983-imeersuummata kissaatiginassagaluarlunilu malittarisassat taakku ajunnginnersut misissoqqissaarneqarnissaat imaluunniit ajornanngippat inunnik isumaginninnermik inatsisitigut malittarisassanut allanut ilanngussuunneqarnissaat, assersuutigalugu aqtsinermut peqqussummut.

*Akissut: Tusaatissatut tiguneqarpoq.*

§ 8, imm. 4, isumaginnittoqarfip aqunneqarnera aaqqissuussaaneralu pillugit inatsisartut peqqussutaanni § 1-imut naleqqiullugu imaaliinnarlugu pisariaqanngitsutut pissuseqarsorinarpooq. Isumaqaarnarpoq aalajangersagaq ulloq unnuarlu paaqqinnittarfinnut imminnut pigisunut tunngatillugu toqqaannartumik immikkoorluinnartunik imaqartoq taamaammallu kapitali 10-mut ulloq unnuarlu paaqqinnittarfinnut tunngassuteqartumut nuunneqarnissaat eqqarsaatigineqarsinnaalluni.

*Akissut: Ilanngunneqarpoq. Aalajangersagaq § 9-mut nutaamut nuunneqarpoq, taamaalilluni kommunalbestyrelsit Naalakkersuisullu nakkutilliisarnerat immikkoortinneqarlutik.*

Soorunalimi Naalakkersuisut paaqqinnittarfinnut Naalakkersuisut nammineerlutik ingerlataannut nakkutilliisussaasutut nassuiassagaanni tamanna isumaqarpiarnavianngilaq.

*Akissut: Ilanngunneqanngilaq. Naalaakkersuisut nakkutilliisussaatitaaneranni nammineq ulloq unnuarlu paaqqinnittarfutit pineqarput.*

## §§ 9 aamma 10

Aalajangersakkut allaffissornikkut immikkoortortaqarfik nutaaq saqqummiunneqarpoq, "nakkutilliisoqarfik".

Inatsimmut oqaaseqaatini ajoraluartumik allaaserineqanngilaq immikkoortortaqarfip taassuma §§ 12 - 14-imi immikkoortortaqarfimmut taamatuttaaq nutaajusumut "Qitiusumik Siunnersuisarfimmut" tunngatillugu pissusiviusutigut sulisoqarnikkullu qanoq inissismanera. Kisiannimi erseqqissuuusariaqarpoq nakkutilliisoqarfip pissusiviusutigut inuttalersugaanermigullu siunnersuisartoqarfimmik isumalluuteqannginnissaat. Immikkut ittumik ajornartorsiuteqartoqalissaq immikkoortortaqarfiiit taakku marluk naalakkersuisoqarfip ataatsip ataanut inissismassappata.

*Akissut: Ilanngunneqanngilaq. Naalakkersuisoqarfimmi maannakkut ingerlatsivinnik aaqqissiuussaanermi "immikkoortortaavoq", ingerlatsinermili ajornartorsiutaanersoq nalilersorneqanngilaq.*

Ersernerluppoq nakkutillinermut oqartussaasut akuliussinnaanerata qanoq innissaa inunniq isumaginnittooqarfiup aqunneqarnera pillugu inatsimmi §§ 7a - 7g-mi atuutilersinneqartunut tunngatillugu.

Ersernerlupportaaq inunniq isumaginnittooqarfiup aqunneqarnera pillugu inatsimmi §§ 7a - 7g-mi akuliussinnaanerit aamma inatsisissatut siunnersuummi matumani §§9-10-mi akuliussinnaanerit allaffissornikkut qanoq aqunneqassanersut tassa kommunip suliat suliarineqarnissaat Qitiusumik Siunnersuisartoqarfimmut suliassanngortissimagaangagu.

*Akissut: Ilanngunneqarpoq. Inatsisissatut siunnersuutip oqaasertai ersarissaavagineqarput pitsaanaeruseumillu ilusilersorneqarlutik. Inatsisissatut siunnersuut aaqqissuuteqqitaq "apeqqummut" tassunga tulluartumik "akissuteqartutut" nalilerneqarpoq.*

§ 10, imm. 1-ip pisariaqartitaanera paasiuminaappoq aalajangersakkamimi taaneqarsimammat kinaassutsimut upternarsaammik takutitsinikkut eqqartuussiviillu aalajangiiseqqaarnagit paasissutissanik tunniussisoqarsinnaasoq. Oqartussaqarfiit akornanni paasissutissanik paarlaasseqatigiinneq sulianik suliarinninnermut inatsimmi malittarisassat malillugit pisarpoq, immaqalu 1. september 2016-imiit inunniq paasissutissanut inatsit tunngavigalugu aamma pisinnaalissalluni. Toqqaannartumik paasissutissanik tunniussineq qaqtigooortumik pisassaaq, qulaanilu malittarineqartussat aallaavagineqartuassapput.

*Akissut: Ilanngunneqanngilaq. Inatsisit taakku marluk najoqqutarineqarsinnaanermigut inatsisitut allatulli naleqartigippuit. Inatsisit taakku marluk imminnut aporaaffeqassagaluarpata, pisortat ingerlatsiviini tamani inunnut paasissutissanik suliaqarnermut inatsimmut nalinginnaasumut (inunnut paasissutissanut inatsit) naleqqiulluni, meeqqanik suliaqarnermut inatsit immikkut ittoq (inatsisissatut siunnersuut) pingarnerutinneqarluni atorneqassaaq. Kommunit paasissutissanik taamaattunik tunniussinnginnissamut pisinnaatitaaffiannut sanilliullugu nakkutilliviup paasissutissanik suliamut attuumassuteqartunik pissarsisinnaanissaa inatsisissatut siunnersuummi sallutinneqarpoq.*

Takujuminaappoq § 10, imm. 2 piviusorsiortunik imaqrnersoq sulianik paasissutissiisarneq pillugu pisortat ingerlatsisinnaatitaaneranni malittarisassat nalinginnaasut saniatigut.

*Akissut: Ilanngunneqanngilaq. Aalajangersagaq maannakkut oqaatsitigut erseqqissaavagineqarpoq.*

§ 10, imm. 3-mut inatsisissatut siunnersuutip oqaaseqaatitai, oqaaseqatigiinnut "aalajangersagaq kommunimi ataatsimiitaliamut siulittaasup piginnaatitaaffiisa "sakkukitsumik" assigaannut [...]" oqaaseqatigiinnut tunngatillugu pisortat ingerlatsisinnaatitaanerat uuttuitigalugu aallaaviqassagaanni imaaliiinnarlugu paasineqarsinnaanngilaq.

*Akissut: Ilanngunneqarpoq. Oqaasertaliineq taaneqartoq peerneqarpoq, immikkullu nassuaat oqaatsitigut erseqqissaavagineqarluni pitsaanerusumillu aaqqissunneqarluni.*

§§ 12-14

Kommunip §§ 9 -10-mut oqaaseqaatigisani innersuussutigissavai.

Paasiuminaappoq pisortat ingerlatsineranni akisussaaffik qanoq ilillugu inissinneqassanersoq suliaq Qitiusumik Siunnersuisarfimmit kommunimut eqqunngitsumik kaammattuteqartoqarnera pissutigalugu kukkusumik aalajangiivigineqassappat.

*Akissut: Ilanngunneqarpoq. Inatsisissatut siunnersuut oqaatsitigut erseqqissaavagineqarpoq aammattaaq tamassumunnga immikkut nassuaatini. Kommunalbestyrelsit aalajangiinerni ingerlatsinermi akisussaasuupput, tamannalu § 14-im i pingartumik § 14, imm. 2-im immikkut nassuaatini erseqqissarneqarpoq. Immikkoortortaqarfik soorunami akisussaasuuvvoq, qulliunerusumillu isigalugu taassuma sulisitsisuani.*

§ 15

§ 15, imm. 1-imut oqaaseqaatini titarnertaami kingullermi allassimasoqarpoq kommunip meeqqap atugarisai misissussagai nalunaarutiginninneq kinaassutsimik paasissutissiinertaqanngikkaluarpalluunniit.

Kommunimiit paasiuminaatsilluinnarpalput qanoq ililluni kommuni paasissutissat suminngaanneernerannik ilisimasaqarfiginngisat imaluunniit allamik pissuteqartumik eqqortuunersut misissorneqarsinnaanngitsut tunngavigalugit sukumiisumik misissuisarsinnaassanersoq. Kinaassutsimik oqaatiginninnani nalunaarutiginninneq tunngavigalugu misissuineq taamaalilluni nalinginnaasumik pinngitsoorani peqataasunik tusarniaanermut tunngavigineqarsinnaanngilaq.

*Akissut: Ilanngunneqanngilaq. Misissuineremi sammineqartoq tassaavoq meeraq ilisimatinneqartussaq soorunalumi qanigisai isumassorneqarfissaalu, nalunaaruteqartullu kinaanerata ilisimaneqannginnera nalunaaruteqarnerup misissorneqannginneranut pissutaasariaqanngilaq.*

§ 15, imm. 2-mut oqaaseqaatini allaaserineqarsimavoq innuttaasumut nalunaarutiginninnermik tunniussaqartumut suliap ingerlanera pillugu ilisimatissuteqartoqartassanngitsoq. Tamanna

aallaaviatigut eqqorpoq kisiannili kommunimi inunnik paasissutissaataateqarfik pillugu inatsimmi paasissutissanik ingerlatsitseqqinnermut atatillugu nalunaarutiginnittussaatitaaneq pillugu §§ 28 aamma 29 malillugit taamatut tunngaveqarneq tamakkiisumik ingerlatiinnarneqarsinnaanersoq naliliisoqarnissaa maqaasineqarpoq.

*Akissut: Ilanngunneqanngilaq. Nalunaaruteqarnerup tiguneneranik uppernarsaat nalunaaruteqartup saniatigut inuit pillugit paasissutissanik imaluunniit inuit pillugit paasissutissanik mianerineqartussanik imaqtariaqanngilaq.*

#### §16.

Aalajangersakkamut oqaaseqaatini nalunaarutigineqartoq inuttut allassimavoq naak sakkortusisamik nalunaarutiginnittussaatitaaneq pingarnerusutigut pisortani suliffeqarnermik imaluunniit pisortani suliaqarnermik tunngaveqaraluartoq.

Taamaammat paatsuunganarpoq nalunaarutiginnittoq suliamut attuumassuteqartutut inissisimannginnerneqarmat. Suliani pisortani oqartussaasut pisortani oqartussaasunik allanik suleqatiginniffisaanni pisortat ingerlatsineranni inatsisitigut peqataasunik paasinnittaatsit taamatut suleqatigiinnermut pisariaqartitaanngillat.

*Akissut: Ilanngunneqanngilaq. § 16, imm. 2-mut, immikkoortoq kingullermut, immikkut nassuaatini allaqqasutut suliap ingerlanneqarnera pillugu nalunaaruteqartup ilisimatinneqarnissamut pisinnaatitaaffeqannginners erseqqissarniarlugu nassuaat ilanngunneqarpoq.*

#### §18.

Inunnik paasissutissaataateqarfik pillugu inatsisip Kalaallit Nunaannut atuutilersinneqarnerata kingornatigut oqartussaasunut Kalaallit Nunaanniittuunngitsunut paasissutissanik ingerlatitseqqissagaanni pisariaqalerpoq oqartussaasut tigusisussat nunat pingajuattut isumannaatsuunissaq pillugu inunnik paasissutissaataateqarfik pillugu inatsimmi § 27-mik naammassinnissimanissaat.

#### §19

§ 18-imut siuliini oqaaseqaatigineqartut innersuussutigineqassapput uungalumi qitiusumik nalunaaruteqartarnermut paasissutissaateqarfik sukkulluunniit inunnik paasissutissaateqarfik pillugu inatsimmi piumasaqaataasunik naammassinnissimasussaammat.

Tamakku saniatigut suliat suliarineqartarnerannut tunngatillugu siunertat suut taamatut nalunaaruteqartarnermut periaatsikkut iluaqtaassanersut nassuaateqartoqarnissaa ujartorneqarpoq.

*Akissut: Kommuni nalunaarutinik tiguneqartunik nuna tamakkerlugu tamanik takunnissinnaalertitsineq.*

## § 20

Imaaliinnarlugu suliat suliarineqartarnerannut piffissaliussanik piumasaqaatit sukangasuit piissusiviusutigut kommuninit naammassineqartarsinnaanissaat ilimanangilaq.

Immikkoortoq 3-mut oqaaseqaatini sukumiilluinnartumik allaaserineqarsimavoq qanoq "paarsinerlunnerit, annersaanerit imaluunniit kinguaassiuutitigut pinngitsaaliiherit" paasineqassanersut. Taamatut sukumiilluinnartunik qanoq paasineqarnissaannik nassuaatit piissutsit nassuaatini toqqaannartumik allaaserineqarsimatinnagit nalornilersitsisinnapput.

*Akissut: Ilanngunneqarpoq. Piffissaritinneqartut inatsisissatut siunnersuummi nutarterneqarpoq ataasiakkaallu annertusineqarlutik, taamaalilluni kommuni isumaginnitoqarfinnit tamanit nunami sumi inisisimancerat apeqqutaatinnagu malinneqarsinnaanissaat isiginiarneqarluni.*

*Immikkoortualunngorlugit nassuaatit paasinninnissamut ikiutaapput, aammali, soorlu erseqqissarneqartoq, pisuni allaaserineqartunut naleqquteqqissaanngitsuni nalornilersitsisinnallutik. Nalilerneqarporli paasinninnissaq annertunerpaamik annertusisikkaat, taamaammallu immikkoortualunngortinnerat allanngortinnejqarani. Tamanna pillugu oqaatsitigut erseqqissaasoqarpoq.*

## § 21

Ersernerluppoq - inatsisissatut siunnersuummi § 28-mut ikorsiissutissarpaalussuarnut neqeroorutitut nassuiarneqarsimasunut sanilliukkaanni - tamakku qinnuteqaateqaqqarani akuersissuteqartitseqqaaraniluunniit aallartinneqartarsinnaassanersut.

*Akissut: Inatsisissatut siunnersuut imatut paasineqassaaq, neqeroorutit pingaarnertut malittarisassatut akuerinissaannut pisussaaffeqartoqanngitsoq, inuilli ataasiakkaat akuerinissaannut pisinnaatitaaffeqartut. Neqeroorutit taamaammat inatsisissatut siunnersuummi allatut allanneqarsimanngippata, assersuutigalugu § 28-imi nutaami angerlarsimaffiup avataani inissiisoqartussaanera, itigartinneqarsinnaavoq.*

Imm. 4 immikkullarissumik oqaatsinik atuiffiuvvoq "aalajangiisoqassalluni ikorsiissutinik aallartitsinissamut tunngavissaqarnersoq". Pisortat ingerlatsineranni inatsisitigut aallaaviusarpoq oqartussaaffeqarfiup isummernera, neqeroorummik, peqqussuteqarnermik, inerteqquteqarnermik pinngitsaaliihermilluunniit atuinissamik kinguneqanngitsoq pisortat ingerlatsineranni inatsisinik tunngaveqarluni aalajangiinerusarani. Suliniuteqareernermi malitseqartitsisarneq pillugu siunnersuummi § 27-mut tunngatillugu oqaaseqaatini paatsuugassaanngitsumik allassimasoqarpoq taamatut oqaasertaliinissaq ilisimaalarugu atorneqarsimasoq suliniuteqareernermi malitseqartitsisoqanngitsoortoqartillugu naammagittaalliorqarsinnaanera qulakkeerniarlugu.

Taamaakkaluartoq § 21-mut oqaaseqaatini allassimasoqanngilaq taamatut eqqarsartaaseqarneq tassani atuunnersoq.

*Akissut: Eqqarsartariaatsip taassuma assinga uani atuuppoq. Inatsisissatut siunnersuummi oqaatsitigut erseqqissaasoqarpoq pitsaaneruseumillu aaqqissuunneqarluni, pissutsillu taakku ilaat siunnersuummi nutartikkami paasineqarsinnaanerat maannakkut pitsaanerulerpoq.*

Imm. 5 aalajangersakkamut oqaaseqaatinut naapertuitinngilaq, tassami inatsisip oqaasertaani taamaaliortussaatitsisoqarmat oqaaseqaatinili taamaaliorsinnaatitsisutut allaaserineqarsimalluni.

*Akissut: Ilangunneqarpoq. Kukkunermik tunngaveqarpoq. Maannakkut aaqqinneqarpoq.*

Kapitali 7:

Inatsimmi kapitalip qulequataa inatsimmut oqaaseqaatini kapitalip qulequutanut naapertuitinngilaq. Kisianni oqaasertaliussat taakku marluk arlaannaalluunniit §§ 22 - 27-t imarisaannut atorsinnaasutut eqqoqqissaanngillat. Taaguut naleqqunnerusoq tassaasinnaavoq "Immikkut ittunik sulianik suliariinnilertarnerit aamma suliniuteqareernerimi malitseqartitsisarneq".

*Akissut: Inatsisissatut siunnersuummi oqaatsitigut erseqqissaasoqarpoq pitsaaneruseumillu aaqqissuunneqarluni. Kapitali suliassanik suliariinnitarneq pillugu malittarisassanik imaqartoq inatsisissatut siunnersuummi kingusinnerusumut maannakkut ilangunneqarpoq, neqeroorutillu inatsisissatut siunnersuummi siusinnerusumut inissinneqarlutik.*

§22:

Inatsimmut oqaasertaliussani paasinarsisinneqartariaqarpoq pisortat ingerlatsineranni inatsisinut tunngatillugu meeqqanik oqaloqateqarnerit qanoq ingerlanneqartassanersut, suliad suliariineqartarnerat pillugu inatsimmi peqataasut sinniisoqartarnerat pillugu § 8-mut tunngatillugu aamma peqataasut tusarniaavagineqarneranni malittarisassanut tunngatillugu.

*Akissut: Ilangunneqanngilaq. Meeqqanik oqaloqatiginnitarneq pillugu malittarisassat sukumiinerusut § 43, imm. 4-mi pisinnaatitsinermut aalajangersakkat naapertorlugit Naalakkersuisut aalajangersarneqarsinnaapput.*

Imm. 3-mut oqaaseqaatini innersuussutigineqarpoq oqaloqatigiittooqarnerani inuup toqqisisimanartitaasup imaluunniit meeqqanik illersuisartup meeraq ikiorsinnaagaa.

Pinngitsaaliiinkut arsaarinnittarnerit eqqaassanngikkaanni (inatsisissatut siunnersuummi § 37) inatsisissatut siunnersuummi § 28-mi siunniunneqarpoq meeqqamik illersuisuliineq ikorsiissutissatut neqeroorutaassasoq. Taamaammat ersernerluppoq meeqqanik illersuisartoq qanoq iliorluni suliap taamatut killikkallarfiani illersuisunngortinnejarsinnaanersoq, tassa arlaatigut ikorsiinissamik neqerooruteqartoqarnissaanik aalajangiisoqarsimatinngagu.

*Akissut: Ilanngunneqarpoq. Inatsisissatut siunnersuutip oqaasertai ersarissaavigineqarput pitsaanerusumillu ilusilersorneqarlutik. Suliassanik suliarinninnissamut qulakkeerinninnerit, soorlu meeqqanut illersortinut atassuteqartitsineq, maannakkut suliassanik suliarinnittarneq pillugu malittarisassat pillugit immikkoortumut nutaamut maannakkut nuunneqarput. § 43, imm. 1-imi oqaasertaliineq nutaaq maannakkut imatut allaqqalerpoq: "Meeqqap ikiorserneqarnissaanut suliniuteqarnermik aallartitsinissaq pillugu suliamik kommunalbestyrelsip suliarinninneranut atatillugu, meeqqap meeqqanik illersuisumit ikiorneqarnissa kommunalbestyrelsip neqeroorutigisinnaavaa [...]. Taamaattumik meeqqamut illersuisoq suliap taamatut killikkallarfiani neqeroorfigineqarsinnaavoq, tassani ikorsiinissamik suliniutit pillugit suli aalajangiisoqarsimannngitsoq.*

Imm. 3-mut oqaaseqaatit immikkoortortaanni kingullermi allattoqarsimavoq suliamik oqaloqatiginnitqarsimannginneranut tunngavilersuuteqartoqassasoq. Nalinginnaasumik allattuisussaatitaanermik annertusisitsineq pineqarsimassappat piumasaqaat inatsisip oqaasertaanut ilanngullugu allanneqartariaqarpoq.

*Akissut: Ilanngunneqanngilaq. Inatsisip oqaasertaani naatsorsuutigineqartut akerlianik pisoqarsimanissa naliliiffigineqarpoq, tassa meeqqamik oqaloqateqartoqareersimanissa naatsorsuutigineqarluni. Inatsisissami siunnersuummi aamma oqaatsitigut erseqqissaasoqarpoq pitsaanerusumillu aaqqissuunneqarluni.*

Imm. 4 Naalakkersuisut allaffisornermi malittarisassanut itinerusumik aalajangersaasinnaanermut piginnaatitaanerannut tunngavoq. Aalajangersakkamut oqaaseqaatini inunnik isumaginnitqarimmi akisussaaffiit piginnaatitaaffiillu agguarsimanerannut aamma kommunit sulisussarsiortnermut atatillugu pisussaaffiinut sulisullu piginnaasaannut piumasaqaatinut takisuumik nassuaat ilanngunneqarsimasoq. Oqaaseqaatit tamakku imaaliinnarlugu imm. 4-mi piginnaatisissummut attuumassuteqanngillat tamatumalu saniatigut malittarisassatut immikkoorluinnartutut kommunalbestyrelsit aaqqissuussaanermut pissaaneqarnerannut akuliunnertut allassimallutik taamaammallu taamaassimassappat kommunit aqunneqarnerat pillugu inatsimmut ilanngunneqartussaallutik.

*Akissut: Ilanngunneqarpoq. Immikkoortoq inatsisissatut siunnersuummik oqaatsitigut erseqqissaasoqarneratigut pitsaanerusumillu aaqqissuussisoqarneratigut maannakkut peerneqarpoq inatsisissatullu siunnersuummi nutartikkami allaqqanani.*

## § 23

Kaammattuitigineqassaaq suliat qanoq ittuunerat pineqartoq apeqquataillugu iliuusissatut pilersaarutit immikkuualuttortaasalu imarisaat qaffasisusilfersorneqarsinnaalissasut. Nukissanik

atuilussinnarnerussaaq suliani annikitsunik ajornanngitsunnguanilu iliuusissatut pilersaarutinik angisoorsuanik suliaqartoqartalissagaluarpat.

*Akissut: Ilanngunneqanngilaq. Ilimagineqarpoq mianerinninneq iliuusissatut pilersaarutinut malittarisassani § 46, imm. 8-mi nutaami pisinnaatitsineq naapertorlugu Naalakkersuisut suliarisinnaasaanni ilanngunneqassasoq.*

Immikkoortoq 4-mut oqaaseqaatini alassimavoq "pingaaruteqarluinnaqqissaartoq". Tamanna misigissutsinik attuiniarluni namminissarsiorlunilu oqaasertaliineruvoq inatsisit oqaasertaanniittariaqanngitsoq piareersarneqarneranniittariaqaranilu.

*Akissut: Ilanngunneqarpoq. Inatsisissatut siunnersuummi oqaatsitigut erseqqissaasoqarneranut pitsaunerusumillu aaqqissuussisoqarneranut atatillugu peerneqarpoq, inatsisissatullu siunnersuummi nutartikkami allaqqanani.*

Imm. 6 erseqqissarneqartariaqarpoq takuneqarsinnaalersillugu iliuusissatut pilersaarutip imarisai tassaammata meeqqamut ilisimatitsissutigineqartussat.

Tamatuma saniatigut paatsuunganarpoq aalajangersakkamut oqaaseqaatini erseqqissaasoqarmat taamatut ilisimatitsissuteqarneq tusarniaasussaatitaanerup ilagigaa. Taamatut ittumik ilisimatitsissuteqarneq annertusisamik ilitsersuisussaatitaaneq pillugu malittarisassaavoq.

*Akissut: Ilanngunneqarpoq. § 46, imm. 7-imut immikkut nassuaatini maannakkut allaqqalerpoq.*

Siunnersuummi imm. 7 malillugu Naalakkersuisut pisussaapput iliuusissanut pilersaarusiortarnermut erseqqinnerusunik malittarisassaliussallutik, aalajangersakkamulli oqaaseqaatini atuarneqarsinnaalluni taamaaliorsinnaanermik aalajangersagaasoq.

*Akissut: Ilanngunneqarpoq. Kukkuneq aaqqinneqarpoq aammalu § 46, imm. 8-mut immikkut nassuaatini oqaatsitigut eqqortumik erseqqissaasoqarluni.*

## §24

Imm. 2 imm. 1-imut tunngatillugu pisariaqartariaqanngikkaluarpoq.

*Akissut: Ilanngunneqanngilaq. Ukiutataasiaannarnani oqaatigineqartutut ilagineqartoq taamatut pisoqarnerani ingerlaavartumik nutarterisoqartassasoq erseqqissarniarlugu allangortinneqanngilaq.*

## §§ 25 aamma 26

Akuliulluni aalajangiinissamut inatsisikkut tunngavissiisoqarsimanera pissusissamisuunngitsutut isumaqarfiginarpoq, tassa siunertaasimangippat taamaaliorneq pinngitsaaliissutaassasoq imaluunniit malinneqannginnera pineqaatissiissutaasinnaasoq. Inatsisissatut siunnersuummut oqaaseqaatini peqqussutit taamatut ittut allaaserineqarnerat imaaliinnarlugu nalornilersitsivoq, ilumut pisortat ingerlatsineranni inatsisinik paasinnittaaseq malillugu aalajangiinerunersut.

*Akissut: Maannakkut pisariaqanngilaq. Aalajangersakkat peerneqarput aammalu angajoqqaat meeqqallu akisussaaffii pillugit oqaloqatigiinnissamut aggersaasarnerit pillugit aalajangersakkanik taarserneqarlutik.*

§ 25, imm. 2-mut oqaaseqaatini allanneqarsimavoq kommunip angajoqqaanut peqqussuteqarneq "mianersoqqussutitut kingullertut" atorsinnaagaa. Paasinarsisinneqartariaqarpoq taanna imatut paasineqassanersoq kommunip ajornartorsiuteqartoqaqqilersillugu pinngitsaaliilluni iliuuseqartoqarnissaanik malitseqartitsilluni aalajangiinermini, pingaartumik pinngitsaaliilluni meeqqamik arsaarinnittoqartillugu, suliamik paassisutissiisarneq annertussusilarsuisarnerlu pillugit nalinginnaasumik malittarisassat malinngissinnaagai.

*Akissut: Maannakkut pisariaqanngilaq. Akissutit ataaniittut takukkit.*

#### § 27

Kommunip akisussaasup nammineerluni nalilertariaqarpaa iliuuserineqartunik malitseqartitsineq qanoq sivisutigissanersoq taamatuttaaq innuttaasup 24-nik ukioqalerneranit siusinnerusukkut unitsinnejassanersoq.

*Akissut: Ilanngunneqarpoq. Inatsisissatut siunnersuutip oqaasertai ersarissaavigineqarput pitsaancerusumillu ilusilersorneqarlutik. Malitseqartitsineq pillugu aalajangersakkat § 42-mi nutaami erseqqissarluarneqarsimapput.*

#### Kapitali 8 quleqtartaalu

Taaguummik "aaqqiissutissatut iliuuseqarnerit" atuineq pineqaatissiinertut nipeqarpasippoq.

Tamatumani pineqarsimappat ikorsiinermut neqeroorutitut ikorsiissutigineqarsinnaasumut ataatsimut taaguut siunertamut naleqqunnerusimassagaluarpoq taaguut "ikorsiiniarluni iliuuseqarnerit" atussallugu.

*Akissut: Ilanngunneqarpoq. Maannakkut taaguut "tapersiisarnermi iliutsit" tassunga taarsiullugu atorneqalerpoq.*

#### §28

Imm. 3-mi ikorseeriaatsinik allattukkat imatut isumaqalersitsipput tamatumani pineqartut neqeroorutit, kisiannili imm. 5 nalornilersitsilluni siunertaanersoq ikorseeriaatsit aammattaaq pinngitsaaliissutitut ikiorsiissutigineqarsinnaasut.

*Akissut: Inatsisissatut siunnersuut imatut paasineqassaaq, neqeroorutit pingaarnertut malittarisassatut akuerinissaannut pisussaaffeqartoqanngitsoq, inuilli ataasiakkaat akuerinissaannut pisinnaatitaaffeqartut. Neqeroorutit taamaammat inatsisissatut siunnersuummi allatut allanneqarsimanngippata, assersuutigalugu § 28-imi nutaami angerlarsimaffiup avataani inissiisoqartussaanera, itigartinneqarsinnaavoq.*

Ikorseeriaatsinut ataasiakkaanut kommunimit oqaatigineqassaaq:

Ilaqtariit isumasioqatiginnerat:

Oqaaseqaatini atuarneqarsinnaavoq ilaqtariinnik isumasioqatigiissitsineq atorneqarsinnaasoq inissiisoqassaneranik paasiniaanerup ilaatut. Ilaqtariit isumalioqatiginnerat ikuinermik neqeroornertut isumaqarnarnera pitsavallaanngilaq. Inatsiseqarnikkut isumannaatsuunissamut tunngatillugu eqqarsarnartoqarpoq ikorsiinissamut neqeroorut pinngitsaaliilluni akuliuttoqarnissaa pillugu suliamik paassisutissiinerup ilaatut atorneqassappat, tassa neqerooruteqarnermik tigusisussaq taamatut siunertaqarnermik tamakkiisumik ilisimatinneqarsimanngippat.

*Akissut: Ilanngunneqanngilaq. Nalilerneqarpoq ilaqtariinnik isumasioqatigiittanerup pitsangorsarneqarpiarneratigut ataatsimut iluarineqarnerusumillu aaqqiissutissamik nassaartoqarsinnaavoq tassungalu peqatigitillugu ilaqtariinni maluginiartitsisoqalersinnaalluni tamannalu pillugu oqaloqatigiittarneq pitsangortinneqarsinnaalluni.*

Meeqqamut illersorti

Kommunip pisortat ingerlatsineranni ingerlaaseqartarnermut atatillugu meeqqanik illersuisoqarnermik oqariartaatsimik atuineq pillugu § 22-mut oqaaseqaatigisani innersuussutigissavai.

*Akissut: Ilanngunneqanngilaq. Akissutit ataaniittut takukkit. Ataatsimut isigalugu naliliisoqarpoq, iliuuseq meeqqap nammineq pillugu suliamut kingusinnerusukkullu aalajangiinernut sunniuteqarnissaanut pitsangorsaataasoq.*

Inunnik isumaginninnermi perorsaanikkut ornittakkat immikkut ittu:

Aalajangersakkamut oqaaseqaatigineqartuni atuarneqarsinnaavoq aalajangersagaq immikkut sanaartornissamut inatsisitigut tunngavissiisoq. Inatsimmi taamatut periarfissaq ikiorsiinissamut neqeroorutitut taamaalillunilu innuttaasunik sullissinissamut periarfissatut allassimanera tamatumunnga tulluutinngilaq.

Katerisimaartarfinnik taamaattunik pilersitsisinnaaneq kommunimut piginnaatitsissummi inatsisitigut tunngaveqarpoq imaluunniit inatsisiliortup katerisimaartarfiit taamaattut qanoq ittuunissaat immikkut aalajangiiffigerusussappagu oqaatsip erseqqinnerusumik imarisai inatsimmi immikkut nassuiardeqartariaqarput.

*Akissut: Ilanngunneqarpoq. Peerneqarpoq, aammalu § 21, imm. 6-imut nutaamut immikkut nassuaatit maannakkut taamaallaat imatut allaqqalerput: "Aalajangersakkap kommunalbestyrelse periarfissippaa pineqaatisseeriaatsinik allaanerusunik imm. 3-mi taakkartorneqartunit allaanerusunik misileraasinnaassalluni, meeqqamut, inuusuttuaqqamut ilaqtariinnulluunniit atorneqartussatut tulluussorineqarpata. Tassaasinnaapput misiligutitut atorneqarsinnaasut, isumaginninnikkulluunniit neqeroorutaasinnaasut allat meeqqanut inuusuttunulluunniit malitseqartitsinermik sulissunneqartunut.*

Allatut ikuineq:

Ilaqtariit angerlarsimaffeerunnissaat pinngitsoortinniarlugu ineqarnermut akiliutinut tapiissuteqartoqarsinnaanera allanneqarsimavoq. Ineqarnermut akiliutinut tapiissutit assigisaalluni nalinginnaasumik pisortanit ikorsiissutit ineqarnermullu tapiissutit pillugit malittarisassanut ilaapput, inatsisissatullu siunnersummi tassani allassimasoqanngimmat inunnik isumaginninnermi ikorseeriaatsinut allanut tunngatillugu tamanna taartaasinnaasoq nassuiardeqartariaqarpoq qanoq ilillugu pisortanit ikorsiissutit ineqarnermullu tapiissutit pillugit malittarisassanut tunngatillugu ineqarnermut akiliutinut akiligassanut meeqqamut ikorsiiniutitut tapiissuteqartoqarsinnaanera allaffissornikkut aqunneqassanersoq.

*Akissut: Siunnersuut taamatut oqaasertaqartillugu akuerineqassappat meeqqanut ikorsiisarneq pillugu Inatsisartut inatsisaanni toqqaannartumik piginnaatitsissut atorlugu aningaasatigut tapersiisoqarsinnaavoq. § 21, imm. 5-imut immikkut nassuaatini oqaatsitigut erseqqissaav-igineqartuni maannakkut imatut allaqqaqasqalerpoq: "Aalajangersagaq atorneqarsinnaavoq kommunalbestyrelse kissaateqarsimappat ilaqtariinnut aningaasatigut ikorsiissuteqarniarluni. Tamanna pisinnaavoq ilaqtariit ineqarnerminnut akiligassaqalersimappata, inigisaminnit anisitaasinnaanermik kinguneqartinneqarsinnaasumik. Inigisamit anisitaasussanngortinneqarneq nalinginnaasumik tassaasarpoq inunnik isumaginninnermi sullissivimiit pilertortumik meeqqap angerlarsimaffiup avataanut inissinneqarnissaanut tunngavigineqartartoq. Aningaasatigut ikorsiinerup ajornartorsiut taamaattoq pinaveersaartissinnaappagu pinngitsoortissinnaappagu-luunniit, assersuutigalugu ilaqtariit ineqarnermut akiitsuisa pisariaqartitaasaluunniit allat, meeqqap angerlarsimaffiup avataanut inissinneqarnissaas pisariaqartilersimappassuk, aningaasatigut ikiorserneqassanersut kommunalbestyrelsip aalajangersinnaavaa.*

Allassimanerani ersernerluppoq ikorsiiniutinut allanut akuersissuteqartarneq pillugu imm. 6 imm. 3, nr. 9-mut, tassami ikorsiiniutinut allanut siumut akuersissuteqartoqqaartinnagu ammaassisumut, tunngatillugu qanoq allaffissornikkut aqunneqassanersoq.

*Akissut: Oqaatsitigut erseqqissaasoqarnerata kingorna maannakkut ersarinnerulersimassaaq aammalu imm. 6-imut immikkut nassuaatit oqaatsitigut erseqqissarneqarneranni pitsaaneru-sumik nassuiarneqalersimassalluni.*

## §29

Imm. 1-imi aalajangersakkamullu tassunga oqaaseqaatini taakkartorneqarput immikkut ittumik meeqlanut illersortinik pikkorissartitsisarnissat. Kalaallit Nunaanni inunniq isumaginninnermut inatsisini oqariartaaseq nutajummat nassuiarneqartariaqarpoq kikkut taamatut pikkorissartitsisuusassanersut.

*Akissut: Ilanngunneqanngilaq.*

Oqaaseqaatini allassimasoqarportaaq kommuni naliliusussaammat meeqlanut illersuisumik neqerooruteqarusunnerluni. Tamanna imm. 2 aamma 3-mut naapertuutinngilaq tassami imm. 2 aamma 3-mi allaaserineqartutut meeqlamut illersuisuliinissaq pinngitsoorani pisussaammat.

*Akissut: Ilanngunneqarpoq. Inatsisissatut siunnersuummi oqaatsitigut erseqqissaanermut pitsaanerusumillu aaqqissuussinermut atatillugu titarneq taanna peerneqarpoq, maannakkullu § 44, imm. 1-imut immikkut nassuaatini allaqajunnaarluni.*

Oqaaseqaatini allassimasoqarportaaq kommunit aallaaviatigut akuerisariaqarmassuk meeqlap illersuisoq imaluunniit inuk alla tatigisani ilagisinnaagaa. Tassani sulianik suliarinninnermut inatsisip § 8, imm. 2-p kingunerisaanik illuatungerisamik saqqummiussisinnaanermut killiliisunik saneqqutsisinnaaneq eqqarsaatigineqarpat, tamanna inatsisip oqaasertaanut namminermut ilanngunneqartariaqarpoq.

*Akissut: Ilanngunneqanngilaq. Taamatut eqqarsartoqanngilaq, kommunilli isumaliutigisinnaallugu.*

Imm. 3-mut oqaaseqaatini allassimavoq meeqlat inissinneqareersimasut inatsit atuutilerniariarpal meeqlanut illersuisulerneqartassasut. Tamanna § 63-imi ikaarsaariarnermi malittarisassatut ilanngunneqartariaqarpoq.

*Akissut: Ilanngunneqanngilaq. Inatsisissatut siunnersuut akuerineqassappat, meeqlat tapersiisinnappa, tamannalu pillugu, maannakkut § 44, imm. 3-miilersuni, immikkut nassuaatit imatut paasineqaannassappat, inatsisip atuutilersinneqarnerani kinguninnguaq pisortani oqartussat iliuuseqavittariaqarnerannik eqqaasitsineq.*

Imm. 4-mut nassuaatini meeqqamut illersuisunut qanoq inuuneqarneq pillugu piumasaqaatinik isiginneriaasissat kommuninit misissuiffigineqartariaqartut allanneqarsimapput. Tamanna paatsuunganarpoq, tassa nalunaarummi malittarisassat taamaattut ilanngunneqarnissaat siunertarineqarsimappat, tassami taamatut misissuisussaatitaaneq taamaalilluni toqqaannartumik nalunaarutip kingunerissammagu.

*Akissut: Ilanngunneqanngilaq.*

Tamakku saniatigut allanneqarsimavoq meeqqanik illersuisoq nipangiussisussaatitaasariaqartoq. Nipangiussisussaatitaanermik malittarisassat sulianik suliarinnitarneq pillugu inatsisip aamma pinerluttulerinermik inatsisip malitsigaat taamaammallu inunnik isumaginninnermut immikkut inatsimmi immikkut malittarisassaqartitaasariaqaratik.

*Akissut: Ilanngunneqanngilaq. Oqaaseqaatit immikkut ittut kommunemi ingerlatsivimmik taaku pillugit eqqaasitsisariaqarneq pisariaqarpasippoq. Pingaartumik ilimagineqanngilaq meeqqanut illersorit pisortanit atorfekassasut, aammalu nipangiussimasussaatitaaneq il.il. pillugit pisortat suliassanik suliarinnitarnerat pillugu inatsimmi aalajangersakkanik suliamik ingerlatsinermik ilisimasaqassasut.*

§30.

Imm. 2-mut oqaaseqaatini allassimavoq kommuni iliuusissanut pilersaarummik tunniussinissaanut "peqquuneqassasoq". Inatsisip oqaasertaani pisortat ingerlatsineranni inatsiseqartitsinermut tunngatillugu peqqussutitut saqquminngilaq kisiannili pisortat ingerlatsinerani inatsiseqartitsinermut tunngatillugu paasissutissiisussaatitaanertut.

*Akissut: Maannakkut pisariaqanngilaq. Oqaasertaliineq inatsisisamik siunnersuummik pitsaanerusumik aaqqissuussinermut oqaatsitigullu erseqqissaanermut atatillugu peerneqarpoq.*

Qanoq inuuneqarneq pillugu piumasaqaatit nipangiussisussaatitaanerlu pillugit imm. 3-mut oqaaseqaatinut tunngatillugu kommunip § 29, imm. 4-mut oqaaseqaatini siuliiniittut innersuussutigissavai.

*Akissut: Qulaani akissut takujuk.*

§§31-32

§ 30-imut oqaaseqaatinut innersuussisoqarpoq.

*Akissut: Qulaani akissut takujuk.*

§ 33.

Eqqarsaatiglluagaarpasinngilaq suliassanik namminersortunut suliassangortitsisarneq pillugu nalinginnaasumik aalajangersagaq ikorsiissutissat aalajangersimasut pillugit kapitalimut ilangunneqarsimammatt.

Tamatuma saniatigut ersernerluppoq peqatigiiffiit "akuersaarneqarsinnaanerat" qanoq paasineqassanersoq, aalajangersakkammi imarisai malillugit taanna namminersortunut suliassangortitsisarnermut inatsisitigut tunngavissiaammat.

*Akissut: Inatsisissatut siunnersuummi eqqarsaatigineqarpoq peqatigiiffiit kattuffiillu sorliit suleqatigineqarnissaannik kissaateqarsinnaaneq kommunit soorunami namminneq aalajangissa-gaat. Naatsorsuutigisariaqarpoq peqatigiiffik akuerisaasoq akuerisaanngitsuminngarnit ajornan-ngerusumik namminersortuniit aningaasanik pissarsiniarnissaminut periarfissagissaarnerussa-soq. Naalakkersuisut peqatigiiffinnik akuersinissaannik aalajangersakkami Naalakkersuisut periarfissinneqarput, tamassumanilu peqatigiiffiit ersarinnerulersinneqassapput immaqalu ingerlatsinermanni pisortani oqartussaniit malugitinniarnissartik aningaasanillu pissarsiniarnissartik ajornanngerulerissinnaallugu.*

#### §34

Ullumikkut "siusissukkut sulissuteqartarnertut" ilisimaarineqartumik inatsisitigut malittarisassiinissaq pineqarsimappat inatsisikkut aalajangersakkami imaluunniit oqaaseqaatitaani tamanna erseqqissarneqartariaqarpoq.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

Ersernerluppoq imm. 3 imatut paasineqassanersoq angajoqqaanngortussanut ikorsiinissamik neqerooruteqarneq pinngitsaaliilluni akuliunnertut naammassineqartassanersoq.

*Akissut: Ilangunneqarpoq. Inatsisissatut siunnersuutip tamannalu pillugu nassuaatit atuarneranni tamanna pisinnaasoq oqaatsitigut erseqqinnerulerpoq Assersuutigalugu § 26, imm. 2-mut immikkut nassuaatini naggasiilluni immikkoortoq imatut allaqqalerpoq: "Pisuni immikkut ittuni ernisarfimmiit toqqaannartumik angajoqqaat akuersissuteqartinnagit meeqqap inissinneqarnissaa pisariaqarsinnaavoq, naartusoq meeqqamik isumaginnissinnaanngitsoq qularnaatsumik ilimagineqarpat. Kommunalbestyrelsip nalilissappagu meeqqap inunngornermi kingorna allamut inissinneqarnissaa, communalbestyrelsi pisussaavoq aalajangersakkat sakkortusisat najoqqutalaralugit taamatut aalajangiissalluni."*

"Neqeroorutit annertunerusut" pisariaqartitaanerat pillugu imm. 4-mut oqaaseqatit imm. 3-miittuugaluarpata tulluarnerussagaluarpoq.

*Akissut: Aalajangersagaq oqaatsitigut erseqqissarneqarpoq pitsaanerusumillu aaqqissuunneqarluni.*

## Kapitali 9

Kommunip kapitali 8-mut kapitalip quleqtaanut oqaaseqaatini innersuussutigissavai.

*Akissut: Ilanngunneqarpoq.*

### §35

Imm. 1-imut oqaaseqaatini ilaatigut allattoqarsimavoq "Meeqqat marluk assersuutigalugu [...]" . Assersuutigineqartoq imaalinnarlugu ersernerluppoq.

*Akissut: Ilanngunneqarpoq. § 27, imm. 1-imut nutaamut immikkut nassuiaatit oqaatsitigut erseqqissarneqarput, taamaalilluni "Meeqqat marluk..." peerneqarluni oqaaseqatigiillu sinneri erseqqinnerulersinneqarluni.*

### §36

Oqaaseqaatini "Imm. 3-mut" aamma "Imm. 4-mut" imaalillugit aaqqinnejassapput "Nr. 3-mut" aamma "Nr. 4-mut".

*Akissut: Ilanngunneqarpoq.*

### § 37

Kukkuneruvoq imm. 1-imi allanneqarsimammat meeqqamut illersuisoqarsinnaatitaaneq paasissutigineqartussaasoq. Tamanna § 29, imm. 2 malillugu, pisussaaffimmut tunngavoq.

*Akissut: Ilanngunneqarpoq. Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuussisoqarluni, aalajangersagarlu taanna, maannakkut § 28-iulersoq, oqaasertalersornera eqqornerulerluni ersarinnerulerlunilu.*

Soorluuna nalunaaruteqarnissamut killiliussaq pillugu imm. 1-imi aalajangersagaq § 38, imm. 1-itut imaqartoq.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

Imm. 3-mut oqaaseqaatini erseqqissarneqarsinnaanersoq eqqarsaatigineqartariaqarpoq, nukinginnartumik inissiinerit oqaatsitut taannaannaalluni peqataasunik tusarniaanissamut piussaafferutsitsinersoq.

*Akissut: Inatsisissatut siunersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

### §38

Kommunip § 37, imm. 1-imut oqaaseqaatai innersuussutigineqarput.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuussisoqarluni.*

### § 39.

Inatsisitigut aalajangersakkani tamani kommuninik Naalakkersuisunut aalajangiinernik suliallu suliarineqarnerisigut ingerlariaqqinnernik nalunaarutiginnittussangortitsisuni inatsimmut oqaaseqaatini allassimasariaqarpoq nalunaarutiginnittussaanikkut suut siunertaanersut.

*Akissut: Ilannngunneqarpoq. Siunertaq maannakkut § 29, imm. 2-mut immikkut nassuiaatini allaqalerpoq. Tassunga peqatigitillugu inatsisip oqaasertai erseqqissarneqarput, imatut allaqalerlutik: "Inissiinerit pillugit aalajangernerit, akuersineq tunngavigalugu imaluunniit pinngitsaaliissummik inissiisoqartillugu, aalajangertoqarneraniit ullut arfineq-pingasut qaangiutinnginneranni Naalakkersuisunut nalunaarutigineqassapput."*

### §40

Nammineq inigisamut inissiisinnaanermut tunngatillugu taamaaliortoqassappat aallaaviatigut pisariaqarpoq meeqqap inuusuttulluunniit taamaattumik peqareernissaat imaluunniit malittarisassanik allanik tunngaveqarlutik nammineq inigisassaminnik pissarsisinnaanissaat.

Pisariaqartinneqassappat meeqqap inuusuttulluunniit ikiorneqarnissaannut neqeroorutitut imaluunniit pinngitsaaliinikkut inissiinerup ilaatut namminerisaminnik initaartinneqarnissaat pisortat aningaasaleeqataanera minnerpaamik inatsisip oqaasertaani allaaserineqartariaqarput pisariaqassappallu inatsimmut oqaaseqaatini itisilerneqarlutik.

*Akissut: Ilannngunneqanngilaq. Taamaattoqassappat kommunalbestyrelsi inassiamik neqerooruteqartussaavoq sallitullugulu kommunimi tamanna pillugu najoqqutassiat piumasaqaatillu apeqqutaassapput, Naalakkersuisut § 30, imm.5-imi nutaami pisinnaatinneqarnertik naapertorlugu annertunerusunik malittarisassiunngippata.*

### §41

Imm. 1-imut oqaaseqaatit inatsisip oqaasertaasa allassimanerannut tamakkiisumik naapertuitinngillat. Inatsisikkut aalajangersagaq pingaarnersiuinermut malittarisassiaavoq imaalillugu meeqqat sapinngisamik ajornanngippat Kalaallit Nunaanni inissinneqartassallutik

aamma imm. 2 malillugu Kalaallit Nunaata avataani inissiisoqartassasoq taamaallaat erseqqinnerusumik allaaseralugit pissutsit immikkut illuinnarsimatillugit.

*Akissut: Ilanngunneqanngilaq.*

Imm. 2-mi aalajangersakkamullu oqaaseqaatini allassimasoqarpoq Kalaallit Nunaata avataanut inissiisoqarsinnaasoq piumasaqaatit marluk naammassineqarsimappata 1) meeqqap pisariaqartitai Kalaallit Nunaanni pineqarsinnaanngippata aamma 2) Kalaallit Nunaanni inissiinissamut periarfissaarutivissimappat. Oqaaseqaatini erseqqissarneqarpoq piumasaqaatit marluullutik naammassineqarsimassasut. Soorluuna Naalagaaffiit Peqatigiit meeqqat pillugit isumaqatigiissutaannut akerliusinnaassasoq meeqqat pisariaqartitai Kalaallit Nunaanni naammassineqarsinnaassanngippata kisiannili taamaakkaluartoq meeraq Kalaallit Nunaanni inissinneqarluni piumasaqaatip aappaa naammassineqarsimanngimmat.

*Akissut: Ilanngunneqanngilaq. Piumasaqaatit pingasuupput. Tassaasut oqaatigineqartut marluk aamma Kalaallit Nunaata avataani inissiinissamik Naalakkersuisut akuersinissaat pillugu piumasaqaat. Aalajangersagaq maannakkut § 31-iulerpoq, immikkullu nassuaatit tamanna naapertorlugu oqaatsitigut erseqqissarneqarlutik.*

Imm. 2-mut oqaaseqaatini oqaaseqatigiinni kingullerni sulianik suliarinnittarneq pillugu inatsimmi tunngavilersuutinut malittarisassat innersuussutigineqarput. Tunngavilersuutinut malittarisassat aallaaviatigut kommunip aamma Namminersorlutik Oqartussat akornanni pissutsinut tunngatillugu atorneqartanngillat, tassami kommuni suliani Namminersorlutik Oqartussat kommunimut tunngatillugu ilitsersuisuuffigisassaanni peqataasutut inisisimasanngimmat.

*Akissut: Ilanngunneqarpoq. Immikkut nassuaatit annikitsumik allanngortinneqarput, maannakkullu ilimaginninnertut allaqqalerlutik.*

Imm 3-mi aalajangersarneqarsimavoq Naalakkersuisut ilaatigut innersuussuteqartarnermut malittarisassanik erseqqinnerusunik aalajangersaasinnaasut. Taamatut piginnaatitsissuteqarnerup annertussusaa ersernerluppoq, tassami inissiinernut atatillugu kommunip suliassaanik inatsisikkut allaaserisani imaattussaammat kommuni nammineerluni Kalaallit Nunaanni paaqqinnittarfimmik atorneqarsinnaasumik nassaarniassasoq.

*Akissut: Ilanngunneqarpoq. Aalajangersakkap oqaasertai nutaanngorlugit allanngortinneqarput, maannakkullu Kalaallit Nunaata avataani inissiinernut malittarisassiorsinnaanermut ataatsimut isigalugu pisinnaatitsinerulerluni.*

Taamaammat kommunimi imaassoraarput Namminersorlutik Oqartussat innersuassisinnaatitaanerat Kalaallit Nunaata avataani inissiisarnermut tunngassuteqartoq.

*Akissut: Maannakkut pisariaqanngilaq. Akissutit qulaaniittut takukkit.*

§ 43

Ersernerluppoq suliassat suut aamma akiliinissamut aalajangersakkat suut imm. 5-im iinersuussutigineqarnersut.

*Akissut: Ilanngunneqanngilaq.*

§ 44

Ersernerluppoq pissutsit suut akuersissuteqarnissaq sioqullugu pigineqariissanersut aamma pissutsit suut ingerlatsinissamut isumaqatigiissummi aaqqinneqarsimassanersut.

*Akissut: Ilanngunneqanngilaq. § 34 imm. 3 naapertorlugu tamanna pillugu annertunerusunik malittarisassiortoqassaaq.*

§46

Imm. 1-imut oqaaseqaatini allassimavoq iliuusissanut pilersaarutip suliarineqarsimanissa kommunip akisussaaffigigaa. Taannami §§ 23 aamma 24-meereerpoq tassanilu nangeqqinneqarsimanissa pisariaqarani.

*Akissut: Ilanngunneqanngilaq.*

§47

Oqaaseqaatini kukkusqarsimagunarpoq tassami imm. 5 aamma imm. 6 iinersuussutigineqarmata. Kommunimi imaassoraarput imm. 5, nr. 2 aamma nr. 6 iinersuussutigineqartut.

*Akissut: Ilanngunneqarpoq. Oqaatsitigut erseqqissaanermut inatsisisatullu siunnersuummik pitsaanerusumik aaqqissuussinermut atatillugu naqqinneqarpoq.*

komunimit maluginiarneqarportaaq allassimasoqarmat ilaqtariinnik paarisaqartartunik nammineerluni aaqqissuussinerit kommunip aaqqissugaanik paaqqutarinnitarnertulli piginnaatitaaffittaqassasut pisussaaffittaqlutillu. Takujuminaappoq tamatumuuna suut pineqarnersut, tassami ilaqtariini paarisaqarneq nammineerluni aaqqissuunneqartoq paaqqutarinninnermut peqataasut akornanni isumaqatigiissuteqarfingeqartariaqanngimmat, tassa inatsisini allanik aalajangersimasunik aalajangersaasoqarsimatinnagu.

*Akissut: Maannakkut pisariaqanngilaq. Ilaqtarsiat pillugu immikkoortoq annertuumik allanngortinneqarpoq pitsaanerusumillu aaqqissuunneqarluni.*

Qitornavissiartaarnissaq siunertaralugu paaqqutarinnittoqalersimappat angajoqqaarsiaasut nammineerlutik meeqqap pilersorneqarnera tamakkiisumik akilertassagaat. Tamanna kommunip paasinnittarnera malillugu toqqaannartumik inatsisip oqaasertaaniittariaqarpoq.

*Akissut: Ilanngunneqanngilaq. Pisinnaatitsineq § 37, imm. 7, nr. 6-imi nutaami allaqqavoq. Tamanna pillugu immikkut oqaaseqaatit oqaasertaanni kommuni tamassumani periusaat oqaatigineqarpoq. Ilaqtarsiat, meeqqanik qitornarsiartaarnissamik siunertaqarlutik inissinneqartumik tigummiaqartut, meeqqap pilersornera namminneq akilissavaat.*

## §50

Imm. 2-mi tassungalu oqaaseqaatini oqariartaaseq nutaaq "angajoqqaatut piginnaasaqarneq" (angajoqqaajusinnaassuseqarneq) atorneqalersimavoq. Kommunimit maluginiarneqarpoq nalorninartutut pissuseqarmat Inatsisartut Naalakkersuisunut suliassanngortitsisinnaanersut oqariartaaseq taanna pillugu malittarisassanik erseqqinnerusunik aalajangersaaqqullugit, naak Inatsisartut oqariartaatsimi pingarnertut tunngavigineqartulluunniit ilisimanngikkaat taakkulu pillugit inatsisiliorsimanatik.

*Akissut: Ilanngunneqarpoq. Pisinnaatitsineq inatsisisstatut siunnersuummit peerneqarpoq.*

Imm. 3-mi Meeqqat Pillugit Paasisimasalittut Qitiusumik Ataatsimiititaliap allattoqarfiata, inissiiviusup inissiimasoqaannarnissaa kaammattutigippagu, suliaq ataatsimiititaliamut saqqummiussinnaavaa. Tamanna apeqqummik akineqanngitsumik imaattumik pilersitsivoq: Allattoqarfik taamatut innersuussinermik qanoq ililluni ilisimatitsissuteqarfingineqartassava? Suut inatsisitigut sunniutissappat allattoqarfiup suliaq ataatsimiititaliamut suliassanngortinngitsoorpagu aamma kommunip inissiiviusullu akornanni isumaqatigiinngitsoqarpat?

*Akissut: Ilanngunneqarpoq. Qitiusumi Meeqqat pillugit Immikkut Ilisimasallit Ataatsimiititaliaat pillugu aalajangersakkat oqaasertai allanngortinneqarput, aamma "inissiivik" peqqussut atuuttoq assigalugu imatut allanngortinneqarluni "ulloq unnuarlu paaqqinnittarfik".*

Imm. 4-mi sapaatit akunnerinik aqqaneq marlunnik piffissaliineq nalinginnaasumik atorneqarsinnaassanngilaq. Angajoqqaat akuersissuteqarneratigut inissiisoqarsimappat, taamatullu akuersineq utertinneqarluni inissiimasoqaannarnissaalu apeqquserneqarani Europami Inuit Pisinnaatitaaffii Pillugit Nunat Tamalaat isumaqatigiissutaanni artikel 8-mi allassimasoqarpoq angerlartitsisoqarnissaanik angajoqqaat kissaateqarnerat ingerlaannartumik sulissutigineqartassasoq.

*Akissut: Ilanngunneqarpoq. § 41, imm. 3 nutaaq imatut maannakkut allaqqalerpoq: "Meeraq, angajoqqaatut oqartussaassusilik aammalu inissiiffik minnerpaamik sapaatit akunnerinik aqqaneq- marlunnik sioqqutsilluni ilimasaarneqareersimatinnagit angerlartitsinissaq pisinnaanngilaq, angerlartitsisoqarsinnaavorli meeqqap eqqarsaatiginera allalluunniit pingaarutillit*

*eqqarsaatiginerat pissutigalugit sioqqutsilluni ilimasaaruteqarnissap killissaanik  
saneqqutsisariaqalersitsippata."*

#### § 51

Aalajangersakkami ilaatigut § 28 ikorsiiniutinut atatillugu akuersissuteqarsimanissamik piumasaqaatinut innersuussisoqarpoq. § 28 sullissinissamik neqeroorutitut oqaasertalersugaavoq (aalajangersakkamut tassunga kommunip oqaaseqaatai takukkittaaq) ersernerlupporlumi sullissinissamik neqerooruteqarnissamut, angajoqqaat/meeqqap nammineerlutik akueriumanngissinnaasaannut, akuersissuteqartitsiniartoqarnissaa qanoq ililluni pisariaqartinneqassanersoq.

*Akissut: Ilannunneqanngilaq.*

#### §53

Ataatsimiitaliap taassuma pisortat ingerlatsineranni inatsiseqarnermut tunngatillugu inissisimanera paasineqartariaqarpoq, taamatuttaaq nammineerluinnarluni oqartussaassuseqarnersoq imaluunniit oqartussaaffimmut allamut ilaanersoq aamma ataatsimiitaliap, taassuma allattoqarfiaita Naalakkersuisoqarfiullu aamma §§ 10 aamma 12-imi aaqqissuussimanerit akornanni suleqatigiinneq qanoq ittuussanersoq, taamatuttaaq qanoq annertutigisumik suliassaqarfimmi imaluunniit sulisoqarnermi taakkununnga attuumassuteqartoqannginnissaa naatsorsutigineqassanersoq.

*Akissut: Ilannunneqanngilaq. Ataatsimiitsitaliaq sivisuumik atasimavoq ullumikkullu inissismalluni meeqqanut inuusuttunullu ikiuisarnissamik peqqussummi ullumikkut atuuttumi. Atuunnera inatsisisstat siunnersummi ingerlaannarpoq, suleriaatsillu sukaterneqarlutik, allaffeqarfiullu suliassat misissortassavai.*

#### §54

Kommunip § 50, imm. 3-mut oqaaseqaatigisani innersuussutigissavai.

*Akissut: Tamanna pillugu akissut takujuk.*

#### §55

Ersernerluppoq imm. 2 imm. 1-ip saniatigut immikkoorluinnartumik isumaqartinneqassanersoq.

*Akissut: Ilannunneqanngilaq.*

Kommunimi imaassoraarput immikkoortortaqarfinnut §§ 10 aamma 12 malillugit pilersinneqarsimasunut aamma Namminersorlutik Oqartussat immikkoortortaqarfigisaannut, aningaasartuutit aningaasanut inatsisikkut akilerneqartassasut.

*Akissut: Aap.*

Imm. 4-mut tunngatillugu kommunimit ingerlatsinermut aningaasartuutit sorliit ingerlatsinermut ilaasut kommunimi aalajangersimasunik akeqartitsilluni akilerneqartartut atorlugit aningaasalersorneqartussat nassuiarneqarnissaat ujartorparput. Taamatut nalunaajaaneq pisariaqartinneqassaaq aningaasartuutit sorliit aalajangersimasunik akiligassat akilerneqartarnerannut § 56, imm. 4 malillugu ilaatinneqassanersut killiliivigineqarsinnaanissaannut. Taamaassimannngippat § 55, imm. 4 § 56, imm. 4-mut tunngatillugu pisariaqassanngilaq.

*Akissut: Ilanngunneqanngilaq.*

Imm. 6-imi paasinarsisinneqartariaqarpoq "naalagaaffit" qanoq paasineqassanersut, taamatuttaaq aamma Danmarki aamma Savalimmiuni namminersorlutik oqartussat aamma ilaatinneqarnersut.

*Akissut: Ilanngunneqarpoq. "Naalagaaffit"-mut taarsiullugu oqaasertaliineq "nunat allat" maannakkut atorneqarpoq.*

§56

Kommunip siullertut § 55, imm. 4-mut oqaaseqaatigisani innersuussutigissavai.

*Akissut: Tamanna pillugu akissut takujuk.*

Imm. 4-mut oqaaseqaatini ulloq unnuarlu paaqqinnittarfinni aningaasaqarnermut tunngasunik nakkutilliineq innersuussutigineqarpoq. Taamatut nakkutilliineq inatsisip oqaasertaani namminerni tunngaveqassaaq, tassa ulloq unnuarlu angerlarsimaffinnik kommunimit aamma Namminersorlutik Oqartusanit pigineqartunik nakkutilliisoqassappat.

*Akissut: Ilanngunneqarpoq. Inatsisissatut siunnersuummi § 55, imm. 5-imi maanakkut allaqqalerpoq.*

Imm. 5-imut oqaaseqaatini ineqartup kaasarfimmuiunik atisassarsiutissaanillu unitsitsisinnaaneq taaneqarpoq. Taamatut akuliussinnaaneq inatsisip oqaasertaani namminerni tunngavissinneqartussaavoq.

*Akissut: Ilanngunneqarpoq. § 55, imm. 6-imi nutaami Naalakkersuisut annertunerusunik malittarisassiorissamut pisinnaatinneqartut maannakkut allaqqalerpoq.*

§ 59

Meeqcat naammagittaalliorssinnaatitaanerat pillugu imm. 2-mi aalajangersagaq nalinginnaasumik pisortat ingerlatsineranni inatsisitigut tunngavissinneqarsimalluni atuutereerpoq. Taamaammat eqqarsaatigineqartariaqarpoq inatsimmut oqaaseqaatini naammagittaalliorssinnaatitaaneq taamaallaat taaneqassanersoq.

*Akissut: Ilanngunneqanngilaq.*

Tassunga uiggullugu kommunimit oqaatigineqassaaq imm. 3-mi Naalakkersuisut piginnaatitaaffiliinerisigut meeqcat naammagittaalliorssinnaatitaanerat pisortat ingerlatsineranni inatsisilerinermut tunngatillugu nalinginnaasumik malittarisassat saniatigut annertunerusumik annikillisinneqarsinnaanngimmat.

*Akissut: Tusaatissatut tiguneqarpoq. Aalajangersagaq killiliinertut eqqarsaataanngilaq, pitsannguinertulli eqqarsaatigineqarnerulluni.*

## §60

Ersernerluppoq suliassanngortitsisarneq pillugu eqqartuussiveqarnermut inatsimmi malittarisassanut tunngatillugu aalajangersagaq qanoq paasineqassanersoq aamma eqqartuussivinnut suliassanngortitsinermut atatillugu saqqummiussueriaasissaq qanoq eqqarsaatigineqarnersoq taamatuttaaq eqqartuussivinnut akiliutissat aamma suliamut attuumassutilit pillugit apeqquitit eqqarsaatigalugit.

*Akissut: Ilanngunneqarpoq. Aalajangersagaq peerneqarpoq.*

## §61

Akiligassiissutit pineqaatissiissutaasut aamma pinngitsaaliisummik akiligassiissutit pisortat ingerlatsineranni ingerlaatsimut iliuuseqartussaatitaanerup pinngitsaaliinikkut naammassineqarnissaanut pinngitsaaliiniutaasut iliuuseqanngitsoornermulluunniit unitsitsiniutaasut assiginngitsorujussuupput.

*Akissut: Ilanngunneqarpoq. Taaguut "pinngitsaaliilluni akiliisitsineq"-mut taarsiullugu "akiliisitsineq" atorneqalerpoq.*

Soorluuna Inatsisartut inatsisiornissamut piginnaatitaaffisa avataanniissasoq pinerluttulerinermik suliap ingerlanerani eqqartuussivitsigut misilitassanngortitsinissamut periarfissaqarani akiliisitsissutissanik pineqaatissiisinnaanermik aalajangersaanissaq.

*Akissut: Ilanngunneqarpoq. Aalajangersakkap oqaasertai allangortinneqarput, maannakkullu § 59-iulerluni.*

Imm. 3-mi kommunit nammineerlutik suliaqarsinnaassusiata annikillisinneqarnera inatsisikkoortussaammat tunngaviusumik inatsimmi § 82-imut akerliuvoq, tassa Naalakkersuisut pineqaatissiissutit erseqqissumik inatsisinik tunngaveqannngitsut, tassa inatsisip nammineq oqaasertaaniinngitsut, qanoq ittuunissaannik aalajangiisussanngortitaassappata.

*Akissut: Qulaani akissut takujuk.*

§63

Oqaaseqaatini § 61-imut innersuussisoqarpoq, taassuma allannera kukkusuusimassaaq.

*Akissut: Ilanngunneqarpoq. Inatsisissatut siunnersuutip oqaatsitigut erseqqissaavigineqarneranut pitsaanerusumillu aaqqissuunneqarneranut atatillugu naqqinnejqarpoq.*

Imm. 3-misut ikaarsaariarnermi malittarisassamik ikkussinikkut, tassani allaffissornikkut malittarisassat pisoqqat maannamut inatsimmi atuuttumi inatsisitigut tunngavilerlugin atuutilersinneqarsimasut ingerlatiinnarlugit, tamatigut isumannaarneqartariaqartassaaq malittarisassat tamakku inatsimmut nutaamut ilanngullugit atorneqarsinnaanissaat. Ajornartorsiuut taamaattoq inatsisikkut nassuiagassanngortinnejqanngisaannartariaqarpoq. Taamaammat kommunimiit kaammattutigissavarput tamanna inatsisip akuersissutigineqannginnera sukumiisumik misissorneqassasoq, allaffissornikkut malittarisassat sorliit atuutiinnassanersut, pasinaarneqaqqissaarlunilu taakku inatsimmut nutaamut ilanngullugit atorneqarsinnaanersut.

*Akissut: Tusaatissatut tiguneqarpoq.*

Imm. 4-mut oqaaseqaatini allassimavoq taanna ikaarsaariarnermi aalajangersagaasoq. Kommunimi isumarpot malillugu taamaattoqanngilaq paarlattuanik aalajangersagaavoq inatsisip nutaap sulianut ingerlareersunut atorneqarnissaanut qulakteerinnissutaasoq. Kommunimiit iliuuseqarfigeqqussavarput aalajangersagaq sukumiisumik eqqarsaatersuutigineqassasoq pissutsit suliani siusinnerusukkut malittarisassat atuussimasut malillugit suliarineqareersimasuni kisiannili suliassartai suli inatsit nutaaq malillugu suliarineqartuni siusinnerusukkut suliamik suliarinnittarsimanernut akerliusinnaaneri pinngitsoortinniarlugit.

*Akissut: Ilanngunneqarpoq. Aalajangersagaq peerneqarpoq.*

Tulliullugu aalajangersagaq sulianut kommunimi suli naammassillugit suliarineqarsimanngitsunuinnaq tunngasuni sulianut nakkutilliinermut naammagittaalliuuteqartarfimmulluunniit oqartussaasunit suliarineqartunut inatsisitigut inissisimaneq pillugu nalornilersitsivoq.

*Akissut: Qulaani akissut takujuk.*

## **8) Dansk Psykolog Forening**

Kalaallit danskilu tarnip pissusaanik ilisimasallit peqatigiiffiat meeqqanut ikorsiisarneq pillugu Inatsisartut inatsisisaaannut siunnersuut pillugu tusarniaanermut matumuuna akissuteqarpoq.

Dansk Psykolog Foreningi isumaqarpoq inatsisisattut siunnersuutikkut sulianik sularinnittarnerup patajaannerulersinneqarnissaanik meeqqallu pisinnaatitaaffiisa nukittorsarneqarnissaanik siunnerfeqarneq pingaaruteqartoq pitsasuuusorlu.

Tarnip pissusaanik ilisimasallit peqatigiiffiata tunaartarisassatut nutaatut pitsaaliuineq siusissukkullu iliuuseqartarnissaq siunertamut naapertuuttuusoraa, ungasinnerusoq isigalugu angerlarsimaffiup avataanut inissiisarnerit ikileriarnerannik, ilaqtariit nukittunerulermerannik tamanna sunniuteqaqataasariarpoq kiisalu anguniagaasullu pingarnerit tapersersussallugit, tassalu meeqqat peroriartornerminni ineriartornermikkut atugarliortut ikinnerulissasut.

Inassuteqaatit pingarnerit:

- Inatsisisattut siunnersuutikkut meeqqamut ikorsiinissamut periarfissat amerlanerusut pitsaanerusullu saqqummiunneqarnerat ersarissarneqarnerallu pitsaavoq. Neqeroorutit aallaavigalugit meeqqap pisariaqartitai nassuarneqannginnissaat aalajangiisuulluinnarpoq, meeqqalli inissisimanerata atugaasalu qaffasissumik ilinniagallit qulaajaanerannik tunngaveqartariaqarluni.
- Inissiisarnerit pillugit suliani akiliullunilu aaqqiinerni allani DP inassutigaa meeqqamik tarnip pissusaatigut misissuineq tamatigut ilaatinneqartassasoq kiisalu tarnip pissusaanik ilisimasalimmik meeqqap ineriartorneranut iluaquutanerpaasut aaqqiinerit suussanerannik naliliinermi peqataatitsisoqartassalluni.
- Tarnip pissusaanik ilisimasallit isumaginninnermik ingerlatsivinni sulisunik ilinniartitsinermut, ilitsersuinermut siunnersuinermullu tunngatillugu ilanngullugit eqqarsaatigineqarsinnaapput.
- Suliami aalajangersimasumi pitsaaliuinermik aallartitsisoqarnissaanik imaluunniit inissisoqarnissaanik aalajangerneq meeraq ajunnginnerpaamik tapersorsorniarlugu inuttaanik naliliinermik tunngaveqartariaqarpoq.
- Tarnip pissusaanik ilisimasallit peqatigiiffiata isumaginninnermi misissuineq iliuusissatut pilersaarummi allagaasumi tapersiiniutit suut aallartinneqassaneranik tunngaviusussatut siunnersuut tapersorsorpaa, taannali naammassineqarsinnaanngitsoq meeraq tarnip pissusaatigut peqatigitillugu misissorneqanngippat, suliami akuliulluni aaqqiissamaarneq isumaliutigineqarpat.
- Tarnip pissusaanik ilisimasalimmuk pitsaaliuinermik suliaqarnissaq periarfissatsialaavoq. Taamaalillutik angajoqqaanut meeqqamullu aaqqiinerit akuliuffiginerpaajusut kiisalu

atugarliuleriartornerit napparsimaleriartornerillu pinngitsoortinniarlugit tarnip pissusaatigut iluaquserneqarsinnaapput.

- Isumaginninnermut inatsit ersarissoq aqqutigalugu meeqqat pisinnaatitaaffiisa nukitorsarneqarnissaat pingaartuuvoq siunertamullu naapertuulluni.
- Suliummik ingerlatsiviit suliffeqarfiallu akimorlugit suliamik ilisimasaqarluartut suleqatigiinnissaat qulakkeerneqartariaqarpoq, immikkoortut suliffeqarfinniillu ikaarsaariarnerni ajornartorsiutaasartut Danmarkimi ilisimaneqarluartut pinngitsoortikkumallugit.

*Akissut: Inassuteqaatitut inatsisissatut siunnersuut akuerineqassappat inatsisissatut siunnersuutip suliareqqinneranut atatillugu suliamik ingerlatsinermi isumassarsiorfissatut imaliutissatullu ilanngunneqartariaqartutut allanneqarpoq, pingaartumik ingerlatsinermut ilitsersuutini qulliunerusumillu nalunaarutini. Ingerlatsinerni iliuutsinilu inatsisissatut siunnersuutip kingunerasik ingerlatsinerni iliuutsinilu assigiinngitsuni psykologit sapinngisamik ikuuttarnerisa siunnersuisarnerisalu atorneqartarnissanni ilanngullugu eqqarsaatigineqartariaqarpoq, minnerunngitsumik isumaginninnermik suliaqarnermi misissuinernut tapersersuillunilu oqaloqatigiittarnernut il.il. atatillugu. Inassuteqaatit allanneqarput inatsisissatullu siunnersummik suliareqqiinermi il.il. sapinngisamik ilanngunneqassallutik.*

Kalaallit Nunaanni meeqqat atugarissaarnerannik misissuineq

Kalaallit Nunaanni Naalakkersuisut SFI (Det Nationale Forskningscenter for Velfærd) suleqatigalugu 2008-mi meeqqat 0-14-inik ukiullit ilaquaasalu atugarissaarnerat misissuiffigaat.

"Kalaallit Nunaanni meeqqat pillugit nalunaarusiaq. 0-14-inik ukiullit ilaquaasalu atugarissaarnerannik misissuinerup" ersersippaa nunap immikkoortuini assigiinngitsuni ilaqtariit meeqqamut tunngatillugu ajornartorsiuteqarneq pissutigalugu isumaginninnikkut ikiorserneqartarerat maluginiarnartumik assigiinngitsorujussusoq. Inuuniarnikkut atugarisat assigiinngitsorujussuupput, nunallu immikkoortuini ilaqtariit ikiorserneqarsimasut naatsorsuutigisamit ikinnerupput, meeqqat sumiginnakkat pillugit kisitsisit aallaavigissagaanni (taakku misissuinermi aamma paasiniarneqarput).

Nalunaarusiami ilaqtariinni imaluunniit meeqqani pissutsit suut immikkut eqqumaffigisariaqarnersut aamma ilaqtariinni meeqqat sumiginnarneqarnissaannut aarlerinartorsiortunut iliuusissat suut naatsorsuutigineqarsinnaanersut pillugit ersarissarneqarnissaat siunertalugu suliamik ungasinnerusoq isigalugu aallartitsisoqarnissaa inassutigineqarpoq. Illoqarfii tamakkeratik isumaginninnermik ingerlatsivinni ilinniarsimasunik sulisoqarnerat eqqarsaatigalugu nalunaarusiami aamma inassutigineqarpoq isumaginninnermik ingerlatsiviit sulisuinut ilinniartitaaneq, ilitsersuineq siunnersorneqarnerlu aallartinneqartariaqartoq, taamaalillutik meeqqat sumiginnagaanermut aarlerinartorsiortut naapertuutumik iliuuseqarfigisinnaaqquallugit.

Nalunaarusiammi inassuteqaatigineqartunut uiggiullugu inatsisisstatut siunnersuutikkut meeqqanut, inuusuttunut angajoqqaanngortussanullu tapersiiniutit amerlanerusut pitsaanerusullu saqqummiunneqarmata oqariartuutigineqarmatalu tarnip pissusaanut ilisimasallit peqatigiiffiata siunertamut naapertuuttut isumaqarfigaa.

*Akissut: Ilanngunneqarpoq. Inatsisisstatut siunnersuut Inatsisartut 2016-imi ukiakkut ataatsimiinneranni immikkoortut suliassatut saqqummiutinnginnerani tusarniaanermi akissut ilanngutereerneranni august-september 2016-imi tusarniutigineqaqqissaaq. Ilimagineqarpoq tusarniaanermi akissutit inatsisisstatut siunnersuummut ilanngunneqartut, tamanut tusarniutigeqqillugit nassiunneqartut, aaqqissuunneratigut imarisaatigullu imatut pitsangortigisimassasut meeqqamut, inuusuttunut (malitseqartitsinermi) angajoqqaanullu tapersiinissamut periarfissat pitsaanerusut amerlanerusullu ersarissumik takuneqarsinnaassasut.*

Danmarkimi meeqqat angerlarsimaffiup avataanut pinngitsaaliinikkut inissinneqarsimasut, angerlarsimaffiup avataanut inissinneqarsimasut allatulluunniit akuliulluni aaqqiinerit pillugit suliani tarnip pissusaanik ilisimasallit peqatigiiffiata nalinginnaasumik inassuteqaatigisarpaa meeqqat misissuiffigineqarneranut ilaattillugu tamatigut tarnip pissusaatigut misissuisoqartassasoq. Allagaatit pioreesut misissuinissaq taarserneqassaneranik naliliisoqassappat, tarnip pissusaanik ilisimasalik periaatsinik ilisimasaqartoq naliliisinneqartariaqarpoq. Aammattaaq inassutigineqarpoq meeqqap inuusuttulluunniit inissinneqarneranut atatillugu aaqqiineq toqqarneqartoq meeqqap pisariaqartitaanut naapertuuttuunera kiisalu aaqqiineq meeqqap ineriartorneranut kissaatigineqartutut sunniuteqarneranik malitseqartitsilluni naliliinermi tarnip pissusaanik ilisimasalik ilaatinneqartariaqartoq.

*Akissut: Inassuteqaatit pitsaasuupput siunnersuullu akuerineqassappat inatsisisstatut siunnersuutip suliareqqinneranut atatillugu sapinngisamik ilanngunneqassallutik. Psykologit taamatut peqataatinneqartarnissaannik piumasaqaatit taamaattut piviusumi inatsisitigut piumasaqaattingortinneqarsinnaanngillat, kisiannili ilitsersuutini malitassasut isumassarsiorfiusut inassuteqaatitut suliamillu ingerlatsinermi atorneqarsinnaallutik. Qularutissaanngilaq ullumikkornit psykologit ullumikkornit atorneqarneruneraat meeqqat inatsisitigut inissisimanerat pitsangortissagaa pisunilu amerlasuuni ikiorsiisarnermi iliuutsit neqeroorutigineqartut pilersaarusiorneqartarnerat, ingerlanneqartarnerat angusallu pitsaanerulersissagaat. Kisiannili psykologit kalaallisut oqaasillit ikingaatsiartut meeqqallu najugaqarfisa siammasissorujussuuneri unammilligassaqtitsilerput, tamakkulu psykologit ilinniarsimasut assigiinngitsorpassuarni iliuutsinilu amerlasuuni atorneqartarnissaat qulakkeerniarlugu pisariaqartumik eqqarsaatigineqartariaqarput. Inassuteqaatit ilitsersuutini ilanngunneqarsinnaapput, taamaammallu inatsisisstatut siunnersuummi toqqaannartumik ilanngunneqaratik, tassa inatsisisstatut siunnersuummi anguniagaqarluni suliamik ingerlatsinermi piumasaqaatit meeqqanut atukkatigut navianartumiittunut tapersiissutit neqeroorutigineqartut allaffissornerut angusaqarfiusumik ingerlanneqarnissaani siunertarineqanngitsumik aporfuiuersinnaammata.*

Tarnip pissusaanik ilisimasallit peqatigiiffiata ilisimaaraa tarnip pissusaatigut misissuinernut tunngatillugu kikkut suliarinnittussaanerat pillugu isumaqatigiinngitsoqartartoq. Tamanna aaqqinneqariaannaavoq. Tassunga tunngatillugu erseqqissartariaqarpoq, tarnip pissusaanik ilisimasallit kisimik A-mik taaneqartunik misiliginik atuisinnaammata.

Isumaginninnermi suliassaqarfimmi isumalluutinik aamma/imaluunniit sulisunik immikkut ilisimasalinnik amigaateqarneq eqqarsaatigalugu, soorlu tamanna SFI nalunaarusiami 2008-meersumi aamma Tunumi Tasiilamut nakkutilliartorluni tikeraarnermit nalunaarusiaq nutaajunerusumi oqaatigineqartoq, tarnip pissusaanik ilisimasallit pisariaqarneratut annertutigisumik sulianik suliarinninnermi toqqaannartumik akuutinneqarsinnaanggillat, tamanna siumut sammisumik eqqarsaatigineqarsinnaavoq maannakkut siunissamilu sulisut piginnaanngorsarnissaannut, ilitsersorneqarnissaannut siunnersorneqarnissaannullu ilaatillugu.

Danmarkimi inuusuttunut ajornartorsiutilinnut kommunit suliniarnerat

Dansk Psykolog Foreningip inassutigaa, pitsaliuinermik imaluunniit angerlarsimaffiup avataanut inissiinissamik aalajangerneq tamatigut inuit ataasiakkaat aallaavigalugit naliliinermik tunngaveqartassasoq, tassalu suliami aalajangersimasumi meeqqamatut pitsaanerpaamik tapersiiniutaasumik. Tamatumunnga uiggiullugu peqatigiiffiup meeqqanut ikiorriisarneq pillugu inatsisisstatut siunnersummi isumaginninnermi misissuineq iliuusissatut pilersaarummi allagaasumi tapersiiniutit suut aallartinneqassaneranik tunngaviusussatut siunnersuut tapersorsorpai.

SFI 2010-mi danskit kommuuniisa inuusuttunut 14-16-inik ukiulinnut ajornartorsiortunut pitsaliuinermik suliaqarnerannik misissuivoq. Misissuinermi ilaatigut inerniliunneqarpoq pitsaliuinermik aaqqiinerit angerlarsimaffiullu avataanut inissiinerit tamatiguunngitsoq taartigiissinnaanngitsut, tamarmilli immikkut nukittuffeqlarlillu sanngiiffeqartut. Misissuinermi tassanerpiaq ersersinneqarpoq angerlarsimaffiup avataanut inissiisarneq nalinginnaasumik angerlarsimaffinni atornerluiffiusuni pitsaliuinermik aaqqiinernit pitsaanerusartoq, kiisalu inuusuttunut sakkortunerusumik eqqugaasunut angajoqqaanik/qatanngutinik saqitsaannernik annikillisitsartoq, inuusuttoq atuarfimm, ilinniarfimm suliffimmiluunniit malinnaasinnaaleqqittartut inuusuttullu atuarneranut tunngatillugu tapersorsorlugulu malinnaavigineqarlersartut.

Paarlattuanik aaqqiinerit pinaveersaartitsissutaasut nalinginnaasumik angerlarsimaffiup avataanut inissiinermi pitsaanerusarput inooqatigiinnermi, avatangiisinut piussilersuutitigut ajornartorsiutit, ilaqtariillu ingerlanerlunnerannik annikillisinneqartarmata pinaveersaartitsisarlillu, matumanit timikkut tarnikkullu mittatilliinerit ilanngullugit. Assigiinngissutaat ima nassuarneqarsinnaavoq, angerlarsimaffiup avataanut inissiinermi paarlattuanut sanilliullugu soorlu assersuutigalugu

ilaqtariittut katsorsarneqarnerannut inuusuttoq isiginiarneqarnerusarnera ilaqtariittullu tamarmiusutut pinnagit.

Meeqjanut aaqqiinerit

Inatsisissatut siunnersuutikkut meeqqamut ikorsiinissamut periarfissat amerlanerusut pitsaanerusullu saqqummiunneqarnerat ersarissarneqarnerallu tarnip pissusaanik ilisimasallit peqatigiiffiata oqaatigineqareersutut siunertamut naapertuuttutut isumaqarfigaa.

Kalaallit Naalakkersuisuinit SFI-miillu nalunaarusiaq 2008-meersup ersersippaa ikorsiissutitut neqeroorut amerlanertigut tassaasartut atuarfimmi sulisunik oqaloqatiginninnerit. Meeqqat atuarfimmi inooqatigiinnermi tarnikkut ajornartorsiortut 8 pct.-ii tarnip pissusaanik ilisimasalimmit ikiorserneqarsimapput, 3 pct.-ii isumaginninnermik ingerlatsivimmik sulisumit ikiorneqarsimapput, 5 pct.-ii lu allamit ikiorserneqarsimallutik. Meeqqat allat (angajoqqaavilu) ajornartorsiutit pillugit ilinniartitsumik inummilluunniit allamik atuarfimmi sulisumik oqaloqateqarnissamut amerlanertigut periarfissaqartarsimapput.

Pitsaliuilluni aaqqiinerit aalajangersimasut sunniutaannut tunngatillugu SFI-p misissuinermini tikkarpaa Danmarkimi kommunit inuusuttunut pitsaliuillutik suliniutaanni inuusuttut tarnikkut timikkullu nappaataannik ajornartorsiutaannillu, imminnut innarlerniarlutik pissusilersortarnerat aamma angajoqqaaminnik qatanngutiminnillu saqitsaattarnerat annikillisaaniarluni pinaveersaartsiniarlunilu ataasiakkaarilluni tarnip pissusaatigut oqaloqatiginnittarnerit pitsaliuilluni aaqqiinernit allanit pitsaanerusut, taavalu inummik attaveqartitsineq pitsaliuilluni aaqqiinernit allanit malunnaatilimmik pitsaanerusoq, inuusuttut inersimasunut attaveqarnerat eqqarsaatigalugu, taamaalilluni inersimasunik attaveqarnera qulakkeerneqassaaq.

Ataatsimut isigalugu Dansk Psykolog Foreningip nalilerpaa Meeqqat pisinnaatitaaffii pillugit isumaqatigiissut tunngavigalugu inatsisissatut siunnersuutikkut isumaginninnermut inatsit nukittooq ersarissorlu aqqutigalugu meeqqat pisinnaatitaaffii nukitorsarneqarnissaat pingarnerusutigut isiginiarneqartoq. Peqatigiiffiup ilanngullugu nalilerpaa misissuineq inassuteqaatillu qulaani taaneqartut tunngavigalugit tarnip pissusaanik ilisimasalimmut pitsaliuinerterik suliaqarnissamut periarfissatsialasoq.

## **9) Isumaginninnermi Naammagittaalliuuteqartarfik**

Isumaginninnermi Naammagittaalliuuteqartarfik allattoqarfiata matumuuna una pillugu siunnersuummut oqaaseqaatini nassiuppaa: Meeqjanut ikorsiisarneq pillugu inatsisartut inatsisaat nr. xx, xx 2016-imeersoq.

Tamaasa ataatsimut isigalugit:

Oqaatsit assigiinngitsut atorneqarput, assersuutigalugit angajoqqaatut oqartussaasut, ilaqtariit, isumassortit il. il. Siunnersuutigineqarpoq taaguummik ataasiinnarmik atuisoqassasoq, angajoqqaatut oqartussaasoq/-sut atorneqarsinnaapput.

*Akissut: Ilaatigut ilanngunneqarpoq. Inatsisissatut siunnersuummi oqaatsit atorneqartut sukateriffingeqarput oqaatsitigullu erseqissaasoqarluni kiisalu taaguutit inissisimanerillu/suliassallu pillugit nassuaatit pitsaanerusut ilanngunneqarlutik.*

Angajoqqaatut oqartussaasoq/-sut pineqarnerat erseqqisumik allanneqartariaqarpoq. Angajoqqaat pineqartut katinnikuusimanngippata, taava kina ataataanersoq aalajangiiffingeqareersimassaaq, taamaanngippammi anaanaasoq kisiat taaneqartussaammat. Angajoqqaat katissimagunik marluullutik angajoqqaatut oqartussaassuseqarput.

*Akissut: Inatsit akuerineqassappat nassuaat suliareqqiinermi ilitsersuummi ilanngunneqarsinnaavoq.*

Oqaaseq, angajoqqaanngortussat, inatsisit toqqammavigalugit eqqortumik taaguusiinerunngilaq. Malittarisassat suliaqarfimmi ilaqtariit pillugit inatsimmi malittarisassanut atuuttunut naapertuuttusariaqarput.

*Akissut: Ilanngunneqanngilaq. Taaguut inatsisilerinermi taaguutinik ineriartortitsissutissatut eqqarsaataanngilaq, siunertaallunili anguniakkat tapersiivigineqarsinnnaasut kikkuuneri paasiniarnissaat, naak taakku meeraagaluartut, siusissumilli iliuuseqarnertut tapissuutaallutik pinaveersaarutaallutilu, tassa meeraq inunngortussaammat angajoqqaallu naliliivigineqarmata meeqqap peqqisumik ineriartorfiusumillu inuunermi aallartinnissaa qulakteerniarlugu taperserneqarnissamik pisariaqartitsisut.*

Inatsisissatut siunnersuut meeqqanut atugarliortunut aamma meeqqanut immikkut pisariaqartitsisunut sammitinneqarmat oqaatsit ikorsiisarneq aaqqiissuteqarnerluunniit atorneqartillugu oqaaseq "ikorsiissutit" aamma atorneqartariaqarpoq. Atugarliortut ikorneqartarput meeqqanullu immikkut pisariaqartitsisunut ikorsiissuteqarnissaq neqeroorutigineqartarluni. Aaqqiissutit ajortumik akuliunnertullu paasineqarsinnaapput.

*Akissut: Ilanngunneqarpoq. Oqaaseq "iliuutsit" uuminnga taarserneqarpoq "tapersiissutit".*

Siunnersuutigineqarpoq Inatsisartut inatsisaata taaguutaa allanngortillugu inuussuttut aamma ilanngunneqassasut. Aamma siunnersuutigineqarpoq "inuusuttoq" assigisaaluunniit ilanngunneqassasoq, tassani siunnersuummi assersuutigalugu § 1-imti tamanna naapertuuppoq.

*Akissut: Ilaatigut ilanngunneqarpoq. Meeqqat pingaarnertut anguniagaaneranni qulequtaq allanngortinnejannilaq. Inuuusuttulli (suliniuteqareernermi malinnaavigineqartut) inatsisisssatut siunnersuummi naleqquttuni ilanngunneqarput. Inatsisisssatut siunnersuummi pineqartut pingaarerit tassaapput meeqqat (18-it tikillugit ukiullit), inuuusuttut (inuuusuttut siunnersuummi nassuaaserneqarput 18-init 23-nut ukiullit) suliniuteqareernikkut malinnaavigineqartut taperserneqarnissaat siunnersuummi aamma pitsanngortinneqaraluartoq inatsimmi uani qulequtaani aalajangiusimaneqarpoq, takutitsisuunissaa eqqarsaatigalugu, meeqqat taperserneqarnissaat inatsisisssatut siunnersuummi pineqartoq. Taamaammat malitseqartitsineq imatut paasineqassaaq meeqqat perornerusimasut inersimasunngornissamullu pitsaasumik ikaarsaariarnissamut ikiorneqarnissamik pisariaqartitsisorujussuit. Inatsit tunngavigalugu taaguutit meeqqat kikkuunersut (0-17 ukiullit) inuuusuttut kikkuunersut (18-23 ukiullit) kikkullu inersimasuunersut (18-inik ukioqalernermiit) paatsuungassutigineqannginnissaat qulakkeerniarlugu inuuusuttut nassuaaserneqarnerat tassunga peqatigitillugu inatsisip oqaasertaani ilanngunneqarput siunnersuummullu nassuaatini ersarissumik nassuiarneqaqqillutik. Inuuusuttut taamaalillutik siunnersuummi aamma inersimasuupput. Meerarli inuuusuttuunngilaq, meerarlu inersimasuunani. Suliniuteqareernermi malinnaanerit neqeroorutigineqarsinnaapput, meeqqat meeraanermiit inersimasumut ikaarsaariarnerani meeqqanut taperseriisarneq pillugu inatsisisssatut siunnersuut naapertorlugu (inuuusuttut) taperserneqarnissamik pisariaqartitsisut nalilerneqarpat. Taamaattoqassappat iliuuseqareernerup kingorna malitseqartitsinertut ingerlanneqassaaq. Siunnersuummili siunertaanngilaq inuuusuttut meeqqatulli taperserneqassasut, meeqqalli meeqqatut ineriartorneranni taperserneqassapput meeqqallu immikkut tamarmik pitsaasumik mianerinnillunilu inersimasutut inuulernissamut ikaarsaariarnissaat qulakkeerneqassaaq, pisariaqarpallu meeqqat inersimasuunermut ikaarsaariartut suliniuteqareernikkut malinnaaviginerisigut inatsisisssatut siunnersuut malillugu inuuusuttuuneranni neqerooruteqarnikkut inersimasunngornissamut taperserneqassallutik, taamaalillutik inersimasuunermut pitsaasumik ikaarsaariarnissaat qulakkeerneqassalluni.*

Inassutigineqarpoq meeqqamut pitsaanerpaasussaq atornagu meeqqap pisariaqartitai atorneqassasut. FN-p Meeqqat pillugit Isumaqtigiiissutaani (ass. immikkoortoq 3) oqaaseq "meeqqap pisariaqartitai" atorneqarpoq. Inatsisisssatut siunnersuummi aamma tamanna issuarniarneqarsimappat, taava oqaaseqatigiit assingi atorneqartariaqarput.

*Akissut: Ilanngunneqanngilaq. Oqaaseqatigiit "meeqqamut pitsaanerusoq" nalilerneqarpoq oqaatsitigut ullumikkut atorneqartunut naleqqunnerusoq. "Pisariaqartitaq/inummut pitsaanerusoq" suliamik ingerlatsinermi oqaatsini eqqorneruvoq (inatsisilerituunut), kisiannili taamatut allattoqarpoq, inatsit salliutillugu innuttaasunit ingerlatsinermilu sulisunit inatsisilerituuttut ilinniagaqaratik allanik tunuliaqteqartunit paasineqarnissaa eqqarsaatigalugu.*

Oqaaseq "kommunip ingerlatsivia" "kommunalbestyrelse"-mik taarserneqartariaqarpoq. Kommunalbestyrelse pingarnertut akisussaasuullunilu aalajangiisartuuvoq, taamaammat siunnersuut tamaat eqqarsaatigaluq oqaatsit aalajangersimasut atorneqartariaqarput.

*Akissut: Ilanngunneqarpoq. "Kommuni" imaluunniit "kommunimi ingerlatsivik" inatsisip oqaasertaani ataatsimut isigalugu uuminnga oqartussat taarserneqarpoq, tassa "kommunalbestyrelsi". Inatsisissamut siunnersuummi aalajangersakkanut ataasiakkaanut immikkut nassuaatit eqqarsaatigalugit atuaruminartuunissa oqaatsillu nassuaassutit eqqarsaatigalugit oqaatsit taaguutillu assigiinngitsut suli atorneqarput.*

Isumaginninnermi Naammagittaalliuuteqarfia isumaqarpoq akuersisummitk pissarseqqaarani aalajangiisoqassappat kapitali 7 aamma 8 naapertorlugit aaqqiissuteqartarnissamik siunertarineqartoq siunertamut naapertuutinngitsoq aamma angujuminaassasoq.

*Akissut: Ilaatigut ilanngunneqarpoq. Inatsisissatut siunnersuummi erseqqissaasoqarpoq maannakkullu pitsaaneruseumik aaqqissuussisoqarluni. Suleqatigiinneq akuersinerlu ilimasuutaapput, meeqqallu suliani imminnut tunngasuni peqataatinneqartassalutik, nalilerneqaporlu pisut ilaanni akuersisoqartinnagu tapersiinermi iliuutsinik aalajangiisarnissaq pisariaqartassasoq.*

Taamaammat Isumaginninnermi Naammagittaalliuuteqarfia allattoqarfia inassutigaa aaqqiissutissanut taama ittunut kommunalbestyrelse kisimi aalajangiisassasoq, tassa angajoqqaatut oqartussaasoq/-sut kiisalu meeraq 15-inik ukioqalereersimasoq akuersissuteqarsimappata.

*Akissut: Qulaani akissut takujuk.*

Aalajangersakkami takuneqarsinnaasariaqarpoq § 28 malillugu aaqqiissuteqarnermut atatillugu angajoqqaat aamma akuersissuteqartussaasut. Aaqqiissutissat angajoqqaanit akuerineqartussaasut angajoqqaat akuersissutaannik pissarseqqaarani aallartinneqarsinnaanngillat.

*Akissut: Inatsisissatut siunnersuummi oqaatsitigut erseqqissaasoqarpoq allatullu atuaruminarneruseumillu aaqqissuussisoqarluni, tassani suliassanik suliarinnittarneq pillugu malittarisassat siunnersuummi tunuani kapitalimi ataatsimi ataatsimoortinneqarlutik.*

Angajoqqaatut oqartussaasoq/-sut taamatut pissusilersornikkut avataanut inissinniarneqarsinnaanngillat. Tamanna Nammimeersinnaatitaaffeqarnermut inatsimmi malittarisassanik unioqquitsitsinerussaaq. Angajoqqaatut oqartussaassuseqarnermut akerliusumik iliuuseqarniaraanni taava § 36 naapertorlugu pinngitsaaliinikkut aaqqiinerussaaq.

*Akissut: Ilanngunneqanngilaq. Tapersiinermi iliuutsit pingaarnertut malitassatut pineqartumut neqeroorutitut paasineqassapput, tapersiinermilu iliuutsinik neqeroorutigineqartunik innuttaasoq akuersinissamut pisussaaffeqanngilaq.*

Kommunalbestyrelsip kapitali 7 aamma 8 malillugit aaqqiissuteqarniarluni akuersisummik pissarseqqaarani aalajangiisarnissaa atuutsiinnarusunneqarpat tamanna aalajangersakkani ataasiakkaani erseqqissumik takuneqarsinnaasariaqarpoq.

*Akissut: Inatsisissatut siunnersuummi oqaatsitigut erseqqissaasoqarpoq allatullu atuaruminarnerusumillu aaqqissuisoqarluni, tassani suliassanik suliarinnitarneq pillugu malittarisassat siunnersuummi tunuani kapitalimi ataatsimi ataatsimoortinneqarlutik.*

Isumaginninnermi Naammagittaalliuuteqarfiup allattoqarfiata ilisimavaa kommunit ilaqtariinnut arlalinnik meerartaqartunut tunngatillugu qanoq iliuuseqartarnissaannut maannakkorpiaq erseqqissunik malittarisassaqanngitsoq. Tamanna tunngavigalugu inassutigineqarpoq tamatuma Inatsisartut inatsisaanni aamma/imaluunniit nassuaatini erseqqissarneqarnissaa.

*Akissut: Inatsisissatut siunnersuut akuerineqassappat ilitsersuummi suliareqqiinermilu allani itisilerneqarluarsinnaavoq ilanngunneqarluarsinnaallunilu.*

Aalajangersakkat ataasiakkaat nassuaatillu:

§ 1 pillugu:

Siunnersuutigineqarpoq aalajangersakkamut oqaasertaliussaq allangortinneqassasoq, tassa aalajangersakkami takuneqarsinnaanngorlugu Inatsisartut inatsisaanni meeqqat inuusuttullu immikkut siunnerfigineqartut. Tamatumani eqqarsaatigalugu inuusuttut 18-23-t akornanni ukiullit suliniuteqarfigineqareerneranni malitseqartitsisarneq inatsimmi aamma pineqartoq. "Inuusuttut" pisariaqarfiatigut ilanngunneqartarnissaat pillugu nalinginnaasumik nassuaatit takukkit.

*Akissut: Inatsisissatut siunnersuummi nutartikkami § 4, imm. 3-mi ilanngunneqarpoq.*

§ 1-imut nassuaatini allassimavoq "§ 1-imu aalajangersaaneq ima paasineqassaaq, angajoqqaat meeqqap pisariaqartitaanik isumaginnissinnaanngikkaangata, taamaallaat tapersiisoqartassasoq." Isumaginninnermi Naammagittaalliuuteqarfiup allattoqarfiata oqaatigissavaa, angajoqqaatut oqartussaasup/-sut meeqqap pisariaqartitaanik isumaginnissinnaannginnerat kisimi pissutaanani pisoqarsinnaavoq meeqqap inuusuttulluunniit tapersiiffigitinnissamut pisariaqartitsiffigisaanik. Taamaamat siunnersuutigineqarpoq oqaasertaliussaq allangortinneqassasoq imaluunniit erseqqissaaffigineqassasoq.

*Akissut: Ilanngunneqanngilaq. Inatsisissatulli siunnersuummi oqaatsitigut erseqqissaasoqarpoq.*

§ 2 pillugu:

§ 2, imm. 1-imut nassuaatini takuneqarsinnaavoq meeqqamut pitsaanerpaaq aamma suup meeqqamut pitsaanerpaanera qanoq paasineqassanersut. Nassuaatinittaaq takuneqarsinnaavoq taagutigineqartoq taaguutaavoq Meeqqap Pisinnaatitaaffii pillugit Naalagaaffiit Peqatigiit isumaqatigiissutaanni artikel 3-mi allassimasunik aallaaveqartoq. Tamanna ilumuunngilaq, tassa Naalagaaffiit Peqatigiit meeqqat pisinnaatitaaffii pillugit isumaqatigiissutaanni meeqqap pisariaqartitai atorneqarmata.

Nalinginnaasumik nassuaatit takukkit.

*Akissut: Ilanngunneqanngilaq. Taaguut "pisariaqartitat" atornagu "Meeqqamut pitsaanerusup" atornerani taaguut ulluinnarsiorpalunnerusup atornissaa toqqarneqarpoq. Piviusunilu tamanna pingaarutikinneruvoq, tassa kalaallit oqaasii Namminersortuuneq pillugu inatsimmi 2010-meersumi pisortatigoortumik oqaassiummata inatsisissatut siunnersuummi danskisuuan iinatsisilernermi danskit taaguutaat pisoqaanerusup atunnginnerani taaguummillu ullumikkut atorneqartartumik taarserlugu meeqqat pisinnaatitaaffimminnik annaasaqariaannaanerat annikitsuinnartut isagineqarpoq.*

§ 4 pillugu:

§ 4-mi allassimavoq Inatsisartut inatsisaat meeqqanut 18-it inorlugit ukiulinnt Kalaallit Nunaanni najugaqartunut atuuttoq. Ilanngullugu allanneqartariaqarpoq inatsit meeqqanut Kalaallit Nunaanniittunut atuuttoq. Inatsisartut inatsisaat meeqqanut Kalaallit Nunaanniittunut tamanut atuuttariaqarpoq, assersuutigalugu aamma feeriarlutik Kalaallit Nunaanniittunut.

*Akissut: Ilanngunneqanngilaq.*

§ 5, imm. 1 pillugu:

Aalajangersagaq siammäsinnerusumik oqaasertalerneqartariaqarpoq, tassa kommunalbestyrelsip Inatsisartut inatsisaat naapertorlugu aalajangiiffigisassai tamaasa takuneqarsinnaanngorlugit.

Siunnersuutigineqarpoq kommunalbestyrelsi sorleq piginnaatitaanersoq nassuaatini erseqqissaaffigineqassasoq.

*Akissut: Ilanngunneqanngilaq. Inatsisissatulli siunnersuummi oqaatsitigut erseqqissaasoqarpoq.*

§ 5, imm. 2 pillugu:

Aalajangersagaq atorunnaarsinneqarsinnaavoq, tassa § 8, imm. 4 asserluinnangajaanik oqaasertaqarmat aamma nakkutilliinermut tunngatillugu kapitali 3-mi tamatuma takuneqarsinnaanera siunertamut naapertuunnerusutut isagineqarmat.

*Akissut: Ilanngunneqarpoq. Imm. 2 peerneqarpoq.*

§ 6, imm. 1 aamma imm. 2 pillugit:

Isumaginninnermi Naammagittaalliuuteqarfiup allattoqarfiata naatsorsuutigaa aalajangersagaq inissiinernut taamaallaat tunngassuteqartoq. Aalajangersagaq erseqqissarneqartariaqarpoq, tassa erseqqissumik takuneqarsinnaanngorlugu aalajangersakkami angerlarsimaffiup avataanut inissiinissaq kisimi pineqarnersoq.

*Akissut: Ilanngunneqarpoq. Aalajangersakkap oqaasertai annertuumik allanngortinneqarput, taamaalilluni siunertaatut kissaatigineqartoq naapertorlugu maannakkut pitsaanerusumik allaqgalerluni.*

Aalajangersakkami aaqqiissutissat pillugit aalajangiinerit tamarmik pineqartarpata taava assersuutigalugu § 28, imm. 3, nr. 9-mi kommunit iluanni qanoq aaqqissugaasimaneq piginnaatisissutilu kommunimit kommunimut assigiinngissuteqassapput.

*Akissut: Ilanngunneqarpoq. Taamaammat aalajangersakkap oqaasertai allanngortinneqarput. Akissutit ataaniittut takukkit.*

§ 7, imm. 2 pillugu:

Aalajangersakkap nassuaatillu akornanni naapertuitinngitsoqarpoq. Aalajangersakkami takuneqarsinnaavoq communalbestyrelsi tassaasoq meeqqap najugaanut isersinnaasoq, nassuaatinili takuneqarsinnaalluni meeqqap najukkamini isersimaffigunagaanut communalbestyrelsi isersinnaasoq. Taakkua imminnut tamatigut ataqtigiinneq ajorput.

Isumaginninnermi Naammagittaalliuuteqarfia isumaqarpoq "meeqqap najugaa" imatut allanngortinneqartariaqartoq "angajoqqaatut oqartussaassuseqartup najugaa".

Tamatumunnga pissutaavoq § 36 malillugu angerlarsimaffiup avataanut inissiinissaq pillugu aalajangiineq tassaammat communalbestyrelsip angajoqqaatut oqartussaasumut/-nut tunngatillugu aalajangiinera.

*Akissut: Ilanngunneqanngilaq.*

Kommunalbestyrelsi kisimi angajoqqaatut oqartussaasup/-t najugaannut isersinnaasariaqarluarpoq.

*Akissut: Ilanngunneqanngilaq.*

Meeraq angajoqqaatut oqartussaasup/-t najugaanni pinnani allami najugaqarpat Isumaginninnermi Naammagittaalliuuteqarfiup allattoqarfiata isumaa malillugu eqqartuussisarnermut inatsit

najukkamut iserniaraanni atorneqartariaqarpoq, tassa meeraq sumiluunniit najugaqaraluarpat inatsit taanna atorneqartariaqartoq.

Nassuaatini erseqqissaaffigineqartariaqarpoq meeqqap sumi toqqorsimatinniarneqarnera pillugu kommunalbestyrelsi qanoq iliuuseqartassanersoq. Taama pisoqartillugu politiit ilaatinneqartussaapput.

*Akissut: Ilanngunneqanngilaq.*

§ 7, imm. 3 pillugu:

Isumaginninnermi Naammagittaalliuuteqarfia § 7, imm. 2-mut tunngatillugu tamatuma assinganik oqaaseqaateqarpoq. § 7, imm. 2

*Akissut: Ilanngunneqanngilaq.*

Kapitali 3-mi Nakkutilliineq pillugu:

Siunnersuutigineqarpoq kapitali 3-mut qulequtsiussaq imatut allanngortinneqassasoq: Nakkutilliineq nakkutilliisartullu.

*Akissut: Ilanngunneqanngilaq.*

§ 8 pillugu:

Siunnersuutigineqarpoq nassuaatit quppernerisa 25-anni "Nakkutilliinissamut pisussaaffik [...]" ilallugu allanneqassasoq, ilaqtariinni arlalinnik meeratalinni meeraq ataaseq pillugu kommuni nalunaarummik tigusaqaruni kommunip misisortariaqaraa meeqqat sinneri ikiorserneqarnissamik pisariaqartitsinersut.

*Akissut: Ilanngunneqarpoq. Immikkut nassuaatini maannakkut allaqqalerpoq, maannakkut inassuteqaatigineqarluni suliassanik suliariinnittartoq assigisaaluunniit inersimasunut inuttut atukkatigut immikkut ajornartorsiuteqartunut attaveqartassasoq, assersuutigalugu imigassamik aanngajaarniutinilluunniit atornerluinerup sianiuutikkulluunniit nappaateqarnerup kinguneranik meeqyanik angerlarsimaffimmi najugaqartarnersoq apequtigissallugu pingaaruteqarpoq, taamaalilluni ilaqtariinnut tunngasunik ilaqtariinni taakkunani meeqqanut pinaveersaartitsinerit aallartinneqarniassammata.*

§ 8, imm. 5 pillugu:

Siunnersuutigineqarpoq erseqqissaassutigineqassasoq nalunaaruteqareerluni/ nalunaaruteqaqqaarani nakkutilliisussaatitaasut tassaammata Naalakkersuisut aamma communalbestyrelsi.

*Akissut: Ilanngunneqarpoq. Inatsisissatut siunnersuutip oqaasertai ersarissaavagineqarput pitsaanerusumillu ilusilersorneqarlutik.*

§ 9, imm. 1 pillugu:

Nakkutilliisartunut tunngatillugu siunnersuutigineqarpoq innarluutilinnik sullissinerup iluani malittarisassanik iluarsartuussinermi tassunga assingusunik ilanggussisoqassasoq.

*Akissut: Tusaatissatut tiguneqarpoq.*

§ 9, imm. 2 pillugu:

”[...] aalajangersaasinnaapput[...]" imatut allanngortinneqassasoq siunnersuutigineqarpoq ”[...]aalajangersaassasut[...]" .

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

§ 10, imm. 2 pillugu:

”[...]ingerlasut" siornanut ”suliat" ilanngunneqassaaq.

Siunnersuutigineqarpoq oqaaseq ”immikkut mianersuullugit" allanngortinneqassasoq.

Isumaginninnermi Naammagittaalliuuteqarfip allattoqarfia isumaqarpoq suliat tamarmik immikkut mianersuutassaasut oqaasertaliussarlu allatut paasineqarsinnaasoq.

*Akissut: Ilanngunneqarpoq. Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuussisoqarluni.*

§ 10, imm. 3 pillugu:

”[...] nakkutilliinerminnut[...]" imatut allanngortinneqartariaqarpoq ”[...] nakkutilliinerminni [...]

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

Aalajangersakkamut ilanngunneqartariaqarpoq suliani sukanganerusunik aaqqiinissamik pisariaqartitsisoqannginnerarlugu kommunalbestyrelsip aalajangiiffigisimasaanni nakkutilliisartut erseqqinnerusumik piffissaliussaasa iluanni isumaginninnermi suliatigut misissuinermik kommunalbestyrelsip aallartitsinissaanik nakkutilliisartut peqqusisinnaanerat, tak. §§ 35-36.

*Akissut: Ilanngunneqanngilaq.*

Isumaginninnermi Naammagittaalliuuteqarfiup allattoqarfiata siunnersuutigaa nassuaatiniupperneq 27-mi immikkoortoq imatut aallartittoq: "Aalajangersakkami imm. 3..." salaatumiksaqqummiussineruvoq" [...]” peerneqartariaqarpoq, tassa paatsuungatitsilerninaammat.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumilluaaqqissuunneqarluni.*

§ 11, imm. 1 pillugu:

"[...] aalajangersaasinnaapput[...]" imatut allanngortinnejassasoq siunnersuutigineqarpoq "[...]aalajangersaassasut[...]".

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumilluaaqqissuunneqarluni.*

Inatsisartut inatsisaanni nassuaatiniluunniit erseqqissumik allassimanngilaq nakkutilliineq sukanganerusoq § 11, imm. 1, nr. 4-mi taaneqartoq qanoq isumaqartinnejarnersoq.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumilluaaqqissuunneqarluni.*

§ 12, imm. 1 pillugu:

Qitiusumik Siunnersuisarfimmut tunngatillugu siunnersuutigineqarpoq innarluutilinnik sullissinerup iluani malittarisassanik iluarsartuussinermi tassunga assingusunik ilanngussisoqassasoq.

*Akissut: Tusaatissatut tiguneqarpoq.*

§ 13, imm. 1 pillugu:

"[...] sulinermi [...]" imatut allanngortinnejartariaqarpoq "[...] suliami [...]

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumilluaaqqissuunneqarluni.*

Nassuaatit quppernerisa 35-anni allassimavoq: " Paasissutissanik inunnut tunngasunik mianersuunneqartussanillu paarlaasseqatigiinnissamik tigisisussatut qinnuteqartumit kommunimit tamanna naliliiffigisassaavoq, aammalu Qitiusumik Siunnersuisarfimmit naliliiffigisassaalluni kommunimut qinnuteqaammik nassiussinnginnermini." Tamanna nalilersorumingaallunilu aqukkuminaassaaq.

§ 13, imm. 3 pillugu:

Erseqqissarneqartariaqarpoq kommunalbestyrelsi tassaammat paasissutissanik ingerlatitseqqittoqassaneranik aalajangiisussaq.

§ 59-imut maanna oqaasertaliussaq naapertorlugu communalbestyrelsip aalajangiineri taama ittut Isumaginninnermi Naammagittaalliuuteqartarfimmut naammagittaalliuutigineqarsinnaapput. § 59-imut nassuaatit takukkit.

*Akissut: Kommunalbestyrelsip aalajangiineri i sumaginninnermi naammagittaalliorfimmut maalaarutigineqarsinnaapput.*

Kommunalbestyrelsi itigartitsissuteqarluni aalajangiippat susoqassanersoq aalajangersakkami takuneqarsinnaasariaqarpoq. Qitiusumik Siunnersuisarfik paasissutissanik takunnissimappat angajoqqaatut oqartussaasoq/-sut tamatumannga Isumaginninnermi Naammagittaalliuuteqartarfimmut naammagittaalliorsinnaapput. Tamanna aamma pissutigalugu taarsiiffigitinnissamik qinnuteqartoqarpat erseqqissarneqartariaqarpoq apeqqut taanna Isumaginninnermi Naammagittaalliuuteqartarfimmit aalajangiiffigineqassanersoq. Isumaginninnermi Naammagittaalliuuteqartarfiup allattoqarfia isumaqarpoq apeqqut tamanna eqqartuussivimmi aalajangiiffigineqartariaqartoq.

*Akissut: Ilanngunneqanngilaq.*

§ 14 pillugu:

Inatsisartut inatsisaanni erseqqissumik takuneqarsinnaasariaqarpoq Qitiusumik Siunnersuisarfiup kommunalbestyelsituulli inatsit naapertorlugu sullissinissamut piumasaqaatinik malinninnissaa.

*Akissut: Ilanngunneqanngilaq. Suliassanik suliariinnittarnermut ingerlatsinermilu malittarisassat inatsisini aalajangersarneqarnikut atuutereersut uteqqinnissaat pisariaqanngitsutut nalilerneqarpoq. Inatsisissatulli siunnersuummi oqaatsitigut erseqqissaasoqarpoq pitsaanerusumillu aaqqissuisoqarluni, suliassanillu suliariinnittarnermut malittarisassat inatsisissatut siunnersuutip naggataani kapitalimi ataatsimi katarsorneqarlutik.*

§ 14, imm. 3 pillugu:

Aalajangersakkamut oqaasertaliussaq allanngortinneqartariaqarpoq. Takujuminaappoq suliassat Qitiusumik Siunnersuisarfiup nammineq aallartittagassai imaluunniit communalbestyrelsip qinnuiginninnera tunngavigalugu aallartinneqartassanersut matumani pineqarnersoq.

*Akissut: Ilanngunneqarpoq. Immikkoortumi nutaamik nutartikkamik oqaasertaliisoqarmat taanna erseqqarissumik allassimasoq nalilerneqarpoq.*

§ 14, imm. 4 pillugu:

”[...] aalajangersaasinnaapput [...]” imatut allanngortinneqassasoq siunnersuutigineqarpoq ”[...]aalajangersaassasut [...]”.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

§§ 15 - 16 pillugit:

Inuit pineqartut akornanni inuttut attaveqaqatigiittartoqarsinnaammat kommunalbestyrelsip saniatigut naalakkersuisoqarfik nakkutilliisartullu imaluunniit Qitiusumik Siunnersuisarfik nalunaarfigineqarsinnaasariaqarput. Nassuaatitigulli ammaanneqarpoq kinaassutsimik isertuussilluni inuttut nammineq nalunaaruteqarsinnaaneq, najugaqarfinnili inukittunnguani tamanna pivusorsioruntuunngitsutut isigineqarsinnaavoq.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

§ 15, imm. 1 pillugu:

Nassuaatit inatsimmilu oqaasertaliussat akornanni naapertuutinngitsoqarpoq, tassa nassuaatini oqaaseq ”-sorinartoq” atorneqarmat.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

Nassuaatini takuneqarsinnaasariaqarpoq nalunaarutit tamarmik allagaatinik takunnissinnaatitaanermut attuumassuteqartuuusut – aamma kinaassutsimik isertuussilluni nalunaarutigineqartut, aamma allagaatinit upternarsaatnik paasissutissanilluunniit ilanngussinngitsoqarnissaanik aalajangiineq Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq aamma/imaluunniit Pisortat ingerlatsineranni suliassat suliarineqartarnerat pillugu Inatsisartut inatsisaat nr. 8, 13. juni 1994-imeersoq naapertorlugit pisartussaasoq.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

Inatsimmut oqaasertaliussami ilanngunneqartariaqarpoq upternarsaatip imarisariaqarai nalunaarutip malitsigisaanik suliap qanoq ingerlanneqarnissaa pillugu innuttaasup paasissutissanik pissarsisinnaatitaannginnera pillugu paasissutissat.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

§ 16, imm. 1 pillugu:

Politiit, eqqartuussiviit suliffeqarfíillu nalunaaruteqarnissamut pisussaaffimmut sakkortunerusumut ilanngunneqartariaqarput.

*Akissut: Ilanngunneqanngilaq. Pisariaqanngilaq, tassa politiit eqqartuussiviillu nammineq suleriaasia malinneqareermat. Meeqqanik ulloq unnuarlu paaqqinnittarfíit aalajangersakkami nalinginnaasumik ilanngutereerneqassapput.*

§ 17, imm. 1 pillugu:

Aalajangersagaq allatut oqaasertalerneqartariaqarpoq, tassa assersuutigalugu ilaqtariit kommunit aggornerisa avataanut nuuttut eqqarsaatigalugit.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

§ 18, imm. 1 pillugu:

Oqaasertaliussap "[...] kommunimut nutserfigineqartumut" kingorna ilanngunneqartariaqarpoq "imaluunniit assingusumik oqartussaasumut".

Matumaní assersuutigalugu eqqarsaatigineqarput ilaqtariit Danmarkimuunngitsoq nunamulli allamut nuuttut.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

§ 19 pillugu:

Takuneqarsinnaasariaqarpoq nuna tamakkerlugu nalunaaruteqarnissamut suna siunertaanersoq. Tamanna Inatsisartut inatsisaanni nassuaatiniluunniit erseqqissumik allassimanngilaq.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

§ 22, imm. 1 pillugu:

Siunnersuutigineqarpoq, "Jf aalajangersakkat" piiarneqassasut.

*Akissut: Ilanngunneqanngilaq.*

§ 22, imm. 2 pillugu:

Nassuaatitai ilaanngillat.

*Akissut: Ilanngunneqarpoq. Inatsisissatut siunnersuutip oqaasertai ersarissaavigineqarput pitsaanerusumillu ilusilersorneqarlutik.*

§ 22, imm. 4, nr. 2 pillugu:

Siunnersuutigineqarpoq, meeqqat pillugit suliani oqartussat akornanni paassisutissanik paarlaasseqatigiittarneq inatsisitigut malittarisassiuunneqassasoq. Suliaqarfimmi tassani amerlasuutigut qularineqartarpoq paassisutissat suut ingerlateqqinnejarsinnaanersut. Innuttaasut inatsisitigut illersugaanerat eqqarsaatigalugu tamanna taamaammat Inatsisartut inatsisaannut ilanngunneqartariaqarpoq.

*Akissut: Ilanngunneqarpoq. Inatsisissatut siunnersuutip oqaasertai ersarissaavigineqarput pitsaanerusumillu ilusilersorneqarlutik.*

§ 23 pillugu:

Takuneqarsinnaasariaqarpoq aamma angajoqqaatut oqartussaasoq/-ut pillugit iliuusissatut pilersaarusiortoqarsinnaanera.

*Akissut: Ilanngunneqanngilaq.*

§ 23, imm. 1, nr. 1 pillugu:

Erseqqissaassutigineqartariaqarpoq isumaginninnikkut misissuinermi qaqugukkut iliuusissatut pilersaarut allaganngorlugu suliarineqartassanersoq.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

§ 23, imm. 2 pillugu:

Oqaaseq "ikorsiisarneq" atornagu paarlattuanik "ikorsiissutit" atorneqartarnissaat pillugu nalinginnaasumik nassuaatit takukkit.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni. Oqaatsimut "iliuutsit" taarsiullugu oqaaseq "tapersiinermi iliuutsit" atorneqalerpoq.*

Angajoqqaanut peqqussummut aamma meeqqanut peqqussummut tunngatillugit §§ 25 aamma 26 ataatsimut:

Siunnersuutigineqarpoq angajoqqaanut peqqussut pillugu aalajangersagaq peerneqassasoq, tassa kommunip angajoqqaanut peqqussutaa inissiinissaq pillugu malittarisassanik avaqqusinermut atorneqarsinnaammat, soorlu peqqussummik taama ittumik malinninnginnej inatsisitigut kinguneqartinneqartassasoq allassimanngitsoq.

*Akissut: Ilanngunneqarpoq. Aalajangersagaq peerneqarpoq, tassungalu taarsiullugu angajoqqaat meeqqallu akisussaanerat pillugu oqaloqatigiinnissamut aggersasarneq pillugu aalajangersagaq ilanngunneqarluni, tamannalu siunertamut iluaqutaanerusutut isagineqarpoq.*

Eqqarsarnartoqartinneqarpoq nassuiaatini takuneqarsinnaammatt angajoqqaatut oqartussaassuseqartoq/-ut akuersiteeqqaarnagit angajoqqaat peqquneqarnissaannik aalajangiisoqarsinnaanera.

Tamanna kissaatigineqarpat tamanna aalajangersakkami erseqqissumik takuneqarsinnaasariaqarpoq. Peqatigitillugu eqqarsaatigineqartariaqarpoq akuersisummik pissarsisinnaanngikkaanni angajoqqaanut peqqussuteqartarneq kissaatigisatut sunniuteqarsinnaanersoq.

*Akissut: Qulaani akissut takujuk.*

Akuersissuteqartarnermut tunngatillugu nalinginnaasumik nassuiaatit takukkit.

§ 25, imm. 3 pillugu:

Siunnersuutigineqarpoq kommunalbestyrelsi qasseriarluni angajoqqaanut peqqussuteqarnissamik aalajangiisinnaanersoq pillugu aalajangersaasoqassasoq.

*Akissut: Qulaani akissut takujuk.*

Nassuiaatit quppernerisa 55-ianni takuneqarsinnaavoq peqqussut meeqqap ajornartorsiutaanik aaqqiiniarnermut sakkussatut naleqquttutut kommunalbestyrelsimit isumaqarfingineqanngippat kommunalbestyrelsi angajoqqaanut peqqussuteqassanngitsoq. Tamanna aalajangersakkami takuneqarsinnaasariaqarpoq.

*Akissut: Qulaani akissut takujuk.*

§ 26 pillugu:

Meeraq angajoqqaatut oqartussaasup/-ut isumaqatiginngisaannik arlaatigut iliuuseqaaqqullugu peqquneqarsinnaanngilaq. Tamatuma akerlianik angajoqqaajusut meerarlu perorlualereersimasoq aserorterisarnerit inerteqqutaanerat pillugu nassuiaaffigineqarsinnaapput aamma aserukkat pillugit taarsiisussangortitsisoqarsinnaasoq pillugu ilisimatinneqarsinnaapput.

*Akissut: Qulaani akissut takujuk.*

Inuuusuttunut peqqussutit pillugit aalajangiisinnaanerup atuutsiinnarneqarnissaa kissaatigineqarpat, Isumaginninnermi Naammagittaalliuuteqarfia allattoqarfia isumaqarpoq ukiut killigititaasut 15-

ileereersimasunut inissinneqartariaqartut aamma qulequtarineqartoq imatut allanngortinneqartariaqartoq "Inuusuttunut peqqussut". Maluginiarneqarpoq § 1-imut nassuaatini "meeqqat inuusuttullu" pillugit isummamut tamanna tamakkiisumik naapertuutinngitsoq.

*Akissut: Qulaani akissut takujuk.*

Aserorterisoqarsimanersoq pillugu kina nalilersuisassanersoq ersernerluppoq. Tamatumunnga peqatigitillugu politiinut nalunaaruteqartoqartassasoq allanneqartariaqarpoq.

*Akissut: Qulaani akissut takujuk.*

§ 28 pillugu:

Oqaaseq "ikiorsiissutit" atornagu paarlattuanik "aaqqiissutissat" atorneqartarnissaat pillugu nalinginnaasumik nassuaatit takukkit.

*Akissut: Tamanna pillugu akissut takujuk. Tassunga taarsiullugu "tapersiinermi iliuutsit" maannakkut atorneqarpoq.*

Akuersissuteqartarneq pillugu nalinginnaasut takukkit.

§ 28, imm. 3, nr. 9 pillugu:

Aalajangersakkamit erseqqissumik takuneqarsinnaasariaqarpoq angajoqqaatut oqartussaasoq/-ut sulinermikkut isertitaqaraluartut aamma/imaluunniit pensionisiaqaraluartut ikiorserneqarsinnaanersut.

*Akissut: Ilannngunneqanngilaq.*

§ 28, imm. 4 pillugu:

Efterskolit naleqquuttuunersut nalilerniarnerat ajornakusoorsinnaavoq. Eqqarsaatigineqartariaqarpoq siunertamut akuerineqarsimasunngortillugit allanngortinneqarsinnaanersoq.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

§§ 29-32 pillugit:

Siunnersuutigineqarpoq pinerlussimannginnermut meeqqanillu pinerliisimannginnermut uppernarsaatinik kommunalbestyrelsip pissarsiniartussaatitaaneranut atatillugu nassuaatini "-tariaqartoq" taarserlugu "-ssasut" atorneqassasoq kiisalu nipangiussisimasussaanermik kommunalbestyrelsip qulakkeerinninnissamut pisussaaffeqarnerani tamanna atuutissasoq.

*Akissut: Ilanngunneqarpoq. Inatsisissatut siunnersuutip oqaasertai ersarissaavagineqarput pitsaanerusumillu ilusilersorneqarlutik. -tariaqarpoq, inatsisip oqaasertaani allaqqajunnaarpoq.*

§ 30, imm. 1 pillugu:

Oqaatsit ”ilaqtariit imaluunniit isumassortaaasut” atornagit paarlattuanik ”angajoqqaatut oqartussaasoq/-ut” atorneqartarnissaat pillugu nalinginnaasumik nassuaatit takukkit.

§ 31, imm. 1 pillugu:

Oqaatsit ”ilaqtariit imaluunniit isumassortaaasut” atornagit paarlattuanik ”angajoqqaatut oqartussaasoq/-ut” atorneqartarnissaat pillugu nalinginnaasumik nassuaatit takukkit.

§ 32, imm. 1 pillugu:

Oqaatsit ”ilaqtariit imaluunniit isumassortaaasut” atornagit paarlattuanik ”angajoqqaatut oqartussaasoq/-ut” atorneqartarnissaat pillugu nalinginnaasumik nassuaatit takukkit.

§ 34 pillugu:

”Angajoqqaanngortussat” pillugit nalinginnaasumik nassuaatit takukkit.

Akuersissuteqartarnermut tunngatillugu nalinginnaasumik nassuaatit takukkit.

§ 35 pillugu:

Quleqtaa imatut allanngortinneqartariaqarpoq ”Akuersissuteqarnikkut inissiineq.”

Aalajangersakkami takuneqarsinnaasariaqarpoq § 35 malillugu inissiisoqassappat angajoqqaatut oqartussaasoq/-ut akuersiteqqaarneqartariaqartut.

*Akissut: Ilanngunneqarpoq. Oqaasertaa imatut allanngortinneqarpoq ”Angajoqqaatut oqartussaassusillip akuersitillugu inissiineq”*

Taamatuttaaq aalajangersakkami takuneqarsinnaasariaqarpoq meeraq 15-inik ukioqalereersimasoq akuersitinneqqaartariaqartoq.

*Akissut: Ilanngunneqanngilaq.*

§ 36-mut tunngatillugu:

Quleqtaa imatut allanngortinneqartariaqarpoq ”Akuersisitseqqaarani inissiineq.”

”[...] -sinnaavoq” imatut allanngortinneqartariaqarpoq ”--ssasut”.

*Akissut: Ilanngunneqarpoq. Oqaasertaa imatut allanngortinneqarpoq ”Angajoqqaatut oqartussaassusilik akuersitinnagu inissiineq, aalajangersakkamilu ”-sinnaavoq” taarsiullugu ”-ssaaq” ilanngunneqarluni.*

Siunnersuutigineqarpoq oqaatsip "[...] meeraq" kingorna ilanngunneqassasoq: "15-inik ukioqalereersimasoq".

*Akissut: Ilanngunneqanngilaq.*

§ 36, imm. 1, nr. 1 pillugu:

Oqaasertai paatsoorneqarsinnaapput taamaammallu erseqqissaaffigineqartariaqarlutik.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

§ 37 pillugu:

Siunnersuummut nassuaatini takuneqarsinnaasariaqarpoq Meeqjanik inuussuttunillu ikorsiisarneq pillugu inatsisartut peqqussutaanni nr. 1, 15. april 2003-meersumi, kingusinnerusukkut allanngortinneqartumi § 11 naapertorlugu angajoqqaatut oqartussaasup/-t illersuisoqarsinnaatitaanerat sooq inatsisissatut siunnersuummi ilaatinneqannginnersoq.

*Akissut: Ilanngunneqanngilaq. Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuussisoqarluni, inatsisissatullu siunnersuummi nutarterneqartumi siunnersuineq pillugu oqaasertaliineq annertusitillugu kapitali nutaaq 6 ilanngunneqarluni. Naliliisoqarpoq siusinerusukkut inatsisini paragraffit immikkut ittut, sunaluunniit pineqarnersoq soorlu allanngortinneqarsimandersut pillugit tunngavilersuutit atorneqarunnaarnerat inatsisissatut siunnersuummi immikkut nassuaanerup nutaap atorneqarnissaa pisariaqanngitsoq. Immikkut nassuaatit nalilerneqarput inatsimmi paragraffinut ataasiakkaanut tunngasut isumaannik nassuaanissamut immikkut atorneqassasut, tunngavilersuutitullu atorneqassanngitsut, sooq aalajangersagaq pisoq ingerlatseqqinnejqarsimannngitsoq siulleq aappaaluunniit tunngavilernissaanut atorneqassanngitsoq. Nassuaatini nalinginnaasuni inatsisissatut siunnersuummi allannguutit siunertallu pingarnerit nassuiarneqarput, naliliisoqarporli inatsisip oqaasertaani aalajangersakkut ataasiakkaanut nassuaatit itisiliinerillu atorneqarnerat tulluarnerusoq, tassa aalajangersakkap suna tunngavigalugu atorneqarnissaa eqqarsaataanersoq.*

§ 37, imm. 2 pillugu:

Eqqarsaatigilluarneqartariaqarpoq angajoqqaatut oqartussaasumut/-nut nalunaaruteqarani allamut nalunaaruteqarneq qanoq kinguneqarsinnaanersoq.

*Akissut: Ilanngunneqanngilaq.*

§ 37, imm. 3 pillugu:

"aalajangiinerugallarneq" imatut allanngortinneqartariaqarpoq "siulittaasup aalajangiihera."

*Akissut: Ilanngunneqanngilaq. Aalajangersakkami "utaqqiisaa" aalajangiusimaneqarpoq, inatsisisatulli siunnersuummi aalajangersagaq oqaatsitigut erseqqissaavagineqarpoq pitsaanerusumillu aaqqissuunneqarluni, tassungalu peqatigitillugu inatsisisatut siunnersuutip sinnerani nutaamik aaqqissuisoqarpoq, tamassumalu kinguneranik atuaruminarnerulerpoq atoruminarnerulerlunilu. Kisiannili siulittaasup aalajangiisarnera pillugu aalajangersakkap (§ 6), oqaasertai siusinnerusukkut oqaasertaliisimanerup attuumassuteqarnera naleqquttuuneralu isornartorsiorneqartorujussuunikoq tusarniaanermi akissutit pisariaqartumik isiginiarlugit allangortinnejarnikoq § 6-imik nutaamik taarserneqarpoq.*

Inissiinerit angajoqqaatut oqartussaasumit/-nit meeqqamilluunniit akuerineqaqqikumajunnaartut:

Siunnersuutigineqarpoq § 37-p kingorna aalajangersakkamik ilanngussisoqassasoq imatut oqaasertalikkamik:

"Angajoqqaatut oqartussaassuseqartup/-t meeqqalluunniit 15-inik ukioqalereersimasup inissinneqarnerup § 35 malillugu attatiinnarneqarnissaa kissaatigiunnaarpagu, kommunalbestyrelsili naliliippat meeqqap angerlartinneqarnera meeqqap pisariaqartitaanut tamanna akerliusq, meeqqap angerlarsimaffiup avataanut akuersisitseqqaarnani inissinneqarnissaanik communalbestyrelsi aalajangiisinnaavoq, tak. § 36".

Unga siunnersuutip § 54-iani oqaasertaliussaq assingusoq atorneqarpoq: Meeqyanut inuuusuttunullu ikorsiisarneq pillugu Inatsisartut inatsisaannut nr. xx, xx 2014-imeersoq.

*Akissut: Ilanngunneqanngilaq. § 28 malillugu ingerlatsisussaatitaanerup kinguneranik communalbestyrelsi tamanna pillugu isummertussaareernikuuvoq. Aalajangersagaq nutaaq (tusarniaanermi akissutit ilanngutereernerisigut inatsisisatulli siunnersuutip nutartereerneratigut oqaatsitigut erseqqissaavagineqareerneratigut pitsaanerusumillu aaqqissuutereerneratigut § 36 maannakkut § 28-ulersoq) innuttaasunik isiginninniarnertut oqaasertalerneqarpoq (pisut meeqqap inuunerissaarneranik, peqqissusaanik ineriarneranilluunniit ulorianartorsiortitsisut,), maannakkut peqqussummi atuuttumi § 54-ituunngitsoq, oqartussanik isiginninniarnertut oqaasertalerneqarnikuusoq (pisoq angajoqqaatut oqartussaassuseqartup inissiinissamik akuersinermik utertitsinera).*

Isumaginninnermi Naammagittaalliuuteqartarfiup allattoqarfiata ilisimavaa angajoqqaatut oqartussaasup/-t meeqqalluunniit akuersissut tunuartippassuk malittarisassat malillugit akuersissuteqarani inissiisoqarnissaanik aalajangiisoqarneq ajortoq. Taamaammat nalilerneqarpoq tamatuma Inatsisartut inatsisaanni erseqqissumik takuneqarsinnaanissaata qulakkeerneqarnissaa.

*Akissut: § 28 nutaaq malillugu communalbestyrelsip pisussaaffeqarneranut ilaareersoq nalilerneqarpoq.*

§ 38 pillugu:

Takuneqarsinnaasariaqarpoq allaganngorlugu aalajangiisoqartassasoq, aamma meeraq 15-inik ukioqalereersimasoq toqqaannartumik saaffigalugu aalajangiiffigineqartassasoq, aalajangikkap imarissavai meeqqap pisinnaatitaaffii pisussaaffiilu pillugit paasissutissat, tassunga ilanngullugu siunnersummi § 59, imm. 2 naapertorlugu naammagittaalliuuteqarnissamut ilitsersuut.

*Akissut: Ilanngunneqanngilaq. Pisut amerlanersaanni taamatut allaganngortitsinissaq piumasaqaataasoq naammattutut isigineqarpoq, kisiannili pisuni tamani taamaattuni allaganngortitsisoqarnissaanik pinngitsoorani piumasaqaateqarnissaq naleqquuttutut isigineqanngilaq, tassa immaqa pisoqarsinnaammat allaganngornagu innuttaasumut sukkannerusumik nalunaaruteqarnissaq naleqqunnerulluni. Inuk assersuutigalugu ungasissumi najugaqarpat imaluunniit inuk nalunaarummik tigusaqartoq tappikujuppat imaluunniit atuarsinnaanngippat imaluunniit innuttaasunut immikkut ittunik pissuseqarpat nalunaarfigineqartumut eqqortoq atorlugu nalunaaruteqarnissaq qulakkeerniarlugu ingerlatsivik mianerisaqartussaappat oqaatsitigut nalunaaruteqarnissaq naleqqunnerusinnaavoq.*  
*Eqqarsaatigineqarsinnaavoq pisortat suliassanik suliarinnittarnerat pillugu inatsimmi tunngavilersuuteqarnissamik piumasaqaataasut malillugit allakkatigut nalunaaruteqarani ilaatigut inuk naapillugu oqaatsitigut ilitsersuisoqarnera imaluunniit inuttaasoq internetikkut (Skype) naapillugu inummut tulluarnerusumik itinerusumillu ilitsersuisoqartoq il.il. Kisiannili ingerlatsiviup uppernarsaasiornissaa eqqarsaatigalugu aamma naammagittaalliuutip innuttaasumit uppernarsaasinnaanera pitsaanerulersinniarlugu taamatut nalunaaruteqarnerni allaganngortitsinerup ataatsimut isigalugu kommunip ingerlatsivianit atorneqarnissaa pitsasuussaaq, ingerlatsivilli taamatut periuseqarnissamik aalajangiisussanngortinnejarpoq.*  
*Inatsisisstatut siunnersuut akuerineqassappat ilitsersuutini tamanna pillugu inassuteqaateqarluni itisilerneqassaaq. Inatsisisstatut siunnersuummut ilitsersuutini, akuerineqassappat, tamatumunnga innersuussinikkut itisilerneqarumaarpoq.*

§ 39 pillugu:

Inatsisisstatut siunnersuutip nassuaatitaasalu akornanni naapertuutinngitsoqarpoq, aalajangersakkamimi takuneqarsinnaavoq angerlarsimaffiup avataanut meeqqamik pinngitsaaliiikkut inissiisoqarnissaanik aalajangiineq kisimi Naalakkersuisunut nalunaarutigineqassasoq, nassuaatitaanili takuneqarsinnaalluni nalunaaruteqartussaaitaaneq akuersissuteqarluni pinngitsaaliiikkullu inissiinernut atuuttoq.

*Akissut: Ilanngunneqarpoq. Inatsisisstatut siunnersuummi § 29, imm. 2-mi nutaami maannakkut allaqqalerpoq angajoqqaatut oqartussaassuseqartoq akuersitillugu akuersitinnagulu angerlarsimaffiup avataani inissiineq pillugu aalajangiineq pineqartoq.*

§ 41, imm. 2, nr. 2 pillugu:

Siunnersuutigineqarpoq Kalaallit Nunaata avataanut inissiinissamut piumasaqaatit nassuaatini toornernut immikkoortiterlugit tulleriaarneqassasut. Siunertamut naapertutissagaluarpoq nassuaatini erseqqinnerusumik takuneqarsinnaasuuppat Naalakkersuisut akuersissuteqartarnissaat aalajangiisulluinnartoq.

*Akissut: Ilanngunneqarpoq. Kalaallit Nunaata avataani inissiinerit pillugit Naalakkersuisut annertunerusunik malittarisassiorsinnaanerannik § 31, imm. 3-mi nutaami pisinnaatitsinermut aalajangersagaq ilanngunneqarpoq.*

§ 42, imm. 1 pillugu:

Oqaatsip "[...]angalasinnaatitaanerup kingorna ilanngunneqartariaqarpoq." "...meeqqap inuusuttulluunniit pisariaqartitaanut akerliunngippat."

*Akissut: Ilanngunneqanngilaq. Inatsisisatut siunnersuummi § 2 naapertorlugu tamatigut tunngaviusumik isiginninniartoqartarnissaata eqqortumik atorneqarnissaa allaqqavoq.*

Erseqqissaaffigineqartariaqarpoq ukiumut marloriarluni angerlarsimaffimmut tikeraarsinnaatitaaneq meeqqanut inuusuttunullu Kalaallit Nunaata avataanut inissinneqarsimasunut aamma atuttoq.

*Akissut: Ilanngunneqarpoq. Inatsisisatut siunnersuummi tamanna tamatigut siunertaanikuovoq, erseqqinnerulersinneqarnissaali tamassuma nalornilersitsinnginnissaa naleqqunnerpaatut nalilerneqarpoq. Tamanna inatsisip § 4, imm. 2-mi maannakkut allaqqalerpoq.*

Erseqqissumik takuneqarsinnaasariaqarpoq ukioq ilivitsoq imaluunniit "ukioq inissiiffiusoq" matumani pineqarnersoq.

Angalanerup sivisussusaa taamatuttaaq imm. 4-mi takuneqarsinnaasariaqarpoq.

*Akissut: Ilanngunneqarpoq. Qaammatisiutit malillugit ukioq pineqartoq nutaami § 32, imm. 1 aamma 3-mut immikkut nassuaatini maannakkut allaqqalerpoq.*

§ 46 pillugu:

Oqaaseq "katsorsaanissamut pilersaarut" paatsoorneqarsinnaavoq, tassa "katsorsaaneq" peqqinnissaqarfimmut attuumatinneqartarmat.

*Akissut: Ilanngunneqanngilaq. Katsorsaaneq peqqinnissaqarfimmut killilerneqanngilaq, allanulli atatillugu aamma atorneqarsinnaavoq, assersuutigalugu perorsaanermik suliaqarnermi.*

§ 46, imm. 2 aamma 3 pillugit:

Ilanngunneqartariaqarpoq; "[...] tassunga ilanngullugu meeraq atugarliorpat imaluunniit pitsangorsaatissatut naatsorsuutigineqartut pinngitsoorpata."

*Akissut: Ilanngunneqanngilaq.*

§ 47 pillugu:

Nassuaatini qupperneq 94-imut tunngatillugu: Tamatuma aamma atuuttuunera erseqissaatigineqartariaqarpoq, tassa angajoqqaatut oqartussaasoq/-ut aamma nammineq aaqqissuussamik angajoqqaarsiaasut ilaqtariikkaluarpatluunniit.

*Akissut: Ilaqtarsiat pillugit immikkoortup allassimanera tamarmi allanngortinneqarpoq, pitsaanerusumillu aaqqissuisoqarluni.*

§ 49 pillugu:

Oqaaseq "anguniakkat" siunertamut allanngortinneqartariaqarpoq.

*Akissut: Ilanngunneqanngilaq. Siunertat pineqaratik anguniakkat pineqarput.*

Aalajangersakkami takuneqarsinnaasariaqarpoq "angerlarsimaffiup avataanut inissiisimanerup atorunnaarsinnejarnissaa pillugu aalajangiinermi kommunalbestyrelsip nalilissavaa maannamut ikorsiisarnermut taarsiullugu allatut iliorluni meeqqamut ikorsiisoqassanersoq."

*Akissut: Ilanngunneqanngilaq. Inatsisisatut siunnersuummi aallarnisaalluni aalajangersakkani oqartussat eqqarsariaasissaannik ilimasuuteqarneq aalajangersarneqareerpoq. Aallarnisaalluni aalajangersakkat malillugit, pingartumillu §§ 1-3, meeqqap sunik pisariaqartitsineranik ingerlatsivik tamatigut imminut aperisariaqartassaaq? Sooq pisariaqartitsinerulersimava – taperserneqarnissamut pisariaqartitsinermut tassunga suna pissutaava – qanoq iliorluni pitsaanerpaamik tapersiisoqassava aamma tapersiinermi ineriartorneq suna ikorfarneqassava?*

§ 50, imm. 1, nr. 3 pillugu:

Aalajangersakkami erseqissumik takuneqarsinnaanngilaq tamanna angajoqqaarsianut, taakkununnga ilanngullugit nammineq aaqqissuussamik angajoqqaarsianut paaqqinnittarfinnullu atuunnersoq.

*Akissut: Ilaqtarsiat pillugit immikkoortup allassimanera tamarmi allanngortinneqarpoq, pitsaanerusumillu aaqqissuisoqarluni.*

§ 50, imm. 4 pillugu:

Sapaatit akunneri aaqqaneq marluk sioqqullugit ilisimatitsisarneq tamatigut siunertamut naapertuunneq ajorpoq, assersuutigalugu sapaatip akunnerata naanerani inissiinermi meeraq ataasinngornermi qaninnermi angerlarteqqinnejakkajuttarpoq.

*Akissut: Ilaqutarsiat pillugit immikkoortup allassimanera tamarmi allanngortinneqarpoq, pitsaanerusumillu aaqqissuisoqarluni.*

**§ 51 pillugu:**

Isumaginninnermi Naammagittaalliuuteqartarfiup allattoqarfia isumaqarpoq siunertamut naapertuunnerussasoq akuersissuteqarnissamut piumasaqaat aalajangersakkanut pineqartut ilanngunneqarpat.

*Akissut: Ilanngunneqanngilaq. Meeraq isiginichernagu ingerlatsiviup naammassiinnagassanik oqartussaanermillu isiginninneruleriataarnermik ingerlatsivimmi sulisut eqqarsartariaasiannik sunniisinnaasoq nalilerneqarpoq. Aalajangersakkani ataasiakkaani akuersinissamik piumasaqaatip ilanngunneratigut meeqqap inatsisitigut illersugaanera pitsangortinneqarnavianngilaq, tassa akuersinissamik piumasaqaat inatsisissatut siunnersuummi tamanna pillugu ataatsimoortitsilluni aalajangersakkameereermat, kisiannili ingerlatsivimmi sulisut innuttaasunik annikinnerusumik isiginninnialeriaannaapput oqartussaanerusullu annertunerusumik isiginninnialeriaannaallutik, tassa meeqqat toqqaannartumik tunngatillugu isiginninniarneq.*

Angerlarsimaffiup avataanut inissiinerit saniatigut angajoqqaatut oqartussaasup/-t akuersiteeqqaarnagit aaqqiissuteqarnissamik peqqusisoqarsinnaanera ajornakusoorsinnaavoq.

Akuersissuteqartarneq pillugu nassuaatit nalinginnaasut takukkit.

**§ 54 pillugu:**

Siunnersuutigineqarpoq meeraq ulloq unnuarlu paaqqinnittarfimmut inissinneqarsimappat katsorsaanissamut pilersaarutit killiffiillu pillugit nalunaarusiat pillugit immikkoortumik ilanngussisoqassasoq.

*Akissut: Ilanngunneqarpoq. Inatsisissatut siunnersuut pitsaanerusumik aaqqissugaalerpoq oqaatsitigullu erseqqissaasoqarluni. Iliusissatut pilersaarutit, katsorsaanissatut pilersaarutit killiffiillu pillugu nalunaarusiat tassunga atatillugu immikkut aalajangersaganngortinneqarput, suliassanillu suliarinnitarneq pillugu kapitali nutaaq ilanngunneqarluni, §§ 46-49-tut.*

**§ 59 pillugu:**

”[...] Isumaginnittoqarfiup aqunneqarnera aaqqissuussaaneralu pillugit Inatsisartut inatsisaat” imatut allanngortinneqassaaq ”Isumaginnittoqarfiup aqunneqarnera aaqqissuussaaneralu pillugit Inatsisartut peqqussutaat.

*Akissut: Ilanngunneqarpoq. Oqaatsitigut imatut erseqqissaasoqarpoq "Meeqjanik inuusuttunillu ikiorsisarneq pillugu Inatsisartut peqqussutaat nr. 1, 15. april 2003-meersoq, kingusinnerusukkullu allanguutit".*

Aalajangersagaq taanna nassuaatillu malillugit kommunalbestyrelsip aalajangigai tamarmik Isumaginninnermi Naammagittaalliuuteqartarfimmum naammagittaalliuutigineqarsinnaapput.

Inatsit maanna atuuttoq naapertorlugu meeqqap inissimatinneqarnerata nalaani kommunip aalajangiiffigisai naammagittaalliuutigineqarsinnaanngillat. Tassa meeqqap sumi inissimatinneqarnissaanik, inissimaffissamut nutaamut nuutsinneqarnissaanik, ilaqartinneqartarnissaanik assigisaannillu aalajangiinerit pillugit naammagittaalliuutit Isumaginninnermi Naammagittaalliuuteqartarfiup maannakkut itigartitsissutigisarpai, siunissamili tamakku ilanngullugit suliarisalissavai.

Taamatut aalajangiineq ineriertornermut naapertuuttutut isigalugu nalilerneqarpoq.

Siunnersuut maannakkut taama isikkoqartillugu suliad aaqqiissuteqarnissamut akuersissutitallit aamma naammagittaalliuutigineqarsinnaapput.

Allannguutissatulli qulaani taaneqartut nassataannik Isumaginninnermi Naammagittaalliuuteqartarfik taassumalu allattoqarfia suliassaqarnerulissapput. Suliassat misilitakkat malillugit oqimaatsut suliaqarfiungaatsiartussallu pineqarmata Isumaginninnermi Naammagittaalliuuteqartarfiup allattoqarfiata naatsorsuutigereersinnaavaa suliatigut tatineqarnerulingaatsiarnissani, ilimanarporlu tamatuma malitsigisaanik tamanna aningasaqarnikkut kinguneqassasoq aamma/imaluunniit Isumaginninnermi Naammagittaalliuuteqartarfiup sulianik suliaqarnermi piffissamik atuisarneranut tamanna sunniuteqassasoq.

Isumaginninnermi Naammagittaalliuuteqartarfiup allattoqarfiata siunnersuutigaa aalajangersakkami aalajangersakkat tamakkiisumik taagorneqassasut, tamatuma kingorna aalajangiineq Isumaginninnermi Naammagittaalliuuteqartarfimmum naammagittaalliuutigineqarsinnaanngorlugu.

*Akissut: Ilanngunneqanngilaq. Kommunalbestyrelsip aalajangiineri tamarmik, tassunga ilanngullugu allamut inissiineq, aallaaviusumik Isumaginninnermi Naammagittaalliuuteqartarfimmum maalaarutigineqarsinnaanerat eqqarsaataavoq. Inatsisit tunngavigalugit ingerlatsiviup aalajangiinerinut meeqqamut pingaaruteqartunut tunngatillugu meeqqap inatsisitigut illersugaanera pitsangortinneqartoq naliliisoqarpoq. Aalajangiinernik allattuineq maalaaruteqartitsilersinnaasut taamatut pisinnaatitaaffeqarnermik siunertaanngitsumik killiliinernik kinguneqarsinnaapput aammalu maalaarummik tigusaqarnermut atatillugu*

*ingerlatsiviup aalajangersimasumik taassuminnga immikkut naliliinnginnissaanik kinguneqariaannaavoq "allattuvimmilu" allassimannginnera pissutigalugu tunuartiinnarsinnaallugu.*

§ 60 pillugu:

Aalajangersakkamut oqaasertaliussaq imatut allanngortinneqartariaqarpoq: "Isumaginninnermi Naammagittaalliuuteqartarfiup aalajangigai tiguneqarnerannit sapaatit akunneri sisamat qaangiutsinnagit Kalaallit Nunaanni Eqqartuussivimmut suliassanngortinneqarsinnaapput."

*Akissut: Ilanngunneqanngilaq. Aalajangersagaq peerneqarpoq. Naliliisoqarpoq inatsisissatut siunnersuummi siunertamut naleqqutinngitsoq, tassa meeqqat pisinnaatitaaffisa pitsanngorsarneqarnissaat, meeqqamut pingaaruteqartumut aalajangikkanik eqqartuussivimmut suliassanngortitsinissamik piffissap ingerlanerani killiliissutit taamaattut pigiunnarneqarnissaat. Inatsisissatut siunnersuummi innuttaasut isiginiarneqarput, taamatullu pisinnaajunnaartitsineq pillugu malittarisassaq oqartussaanermik isiginninniarneruvoq.*

§ 61, imm. 1 pillugu:

Siunnersuutigineqarpoq § 36 kiisalu § 51, imm. 2 ilanngunneqassasut.

*Akissut: Ilanngunneqanngilaq. Akissutit ataaniittut takukkit.*

§ 63 pillugu:

Ulloq 1. januar 2017 atuutsitsilerniarneq piviusorsiortuunngitsutut nalilerneqarpoq. Inatsit siusinnerpaamik ulloq 1. juli 2017 atuutsinnejalertariaqarpoq, tassa nalunaarusiornissaq il. il. aamma kommunimi paaqqinnittarfinnilu pineqartuni sulisut ilinniartinneqarnissaat piffissaqartinniarlugit.

*Akissut: Ilanngunneqarpoq. Ulloq atuutilerfissaa 1. Juli 2017-imut sivitsorneqarpoq.*

## **10) Inuit Pisinnaatitaaffiinut Institut**

Ilaqtariinnermut, Naligiissitaanermut, Isumaginninnermut Inatsisinillu Atuutsitsinermut Naalakkersuisoqarfiup e-mailikkut 27. maj 2016-imeersutigut Inuit Pisinnaatitaaffiinut Institutti meeqqanik ikiorsisarneq pillugu Inatsisartut inatsisisattut siunnersummut (UKA2016/xx) oqaaseqaatissaqaruni oqaaseqaateqaqqullugu qinnuigaa.

Inatsisissatut siunnersuutikkut siunertaavoq oqaaseqaatigineqartut malillugit, "meeqqanut tunngassuteqartuni nukittuunik erseqqissunillu inunniq isumaginninnermut inatsisitigut meeqqat pisinnaatitaaffiisa nukitorsarneqarnissaat. Naalagaaffiit Peqatigiit meeqqap pisinnaatitaaffii pillugit isumaqtigisiuttaat malillugu siunnersuut atuarneqassaaq (Naalagaaffiit Peqatigiit Meeqqat

Pisinnaatitaaffii pillugit Isumaqtigiiissutaat) meeqqap pisinnaatitaaffiinik siuarsaanissamik siunertalik, aammalu Haagerimi meeqqat illorsorneqarnissaannik isumaqtigiiissummik siunertalik, meeqqap illorsorneqarnissaanik siunertalimmik tunngaveqartoq.

Oqaaseqaatigineqartuni takuneqarsinnaavoq inatsisissatut siunnersuutikkut Naalagaaffiit Peqatigiit Meeqqat pillugit isumaqtigiiissutaat arlalippassuartigut, assersuutigalugu meeqqap suliani namminerminut tunngasuni tusarniarneqartarnissaanut pisinnaatitaaffiisigut, atuutilersinneqartut. Instituttip inatsisissatut siunnersuut iluarisimaarluinnarpaa, meeqqanik illersuinermut ikorsiisarnermullu atorneqartussaammat pingaartumillu meeqqanut inuuniarnermikkut ajornartorsiulersinnaasunut sammisitaammat. Instituttip qilanaaraa inatsisikkut erseqqissunik akisussaassutsit suliallu agguanneqarnerisigut meeqqat inuusuttullu inatsisitigut isumannaatsuunissaat nukitorsarneqassamat.

Instituttip maluginiarpaa inatsit arlalippassuartigut danskit inunnik isumaginninnermi sullissineq pillugu inatsimmut (sullissinermut inatsimmut), kingullermik inatsimmik nalunaarutikkut nr. 1053, 8. september 2015-imeersukkut tamanut saqqumiunneqartumut, eqqaanarmat. Instituti inatsisissatut siunnersuummut oqaaseqaatissarpaaloqarlunilu kaammattuutissarpaaloqarpoq.

Oqaaseqaatissagut meeqqanut innarluutilinnut, kommunalbestyrelsip susassaqarfiinut pisussaaffiinullu, inunnik isumaginninnermi sulianik misissuisarnermut, iliuusissatut pilersaarutinut, angajoqqaanngortussanut sillimmartaarutinut, inissiisarnermut, ilaqtariinnut paaqqutarinnittartunut naammagittaallior sinnaanermullu tunngapput. Tamakku saniatigut institutti inatsisissatut siunnersuutip ilusilersugaaneranut ataatsimut isigalugu oqaaseqaatissarpaaloqarpoq.

#### Oqaaseqaatit nalinginnaasut

Arlalippassuarni takuneqarsinnaavoq suliassaqarfimmi aalajangersimasumi Naalakkersuisut erseqqinnerusunik malittarisassanik aalajangersaasinnaasut (takoriakkimmi inatsisissatut siunnersuummi §§ 9, Imm. 2, 11, imm. 1, 22, imm. 4, 25 imm. 3, 26, imm. 4, 41 imm. 3 aamma imm. 4, 47, imm. 5, 53, imm. 5, aamma 59 imm. 3). Piginnaatitaaffinnik aalajangersakkat tamakku suliassaqarfippaalussuarni erseqqinnerusunik malittarisassat imaqarnissaannut tunngatillugu Naalakkersuisunut assut annertuunik tunngavissiippu. Taamaaliornikkut inatsisip sunniutilimmik atugaasinnaanera sanngiillisinneqarsinnaavoq.

- Taamaammat Instituti isumaqarpoq Naalakkersuisunut pisinnaatitsissut erseqqissarneqarnerusariaqartut. Instituttip kaammattuutigissavaa inatsisissatut siunnersuut imatut allanngortinneqassasoq Naalakkersuisut "-sinnaaginnaratik" kisiannili "-sussaappumut" pisussaaffilerneqarlutik ("-sapput" imaluunniit "aalajangersaassapput") suliassaqarfingineqartunut erseqqinnerusunik malittarisassaliornissaminut.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni. Aalajangersakkanut ”-sinnaapput” aamma ”-ssapput” tunngatillugu misissoqqinneqarput, ilaatigullu allanguisoqarluni. Naliliisoqarpoq pisinnaatitsinermut aalajangersakkat amerlanersaat suli aalajangersagaassasut ”-sinnaapput”, tassa annertunerusunik malittarisassiornissamik pisariaqartitsisoqarnersoq salliutillugu periutsimik naliliineq apeqqutaassamat.*

Tamakku saniatigut instituttimit maluginiarneqarpoq Naalakkersuisut suliassaqarfippaalussuarni malittarisassat erseqqinnerusumik oqaasertalersorneqarnerannut tunngatillugu assut annertuunik piginnaatitaaffilersorneqarsimasut.

Institutti isumaqarpoq innuttaasunut pineqartunut Inatsimmi erseqqissuliorisimanissaq inatsisitigullu isumannaatsuunissaq eqqarsaatigalugit pisariaqartoq malittarisassat ilaat Naalakkersuisut atuutilersissallugit piginnaatitaaffigisaanni nalunaarutiniinnatik toqqaannartumik inatsimmiittariaqartut.

Instituttip kaammattuutigissavaa makkua toqqaannartumik inatsisikkut malittarisassaqartitaassasut:

- Inatsisissatut siunnersuummi § 22, imm. 4-mi nr. 2 malillugu meeqqat pillugit suliani oqartussaasut akornanni paasissutissanik paarlaasseqatigiissinnaaneq.

*Akissut: Ilanngunneqanngilaq. § 43, imm. 4-mi Naalakkersuisut annertunerusunik aalajangersaanissamut piginnaatinneqarnerat suli atuuppoq (siusinnerusukkut § 22, imm. 4).*

- Qaqgukkut angajoqqaat peqquneqartassanersut aamma meeqqat peqquneqartassanersut pillugit malittarisassat danskit sullissinermut inatsisaanni §§ 57 a aamma 57 b-mittulli, takukkit inatsisissatut siunnersuummi §§ 25-mi imm. 3 aamma 26-mi imm. 4.

*Akissut: Pisariaaruppoq. Angajoqqaanik eqqusisarneq meeqqanillu peqqusisarneq pillugit aalajangersakkat siullermeirluni avammut tusarniaareernerup kingorna tusarniaanermi akissutit tiguneqartut tunngavigalugit angajoqqaat akisussaanerat aamma meeqqat akisussaanerat pillugu oqaloqatigiinnissamut aggersaasarneq pillugu aalajangersakkanik nutaanik taarserneqarput, tassa ”peqqusisarneq” pillugu siusinnerusukkut aalajangersakkatut sunniuteqarnissaat takuneqarsinnaamat.*

- Meeqqat pillugit naalagaaffiit tamalaat isumaqatigiissutaanni artikel 9, imm. 2 naapertorlugu meeqqap inissinneqarsimasup angajoqqaaminut attaveqarsinnaanera pillugu malittarisassat taamatullu ilaqtutanut allanut qaniganut attaveqarfigisanullu attaveqartarnera meeqqamut pitsaanerpaaussanut akerliunngippat, inatsisissatut siunnersuummi § 41 takuuk.

*Akissut: Ilanngunneqanngilaq. Naalakkersuisut tamanna pillugu annertunerusunik malittarisassiorsinnaanermut pisinnaatinneqarpoq, tamannalu naammattutut isigineqarpoq. Meeqqat najugaqarfíup avataani angerlarsimaffíup avataani inissinneqarnikut tike+aarlutik angalasarnerat pillugu malittarisassat oqaatsitigut aamma erseqqissarneqarput, maannakkut inatsisip oqaasertaani ersilerluni (§ 4, imm. 2) inuuusuttut iliuuseqareernerup kingorna malinnaavagineqartut aamma tikeraarlutik angalasinnaatitaasut, nassuaatillu aamma annertusineqarput oqaatsitigullu tamanna pillugu erseqqissarneqarlutik.*

- Sulianik ataasiakkaanik qitiusumik meeqqat pillugit sulianik ilisimasalittut ataatsimiititaliap sulianik suliarinninnissaanut piffissalersuinerit, takuuk inatsisissatut siunnersuummi § 53 imm. 5.

*Akissut: Ilanngunneqanngilaq. Suliát assigiinngitsorujussuunerat ajornakusoornerallu assigiinngitsorujussuunerat ilaatigut pissutigalugu. Ataatsimiititaliaq ataasiarluni ataatsimiittussaagallartussatut aggersarneqartartuuvoq immikkut ilisimasalinnik arfinilinnik aalajangersimasunik ilaasortalik, taamaammallu assersuutigalugu allaffissornermi ataatsimiititaliamut imaluunniit kommunimi ingerlatsivimmik aalajangersimasumik ilaasortaqtumut sulisunullu suliassanik tiguneqartunik suliaqartussatut "ataavartumik piareersimasunut" assersuunneqarsinnaanani. Ataatsimiititaliaq, maannakkut peqqusummi periuseq atorlugu ingerlatiinnarneqartoq, naapinnissaminut aammaiminut piffissaqartissinnaavoq, ataatsimiititaliami inunnik katitigaanera pissutigiinnarlugu, tassa ilaasortat angalasinnaammata imaluunniit sulifitsik pissutigalugu peqataasinnaanatik il.il. Ataatsimiititaliamut allattoqarfik ataatsimiititaliap suliassanik suliarinnittarnera aalajangiisarneralu soorunami annertunerpaamik pitsangorsarniarsinnaavaa. Naggasiullugu suliassani paassisutissat suliani ajornartorsiutaasinnaasorujussuusinnaapput, tassa pissutsit takutininkuummassuk suliami allagaatit pingaartumillu kommuninit ilaatigullu ulloq unnuarlu paaqqinnittarfinnit paassisutissat naleqquttut naammattumik amerlassusillit pissarsiarinissaat ajornakusorajuttartoq piffissarlu sivisooq atorneqartarluni. Taamaamat pissutsit taamatut ajornakusoortillugit naliliisoqarpoq suliassanik suliarinnittarnermut piffissaritinneqartut inatsimmi aalajangersakkat il.il. ataatsimiititaliap naammassisaqarsinnaassusianut aalajangikkallu pitsaassuseqarnissaannut tapersiinaviaanngitsut.*

Pingaarerusutigut instituttip pingaarutilittut isumaqarfigaa inatsisip atuutilersinneqarneranut atatillugu inuit pisinnaatitaaffii naapertorlugit kommunit meeqqanik sulianik suliarinnittarnerannut nukissanik piginnaasanillu nukittorsaasoqarnissaa - pingaartumik nunaqarfinni, misilitakkammi tunngavigalugit tamakkunani kommunit sulisukitsuinnaasarsimammata.

Kommunini sivisuallaamik sulianik suliarinnittarneq Kalaallit Nunaanni unammilligassaavoq. Pingaaruuteqarpoq - ataatsimut isigalugu kisiannili maannakkut inatsisissatut siunnersuummut immikkut tunngatillugu - kommunini sulianik suliarinnittarnerup pitsaanerulersinnissaa

annertunerusumik sammisallugu. Taamaammat instituttimit pingaartinneqarpoq inatsisisssatut siunnersuutip saniatigut suliniutinik aallartitsisoqarnissaa, kommunini sulianik suliarinnitarnerup sukumiinerulernissaanut sunniuteqarnerulernissaanullu siuarsaataasinnaasunik.

*Akissut: Ilanngunneqarpoq. Tassa inatsisisssatut siunnersuutip atuutilersinneqarnissaanut 2017-imi 2018-imilu allaffisornermi aningaasartuuteqarnerunissamut 2 millioner kr.-inik maannakkut immikkoortitsisoqarnera inatsisisssatut siunnersuutip sunniuteqarnissaanut pingaaruteqarmat.*

Meeqqat innarluutillit

Meeqqat innarluutillit immikkut ajornartorsioqqajaanerusarput inatsimmi erseqqissuliorluni sianiginiarneqartariaqartut.

Instituttimit iluarisimaarneqarluinnarpoq Naalakkersuisut innarluutilinnut tunngasuni killiffik pillugu nassuaamminni inunnut innarluutilinnut atugassarititaasut pillugit Kalaallit Nunaanni unammilligassanik sukumiisumik isornartorsiuerpalaartumillu taamatullu Naalagaaffiit Peqatigiit Innarluutillit pillugit isumaqtigiiressutaasa atuutsilernissaanut (UPA 2016) inatsisinik iluarsaaqqinnissamut tunngavissanik saqqummiussiumasimammata.

Instituttimit oqaatigineqassaaq periarfissaqarmat - pisariaqartitaallunilu - maannakkut inatsisisssatut siunnersuummi Innarluutillit pillugit nunat tamalaat isumaqtigiiressutaata ilai atuutilerseriissallugit.

Inatsisitigut inissisimaneq ullumikkutut ikkallartillugu meeqqat innarluutillit taamaallaat immikkut ittumik ikiorserneqarsinnaatitaapput Inunnut annertuumik innarluutilinnut ikorsiisarneq pillugu. Inatsisartut peqqussutaat nr. 7, 3. november 1994-imeersoq malillugu. Tamatuma kinguneraa meeqqat "annertuumik innarluutilittut" naatsorsunneqanngitsut taamaallaat nalinginnaasumik aalajangersakkanut, immikkut pisariaqartitaannut tulluartuunngikkaluartunut, ilaatitaanerat.

Instituttip isumaa malillugu pisariaqarpoq meeqqat innarluutillit innarluuteqarnerat pissutigalugu pisariaqartitaat sianiginiarneqassasut immikkullu ikorneqarnissamik neqeroorfigineqarlutik, annertuumik annikitsumilluunniit innarluuteqarnerat apeqquaatinngagu.

- Instituttiit kaammattuitigineqassaaq inatsimmi meeqqanut innarluutilinnut ikorsiisarneq pillugu immikkullarissunik malittarisassanik ilanngussilluni suliaqartoqassasoq, Innarluutillit pillugit nunat tamalaat isumaqtigiiressutaanni artikel 9-mi pisussaaffiit naammassiniarlugit Naalakkersuisut nunat tamalaat isumaqtigiiressutaata atuutsinnejalernissaanik namminneq naalakkersuinikkut isummersimanerata assigisaanik.

*Akissut: Ilanngunneqarpoq. Inatsisisssatut siunnersuummi nutartikkami oqaatsitigut erseqqissaavigineqartumi pitsaanerusumillu aaqqissuunneqartumi § 4, imm. 1-imi maannakkut ilanngunneqarpoq: "Inatsisartut inatsisaat meeqqanut 18-it ataallugit ukiulinnut Kalaallillu*

*Nunaanni najugalinnut atuuppoq, tassungalu ilaapput meeqqat timimikkut tarnimikkulluunniit innarluutillit, inunnut innarluutilinnut ikorsiisarneq pillugu inatsit malillugu ikiorneqartartunut.” Tassunga peqatigitillugu taamatut isiginniarluni oqaatsitigut erseqqissaaneq ilanngullugu § 45, imm. 5-imi oqaasertaliineq una ilanngunneqarpoq: ”Inatsit alla malillugu meeraq ikiorserneqarsimappat, soorlu inunnut innarluutilinnut ikorsiineq pillugu inatsit malillugu, tamakkununnga tunngasut kommunalbestyrelsip isumaginninnikkut misissuinermut ilanngutissavai, isumaginninnikkullu misissuinerup ilaautut meeqqap ikiorserneqarnissamik pisariaqartitsineranik tamakkiisumik nalilersuisoqassaqaq, soorlu meeqqap innarluuteqarneranik tunngaveqartumik ikiorserneqartariaqarneq. Inatsisartut inatsisaat manna naapertorlugu inatsit alla malillugu ikorsiisinhaaneq taamaalilluni meeqqap ikiorserneqarnissamik pisinnaatitaaffiinik killiliinngilaq.”*

Kommunalbestyrelsip suliassai pisussaaffiilu

Inatsisisitat siunnersuutikkut erseqqissarneqarpoq kommunalbestyrelsi meeqqap nakkutigineqarnissaanut pisussaaffeqartoq. Piareersaalluni suliat malillugit kommunalbestyrelsi meeqqap kommunimi atugarisaasa ilisimaneqarnissaannut tusarnaartutut sassartartutullu akisussaaffeqarpoq. Tassunga atatillugu kommunalbestyrelsip suleqataalluni alaatsinaatsuullunilu suleqataaffigissaga naatsorsuutigineqarpoq meeqqat tamarmik atugassarititaasut inatsimmi aalajangersarneqarsimasut naapertorlugin alliartornissaat (taamaammat takukkit inatsisisitat siunnersuummi §§ 3, imm. 1, aamma 8, imm. 1). Instituttip iluarisimaarpaa kommunalbestyrelsi taamatut pisussaaffilerneqarsimammatt.

Taamaakkaluartoq instituttip isumaa malillugu inatsimmi piumasaqaataasariaqarpoq danskit sullissinermut inatsisaanni § 19, imm. 2 aamma imm. 5 malillugit taamatungajalluunniit inatsisisitat siunnersuummi § 3 imm. 1-imi aamma 8, imm. 1-imi siamasissumik pisussaaffeqarnerup atuutilersinneqarnissaat kommunalbestyrelsip qulakkiissaga.

Taamaaliornikkut aalajangersakkat sunniutilimmik atuutilersinneqarnissaat piviusorsiortumik qulakkeerneqassaaq, taamaallutik taakku suliarissamaakkanik nalunaarutitut taamaallaat pissuseqalinnginniassammata.

- Instituttip kaammattutigissavaa inatsimmi kommunalbestyrelsi pisussaaffilerneqassasoq ataqtigiiissumik meeqqanut inuusuttunullu naalakkersuinikkut ingerlatsinissamik aamma pinaveersaartitsinermut sillimaniarnissamik, meeqqanik pinngitsaalisiarneq pillugu suliani siusissukkut paasiniaasarnissamik suliarinnittarnissamillu ilusilersuisussanngorlugu. Naalakkersuinikkut ingerlatsineq taamatullu upalungaarsimaneq kommunip nittartagaani tamanut saqqummiunneqartariaqarput sivisunerpaamillu ukiut sisamat allortarlugit iluarsaateeqinnejartassallutik.

*Akissut: Ilanngunneqarpoq. Inassuteqaat § 3, imm. 3-tut nutaatut ilanngunneqarpoq, tamannalu pillugu nassuaatini immikkut ittuni itisilerneqarluni. Oqaaserli ”atornerluineq” oqaatsimik*

*"sumiginnaaneq" taarserneqarpoq, taannalu § 3, imm. 1-imi assigiinngiiaakannertumik oqaasertaliinermut tunngatillugu naleqqunnerusutut nalilerneqarpoq.*

### Isumaginninnikkut misissuinerit

Inunniq isumaginninnermik sulianik misissuisarneq § 21-miittooq inatsisisstatut siunnersuut malillugu sulianik suliariinnittarnermut tamarmut tunngaviuvoq taamaammallu pingaaruteqarluni atortorineqartussaalluni. Oqaaseqaatit malillugit misissuinikkut siunertaavoq meeqqap ilaqtariillu ajornartorsiutaasa qanoq issusiat aallaavigalugit ikorsiissutissat suut meeqqamat pisariaqartitaanerannik nalilersuinermut tunngavissanik pissarsisarnissaq. Taamaammat ingerlanermi sapinngisamik siusissukkut pissutsit inatsit malillugu ikorsiiniarluni sulissutigineqartussanik pisariaqalersitsisut paasiniarlugit qulaajarneqartariaqarput.

Aalajangersakkami imm. 1-imi pissutsit arfinillit allattorneqarsimapput kommunalbestyrelsip inunniq isumaginninnermik sulianik misissuisarnerup suliariineqarnerani paasissutissiissutigisassai, soorlu taamatuttaaq meeqqap ineriertornera pissusilsortarneralu (nr. 1). Meeqqap pitsaasumik ineriertornera siunnersuummi § 3, imm. 1-imi inatsisiskkut anguniagaasunut ilaasoq pissutsit arfinillit ilaattut taaneqarsimanngilaq. Instituttip isumaa malillugu pingaaruteqarpoq meeqqap pitsaasumik ineriertornera aammattaaq misissuinerup ilaatut takuneqarsinnaasariaqarmat. Tamatumuna takuneqarsinnaalissaq aammattaaq meeqqap qanoq ittuunissaa sammineqarmat taamaallaat ineriertornera pissusilsortarneralu kisiisa pinnagit.

- Instituttip kaammattuutigissavaa "pitsaasumik ineriertorneq" inatsisisstatut siunnersuummi § 21, imm. 1, nr. 1-imut ilanngunneqassasoq.

*Akissut: Ilanngunneqarpoq. Inatsimmi oqaasertani toqqaannartumik maannakkut allaqqalerpoq. Inatsisisami siunnersuummi aamma oqaatsitigut erseqqissaasoqarpoq pitsaanerusumillu aaqqissuunneqarluni.*

Tamakku saniatigut institutti isumaqarpoq inunniq isumaginninnermi sulianut tunngatillugu misissuinermi erseqqissumik takuneqarsinnaasariaqartoq meeqqap isummersortarneri misissuinerup ilaatut pinngitsoorneqarsinnaangitsutut ilanngunneqassasut. Tamatumuna instituttip isumaa malillugu Meeqqat pillugit nunat tamalaat isumaqatigiissutaanni artikel 12-imik inatsisiskkut atuutilersitsineq nukittorsarneqassaaq, taamatuttaaq pingaartumik artikel 12, imm. 2-mik, taamaalippat meeraq suliat meeqqamat tunngasut tamarmik suliariineqarnerini oqaaseqarsinnaanissaminut periarfissaqalissammat.

- Instituttip kaammattuutigissavaa § 21-mi (ajornanngippat § 22 innersuussutigalugu) ilanngussisoqassasoq, inunniq isumaginninnermi sulianut tunngatillugu misissuinerup suliariineqarneranut atatillugu meeraq oqaloqatigineqartassasoq.

*Akissut: Ilanngunneqarpoq. § 21, imm. 2 naggagit aappaa taamaalilluni imatut allaqqalerpoq:  
"Ikorsiinissamik suliniummik neqerooruteqartoqartinnagu kommunalbestyrelsip meeraq  
tusarniaavigereersimassavaa, tak. § 43."*

Aalajangiisuulluni pingaaruteqarluinnarpoq oqartussaasut sulianik suliarinnittarnerannut inatsimmi erseqqisunik paatsuugassaanngitsunillu aalajangersaasoqassasoq taamatuttaaq oqartussaasut sulianik suliarinninnerannut piffissamik killiliussat taaneqarlutik. Pingaaruteqarpoq meeqqap naammattumik sukkasuumik ikiorserneqartarnissa, taamaammat danskit sullissinermut inatsisaanni § 50, imm. 7-ip assinganik inatsimmi toqqaannartumik inunnik isumaginninnermi sulianut tunngatillugu misissuinermut piffissaliussat takuneqarsinnaasariaqarput, taamaalippat kommunalbestyrelsip meeqqap ikorsertariaqalerneranik ilisimasaqalerneraniit qaammatit sisamat ingerlaneranni meeqqamut tunngatillugu suliallit misissuinerat naammassereersimassammat.

Tamakkua saniatigut iluaqutaassaaq inatsisisstatut siunnersuummi § 21-mi misissuinermut piumasaqaatit suli allat sullissinermut inatsimmi § 50-imiittut ilanngullugit suliarineqarsinnaassappata.

- Instituttip kaammattuutigaa misissuinerup naammassillugu saqqummiunneqarnissaanut piffissamik killiliussaq toqqaannartumik inatsimmi takuneqarsinnaassasoq. Tamakku saniatigut iluaqutaassaaq misissuinermut piumasaqaatinik suli allanik ilanngussisoqarsinnaassappat.

*Akissut: Ilanngunneqanngilaq. Maannakkut naleqquttutut isigineqanngilaq, kisiannili isumaginninnermi suliamik ingerlatsinermi misissuineq inatsimmi oqaasertani arlalinni ingerlaqqinnermi piumasaqaataammat, periuseq qanimat malinnaavigineqassaaq, paasinarsissappallu isumaginninnermi suliamik ingerlatsinermi misissuineq naammaginanngitsoq, inatsisisstatut siunnersuummi § 45, imm. 7-imi nutaami Naalakkersuisunut pisinnaatisinerup iluani misissuinerup aallartiffissaanut il.il. piffissaliinermut annertunerusunik malittarisassiorraqssaaq.*

Iliusissatut pilersaarutip suliarineqarnera  
Inatsisisstatut siunnersuummi § 23-p malitsigissavaa kommunalbestyrelsip meeqqamut ikorsiinissamik aalajangiisoqalersinnagu allakkatigut iliussissatut pilersaarummik suliaqartussaatitaanera.

Instituttimiit oqaatigineqassaaq iliussissatut pilersaarutip naammassineqarluni atugassanngortinneqarnissa utaqeqqaarnagu meeqqamut pitsaunerpaasussaq anguniarlugu iliuseqartoqartariaqalernissa ilaannikkooriarluni pisariaqalersinnaasarmat. Taamatut pisoqartillugu iliussissatut pilersaarut iliuserineqartussat aallartinneqarnerisa kingornatigut piaernerpaamik suliarineqartariaqarpoq. Tamanna danskit sullissinermut inatsisaanni § 140, imm. 1-ip assigaa. Instituti isumaqarpoq iluaqutaasumik inatsisisstatut siunnersuummi

*Akissut: Ilanngunneqarpoq. Inatsisissatut siunnersuummi § 28, imm. 4-tut nutaatut maannakkut allaqqalerpoq.*

Angajoqqaanngortussanut suliniutit

Inatsisissatut siunnersuummi § 34-mi angajoqqaanngortussat inooriaasiata meeqqap suli inunngorsimanngitsup pitsasumik atugaqarnissaa, peqqissusia ineriaartornissaaluunniit ulorianartorsiortissappagu naartunerup nalaanili iliuusissatut pilersaarummik suliaqartoqarnissaanik neqerooruteqartoqarsinnaaneranik aalajangersagaq ilanngunneqarsimavoq.

Tassunga atatillugu eqqarsaatigineqarsinnaavoq taamatuttaaq aalajangersakkami aammattaaq allassimasoqartariaqarnersoq angajoqqaajusinnaanermik pissutsinillu ajornanngippat angajoqqaanngortussat suleqatigalugit misissuisoqartariaqarneranik iliuuserineqartussat pillugit aalajangiisoqarsinnaaneranut tunngavissanik.

*Akissut: Ilanngunneqarpoq. Isumaginninnermi suliamik ingerlatsinermi misissuineq pillugu piumasagaatikkut § 26, imm. 3-tut nutaatut maannakkut allaqqalerpoq.*

Inissiivissaq

Inatsisissatut siunnersuummi § 41-ip malitsigissavaa kommunalbestyrelsip meeqqap pisariaqartitaanik nalilersuineq aallaavigalugu inissiivissamik aalajangiisinnanera. Aalajangersakkami inissiiviusartut assigiinngitsut nalunaarsorneqarsimapput.

Instituttip tassunga oqaatigissavaa pingaaruteqarluinnarmat inatsimmi toqqaannartumik erseqqisumik paasuminartumillu allassimasariaqarmat pissaanermik atuinerit qanoq ittut inissiiviusartuni assigiinngitsuni meeqqamut atorneqarsinnaanersut. Tamakku danskit sullissinermut inatsisaanni kapitali 24-ip assigai.

- Instituttip kaammattutigissavaa inatsimmi inissiisarnerni assigiinngitsuni pissaanermik atuisarneq pillugu erseqqissunik malittarisassanik ilanngussisoqarnissaa.

*Akissut: Ilanngunneqanngilaq. Kisiannili politikkikut nalilersuinissatut inassuteqaatitut naleqquttutut allanneqarpoq.*

Ilaqtariit paarsisartut

Inatsisissatut siunnersuummi §§ 47 aamma 48 angajoqqaarsianut inissiisarnermut tunngassuteqarput.

- Instituttip kaammattutigissavaa inatsimmi malittarisassaasinnaasumiluunniit aalajangersaasoqassasoq angajoqqaarsiaasartut pikkorissartitsinernik siunnersuinernilluunniit

neqeroorfigineqartassasut taamatullu kommunini angajoqqaarsiaasartunik ingerlaavartumik ilinniartitseqqitoqartassasoq.

*Akissut: Ilanngunneqanngilaq. Ilaqtarsiat pillugit immikkoortoq annertuumik allanngorlugu allanneqarpoq, oqaatsitigut erseqqissarneqarluni pitsaanerusumillu aaqqissuunneqarluni. Ilaqtarsianut inissiinermi kommunit peqataanerat pissutsini aqunneqartuni nakkutilliillunilu pisussaapput. Nuna tamakkerlugu ersarissunik malittarisassaqarnissap pingaaruteqarnera pissutigalugu Naalakkersuisut ilaqtarsiat pillugit annertunerusunik malittarisassiornissamut pisinnaatinneqarput. Ilimageqarpoq inatsisissatut siunnersuut akuerineqassappat ilaqtarsiat pikkorissartinneqartarnissaannik kommunit neqeroorfigineqassasut, ilaqtarsianullumi siunnersuisoqartassalluni. Tamassumani Naalakkersuisut kommunit ilaatigut immaqa aamma ikiorsinnaassavaat.*

Naammagittaalliuuteqarsinnaaneq

Inatsisissatut siunnersuummi kapitali 15-imi naammagittaalliuuteqarsinnaaneq pineqarpoq. Inatsisissatut siunnersuummi § 59, imm. 1-ip malitsigissavaa, kommunalbestyrelsip aalajangiinerinik naammagittaalliuutit Inunniq Isumaginninnermi Naammagittaalliuuteqartarfimmut naammagittaalliuutigineqartarnerat, Inunniq isumaginnitqarfiup aqunneqarneranik aaqqissuussaaneranillu Inatsisartut inatsisaanni aalajangersakkat naapertorlugit. Instituttip tunngavissaatippaa taamatut innersuussinikkut Inunniq isumaginnitqarfiup aqunneqarnera aaqqissuussaaneralu pillugit Inatsisartut peqqussutaat nr. 11, 12. november 2001-imeersoq pineqarsimassasoq.

Institutti inatsisissatut siunnersuut taamatut aalajangersagartaqarluni naammattumik meeqqap isumannaatsuunissaanut tunngassuteqassasoq pisariaqartinneqartutullu misiliisinnaalersitsissasoq isumaqanngilaq.

- Piviusorsiorumik sunniutilimmillu misiliisoqartarsinnaanissaa qulakteerniarlugu instituttip kaammattuutigissavaa - danskit sullissinermut inatsisaanni § 65 assigalugu - inatsimmi aalajangersakkamik ikkussisoqassasoq, taamaalippat Inunniq Isumaginninnermi Naammagittaalliuuteqartarfip nammineq piumassutsiminik meeqqanut inuusuttunullu immikkut ikorsiisarnermik suliassat suliaralisammagit aamma innuttaasut, inuit tamakkuninnga suliallit allalluunniit meeqqamut pitsaanerpajusussat naapertorlugit kommunalbestyrelsip pisariaqartinneqartutut suliamik suliarinnilersimannginneranik isumaqassallutik pissutissaqartut Inunniq Isumaginninnermi Naammagittaalliuuteqarfimmut ilisimatitsissuteqarsinnaasut, taamaalippat taakku naliliissammata suliap suliarineqalernissaanut pissutissaqarnersoq.

*Akissut: Ilanngunneqanngilaq. Naliliisoqarpoq siunnersuutigineqartutut annertusisitsineq naammagittaalliorfimmut naleqqutinngitsumik suliassaqernerulersitsissasoq innuttaasullu*

*ingerlatsivimmik misigisaqartarnerat/naammagisaqartannginnerat (sullinneqarnermik naammagittaalliuteqarneq) aamma inatsisit tunngavigalugit naammagittaalliuteqarneq (aalajangiineq pillugu) naleqqutinngitsumik akuleriisinneqalissasut. Isumaginninnermi naammagittaalliuiteqartarfíup aamma ukiumut naammagittaalliutit tiguneqartartut maannakkut amerlassusaat ajornartorsiutigai, ilisimatitsillunilu naammagittaalliortarfímmi naammagittaalliutinik aalajangiisarnermut suliassanik suliarinnitarnermi piffissaq agguaqatigiissillugu atorneqartartoq naammagittaalliutip suliarineranut ataatsimut ukiut pingajuat avillugu sivilissuseqartartoq (pissarsivik: AG Atugalliutit ulloq 27. juli 2016-imi quppernerit 4-5. Taamaammat tamanna pillugu aalajangersakkamik ilangussinissaq naleqqutinngitsutut isigineqarpoq.*

Taamatuttaaq inatsisisatut siunnersuummi § 59, imm. 3-ip malitsigissavaa Naalakkersuisut meeqqap naammagittaalliuteqarsinnaanera pillugu malittarisassanik erseqqinnerusunik aalajangersaasinnaalernerat. Malittarisassanik erseqqinnerusunik taamatut aalajangersaasinnaalernermut tunngatillugu pingaaruteqarpoq malittarisassat oqaatsit paasiuminartut meeqqap paasisinnaasai atorlugit ilusilersorneqarnissaat soorluttaaq meeraq naammagittaalliorssinnaatitaaneranik erseqqissumik ilisimatissuteqarfingineqartassasoq.

Naalakkersuisoqarfiup allagaateqarfiani nr. 2016 – 8524 innersuussutigineqarpoq.

*Akissut: Ilangunneqarpoq. Meeqqat naammagittaalliuteqarsinnaatitaanerat inatsisip oqaasertaani tassungalu immikkut nassuaatini oqaatsitigut erseqqissarneqarpoq, paasinarnerulersillugulu § 58, imm. 2-mi maannakkut allaqqalerluni.*

## **11) KNIPK**

KNIPK-mi siulersuisut ataatsimiinneranni ulloq 18.juni 2016 tusarniaaneq oqaluuserineqarpoq. Siulersuisuunerit tusarniaaneq qujassutigalugu aalajangerput allannguutissatut siunnersuutit taperserlugit.

## **12) Qeqqata Kommunia**

Siunnersuut pillugu tusarniaanermut akissuteqaammik matumuuna Qeqqata Kommunia nassiussivoq. Tusarniaanermi akissuteqaat Ilaqtariinnermut ataatsimiititaliami 2016-imi xx-xx saqqummiunneqarpoq, akuersissutigineqarlunilu.

1. juli 2016-imi juulip tusarniaanermi akissuteqarnissamut killilikamik tusarniaanermik qulaani taaneqartumik 30. maj 2016-imi naalakkersuisoqarfímmiit Qeqqata Kommunia tigusaqarpoq. Kommunip suliaanik annertuumik imaqlarluni, tamakkerlunilu atuarluarneqarnissaa pisariaqlarluni, tusarniaaneq imaqqortuunik atortussalik pineqarpoq.

Meeraq angerlarsimaffiup avataanut inissitaasimappat angerlartinneqarsimappalluunniit angajoqqaatut oqartussaassuseqartoq taakkununnga suli akisussaaffeqarnera pillugu ersarissaanissap pingaaruteqassusaa Qeqqata Kommuniata maluginiaqquvaa.

*Akissut: Ilanngunneqarpoq. Inatsisisstatut siunnersuummi angajoqqaanut meeqqanullu peqqusisarneq maannakkut peerneqarpoq, aammalu angajoqqaat meeqqallu akisussaanerat pillugu oqaloqatigiinnissamut aggersaasarnermik taarserneqarluni. Ilimagineqarpoq oqaloqatigiinnerit taamaattut pingaartumik angajoqqaat akisussaanerisa pingaaruteqassusia pillugu sianiginninnerulernissamut tapersiissasut.*

Oqaaseqaatit allat:

Kapitali 3- Nakkutilliineq.

Qeqqata Kommuniata neriuutigivaa, tunngaviusumik sullissinernik nukitorsaanermik suliaqarnermut atatillugu nakkutilliilluni nalunaarusiornerup saniatigut, Naalakkersuisoqarfiup ataani Nakkutilliivittaqaq sullissinermut ilitsersuinermik inassuteqaasiortassasoq, taamaalilluni nakkutilliineq arsaarinminnermik kinguneqartumik kukkunerinnarnik amigaatinillu ukkataqarani.

*Akissut: Ilanngunneqarpoq. Inatsisisstatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni. Nakkutilliivik pillugu immikkoortoq oqaatsitigut sukateriffiqineqarpoq tamannalu pillugu immikkut nassuaatit itisilerneqarlutik.*

Kapitali 5 Nalunaaruteqartussaatitaaneq

Nalunaaruteqarnissamut pisussaaffik sakkortunerusoq

Meeraq ikiorneqarnissamik pisariaqartitsisoq pineqartillugu imaluunniit meeraq eqqortumik ikiorneqarnera pillugu suliamik ilisimasalimmit ernumaammik pigisaqartoqarnera pineqartillugu, inunnik sukannererusumik nalunaartussaatitaasuni, qanoq ilinikkut nipangiussimasussaatitaanermit tunuarsimaartoqarsinnaaneranik ersarissaasoqarnissaanut pisariaqartitsisoqartoq oqariartuutigineqarpoq. Qeqqata Kommuniata inassuteqaatigissavaa, tamanna ersarissarneqassasoq, taamaalilluni inuit suliamut attuumassuteqartut taanna eqqumaffigisinnaaniassammassuk.

*Akissut: Ilanngunneqanngilaq. Naliliisoqarpoq nipangiussimasussaatitaaneq pillugu maannakkut malittarisassat pingaartumik pisortat suliassanik sularinnittarneq pillugu inatsimmiittut tamanna pillugu inatsimmiittut naammattumik ersarissuuusut. Ersarinnerusunilli malittarisassaqarnissamik nassuaateqarnissamillu pisariaqartitsinermik oqaaseqarneq akuersaarlugu siunnersuut akuerineqassappat inatsimmi ilitsersuutit, nipangiussimasussaatitaaneq nalunaaruteqartussaatitaanermit qaqugukkut taarserneqassanersoq qaqugukkullu taarserneqassannginnersoq assersuutit pisullu assigiinngitsut ersarissarniarllugit ilanngunneqarnissaat ilimagineqarsinnaavoq.*

Inatsisissatut siunnersuummi aalajangersagaqarpoq, nalunaarutiginnittooq ersarissumik nalunaarfigineqartassasoq, nalunaarut kommunimit tiguneqarsimasoq, taamaalillunilu meeqqamut pisut misissornissaanut akisussaaffimmik tigusisoq. Taamaalilluni meeqqamut ernummateqarneq tunngaveqarnersoq nalunaarutiginninnerlunniit meeqqamut ikorsiiniarluni sulianik aallartitsisoqarnissaanik malitseqassanersoq, inuk nalunaarutiginnittooq paasitinneqarnissamik pisinnaatitaaffeqanngilaq. Kommunini sumiiffinni assigiinngitsuni, nalunaarutiginninneq kommunimit tiguneqarsimanera pillugu uppermarsaammik nalunaarutiginnittut nassinneqartarput, suliallu ingerlaqqinnissaa pillugu kommuni nalunaarutiginnittumut paasissutissiissalluni pisussaanngilaq . Illoqarfigisami suliamut qaninnerpaamik suleqatigisat soorlu atuarfiit, peqqinnissaqarfik, meeqqeriviit il.il. pineqartillugit taakku oqariartutiginikuvaat kissaatigalugu, nalunaarutiginninnerminni suliani isumaginnittoqarfimmit nalunaarfigineqartassallutik. Illoqarfigisami suleqatigisat assigiinngitsut aamma akuuffigisassarisaat, meeqqat taakkorpiaat pineqartillugit qaninnerusumik tamakkiinerusumillu suleqatigiittooqarnissaa pillugu kissaateqartoqarnera paasinarpooq. Ilutigitillugu meeqqami, taassumalu ilaquaani ajornartorsiutit piusunik aaqqiinissamut peqataanissaq pillugu suleqatigisat suleqatiginnissaannut suliami naatsorsuuteqartoqartarpoq. Taamaattumik Qeqqata Kommuniata inassuteqaatigissavaa, taamaatut pisuni inatsit suliami paasissutisseeqatigiittarnissamik periarfissiissasoq.

*Akissut: Ilanngunneqanngilaq. Pisortat suliassanik suliariinnitarnerat pillugu inatsit atuuttoq naapertorlugu, tamanna suliassanik suliariinnitarnermut pisariaqarpat il.il. inuit inuillu pillugit paasissutissat mianerisassat suliamut attuumassuteqartut oqartussat akornanni ingerlateqqinnejqarnissaannut ilaatigut periarfissaqarpoq.*

Nuna tamakkerlugu nalunaaruteqartarfik Suliamik ilisimasalinni nalunaarutiginnittussaatitaasunut nalunaarutiginninermi immersugassamik kiisalu inunnut ataasiakkaanut immersugassamik allamik atuisoqartariaqarluarpoq. Immikkoortumut Naalakkersuisoqarfiup eqqumaffigisariaqarluarpaa, Sullissivik-up ataani nalunaarutiginninnermut eqitsisinik tamanit atorneqarsinnaasumik suliaqarnissaanik Sullissivik.gl kommuninit qinnuigineqarnikuugaluartoq. Taamaattumik Qeqqata Kommuniata inassuteqaatigissavaa, tamanna pillugu naalakkersuisoqarfik suleqataassasoq.

*Akissut: Tusaatissatut tiguneqarpoq. Suleqatigiinneq pillugu inassuteqaat soorunami malinnejqassaaq, oqaatigineqassaarli immersugassat tamanut tunngasut suliarineqartut innuttaasut allatut nalunaaruteqarsinnaanerisa pinngitsoortinnissaanut atorneqassannigitsut, assersuutigalugu allakkamik nassiussinikkut, oqarasuaatikkut imaluunniit isumaginnittoqarfimmut nammineq takkunnikkut. Immersugassamik elektroniskiusumik atuinissamik innuttaasunut sullissinermi neqeroorutikkut taamaalilluni innuttaasut allatut nalunaaruteqarsinnaanerat pinngitsoortinneqassanngilaq. Erseqqissarneqassaaq inatsisissatut siunnersuut qanoq nalunaaruteqartoqarnera apeqqutaatinngagu nalunaaruteqartussaatitaanertut paasineqassasoq.*

## Kapitali 6 - Isumaginninnermik ilisimasalinnit misissuinerit

Isumaginninnikkut suliani nassuaatitalinni ikiorneqarnissaq pillugu pisariaqartitsineq ikiorneqarnissamillu kissaateqarneq ukiut ingerlanerini Qeqqata Kommuniata tikkuartornikuuvaa, ingammik suliani paasiuminaatsuni ilisimasalinnit nassuaasoqarnissaa pineqartillugu, tamatumani meeraq perorsaanikkut, eqqarsartaatsikkut sianissutsikkulluunniit katsorsarnejarnissaanik pisariaqartitsisoq nalilerneqarsimatillugu, aammalu nassuaanermut tassunga suliaqarnissamut kommuni sulisussaqartinnagu. Meeraq angerlarsimaffiup avataanut inissinneqarnissaa pisariaqalerpat, kialuunniit kissaatigineq ajorpaa, meeqqap pisariaqartitaanut tulluanngitsumut imaluunniit Danmarkimi inissittariaqalernissaa. Taamaattumik KANUKOKA kommunillu kissaatiginikuuvat, suliani tamaattuni namminersorlutik oqartussat ikuuttassasut, taamaallilluni inissinnginnermi meeqqap ikiorneqavinnissamik pisariaqartitai paasineqarsinnaaniassammata, piviusorsiortumillu iliusissatut pilersaarusoqarsinnaaniassamat. Taamaallilluni meeqqat kisimik PPR-imut nalilersortinneqarnissamik pisariaqartitsisuusut pineqanngillat.

## Kapitali 7 - Iliusissatut pilersaarutit.

Kapitali 10 Katsorsaanissamik pilersaarutinut tunngatillugu ersarissaasoqarnissaa kissaatigineqarpoq.

*Akissut: Inatsisisatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni. Iliusissatut pilersaarutit, katsorsaanissatut pilersaarutit killifillu pillugu nalunaarusiat tassunga atatillugu suliassanik suliariinnittarnermi malittarisassat pillugit kapitalimi nutaami immikkut paragraffinngortinneqarput.*

## Kapitali 7 - Angajoqqaanut peqqussut.

Angajoqqaanut peqqussummik annertunerusumik ersarissaasoqarnissaa Qeqqata Kommuniata kissaatigivaa.

*Akissut: Maannakkut pisariaqanngilaq. Aalajangersagaq peerneqarpoq aammalu angajoqqaat akisussaanerat pillugu oqaloqatigiinnissamut aggersaasarneq pillugu aalajangersakkamik nutaamik taarserneqarluni.*

## Kapitali 8 - Nalunaaruteqartarnerit

Danmarkimi pitsaasumik misilittagaqarfioereersoq, akunnerit 24-t ingerlaneranni quisuariartoqartassasoq, tapersorsornartoq Qeqqata Kommuniata isumaqarfigaa.

## Kapitali 9 – Suliniutit sukannererusut

Inissiiviusoq

Meeraq Danmarkimi inissinneqarani Kalaallit Nunaanni inissinneqartarnissaanik qulakkeerinninnissaq, kapitali 10, § 43-mi imminnut attuumanngillat, "Ulloq unnuarlu

paaqqinnittarfinni, taakkununnga ilangullugu ulloq unnuarlu paaqqinnittarfinni matoqqasunik immikkoortortaqarfilinni inissanik naammattunik peqartoqarnissaa Naalakkersuisut isumagissavaat" Namminersorlutik Oqartussat ulloq unnuarlu paaqqinnittarfiutaanni meeqqat inuusuttullu tigusinnaanngikaangatigit/tigujumanngikaangatigit, manna tikillugu kommunit Danmarkimi inissittariaqartarnikuuvaat. Kommunit arlaannaataluunniit kissaatiginngilaa, meeqqat inuussuttullu Danmarkimi inissinneqartarnissaat.

*Akissut: Tusaatissatut tiguneqarpoq.*

Kapitali 10 – Ilaqtariit paarsisartut.

Qitiusumiit neqeroorutaasinnaasumik ilaqtariit paarsisartut ilinniarfeqarnissaa Qeqqata Kommuniata kissaatigivaa. Tamatuma saniatigut kissaatigineqarpoq ilaqtariinnut paarsisartunut akuersissut pillugu qinnuteqarnermi peqqissutsimut uppernarsaat annertusineqassasoq taamaasilluni quumik misissuinissaq aamma ilaatinneqalerluni, ilaigtigut ikiaroornartumik atornerluisoqarnersoq, tassami ullumikkut meeqqanik pinerliisimannginnermut uppernarsaammik aamma pinerluuteqarsimannginnermut uppernarsaammik piniartoqartareerpoq)

*Akissut: Tusaatissatut tiguneqarpoq. Peqqissuseq pillugu nalunaarummik pissarsisarnissamik kissaateqarneq aanngajaarniutinik misiliinermik imaqarmat, immaqa ilitsersuutinngorlugu imaluunniit ilaqtarsiat pillugit malittarisassani imaluunniit ilaqtarsianut kommunit akuersissutaanni ilangunneqarsinnaapput.*

Kapitali 11 – Suliniutinik unitsitsineq.

Inissiiffiusumiit oqaaseqaat

Akissarsiutigalugu angajoqqaarsiaasartut inissiivittut isigineqarnersut ersarissarneqarnissaa kissaatigineqarpoq.

*Akissut: Ilangunneqarpoq. Kommunit aaqqissugaannik ilaqtarsiaqartitsineq inatsisisatut siunnersuut naapertorlugu inissiivittut isigineqarpoq. Ilaqtarsiat pillugit immikkoortoq allangorlugu allanneqarpoq, oqaatsitigut erseqqissarneqarluni pitsaanerusumillu aaqqissuunneqarluni, tamannalu pillugu immikkut nassuaatit itisilerneqarlutik.*

Kapitali 13 - Qitiusumik meeqqat pillugit Paasisimasallit

Inissiavigisamiit meeqqap anisinneqarnerani suliani, inissiavigisap oqaaseqaataa anisitsinermut killormut oqaaseqaateqartillugu "Paasisimasallit suliassaat tassaavoq meeqqap inissiiffiusumiit anisinneqarnissaa pillugu suliani oqaaseqaateqarnissaq" Tassunga Qeqqata Kommuniata inassuteqaatigissavaa, perarfissaq taanna kommuninut tunniunneqassasoq, ulloq unnuarlu paaqqinnittarfimmit kommunimut tunngavilersuuteqartoqarani, meeraq namminersorlutik oqartussat ulloq unnuarlu angerlarsimaffiutaannit angerlartinneqartillugu imaluunniit ulloq unnuarlu paaqqinnittarfiit kommunimut inissiinkumut meeraq angerlartiinnarlugu, nalunngikkaluarlugu

meeqcat katsorsarneqarnissamut pisariaqartitsisunut kommunit inissiinissamut periarfissaqanngitsut. Qitiusumik meeqcat pillugit Paasisimasalinnut suliassat tamakku kommunit apuussinnaasariaqarpaat. Uani qitiusut meeqqanik illersuisuusariaqarput, taakkusuariaqarlutilu aalajangiinermik tigusaqtartut.

*Akissut: Pisoq pineqartoq misissuineruvoq, tassani kommuni aamma ulloq unnuarlu paaqqinnittarfik meeqqamik eqqortuik misissuiffigineqarsimanngitsumi ulloq unnuarlu paaqqinnittarfimmut inissinneqartumik imaluunniit meeqqanut ulloq unnuarlu paaqqinnittarfip sullitaanut naleqqukkunnaarsimasumut allamik aaqqiissutissamik nassaarniarlutik suleqatigiittariaqarlutik. Ulloq unnuarlu paaqqinnittarfimmit angerlartitsisarneq taakkunanilu inissiisarneq pillugit malittarisassatigut nutaatigut taamatut pisoqariataarsinnaanera annertuumik annikillisinneqarpoq, neriuarlunilu qaqtiguinnaq pisassasoq. Meeqcat soorunami inissiivimmieqqortumi inissinneqassapput, communalbestyrelsillu tamanna akisussaaffingaa, isumaginninnermut naalakkersuisoqarfimmi ulloq unnuarlu paaqqinnittarfinnut immikkoortortaqarfimmi utaqgisunik allattuveqarfik suleqatigalugu taamatut pisoqarnissaa qulakiissavaa.*

Kapitali 16- Pineqaatissiisarnermut aalajangersakkat

Sullissinermi sakkussanik, soorlu ataatsimoorussamik periutsimik kiisalu arsaarinninngikkaluarluni suliani pisariusuni ikiorneqarnissamik kommunit ikiorneqarnissamik pisariaqartitsipput. Meeraq angerlarsimaffiup avataanut inissinneqartariaqalertillugu, kommunit, namminersorlutik oqartussat, angajoqqaat allallu akuusut, meeqqap ikiorneqarnissamik pisariaqartitaanik pitsaanerpaamut soqutiginnittariaqarput.

*Akissut: Tusaatissatut tiguneqarpoq.*

### **13) Kommuneqarfik Sermersooq**

Matumuuna Kommuneqarfik Sermersuup pisortaqarnikkut tusarniaanermut akissutaa makkuninngalu politikkikkut isummersuutaannik ilallugu nassiunneqarpoq:

Inatsisisstatut siunnersuutip, meerartatta inuusuttattalu inuunerminni ilungersunartuniittut tungaanni atugarisaasa pitsaanerulersinniarnerinut angorusunneqartoq paasilluarparput. Aammattaaq Kommuneqarfik Sermersuumiit (KS) pitsaasorujussuartut isigaarput, ataatsimut isiginninneq piaartumillu qanoq iliuuseqarneq, immaqalu allaat meeraq ilumiutillugu, pingaartinneqartoq. KS'p periusaanut, suliniutaanut innutasutsinnullu mianernartunut suleriaasitsinnut tulluartutut aammattaaq isigaarput.

Tupigusutigaaput FN-ip Meeqqanut isumaqatigiissutaata inatsisisstatut siunnersuummi eqqaaneqarsimannginnera. Kalaallit Nunaat naluneqanngitsutut maj 1993-imi isumaqatigiissummut ilannguppoq, pisussaaffittut nassatanik ilaqtumik. FN-ip Meeqqanut

isumaqatigiissutaa massakkut inatsimmi atuuttumi pingaartutut inissisimavoq, Inatsisartullu inatsisaattut pisussami aallaavittut pingaartutut ilaasariaqarluni.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissunneqarluni. Inatsisissatut siunnersuummi arlalinni meeqqat pillugit isumaqatigiissut mianerineqassasoq tamanna pillugu nassuaatini maannakkut erseqqinnerulerpoq. Pingaartumik meeqqat namminneq pillutik suliani sunniuteqarnissaat aamma tusarneqarsinnaatitaanerat, kiisalu meeqqamik mianerinninnissap isiginiarneqarnissaa aallaavigalugu aalajangiisarnissat pillugit (inatsisissatut siunnersuummi oqaasertalerneqartoq meeqqamut pitsaanerusoq). Tunngaviusumik isiginninnissat inatsisissatut siunnersuummi §§ 1-3 allaqqapput, tamassumali saniatigut inatsisissatut siunnersuummi aalajangersakkani ataasiakkaani, tassani meeqqat pisinnaatitaanerat innuttaasunillu isiginninniarnissaq ersarinnerusoq meeqqanut inuuusuttunullu ikorsiisarneq pillugu peqqussumut atuuttumut sanilliullugu ersarinerusumik allaqqalerput.*

Inatsisissatut siunnersuummi peqqussutip *Naalakkersuisut aalajangersaaqqinnernit aalajangiisinnaapput..* qanoq atorneqakulanera, ataatsimut isigalugu paragraffini/pissutsini kiisalu aaqqiinernut aalajangersimanerusunut sullissinermilu.

Taamaattumik KS qilanaarpoq ilisimatitsissutinut assigiinngitsunut pilersaarusat tusarni-aassutigineqarnissaannut, peqqussutit arlaata erseqqissumik isummerfiginissaannut, erseqqippoq.

Tassunga uiggiallu, inatsisissatut siunnersuummi pissutsinut taakkartukkanut, pilersitassanut, atugassaqarfiit tupigusuutigaagut; Nakkutilliisoqatigiit kiisalu Qitiusumik Siunnersuisoqatigiit.

KS-p paasisai naapertorlugit immikkoortut taakku pilersinneqareersuupput, maqaasillugulu imikkoortut taakku siunertaanut, suliaannut piginnaatinneqarnerannullu erseqqissumik nassuiakkanik sinaakkutissat.

Tamanna inatsisissatut siunnersuummi ersinngilaq, siusinnerusukkullu tunniunneqarsimanani, KS-ip tungaaninngaaniit apeqquteqaatigineqarsimagaluartoq, tassa taamaalluta immikkoortut taakku suliaat pillugit ilisimanerussagaluaratsigit. Tamanna peqatigiit kommunimit atornerannut soorunami pingaaruteqarpoq.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissunneqarluni. Tassani aamma ilaapput nakkutilliinermut siunnersuisarnermullu immikkoortortaqarfik pillugu aalajangersakkat tessunga immikkut oqaaseqaatit.*

Piumasaqaatinut sukannerusunut Kommunit naammassinnissappata, piumasaqaataavoq, Naalakkersuisut qulakkiissagaat, meeqqanik inuuusuttunillu ikorsiineq kiisalu atuagarsornikkut piginnaasaqarnermik naatsorsuuteqarnermik ilalik pillugu inatsisiliornermi, inatsisip piviusunngortussap ilinniagaqarnerni ilinniartitsinerup ilaatuq qitiulerumaartoq. Naatsorsuutigaarputtaaq, Naalakkersuisut inatsisiliornermik ullumikkut ingerlatsisutut sulialinnut

ilinniartitsinissamik suliaqarumaartut. Tamassuma saniatigut ilimagineqassaaq annertuumik aningaasartortoqarnerunissa, atorfinnik qaffaanerni kiisalu ingerlatsinerup tungaani suliniarnernut.

*Akissut: Ilaatigut ilanngunneqarpoq. Inatsisissatut siunnersuutip siullermeerlugu avammut tusarniutigineqarnerata kingorna siunnersuut akuerineqassappat inatsisissatut siunnersuutip atuutilersinneqarnissaanut 4 millioner kruunit ilanngunneqarput, agguarneqarlutik ukiumi 2017-mi 2 millioner kr., ukiumilu 2018-imi 2 millioner kr.*

Inatsisissatut siunnersuummi amerlasuunik aalajangersagaqarpoq ajunngitsunik kinguneqatussanillu, meerartatsinnut inuuusuttortsinnullu ilungersunartumik inuunilinnut iluaquaasussanik. Kisiami KS isumaqarpoq, ersarinnerunngitsoq kikkut sorliit kikkullu akisussaasuunerat, tamannalu erseqqissaatigineqarpoq tusarniaanermi allakkiami allannguutitut pingaarutilittut. Pisariaqartinneqarpoq erseqqinnerujussuarmik kikkut sorliit kikkullu akisussaasuunerat nassuiassallugu, Naalakkersuisut assiginngitsunik aalajangersaaqqinnernit aalajangiisinnaanerannut naleqqiullugu.

*Akissut: Ilanngunneqarpoq. Inatsisissatut siunnersuutip oqaasertai ersarissaavigineqarput pitsaanerusumillu ilusilersorneqarlutik. Tamanna sunniuteqarniartussaavoq suliassallu agguarneri kissaatigineqartutut ersarissumik allaqqalerlutik, suliassallu qanoq ingerlanneqartarnissaat pillugu sukumiisumik malittarisassat piginnaatitsissutit iluanni inatsisissatut siunnersuummut nalunaarutini ilitsersuutinilu allaqqassappat.*

Aammattaaq apeqquserpagut, inatsisissatut siunnersuummi pineqaatissiissutit saqqummiussimasat, soorlu akiliisitsissutit pillaatissiissutillu ilumut taamaaliorneq naleqqussaanerunersoq eqqortoq, inatsisissatut siunnersuummi piumasaqaatit amerlanerusut naammassinissaannut kommunini tamani aningaasatigut sulisutigullu nukissanik pilersunissaq pisariaqartinneqartillugu. Kommunit unammisassaqareeqaat, ilungersunartunik naammassiniagassaqartillutik, nunami inissisimaneq, sulisut piginaasaannik aningaasaqarnermillu. Pillaatisiat akiliisitsissutillu ingerlatsinermi pitsaassutsimik siuarsaasuulersinnaanngillat. Unammillikkani pingarnersaasoq atorfinitseriaatsimiippoq, taamaatumillu imaannaq aaqqinnejarsinnaanani aningaasat atorlugit pineqaatissiissutini. Ataatsimoortumik kinguneqarluarnerusumillu aaqqiineq piumaneqarnerussagaluarpoq.

*Akissut: Ilanngunneqarpoq. § 59-imi pineqaatissiissutit pillugit aalajangersagaq allatut oqaasertalerneqarpoq.*

Aallaavittut KS-imi sallitikkusupparput, ajornannngippat meeqqap pisariaqartitaanut, toqqisisimissaanut kiisalu isumannaatsuunissaanut pissutsinut ingerlatsinermut minnerpaamik akuliunneq. Aalajangiinerit tamakku tunngaveqarput suliat ataasiakkaarlugit pitsaassusaannik naliliinermi, soorlu aamma neqeroorutinut pingaarutilinnut periarfissaviit matumuuna

naleqqiunneqartut. Taamaammat akunnakusoorpoq, inatsisiliornerup ikorsiissutit sorliit sullissinermi pingartinneqarnissaat nassuiassappagu.

*Akissut: Ilanngunneqarpoq. Inatsisissatut siunnersuummi suli ilaatigut piumasaqaateqartoqarpoq, assersuutigalugu isumaginninnermi suliamik ingerlatsinermi misissuinerit suliarineqartarnerannut ilaatigullu meeqlanuit illersortit, sapinngisamilli qanigisami suliniuteqartarnissamik periuseqarneq kommuninilu isumaginnittooqarfitt meeqlat pisariaqartitaasa pitsaanerpaamik isumagineqarnissaannut periutsip qulaaniittup ataqqineqarnissaat ingerlatiinnarnissaalu. Inatsisissatut siunnersuummi meeqlanuit tapersiissutit meeqlanuit ataasiakkaanut pitsaanerusut nassaariniarneqarnissaannut annertuumik inissaqartitsisoqarpoq, communalbestyrelsillu tapersiissutinut qitiusumit tamanut tunngasunut meeqlat ataasiakkaat pisariaqartitaannik mianerinninngitsunut pituttorsimanissaat siunnersuummi malittarisassatut pingaarnertut pinngitsoortinnissaat kissaatigineqarpoq.*

Naggasiillunga Naalakkersuisoqarfik inussiarnersumik uparuukkusuppara, Politikkikkut Ataqtiiisaarisartut 12. Oktober 2015 ataatsimiinnerminni iluseq ulloq unnuarlu paaqqinniffit siunissami ineriarnerminni aqqutissatut atussallugu aalajangiummassuk. Aalajangerneq taanna pingaaruteqartut ilagaat pisortaqarfinni aaqqissusseqqinnerup atulersinneqarnerani, taamaattumik ilimagilluinnarpala, inatsisissatut siunnersut Politikkikkut Ataqtigiiisaarisartut aalajangersimasaannik tunngaveqartoq.

*Akissut: Ulloq unnuarlu paaqqinnittarfitt pillugit annertunerusunik malittarisassiornissamut Naalakkersuisut inatsisissatut siunnersuummi pisinnaatinneqarput, tassunga ilanngullugit tamassuminnga akuerisarnermut, aammalu ulloq unnuarlu paaqqinnittarfitt ingerlatsinermut Naalakkersuisunut atuuttunik isumaqatigiissuteqarnissaannik peqquneqarput. Tamanna ulloq unnuarlu paaqqinnittarfinnik tunngaviliisunut, piginnittunut ingerlatsinermilu akisussaasunut ullumikkornit allaanerusinnaasunut ataqqinninneruvoq akuersaarinninnerullunilu aammalu ulloq unnuarlu paaqqinnittarfitt pilersitsinermut ingerlatsinermillu nunat tamakkerlugu malittarisassanik malinninnissaat qulakkeerniarlugu, taamaalilluni pitsaassutsimut piumasaqaatit ataatsimoorullugit nuna tamakkerlugu atuutissallutik.*

Siunnersutigerusupparput, inatsisip oqaasertaa allanngortinneqassasoq imatut, Inatsisartut inatsisissaattut siunnersuut nr. xx xx.xx 2016-meersoq meeqlanik inuuusuttunillu ikorsiinnej pillugu, inatsisissatut siunnersuut malillugu § 1 aamma § 4, imm.3, § 5, § 27, § 28, imm. 6 aamma § 55, imm. 2, taakkulu tamarmik imaraat inuuusuttunut ikorsiineq.

*Akissut: Ilanngunneqanngilaq. Inatsisissatut siunnersuummi anguniakkat pingarnerit tassaapput meeqlat inuttut atukkatigut navianartumiittut (18-it tikillugit ukiullit), aamma naak inuuusuttut (inuuusuttut siunnersuummi nassuaaserneqarput 18 – 23 ukiullit) suliniuteqareernermermi malinnaaviginerisigut taperserneqarnissaat pitsanngortinneqaraluartoq, takutitsinissaq*

*eqqarsaatigalugu meeqqat tapersernejarnissaasa inatsisissatut siunnersuummi peqarnerat pillugu qulequtaa inatsimmi uani ingerlatiinnarnejarpooq. Taamaammat malitseqartitsineq imatut paasineqassaaq meeqqat perornerusimasut inersimasungornissamullu pitsasumik ikaarsaariarnissamut ikiorneqarnissamik pisariaqartitsisorujussuit. Inatsit tunngavigalugu taaguutit meeqqat kikkuunersut (0-17 ukiullit) inuusuttut kikkuunersut (18-23 ukiullit) kikkullu inersimasuunersut (18-inik ukioqalernermiit) paatsuungassutigineqannginnissaat qulakeerniarlugu inuusuttut nassuaaserneqarnerat tassunga peqatigitillugu inatsisip oqaasertaani ilanngunneqarput siunnersuummullu nassuaatini ersarissumik nassuiarneqaqqillutik. Inuusuttut taamaalillutik siunnersuummi aamma inersimasuupput. Meerarli inuusuttuunngilaq, meerarlu inersimasuunani. Suliniuteqareernermeri malinnaanerit neqeroorutigineqarsinnaapput, meeqqat meeraanermiit inersimasumut ikaarsaariarnerani meeqqanut tapersiisarneq pillugu inatsisissatut siunnersuut naapertorlugu (inuusuttut) tapersernejarnissamik pisariaqartitsisut nalilerneqarpat. Taamaattoqassappat iliuuseqareernerup kingorna malitseqartitsinertut ingerlanneqassaaq. Siunnersummili siunertaanngilaq inuusuttut meeqqatulli tapersernejassasut, meeqqalli meeqqatut ineriertorneranni tapersernejassapput meeqqallu immikkut tamarmik pitsasumik mianerinnillunilu inersimasutut inuulernissamut ikaarsaariarnissaat qulakkeerneqassaaq, pisariaqarpallu meeqqat inersimasuunermut ikaarsaariartut suliniuteqareernikkut malinnaaviginerisigut inatsisissatut siunnersuut malillugu inuusuttuuneranni neqerooruteqarnikkut inersimasungornissamut tapersernejassallutik, taamaalillutik inersimasuunermut pitsasumik ikaarsaariarnissaat qulakkeerneqassalluni.*

§ 7 Naammassinnineq oqaaseqaammik pingaarutilimmik malitseqarpoq.  
KS-ip annertoorujussuarmik aarlerinartoqartippaa, kommunalbestyrelsip (pissutsillu malillugit socialrådgiverip) innuttaasut namminneq illuinut akuerineqarani isernissaa.

Angerlarsimaffiup inniminartuussusaa Danmarkip inatsisaani tunngaviusuni isumannaagaavoq, imaannarlu qaangiinnarnejartariaqarani oqartussanit allanit politiit eqqaassanngikkaanni.

*Akissut: Ilanngunneqanngilaq. Inatsisini tunngaviusuni inigisap innarlerneqannginnissaat pillugu malittarisassap pingarnerup saneqqunneqarsinnaaneranut inatsisini tunngaviusuni piumasaqaatit inatsisip akueralugit oqaatsillu aalajangersimasut atorlugit oqaasertalersorneratigut malinneqarput. Aalajangersagaq taamaammat Inatsisiniut tunngaviusunut akerliunngilaq, kisiannili Inatsisit tunngaviusut ataqqineqarlutik.*

Innuttaasut angerlarsimaffiinut kimigiisertoqarneq eqqarsaatigalugu sulisup isumannaassusaa inatsisissatut siunnersuummi isummerfigineqanngilaq. Pinngitsaaliineq pineqartillugu, annertuumik akerleriissutaaleriataarsinnaavoq navianarlunilu. Taamaatumik kissaatigaarput sulisutta illersorneqarnissaa, naammassinninnermilu politiinit ikiorneqarnissap periarfissaqarnissaa, eqqartuussisarnermik inatsit malillugu § 632, imm.2, inatsimmi, oqaaseqaatini imaluunniit ilitsersuutaassani erseqqisumik allassimanissaa

*Akissut: Ilanngunneqarpoq. Tamanna pillugu inatsisissatut siunnersuummi aalajangersakkanut immikkut nassuaatini ersarissumik allaqqalerpoq, assersuutigalugulu § 7, imm. 2-mut immikkut nassuaatit maannakkut imatut aallartippuit:*

*Aalajangersagaq tapertaqartinneqarpoq Kalaallit Nunaanni eqqartuussiveqarnermi inatsisinik §§ 597, imm. 3, tak. 632, imm. 2 tassani ersersinneqarluni eqqartuussummik naammassisitsiniaasartup akiliisitsiniaaneq tunngavigalugu takuneqarsinnaavoq, tassa eqqartuussummik naammassisitsiniaasartoq ikiuussinnaasoq "taamatulli atortuutinnejassaaq eqqartuussutinik naammassinniniaasartup ikiuunnissaas pisariaqaleraangat angajoqqaatut oqartussaassutsimik sernissuisuusoqartitsinermillu atortitsiniarnermi kiisalu meeqqap najorallagassaanut tunngatillugu isumaginninnermi ataatsimiititaliap aalajangiinerinik atortitsiniaanermi. Naammassinniniaaneq pisassaaq § 631 malillugu.*

*Pinngitsaaliissummik tunngaveqarmat inunnik isumaginnitoqarfimmi sulisunut aporaannertaqarlunilu navianartorsiorfiulersinnaavoq. Taamaammat malitsitsiniararluni naamas-sitsiniaasartup ikiuissinnisinnaaneranut periarfissaq atorlugu sulisut isumannaatsuunissaat qulakkeerneqartariaqarpoq, tak. eqqartuussisoqarneq pillugu inatsimmi § 632, imm. 2, taanna tamassuma ingerlanneqarnerani atorneqarajuttarpoq.*

Aammattaaq isumaqarpugut, § 7 aamma § 10 malillugu, kinaassutsimut uppermarsaatinut pissusissamisoortunut piumasaqaatit, oqaaseqaatini imaluunniit ilitsersuutissani itisilerneqassasut imaluunniit erseqqissarneqarnerussasut, pissutigalugu angerlarsimaffiup inniminartuuneraani innuttasup piginnaatitaaffianik annertoorujussuarmik akuliunneq pineqarmat. Kinaassutitsimut uppermarsaatinut atuuttunut tatiginartunullu piumasaqaatit taamaammat aalajangersimalluinnartuusariaqarput.

*Akissut: Ilanngunneqanngilaq. Qulaanili akissut takujuk.*

Inassutigissavarput, nakkutilliisoqatigiit kommunimi paasissutissanut akuerineqarnissaat, § 10 malillugu, inuit kinaassusaannut inatsimmut ataqtigiissarneqassasut. Aammattaaq tupigusuutigaarput illup iluani atassuteqarnerup erseqqissup pisariaqartinneqarnera.

*Akissut: Ilanngunneqanngilaq. Suliffiup iluani allaqtigittarnerit suliap paasineqarnissaanut suliami paasissutissat suliamut attuumassuteqartut nassuaatinik pisariaqartunillu imaqrarajuttarput.*

KS-ip amigaatigaa, Qitiusumik Nakkutilliisoqatigiit atugassaqarfiisa killilineratalu, Kommunit namminersornerunerat eqqarsaatigalugu, ersarissumik nassuaataat. Kommunit suliassaminnik inaarsarneri pillugit Naalakkersuisut paasinninnerat isumasioqatiginnernik assortoruminaatsumik

amigaateqarpoq. Akerliani KS-ip paasivaa, tupigusuutigeqisatsinnik, nakkutilliineq pillaanerlu sakkortulluinnartumik annertuumik nakkunneqartoq. Suliatta pitsaanerusumik naammassisarnissaat assorsuaq piareersimaffiguaannarusupparput, suliattalu iluani pitsaanerulertsinissamut periarfissat isumatusaartumik oqaloqatigiissutiginissaat assorsuaq ilaaffigerusullugu. Tassunga atasumik nakkutilliisut aamma tikilluaqquaapput, pissutigalugu periarfissatsialaammat oqaloqatigiinnissamut eqqarsaqqissaarnissamullu. Kisianni isumaqarpugut, kommunit soorlu iluminni isumasioqatigiinnissaminnut periarfissaqarnissaminnut piginnaatitaassasut, nakkutilliisunut tunniussaqartussaatitaanngikkaluarlutik.

*Akissut: Ilangunneqanngilaq. Naliliisoqarpoq suliffiup iluani allaqatigiinnerit suliat paasineqarnissaanut tapersiissutissatullu neqeroorutinut tamassuminngaluunniit itigartitsinermut tunngaviusut atorneqarnissaannut pingaaruteqartorujussuusinnaasut.*

§ 10, imm. 2-mi siunnersuutigerusupparput, oqaaseq *suliassat* ilangunneqassasoq oqaatsip "maannakkut ingerlasoq" kingorna. Aammalu isummap imarisai soorlu *peqqissaarluinnartumik* nassuiarneqassasut erseqqissumik, suliassani aalajangersimasuni pisussaassusilimmik naammassiniaqquaqartoqaraangat.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni.*

§ 10, imm. 2 aamma 3. Siunnersuutigaarput, ingerlatsinerup inatsisini attuumassutaanut pisussaaffittut (pisussaassusilik) piumasaqaatit kingunerilu itisilerneqassasut. Ajornakusoortuuvoq aalajangersakkanut ilaannakumik nassuiarneqarsimasunik isummerfiginninnissaq, taamaattumik eqqortumik oqassagaanni Naalakkesuisut namminermut aalajangigassanngortillugu kommuninut naalakkiuteqartarput, soorlu sullissinerni aalajangersimasuni, aningaasartuutini kiisalu kommunit ingerlatsiviinut killeqanngitsumik akuerineqarnissani. KS-ip amigaatigaa Qitiusumik Nakkutilliisoqatigiit atugassarititaannut piviusut nassuaataat, aammattaaq qinnuteqaatigaarput, nakkutilliisut suliassatut isumagisartagaasa pitsaassusaannut isumannaallisaanerup takuneqarsinnaanissaa, taamatuttaaq tamanna Qitiusumik Siunnersuisoqatigiinnut atuuppoq.

*Akissut: Inatsisissatut siunnersuummi oqaatsitigut erseqqissaaneq pillugu qulaani akissut takujuk. Tamanna pillugu isornartorsiutinik naleqquttunik ilanngussisoqarpoq, ilimagineqarporlu aalajangersakkat maannakkut ersarinnerusumik allaqalersut.*

Kap.4. Qitiusumik Siunnersuisoqatigiit eqqarsaatigalugit saniatigut aamma Saaffiup atugai pillugit annertuumik nalornisoqarsimavoq. Isumassarsiap tunuani periuseq matu inummut ataatsimut ammasoq pillugu isumassarsiap tunuani meeqqanut kinguaassiutitigut atornerlunneqarsimasunut meeqqat illuat pillugu, kissaatigaarput, meeqqat Saaffimmi katsorsarneqarsinnaanerata inatsimmi erseqqinnerunissaa.

*Akissut: Ilanngunneqanngilaq.*

Aammataaq naatsorsuutigaarput, Qitiusumik Siunnersuisartuniit kommuninut annertunerusumik siunnersuinermi, siunnersuinermi kukkunernut akisussaaneq kingunerisassaalu, inatsimmi suliarineqarumaartut.

*Akissut: Ilanngunneqanngilaq. Immikkoortoqarfik Naalakkersuisut (naalakkersuisoqarfius) ilitsorsorsinnaavaat aammalu kukkunerit il.il. atorfeqartitsinermi ingerlatsinermilu inatsisit tunngavigalugit sulisitsisumit naleqquttumik malinnaavagineqartassapput.*

§ 16. Siunnersuutigaarput, nalunaaruteqartussaatitaaneq sukannererusoq annertusarneqassasoq inunnut, meeqlanik inuuusuttunillu sunngiffimmi pimoorussillutik suliaqartut imaluunniit meeqlanut inuuusuttunullu peqatigiiffinni, soorlu timersortunik sungiusasut spejderinullu siulersuisut, taamaallutik ilanngunneqarlutik. Tamanna immikkut § 33-p pinerani, tassani Naalakkersuisut *akuersaarisinnaanerat* meeqlanit peqatigiiffiit sammisaqartitsinissaannut. Taamaattoqartillugu nalunaaruteqartussaatitaanerup sukannererusup piumasaqaatitaa atulersinneqartariaqarpoq, soorlu aamma meeqlanik atornerluisimannginnermut upternarsaat piumasaqaataasariaqartoq, meeqqat isumannaatsuunissaat eqqarsaatigalugu. § 33 pillugu kingusinnerusukkut ilaqrarumaarpoq.

*Akissut: Ilanngunneqanngilaq.*

§ 19. Siunnersuutigaarput, nalunaarsuusiornermik toqqorsivik nukinginnartumik ikorsiinissamut aqqutaangitsup pineqarnera aalajangersakkani imaluunniit oqaaseqaatini nassuarneqarluassasoq. Ersernerluppoq, nuna tamakkerlugu nalunaaruteqarnermut periutsip siunertaa suunersoq, paasissutissallu katersukkat qanoq suliarineqassasut/paasissutissiarineqassasut. Kina paasissutissanut katersanut isersinnaatitaava, qanorlu nuna tamakkerlugu eqqarsaatigissagaanni iluaqtigissavarput? KS periarfissamik, nalunaarutitsinnik allattuisinnaasumik naliisinnaasumillu, piviusunngortitsilluni aallartissimavoq, nalunaarutinut qanoq aallussisinnaaniassagatta qanorlu tamanna malillugu iliuseqarluta. Taamaattumik paasissutissanik katersanut tunniussaqrarusuprugut, taamaattorli isumaqarpugut, killissaritinneqartussanik ersarissumik tassunga nassuaateqartariaqartoq.

*Akissut: Ilanngunneqarpoq. Aalajangersagaq oqaatsitigut erseqqissarneqarpoq, immikkullu nassuaatit annertusineqarlutik, taamaalluni paasissutissat pillugit akisussaasut tassaasut Naalakkersuisut maannakkut ersarissumik allaqqalerluni. Suli kommunimut nalunaaruteqartoqartassaaq, taamaallunilu eqqarsaataavoq nuna tamakkerlugu qarasaasiami nalunaarsuisarfik nalunaarutit tiguneqartut pillugit paasissutissanik kommuninit sisamanit*

*taakkunannga tigusaqartassasoq, taamaalilluni nalunaarutit tiguneqartut pillugit qitiusumi nuna tamakkerlugu tamanik paasisaqarsinnaalertoqassalluni.*

§ 20, imm. 3. Taamaattoqartillugu isumaqarpugut pingaartuusoq sabinngisamik tuaviornerpaamik suliniarnissaq, taamaakkaluartoq saniatigut erseqqissarusupparput, nunap assinga, assartuinerit avinngarusimasunilu pilersaarusrornerit allat pequtigalugit nal. ak. 24-nik piffissaliussaqrnerup eqqortinnissaa unamminartorujussuusinnaasoq. Pisinnaasarpullu tamaat atorlugu tuaviornerpaamik kalerriniissarput ilungersuutigissavarput. Aammattaaq imaattoqartarpoq innuttaasut uagutsinnik oqaloateqarusunnginnerat, tamannalu peqqutaasinnaavoq piffissaliussap eqqortinnissaata piviusunngortinnissaa ajornakusoortinneqarsinnaammatt.

*Akissut: Ilaatigut ilanngunneqarpoq. Inatsisissatut siunnersuummi piffissaritinneqartut tamarmik nalilersoqqinneqarput, oqaasertaalu erseqqissarneqarput kiisalu piffissarititat ilaatigut sivitsorneqarlutik, taamaalilluni ingerlatsivinni sulisut taakku malissinnaalissallugit.*

§ 22, imm. 4. Malugivarput, meeqqanut tunngasunik sullissinermut najoqqutassanik aalajangersaaneq pisariaqartoq kommuninit qanumit oqaloateqarnikkut maleruagassat malinnissaat sunniitaalu eqqarsaatigalugit, sullissinermut malittarisasaasunik piviusunik Naalakkersuisut aalajangersuissappata.

Tupigusuutigaarput, kommunit ingerlatsinerannut taamak aalajangersimatigisumik Naalakkersuisut sunniuteqarnissaminnut periarfissaqassammata. Kommunit isumaginninnerup tungaanik nammineq ingerlatsineq akisussaaffigaat, taamaattumillu periutsinik aaqqiinernillu toqqaanerup tungaatigut nammineq aalajangiisussaatitaasariaqarlutik, nakkutilliisinnaanermut kiisalu maalaaruteqarsinnaanissamut periarfissaqartariaqarlutik innuttaasut inatsisitigut isumannaatsuunissaannik qulakkeerisussamik.

*Akissut: Inatsisissatut siunnersuummi oqaatsitigut erseqqissaasoqarpoq pitsaanerusumillu aaqqissuunneqarluni. Suliamik suliariinnittarneq pillugu malittarisassat pillugit kapitali ilaatigut suliamik suliariinninnissamik qulakkerinninnermik imaqartoq inatsisissatut siunnersuummi kingulliullugu ilanngunneqarpoq. Naliliisoqarpoq sammisat ilaat pillugit nuna tamakkerlugu malittarisassat meeqqat nuna tamakkerlugu pisinnaatitaaffiinik pitsanngortitsissasut aammalu kommunit Naalakkersuisullu akornanni ilisimasuutinik naligiisitsisoqassasoq. Inatsisissatut siunnersuummi kommuninut piginnaatitsissut akuliuffigineqanngilaq, kisiannili innuttaasunut nuna tamakkerlugu suliassanik suliariinninnissamik qulakkeerinninnerit aalajangersarneqarlutik.*

Aammattaaq erseqqarinngilaq Naalakkersuisut akisussaasuunerminnik qanoq pisussaaffeqartiginersut, pisussanngortitsinermi imaluunniit siunnersuinermi imaluunniit innuttaasumut kimulluunnit sulineq kissaatitut sunniuteqanngippat.

*Akissut: Ilanngunneqanngilaq. Siunnersuinermi siunnersuinissamut akisussaaffeqarneq ilaaajaannarpoq, siunnersuinerli qulakkeerinninnerunngilaq, aammalu aalajangersimasumik sunniutaani ineriartornermiluunniit aamma taamaattussaanani. Siunnersuineq suliamik ilisimasaqarfiusaaq piviusorsiortuussallunilu, peqqussutaasinnaasullu suliamik ingerlatsinermi tunngavilersugaassallutik.*

§ 28, imm. 3. KS-i tamatigut suliuaannarpoq anitsitinerni aallaavigalugu meeqqamut iluaqtaanerusussaq, ilaqtariit meerartallit pitsaanerpamik isumannaarniarlugit.

Taamaattumik isumaqarpugut, ineqarnermut akiliutinut kinguartooruteqarneq killilerneqassasoq pisortallu ikiuisussatut pisussaanerat attiinnarneqarluni, attartukkamiit anisitaanissaq pinaveersaarniarlugu ineqarnermut akiliutinik kinguaattoornermi aningaasatigut ikioriineq pisortat ikioriinermut inatsisaaniiginnassaaq, pisussaaffimmut atassuteqartoq, ikuummik pisup tassaniiginnarnissaanut imaluunniit PBS-imut nalunarsorsimanissamut, aningaasanik aqutsinermi pikkorissaqataaneq imaluunniit atornerluinermik katsorsarneqarneq, aningaasarliorneq pissuteqarpat imigassamik, ikiaroornartumik imaluunniit pinnguarnermik aquassaanngitsumik pilerisussuseqarnermik.

*Akissut: Ilanngunneqanngilaq. Inatsisisstatut siunnersuut eqqarsaatigineqarpoq meeqqat pisariaqartitaat aallaavigalugit ikuutaassasoq, ikuinerlu taamaammat pisortat ikuusarnerat pillugu aalajangersakkanut toqqaannartumik sanilliunneqarsinnaanani.*

Taassuma saniatigut siunnersuutigaarput, ikuut taamaattoq ilaqtariinnut, ukiut ataatsip, pingasut imaluunniit tallimat iluanni qanoq akuliksigidumik tunniunneqartarsinnaaneranut killilersimaarinerup equnneqarnissaa, aningaasatigut akisussaanerup ilaqtariinnit tiguneqarnissaa pingitsoorniarlugu, taamaalillunilu angajoqqaanut aningaasanik aqutsinerunnerup kinguneri kommunimut imaluunniit akileraartartunut pinngitsaaliissutaanissaanut annertuumik ussernartunngortinneqarnissaa pinaveersaarniarlugu.

*Akissut: Qitiusumit taamatut killiliisoqarsinnaanngilaq annertussusiliisoqarsinnaananiluunnit, kisiannili kommunalbestyerlsip, inuit ataasiakkaanik pitsaassusilimmik missingiineranik tunngaveqartariaqarluni.*

Pingaarutilerujussuartut isigaarput, inatsisiliornerup, aamma tassani, imarissagaa nammineq akisussaanermut kajumissaarut, sisoorfissarlu akisussaaffeqanngitsumik inuunerisamut ammarnagu. Malugeqquarput, ineqarnermut akiliummut inunniq isumaginninneq ullumikkut inatsisinut naapertuuttumik pisortat ikuinerata ataaniimmat kiisalu ineqarnermut tapiissut ikuinerummat pissaaleqisutut aalajangigaasunut, kiisalu immikkut ittuusoq ikuuttitut pisortani kinguartoorutinut. Taassuma tungaani piginnaatitaaffiit pisussaaffiillu akorngi oqimaaqtigiiungippata, kingunerisinnaavaa anginaasanik aqtsisinnaajunnaarneq kiisalu akisussaassuseqanngitsumik

inuunermut siunertarineqanngitsumik malitseqarnermik pissutaasunut ilaasinhaalluni. Qanoq iliorneq kommunimi ilisimaneqartoq.

*Akissut: Ilaatigut ilanngunneqarpoq. Angajoqqaat akisussaanerat pillugu oqaloqatigiinnissamut aggersaasarneq pillugu aalajangersagaq nutaaq ilanngunneqarpoq, aningaasatigullu ikiuisarneq pillugu aalajangersagaq taaneqartoq innuttaasut pisinnaatitaaffiginngilaat, kommunimili ingerlatsivik ikiuisinnaatitaalluni. Taamaalilluni ikiuisoqassappat suut tunngavigineqassanersut suullu piumasaqaataassanersut communalbestyrelsip ataasiakkaanik missingiinera apeqqutaasariaqarluni.*

Angajoqqaatut akisussaneq eqeersimaarfingineqarnerusariaqarpoq, pissutigalugu tamassuma tungaata annerutinnissaa pisariaqartinneqarmat annertuumik. Ineqarnermut akiliutinut kinguortooruteqarneq pingarnerusumik inersimasut akisussaaffigaat, taamaattumillu meeqqat inatsisaaniittariaqarani, siunertaq pitsaasoq paasilluarsinnaagaluarlutigu.

*Akissut: Ilanngunneqanngilaq. Periarfissanik kommunip atussallugit toqqarsinnaasanik atunngissinnaasaanilluunniit inatsisisstatut siunnersuut imaqarpoq. Aningaasatigut ikiuisarneq pillugu, meeqqat nerisassanik, kiammik, atisanik angajoqqaalluunniit inigisamut akiliutissanik amigaateqannginniassammata piffissami killilimmi aningaasatigut ikiuisoqarpat pisut amerlanersaanni akikinnerussaaq, angusaqarfiunerussalluni meeqqanilli qajassuussinerussalluni. Inigisamut akiliisinnaannginneq pissutigalugu anisitaaneq inuttut atukkanut sunniuteqassaaq meeqqat angerlarsimaffiup avataanut inissinneqarnissaannik pisariaqartitsigajuttartoq, tamannalu tunngavigalugu ilaqtariit inigisamut imaluunniit nerisassanik atisanilluunniit il.il. akiliisinnaannginnerat pissutigalugu anisitaanissaat pinngitsoorniarlugu isumaginninnermi aningaasat ilamininnguisa atorneqarallarnerat akikinnerussaaq pitsaunerussallunilu. Tamanna meeqqanut pitsaunerusutut nalilerneqarpoq aningaasarnermullu iluaqutaanerussalluni.*

§§ 29-32. Meeqqamik illersuisoq (najorti)-mik suliniut iluaraarput, angusaqarluarniarnerummat taassumalu saniatigut inuttut nammineq siunnersorteqarnissamut, attaveqaateqarnissamut kiisalu tapersersorteqarnissamut periarfissiimmat, pingartumik ullumikkut siumortariikkagut atorfinitsitseriaatsimi ajornartorsiutit eqqarsaatigalugit. Siunnersuutigaarput, ilimagissallugu taakku inuit inissisimanerinut assigiinngitsunut killissarititaasut erseqqissarneqarnissaat, ilisimatitsissummilu imalluunniit ilitsersuummi itisilerneqarlutik. Maluginiarparputtaaq, attaveqaataasunut piginnaasanik piumasaqaatit amigaataammata.

*Akissut: Inatsisisstatut siunnersuutip siullermeerluni suliarineqarnerani avammut tusarniutigineqartumik inummik siunnersuisartoqarpoq, inummik tapersersuisartoqarluni inummillu attaveqaateqarluni. Inatsisisstatut missingiummi nutarterneqartumi uani suliniutit imminnut atanissaat qulakkeerniarlugu tamanna sukateriffingineqarpoq. "Inuit" assigiinngitsut amerlavallaarpata inuit assigiinngitsut arlallit assigiinnik suliaqaleriaannaapput aammalu*

*pisinnaatitaaffit agguarnerat ersernerluleriaannaallutik. Taamaammat tusarniaanermi akissut tunngavigalugu inuit marluk ataatsimoortinneqalerput "inuk tapersersuisoq attaveqaataasorlu" aamma inuk siunnersuisartoq tamanut tunngasumik siunnersuisarnermik taarserneqarpoq. Meeqqanut illersortit suliassanik suliarinnittarneq pillugu malittarisassat ilaatut tassunga peqatigitillugu inatsisissatut siunnersuummi kingullinngorlugit nuunneqarput tassungalu taarsiullugu suliassanik suliarinninnissamik qulakkeerutinngortinneqarlutik. Tamassumani meeqqanut illersortit inatsisissatut siunnersuummi inissisimanerat aamma pitsanngortinneqarpoq.*

§ 33. Siunnersuutigaarput, akuersissutiginninnermut piumasaqaatit taakkartorneqarnissaat, kiisalu Danmarkip naalagaaffiata inatsisaani tunngaviusuni § 78 peqatigiiffiit nammineersinnaanerminnut killissaata itisilernissaa. Isumaqpuguttaaq innuttaasunit atuisunillu ilanngussinermut periaatsimut pitsaanerpaamik naapertuisoq, nammineq piumassuseq malillugu inunnik aqunneqartut kiisalu peqatigiiffiit suleqatiginerinut kommunit namminneq killissarititassanik aalajangiissasut.

*Akissut: Ilanngunneqanngilaq. Inatsisissatut siunnersuummi eqqarsaatigineqarpoq peqatigiiffiit kattuffillu sorliit suleqatigineqarnissaannik kissaateqarsinnaaneq kommunit soorunami namminneq aalajangissagaat. Naatsorsuutigisariaqarpoq peqatigiiffik akuerisaasoq akuerisaangitsuminngarniit ajornannginnerusumik namminersortuniit aningaasanik pissarsiniarnissaminut periarfissagissaarnerussasoq. Naalakkersuisut peqatigiiffinnik akuersinissaannik aalajangersakkami Naalakkersuisut periarfissinneqarput, tamassumanilu peqatigiiffiit ersarinnerulersinneqassapput immaqalu ingerlatsinermanni pisortani oqartussaniit malugitinniarnissartik aningaasanillu pissarsiniarnissartik ajornannginnerulersissinnaallugu.*

§ 35, stk. 2. Eqqaanngikkaanni ilaqtariinnut tamarmut aalajangersimasumik ulloq unnuarlu angerlarsimaffittut neqeroorut imaluunniit anaanamut-meeqqamut angerlarsimaffik, minnerusumik piviusorpaluttutut isigaarput angajoqqaatut piginnaanligaasoq kiisalu allat ilaqtarisat ulloq unnuarlu paaqqinniffimmuit imaluunniit angajoqqaarsiamut neqeroorfiginissaat, meeqqanut inuusuttunullu angajoqqaarsianik, tassungalu attuumassuteqartunik angajoqqaarsianik naammattunik pissarsinissamut unammillerfeqartilluta annertuumik.

KS kaammattuivoq inatsisissatut siunnersummuit isornartoqartitsinissaq ikorsiissutit sorliit piviusunngorsinnaanerannut, siunertaq ajunngitsumik isumaqaraluartoq. Soorluttaaq angusaqarfialluarsinnaavoq isumasioqatigiinneq, qulakkeerisussaq, suliap aallartinnissaanut tulluarsaanermi ulloq unnuarlu atorsinnaasanik pissutsinik, ulloq unnuarlu neqeroorutigisinnaasatut atorfissaqartitsinermi atugassanik.

*Akissut: Tusaatissatut tiguneqarpoq.*

§ 36 Pinngitsaaliinikkut inissiinerit. Oqallorinneq tupigusuutigilaarpalparput siunnersuutigalugulu, akuersinertaqanngitsumik Inissinermik taaneqassasoq, pinngitsaaliinikkut inissineq pinnagu. Oqaaseq pinngitsaaliineq tulluanngitsumik kalerrisaaruteqarnermik nalilerneqarsinnaammat.

*Akissut: Ilanngunneqarpoq. Aalajangersagaq oqaatsitigut erseqqissarneqarpoq, maannakkullu inassuteqaatigineqartumut naapertuutilerluni, taamaallilluni maannakkut quelequtaqalerluni "angajoqqaatut oqartussaassusilik akuersitinnagu inissiineq". Oqaaseq "pinngitsaaliineq" inatsimmi oqaasertanit peerneqarpoq, kisisannili pissuseq immikkut ittoq pineqartoq pitsaanerusumik nassuiarniarlugu aalajangersakkamut (maannakkut § 28) immikkut oqaaseqaatit ilaattut pigiinnarneqarluni.*

§ 47. Peqqussummut oqaaseqaatini takuneqarsinnaavoq, communalbestyrelsi angajoqqaarsiaassamik paarsaqarnissamullu akuersisummit atulersitsippat namminerisamik aaqqissuutamik angajoqqaarsiaq kommunip aaqqissuutaani angajoqqaarsiaanertut pisussaaffinnik pisussaassusermillu piumaartoq. Naatsorsuutigaarput, pisussaaffit tamakku ilaqqassanngitsut paarsinermi akissarsiaqarnermut pisinnaatitaanermut, soorlu aamma nerisanut akiliutinut, kaasarfimmunut kiisalu atisassarsiutissanut pisortaniit pilersorneqarneq kingunerissanngikkaat. Inunnik isumaginnitoqarfimmi suliaqartut misissuinerannik kommunimiit inissiineq tunngaveqassanngippat uniuisoqarnermik pisoqassaaq, minnerunngitsumillu tamanna aningaasartornermut atatillugu aqunneqarsinnaajunnaarluni, tassungalu atatillugu inatsisissatut siunnersuut minnaarujuussuakkamik aningaasalikkatut inissisimalissalluni.

*Akissut: Ilanngunneqarpoq. Ilaqtarsiat pillugit kapitalip tamarmiusup oqaasertai allanngortinneqarput pitsaanerusumillu aaqqissuunneqarluni. Inuinnaat akornanni aaqqissuussamik ilaqtarsiat oqaasertaat allanngortinneqarput, immikkullu aalajangersaganngortinneqarluni, taamaallilluni inuinnaat akornanni aaqqissuussamik ilaqtarsiat pisortanit tapserneqarsinnaatitaanatik, kommunilli nakkutilliinissaannik pisullu ilaanni inuinnaat akornanni ilaqtarsiani najugaqarnissamut akuersissuteqartarnissaat suli piumasaqaataavoq.*

§ 50, imm. 4. Siunnersuutigaarput, kaleriinissamut piffissaliussaq minnerpaamik sap. ak. sisamanut allanngortinneqassasoq, sap. ak. aqqaneq marluunatik. Taamaaliornikkut periarfissaqalissammatt, meeqqap soqutigisarippagu, sivisunerusumik ingerlanissamut isumaqatigiinnissaq.

Sap. ak. aqqaneq marlunni utaqqineq meeqqamut sivilsualaarsinnaavoq, tassunga tunngavissamik suliatigut naliliisoqarsimanngippat. Taamaattumik oqartoqarsinnaanngilaq meeqqamut iluaquittaasoq, piffissaliussaq taamak sivilutigippat. Atorfefarfiup pisariaqartitaanik akuerinninnertut taaneqarsinnaasorivarput. Kalerriinerup piffissarititaata minnerpaaffia aammattaaq illuttut atuuttariaqarpoq, allatut oqaatigalugu, inissiivimmiit meeqqap angerlartinnissaa kissaatigineqartillugu.

*Akissut: Ilanngunneqarpoq. Aalajangersagaq maannakkut § 41, imm. 3-ulerpoq, imatullu oqaasertaqarluni: "Meeraq, angajoqqaatut oqartussaassusilik aammalu inissiiffik minnerpaamik sapaatit akunnerinik aqqaneq-marlunnik sioqqutsilluni ilimasaarneqareersimatinnagit angerlartitsinissaq pisinnaanngilaq, angerlartitsisoqarsinnaavorli meeqqap eqqarsaatiginera allalluunniit pingaarutillit eqqarsaatiginerat pissutigalugit sioqqutsilluni ilimasaaruteqarnissap killissaanik saneqqutsisariaqalersitsippata."*

§ 59, imm. 2. Aalajangersaanerup taassuma tunuliaqutaata siunertaa KS-imit tapersorsorneqarpoq, paasilluarlugulu meeqqap tusarneqarnissaminut pisussaaffia. Erseqqissumillu allassimasariaqarpoq qanoq qaqugulu meeqqap siunnersorneqarnissaa maalaarsinnaanermi tassani, pissutigalugu eqqartuussiviup aallaavigisariaqarmagu meeqqap ukiua kiisalu/imaluunniit inersimanera. Aammattaaq piffissaq killiliussaq takuneqarsinnaasariaqarpoq, soorlu § 60-imi.

*Akissut: Ilaatigut ilanngunneqarpoq. Aalajangersagaq maannakkut § 58, imm. 2-julerpoq, imatullu oqaasertaqarluni: "Inatsisartut inatsisaat manna malillugu aalajangersakkat naapertorlugit aalajangiinernut, meeqqat suliani imminnut tunngasuni, tak. imm. 1, naammagittaalliorsinnaatitaapput, naammagittaalliorsinnaatitaapput, meeqqap tamatumanaammagittaalliornerup kingunerisassaasa paasinissaannut naammattumik inerilluarsimassappat."*

§ 60. Takusinnaanngilarput, Isumaginninnermik Naammagittaalliuuteqarfiup aalajangiinerinut inatsisitigut misilinneqarsinnanissaanut killeqanngitsuumik, qanoluunniit suliassaq tunngavimmigut pingaaruteqaraluarpat annertutigaluarpualluunniit, akeqanngitsuumik eqqartuussisutigoortitsinermi ikiorteqarnissamut periarfissamut imaluunniit Kalaallit Nunaata Eqqartuussiviiniut ataqtigiissarneqanngitsoq. Taamaatumik tupigusuutigaarput, Kalaallit Nunaata Eqqartuussivii tusarniaaviunngimmata.

*Akissut: Maannakkut pisariaqanngilaq. Aalajangersagaq peerneqarpoq.*

§ 61. Siunnersutigerusupparput, pineqaatissiissutaasinnaasunik annertusaanermut pineqaatissiissutaasunut maalaaruteqarsinnaanerit ilanngunneqassasut.

*Akissut: Ilanngunneqanngilaq. Aalajangersagarli imatut allanngortinneqarpoq, aalajangersakkanik ataasiakkaanik unioqqutitsineq malinnginninnerluunniit isiginiaannarnagitaannakkut tamanik isiginnilluni nalilersuisarneq periusaalerluni.*

Inatsisissatut siunnersuummut nalinginnaasunut oqaaseqaatinut makkuninnga oqaaseqaateqarpugut: Qupp. 6. Illersuisoqarnermut aaqqissuussinerup piviusunngortinneqanngingajattarnera oqaatigineqarpoq. Tamanna ilumuunngilaq. Kommuneqarfik Sermersumi atorneqarpoq inatsit atuuttoq malillugu akuerseqqaarani inissinerit pillugit suliani. Aammalu uagutsinni siunnersortit

inuusuttut meeqyanut inuusuttunullu illersuisuusarput politiinit killisiuinerini, qanorluunniit inuusuttoq suliamut atatillugu illuatungiliuttutut inissisimagaluarpat.

*Akissut: Ilanngunneqarpoq. Taamatut oqarneq nassuaatinit nalinginnaasunit peerneqarpoq, immikkoortullu oqaatitigut erseqqissarneqarluni.*

Qupp. 9. Isumaqaarnarpoq tunngaveqanngitsoq, kommunit nakkutilliinerat aningaasartuutit amerlinerannik kingunertussaannginnera. Meerartaqarpugut nuna tamakkerlugu inissitanik, Kalaallit Nunaannilu angalaneq aningaasartornartorujussuulluni.

*Akissut: Ilanngunneqanngilaq. Naliliisoqarpoq meeqqat angerlarsimaffiup avataani inissinneqartut inissiinermillu tamassuma kingorna malinnaaqbillunilu meeqqat inuunerinnerannik, peqqissusaannik ineriatorneranillu tamanut tunngasumik inummullu tunngatillugu kommuni nakkutilliinani.*

Qupp. 10. Eqqortuunnginnguatsiarpoq, angajoqqaanut meeqqanullu piumasaqarnerup piareersarnera kommuninut aningaasatigut kinguneqartussaannginnera, tassani pineqarmat piffissamik atuineq suliaqarnernut massakkut pisunut, nakkutilliineq kiisalu suliaqarneq piviusunik, inuit ataasiakkaarlugit pisanik aalajangiinernit, iliuusissanit atuuttunit issuaanerinnaanngitsunik ilalinnik.

*Akissut: Maannakkut pisariaqanngilaq. Aalajangersakkat inatsisisatut siunnersuummi nutartikkami peerneqarput.*

Qupp. 12. Uppernarsarneqarsimanngilaq ilimanaranilu, suliniuteqareerneremi malinnaanerup annertunerusumik atorneqarnissaanik ilimasunneremi aningaasatigut kingunerisassai aningaasartuutaasussaanngitsut. Ilumoorpoq sulissutiginninnerit akeqarlutillu sulisunit isumalluuteqarnermik ilaqlarmata, taamaammat suliniuteqarnerunermi aningaasanik atuinerunissaq naatsorsuutigineqartariaqarpoq

*Akissut: Ilanngunneqarpoq. Tamanna pillugu aningaasatigut nutaamik missingiisoqarpoq, inatsisisatullu siunnersuut pissutigalugu aningaasartuuteqarnerunissaq pillugu immikkoortoq imatut oqaasertalerneqarpoq: "[...] Ataatsimut isigalugu malitseqartitsinikkut aningaasartuutaanerujumaartut 6,7 mill. kr.-nik annertussuseqassangatinneqarput. [...]" .*

Oqaaseqaatip tullia amerlassusimigut isumaqanngilaq: Suliniuteqareerneremi malinnaanermut aningaasartutit suliamiit suliamut allanngorartussaapput, kisianni taakku 30-t ilaannit nalilerneqarpoq, suliniuteqareerneremi malinnaanermut sulissutiginninnerit atorfissaqartitsisut, ilai 45-t nakkutigineqarlutik kiisalu attaveqaateqarlutik/tapersersorteqarlutik imaluunniit

angajoqqaarsiamik taperserneqarlutik najukkamik neqeroorfigineqarnermikkut nammineersinnaaneri.

*Akissut: Ilannunneqarpoq. Immikkoortumi nutartikkami maannakkut imatut oqaasertaliisoqarpoq: "Missingersorneqarpoq inuusuttut 50-it tungaanut amerlassuseqartut ataavartumik suliniuteqareernermi malitseqartitsilluni suliniummik pisariaqartitsisarumaartut, ikorfartuuressat tassaasinnaapput ataatsimoorussamik ineqarfiusuni inissaqartinneqarnissamik inummillu saaffigisartagaqartinneqarnissamik neqeroorfigineqarnissaq, ilaqtariinnik attavissarsissunneqarnissaq, imaluunniit inuusuttut ataasiakkaat iluaqtissaattut ulloq unnuarlu paaqqinnittarfimmut najugaqarfigisimasamut angajoqqaarsiarisimasanulluunniit atassuteqaannarnissaq. Suliniuteqareernermi malitseqartitsinermi aningaasartuutissat suliamuit suliamut nikerassapput, kisianni taakkunani 50-ini suliniuteqareernermi malitseqartitsilluni suliniummik atorfissaqartitsisuni 45-t nakkutigineqarlutik inissamik neqeroorfigineqarnikkut, imaluunniit ikorfartortissaqarnikkut/attaveqarfissaqarnikkut ilaqtarsiaqarnikkulluunniit ajunngitsumik ingerlasinnaanissaat naatsorsuutigineqarpoq. Tallimat sinneruttut ulloq unnuarlu neqeroorutinik atorfissaqartitsiinnassapput."*

Qupp. 13. Takusaasut angalanerisa ataanni erserpoq, naatsorsorlugu ukiumut 340-nik takusaasarsimaneq. Naatsorsuineq tamanna ilimanangilaq upternarsagaananolu, meeqqat inissitat qaniuisullu nuna tamakkerlugu matussuserneqassappata. Agguaqatigiissillugu angalanermut aningaasartuut 10.000 koruunusoq upternarsagaanngilartaaq, eqqumiitsutut annikinaarinntutullu aalajangikkatut isikkoqarluni, matussussiisussaappat angalanermik meeqqamik inissitamik qaniuisumillu.

*Akissut: Ilannunneqanngilaq. Missingersersuineq tunngaviglugu missingiineq pineqartuaannassaaq.*

#### **14) Qaasuitsup Kommunia**

Tusarniaanermi Meeqqanut ikorsiisarneq pillugu Inatsisartut inatsisissaannut siunnersuut (matuma kingorna "Siunnersummik" taagorneqartoq) ulloq 01.01.2017-imi atuutilertussaagunartoq Qaasuitsup kommunianit tiguneqarsimavoq. Tusarniaanermut akissutip nassiunneqarnissaannut ulloq 01.07.2016 killiliunneqarpoq.

Siunnersummi makku siunertaagunarput:

- 1) Sulianik suliarnittarnerup meeqqallu pisinnaatitaaffiisa nukitorsarneqarnissaat, ilaqtigut ersarisumik akisussaaffiit suliassallu agguataarneqarnerisigut.
- 2) Ulloq unnuarlu paaqqinnittarfinni sivisunerusumik najugaqarneq pinngitsoortinnejarluni paarlattuanik kommunip aaqqissugaanik ilaqtariinni paarsisartuni inissiinissaq atorneqartassasoq.

- 3) Siusissukkut suliniuteqarneq, pitsaliuineq ilaqtariillu nukitorsarneqarnissaat isiginiarneqassasoq, tamanna piffissaq ungasinnerusoq eqqarsaatigalugu meeqqat ikinnerusut angerlarsimaffiup avataanut inisssineqartalernerannik kinguneqartitseqataassaaq.
- 4) Ingerlatsivinni oqartussaasut akornanni suleqatigiinneq nukitorsarneqassasoq, taamaasillutik kommunit meeqqanut, inuusuttunut angajoqqaanngortussanullu tapersersuinissat amerlanerit pitsaanerillu pigilissavaat.
- 5) Nalunaaruteqartarnernut nuna tamakkerlugu atorneqartussamik nalunaarutiginneriaatsimik pilersitsisoqassasoq.
- 6) Naammagittaalliorsinnaatitaaneq pitsanngorsarlugu, taamaasilluni aamma meeqqat suliani imminnut tunngasuni naammagittaalliorsinnaasunngorlugit.
- 7) Inuttalersuinerit aamma akisussaaffiit agguatarneqarneri ersarissarneqassasut.
- 8) Suliani nalunaarutiginnittussaatitaaffeqarfiusuni iliuuseqartussaatitaaneq aamma piffissamik killiliisarneq atorneqalissasut.
- 9) Meeqqanik inissinneqarsimasunik angerlartitsinissaq piffissaagallartillugu pilersaarusiorneqassasoq aamma susassaqarfimmi assigiaartumik suleriaaseq atulersillugu.
- 10) Ulloq unnuarlu paaqqinnittarfiit Naalakkersuisunit akuerineqartarnissaat aamma ingerlatsinermut isumaqatigiissuseqartarnissaq atulersillugu
- 11) Ilaqtariit paarsisartut ilaqtariinnut paarsisartunut akuersisummik aamma paarsinissamut akuersisummik peqarnissaminnut pisussaaffeqarnerat ilisaritsissutigalugu.
- 12) Meeraq 18-inik ukioqalersinnagu suliniuteqareerermi malinnaavigininneq neqeroorutigalugu, meeraq tamatuminnga pisariaqartitsisutut nalilerneqarpat.
- 1). Siunnersummut oqaaseqaatit nalinginnaasut.
- 1.1). 1-imut. Qaasuitsup kommuniata siunnersuutip anguniagai annertuut aamma kommunimi sulianik suliariinnittarnermut piumasaqaatit akuersarpai, ingammik uppermarsaanissamut aamma allaffissornikkut suleriaatsinik sukaterinissamut tunngasut, kisianni ernumanartoqartillugu, nutaaliornerit taakku annertuumik piumasaqartitsilertussat kommunimi susassaqarfimmi kommunitigut tapersersuisarnissamik malunnaateqartumik annikinnerulersitsissasut, tassunga ilaatillugu sulianik suliariinnittarneq, sulisut malunnaatilimmik amerlineqarnianngippata assigisaanillu kommuninut ataatsimoortumik tapiissutit aqqutigalugit kommunimut aningaasaliisoqarnianngippat. Maanna inatsit, kommunimi meeqqanut suliat amerlassusaat (Deloittemut nalunaarutigisimasat nutaanerpaat naapertorlugit 1.274-it) aamma sulianik sullisisut ilinniarsimanikkut tunuliaqutaat tunuliaqutaralugit, kommuni – nunani avannarlerni pissutsit aallaavigalugit, tassa imaappoq sullisisumut ataatsimut meeqqanut suliat 30-t missaaniippuit – meeqqanut susassaqarfimmi sulisooreersunut 22-nut taarsiullugu ikinnerpaamik sullisisunik 42-nik pisariaqartitsissaaq. Sulianik suliariinnittarneq annertunerusumik nukitorsarneqassappat aamma sulianik sullisisut akornanni napparsimanerit katsorsarneqarsinnaanngitsut pinngitsoortinneqassappata, ingammik nukissaarutarneq tassunga ilaalluni, qularnanngitsumik annertunerusumik sulisut amerlineqarnissaat pisariaqassaaq, immaqa sulianik sullisisut 64-inngortillugit, tassa imaappoq sulianik sullisisumut ataatsimut suliat 20-t aallaavigalugit, tassami

Nuummut, Danmarkimut imaluunniit nunanut avannarlernut allanut sanilliullugu kommunimi sulianik suliarinnittartut ilinniagaqarnikkut tunuliaqutaat appasinnerulaarpoq, najukkanili inuiqaqtiginni ikittuni misigissutsitigut artukkerneqartarnerat Europami illoqarfissuarni sulisuuusuniit malunnaatilimmik annertunerungaatsiarpoq. Tassunga atatillugu pingaaruteqarpoq erseqqissaatigissallugu, meeqqanut tunngassutilinnik sulianik ataasiakkaanik suliaqarneq kommunini ilaqtariinnut siunnersuisarfiup akisussaaffiginnngimmagu, taamaallaalli siunnersuisarneq suliassaralugu.

*Akissut: Ilanngunneqanngilaq.*

1.2). 2-mut. Isumaqataavugut piffissami sivisunerusumi ulloq unnuarlu paaqqinnittarfimmum inissiineq sapinngisaq malillugu kommuni aqqutigalugu ilaqtariinni inissiinermik taarserneqartariaqartoq, ingammik QaaSuitsup kommuniani meeqqat kommunini allani ulloq unnuarlu paaqqinnittarfinni piffissami sivisunerusumi inissinneqarsimatillutik pitsaavallaanngitsumik atugaqartarsimanerat misilittagaqarfigineqarunarmat. Suliniuteqarnermili meeqqanik ulloq unnuarlu paaqqinnittarfinni inissinneqarsimasunik nuutitsinissaq sioqqullugu qularnanngitsumik angajoqqaarsianik pioreersunik annertuumik ilinniartitsinissaq kiisalu nutaanik pissarsiornissaq taakkununngalu aningaasartuuteqarnerunissaq naatsorsuutigineqassaaq.

*Akissut: Ilanngunneqanngilaq. Kommunip aningaasartuuteqarnerulernissaa ilisimatitsissutigineqartoq eqqarsaatigalugu meeqqat/inuuusuttut ulloq unnuarlu paaqqinnittarfinni il.il. inissinneqartut ikilinerisa kinguneranik kommunip aningaasartuutini sipaaruteqarnissaanik naligiilersoqarnissaq ilimagineqarpoq.*

1.3). 3-mut. Siusissukkut iliuuseqarneq, pitsaaliuineq aamma kommunimi ilaqtariinnik nukittorsaaneq maannangaaq QaaSuitsup kommunianit isiginiarneqalereerpoq taamaattumillu ilaqtigut kommuni qitiusumiit suliffiup avataani aamma ilaqtariinnut sullissivinni suliartortartunik ilaqtariinnut siunnersuisartunik pilersitsinikuuvvoq. Ilutigitillugu erseqqissaatigineqassaaq, kommuni susassaqarfimmik sulisussarsiornermik sulisullu sulisoriinnarniarnissaannik annertuumik unammilligassaqarmat aamma naatsorsuutigineqarpoq kommunimi inuit ilinniarsimasut akornanni nuuttarnerit amerliartornerat ilutigalugu unammilligassat taakkua suli annertunerulissasut.

1.4). 4-mut. QaaSuitsup kommunia isumaqataavoq, ingerlatsinermik oqartussaasut akornanni suleqatigiinneq nukittorsarneqassasoq, taamaasilluni nalunaarutiginnitoqartillugu kommuni sukkanerusunik aamma eqeersimaarnerusumik qisuariartalissaq, aamma meeqqat inuuusuttullu pisariaqartitaannik eqeersimaarnerusumik misissuisinnaalissaq kiisalu angajoqqaanngortussat tapersorsorneqarnissaminnik annertunerusumik pisariaqartitsisut naleqquttumik ikiorsiivigineqarnissaannik neqerooruteqarsinnaalissalluni. Kommunimit neriuutiginarnerpaavoq, kommunip qitiusumillu siunnersuisarfiup aamma qitiusumik nakkutilisoqarfiup akornanni kinguneqartitsisumik oqaloqatigiittoqarlunilu suleqatigiittoqassasoq aamma suleqatigiinneq taanna

qitiusumik oqartussaasut Nuup avataani kalaallinut atugassarititaasut pillugit ilisimasaannik paasisinnaasaannillu, tassunga ilanngullugu meeqqanut tunngasutigut nunap immikkoortuini najugaqariaatsikkut aamma ilisimasatigut unamminarsinnaasunik aallaaveqassasoq, ingammik inuaqatigiinni innuttakitsuni. Kommuni neriuppoq, qitiusumik immikkoortoqarfiiit inuaqatigiilerinermik naammattumik ilisimasaqarluassasut aammalu unamminarsinnaasunik taakkuninnga suliaqarnissaminnut naammattumik nukissaqarluuarlutik eqeersimaarsinnaassasut. Kommuni isumaqarpoq pingaaruteqarluinnartoq, qitiusumik immikkoortoqarfiiit misilillugu kommunip unamminartuutanut isumatusaartumik iliuuseqarniassasut aamma ingerlaavartumik isornartorsiuineq, pinngitsaaliineq, sioorasaarineq pillaanerlu pillugit Siunnersuut tunuliaqtaralugu pissaanilittut inisisimaneq aamma pineqaatissiinissamut periarfissat kisiisa iluaqutiginiaannarnagit. Tassunga atatillugu kommunip erseqqissaatigerusuppa, kommuninut atatillugu pineqaatissiisoqartarnissa Siunnersuummi annertuumik sammineqartoq, paarlattuanillu qitiusumik immikkoortoqarfinnik isornartorsiuinissamut imaluunniit pissusilersuutaannik naammagittaalliuuteqarnissamut kommuninut periarfissaqarunanngillat, naak oqartussaasut taakkua suliaminnik qanoluunniit sakkortutigisumik sorraatsigisumillu sumiginnaagaluarpata imaluunniit pisortaqarfiiit iluanni pissaanilittut inisisimanerminnik toqqaannartumik atorneルui galuarpata.

*Akissut: Ilanngunneqanngilaq. Ingerlatsinermi oqartussat inatsimmi aalajangersakkat malinngippasigit ingerlatsinermi oqaluttussat pineqaatissinneqarnissaat eqqortumik ilanngunneqarpoq. Ingerlatsivinni oqartussanut pineqaatissiinerit meeqqanut atukkatigut ulorianartumiittunut tapersiissutit neqeroorutinik namminneq pitsangortitsissangillat, kisiannili malittarisassat allassimasut eqqortumik taperserneqarnissaannik periarfissaq tapersissallugu. Ingerlatsivinni oqartussat innuttaasunut pisinnaatitaaffiulersinneqartut malinngippata ingerlatsivinni oqartussanut kinguneqarnissaa qulakeerniarlugu pineqaatissiinerit ilanngunneqarput. Malittarisassaq pineqaatissiinermik kinguneqarsinnaasoq pisinnaatitaaffeqarani malittarisassanngorsinnaavoq.*

1.5). 5-imut. Qaasuitsup kommunia isumaqarpoq, meeqqanut susassaqarfimmut tunngatillugu nuna tamakkerlugu nalunaaruteqartarfik annertuumik iluaqutaasinnaasoq, akisussaaffimmik qimarratiginninneq, nuanniitsorsiamik allamut ingerlatsisarneq, pasitsassaarineq imaluunniit pisuutitsiniaaneq piinnarnagit nalunaaruteqartarfik naammattunik sulisoqarluni akisussaaffiit ersarissumik agguanneqarsimallutik kommunimik suleqateqarneq isumatusaartumik atorneqarpat. Pingaaruteqarpoq erseqqissaatigissallugu, meeqqanut susassaqarfimmut tunngatillugu nalunaaruteqartarnermut qarasaasiatigut nassitsisarfimmut kommuni toqqaannartumik attaveqalereernikuummat aamma susassaqarfimmut tunngatillugu nuna tamakkerlugu qarasaasiatigut nalunaaruteqarnissamut immersugassiamik ineriertortitsineq pillugu www.sullissivik.gl suleqatigismallugu. Kommunimit takorloorneqarpoq, nuna tamakkerlugu nalunaaruteqartarnermut atortussiat assigiinngitsut arlaatigut ataqtigiissaarneqartarnissaat pingaaruteqarluinnassasoq, taamaasilluni taakku kisitsisitigut paassisutissatut najukkamilu

periusissanik iliuusissanillu suliaqarnermut ingerlaannartumik atorneqarnissaannut periarfissaqalissammat.

1.6). 6-imut. Kommuni isumaqarpoq, meeqqat suliani imminnut tunngasuni naammagittaalliuuteqarsinnaanerat annertuumik pingaaruteqartoq. Kommuni qitiusumik oqartussaqarfinnik suleqateqarniarpoq, tassunga ilanngullugu naammagittaalliuuteqartarfinnik, piginnaatitaaffimmik taassuminnga silatusaarnermut, piviusumut, atuisunut atoruminarnermut eqaatsumillu suleriaatsimut allanngortitsiniarluni.

1.7). 7-imut. Kommuni isumaqataavoq suliassaqarfiiit akisussaaffiillu ersarissumik agguataarneqarnissaat pingaaruteqartoq, tassunga ilanngullugu qitiusumik siunnersuisarfik aamma qitiusumik nakkutilliisarfik kiisalu kommunip susassaqarfiiit akimorlugit suleqatigisartagai ikioqatigalugit. Kommunilli erseqqissaatigerusuppa, aamma qitiusumik immikkoortoqarfiiit taamatullu susassaqarfiiit akimorlugit kommunip avataaniit suleqatigisartakkat suliaannut pitsaassutsip minnerpaaffissaanut piumasaqaateqarnissaq pingaaruteqarmat, tassunga ilanngullugu politiit, pinerluttaalisitsisut peqqinnissaqarfillu, qularnangnitsumillu sulianik suliaqarnerup kiffartuussinerullu pitsaassusaanik kommunitulli annertuumik unamminartuuteqartassapput, immaqali meeqqanut susassaqarfimmi sulinermi pitsaassutsip pitsanngorsarneqarnissaanut akisussaaqataanerat annikitsuinnaagunarpoq.

1.8). 8-mut. Kommuni isumaqarpoq pingaaruteqartoq suliani nalunaarutiginnittussaatitaaffeqarfiusuni iliuuseqartussaatitaaneq aamma piffissamik killiliisarneq atorneqalissasut, kisiannili isumaqarluni taakkua sulianut ataasiakkaanut naleqqussarneqartariaqtut. Taamaasillunilu piviusunngortikkuminaatsutut isigineqarsinnaavoq naatsorsutigissallugu meeqqap ikiorserneqarnissaminik pisariaqartitsisinnaanera pillugu nalunaarummik tigusinermiit akunnerit 24 qaangiutsinnagit kommuni pisuni tamani aalajangiissasoq, isumaginninnerup tungaatigut misissuinissamik aallartitsisoqarnissaanut tunngavissaqarnersoq. Piffissaliineq taamak sivikitsigisoq taamaallaat atuutsinneqartariaqarpoq (tallimanngornermi unnukkut imaluunniit arfininngornikkut) meeqqamut paarsinerlunneq, nakuuserneq imaluunniit kinguaassiutitigut atornerluineq pillugu pasitsaassinermut nalunaarutiginninnissaq tunngavissaqarpat.

*Akissut: Maannakkut sivilsunerusumik piffissaqartitsisoqalerneratigut ilanngunneqarpoq.*

1.9). 9-mut. Siunnersuutip siunertaanut kommuni isumaqataavoq, meeqqamik inissinneqarsimasumik angerlartitsinissaq piffissaagallartillugu pilersaarusrioneqassasoq aamma susassaqarfimmi assigiliaartumik suleriaaseq atorneqalertariaqartoq. Ilutigitillugu kommuni isumaqarpoq, kommunip aaqqissugaanik angajoqqaarsianiiit angajoqqaarsianut allanut meeqqamik nuutitsineq angajoqqaarsianit qimanneqartunit Isumaginninnermi Naammagittaalliuuteqartarfimmum naammagittaalliuutigineqarsinnaasariaqanngitsoq. Aammattaaq kommuni isumaqarpoq, kommuni

naammagittaalliuuteqarsinnaanissamut periarfissaqartariaqartoq meeqqap “angerlartinneqarnissaa” pillugu ulloq unnuarlu paaqqinnittarfiup aalajangiineranut kommuni isumaqataasimannngippat. Kalaallit ulloq unnuarlu paaqqinnittarfiutaanni imattoqartalersimasoq ileqquliunneqarsimallunilu meeqqat pissusilersornermikkut annertuumik ajornartorsiutillit imaluunniit perorsaanikkut unamminarsinnaasut “angerlartinneqartarlutik”. Pisuni arlalinni “angerlartitsinerit” taakku inatsisinut naapertuuttutut kommunimit isigineqartarsimapput, kisiannili ulloq unnuarlu paaqqinnittarfiit tungaanniit akisussaaffimmik qimarratiginninnerullutik. Taamaattumik kommuni isumaqarpoq, sumulluunniit attuumassuteqanngitsumik naammagittaalliuuteqarfiusinnaasumik periarfissaqartariaqartoq, ulloq unnuarlu paaqqinnittarfiit siunissami taamak ittunik aalajangiitillutik meeqqamut inissiiviusinnaasumik allamik neqerooruteqarsimatinnagit.

*Akissut: Ilanngunneqanngilaq. Pisumi taaneqartumi meeqqap angerlartinneqarnera pillugu ingerlatsiviit pillugit inatsisit pineqanngillat. Misissuinermera aalajangiineq imaluunniit meeqqap katsorsarnera naammassinikuusoq imaluunniit misissuinerup kingorna meeqqap kukkusumik inissinneqarnera pineqarsimassapput. Kommuni angajoqqaatut oqartussaassusilik akuersitillugu akuersitinnaguluunniit inissiinermi oqartussaavoq, taamaammallu inatsit tunngavigalugu meeqqap angerlartinneqarnissaa nammineq toqqarsinnaanagu.*

1.10). 10-mut. Kommuni isumaqataavoq, Namminersorlutik Oqartussat ulloq unnuarlu paaqqinnittarfiataat susassaqarfimmi nuna tamakkerlugu atorneqartut aamma sanilliuseriaaseq tunngavigalugit Naalakkersuisunit akuerineqartalissasut. Kommuni isumaqarpoq, ulloq unnuarlu paaqqinnittarfiit namminersortut Naalakkersuisunit aamma kommunimit ulloq unnuarlu paaqqinnittarfiit najugaqarfigisaasumit akuerineqartassasut aamma ulloq unnuarlu paaqqinnittarfiit kommunimit pigineqartut nuna tamakkerlugu atorneqartut aamma sanilliuseriaaseq tunngavigalugit kommunimit pilersitsisumit pingarnertut akuerineqartassasut.

*Akissut: Ilanngunneqanngilaq. Ulloq unnuarlu angerlarsimaffiit pitsaassutsimik annertunerusumik piumasaqarfiginerat Kalaallit meeqqat nuna tamakkerlugu assigiinnillu pisinnaatitaaffeqarneri qulakeerneqarpoq, taamaalilluni inatsisit tunngavigalugit immikkoortoq (piginnittoq) ulloq unnuarlu paaqqinnittarfimmik pilersitsinera, ingerlatsinera nakkutilliineralu apeqqutaatinnagu Kalaallit Nunaanni tamani pitsaassutsimik assigiinnik piumasaqateqarnissaq ilimagineqarsinnaalluni.*

1.11). 11-imut. Kommunip iluamik paasilluanngilaa, kommunip aaqqissugaanik ilaqtariinnut paarsisartunut akuersissummik aamma paarsinissamut akuersissutinik tunisinermut atatillugu piumasaqaatit aamma uppermarsaatit suut atorneqartassanersut, tassami tamatuminnnga aalajangersaanissamut piginnaatitsissummi ilaqtariinnut paarsisartunut akuersissut pillugu ersarinnerusumik malittarisassanik aalajangersaasinnaaneq kisiat eqqaaneqarmat, paarsinissamut akuersissut eqqaaneqarnani. Aamma kommunip iluamik paasilluanngilaa, maannamiiit kommuni namminerisamik aaqqissuussamik ilaqtariinnut meeqqamik inissiinermut atatillugu paarsinermut

akissarsiassanik kiisalu kaasarfimmiussanik atisarsiniutissanillu akiliuteqartarnissaminut pisussaaffeqassanersoq (Siunnersummut oqaaseqaatini eqqaaneqarpoq, namminerisamik aaqqissuussamik ilaqtariit paarsisartut kommunip aaqqissugaanik ilaqtariit paarsisartutulli pisinnaatitaaffeqalerlutik pisussaaffeqalissasut, communalbestyrelsi taakkununnga ilaqtariinnut paarsisartutut akuersisummik aamma paarsinissamut akuersisummik tunniussisimappat) aamma angajoqqaat inissiernut akiliuteqarnissaat piumasarineqarsinnaassanersoq. Ilaqtariinnut paarsisartunut tunngatillugu ataasituaavoq, meeqqap tamakkiisumik pilorsorneqarnissaanut kommunip akiliuteqarnissaminut pisussaaffeqarfiginngisa tassalu qitornavissiartaarnissaq siunertaralugu paarsineq, tassani ilaqtariit paarsisartut nammineerlutik meeqqap tamakkiisumik pilorsorneqarnissaanut akiliuteqartussaagunarput. Qitornavissiartaarnissamilli qinnuteqaat Naalagaaffiup Sinniisuititaanit itigartinneqarpat paarsaqarneq ingerlaannassaaq – oqaaseqaatit malillugit – ”nalinginnaasumik paarsaqarnertut, tamatumunnga nalinginnaasumik akissarsiaqartitsineq atorlugu”.

*Akissut: Ilanngunneqarpoq. Inuinnaat akornanni aaqqissuussamik ilaqtarsiat pillugit oqaasertai allangortinnejarpit, immikkullu aalajangersaganngortillugu, taamaalilluni inuinnaat akornanni aaqqissuussamik ilaqtarsiat pisortanit taperneqarsinnaanatik, kisiannili kommunit nakkutilliinissaannik pisullu ilaanni inuinnaat akornanni aaqqissuussamik ilaqtarsianut akuersissuteqarnissaq pillugu suli piumasaqataalluni.*

1.12). 12-imut. Kommunimit maluginiarneqarpoq, Kalaallit Nunaanni immikkut illuinnartumik malitseqartitsinermut siammasissumik periarfissaqalissasoq, tassalu tunngaviatigut kommunip pisussaaffeqarpoq kikkut tamaasa kommunimiit arlaatigut ikorsiissutinik pisartagaqartut 18-inik ukioqalerpata malitseqartitsinissamik neqeroorfingissallugit, tassunga siunnersorneqarneq, imaluunniit angerlarsimaffimmi pisariaqartitsineq naapertorlugu tapersorsorneqarneq ilanngullugit. Tamanna suleriaaseq naapertorlugu imaappoq, ikorsiissutit amerlasuut inuup 23-nik ukioqalereernissaa ilanngullugu ingerlaannarsinnaasut. Imaaliinnarlugu paassiuminaappoq, malitseqartitsineq pillugu aalajangersakkat qanoq ilillutik suleriaaseq naapertorlugu aqunneqassanersut, kisianni tamakku tunngavilersorneqarnissaat pingaaruteqarsinnaavoq, tassa ikorsiissuteqarneq pinngitsooranik kommunimit isumagineqartussaatitaappat allaallu kommunip sumiginnaanera pineqaatisiissutaasinnaappat, isumaqartoqarpat – qularnangitsumik qitiusumik nakkutilliisoqarfimmit imaluunniit siunnersuisarfimmit imaluunniit susassaqarfiit akimorlugit kommunip suleqatigisartagaanit – tamanna “inuusuttup atugarissaarneranut, peqqissusaanut ineriartorneranullu malunnaatilimmik pingaaruteqartoq”.

*Akissut: Ilanngunneqanngilaq. Suliniuteqareernermi malitseqartitsinissaq periarfissaavoq inuusuttumut, naliliinermi meeqqap pisinnaatitaaffiinik nukittorsaanertut nalilerneqarpoq, meeqqamut inersimasutut inuulernissamut ikaarsaарneq tassanilu ikorfartornissaat pisariaqarsinnaammat.*

1.13). Kommunip siunnersuutigaa, meeqlanut ikorsiisarneq pillugu Inatsisartut inatsisissaat sivikinnerpaamik qaammatinik 12-nik “periarfissalerlugu” akuersissutigineqassasoq, taamaasilluni Naalakkersuisut ersarinnerusunik malittarisassanik aalajangersaanissaminut (nalunaarusiorlutik) kiisalu pingaarutilinnik ilitsersuutinik, immersugassianik allanillu qarasaasiatigut atortunik kommunimi sullisisunut aamma meeqlanut susassaqarfimmi qitiusumik immikkoortoqarfinnut iluaquataasinnaasunik suliaqarnissaminut naammaginartumik piffissaqassapput. Aammattaaq inatsisissap pikkorissaatigineqarnissaanut aamma aningaasalersuinissaq susassaqarfimmilu sulisut amerlinissaat pillugit isumaqatigiinniarnissaq naammaginartumik piffissaqarfingineqartariaqarpoq.

*Akissut: Ilannngunneqarpoq. Ulloq atuutilertitsivissaq qaammatinik arfinilinnik kinguartinneqarpoq – 1. januar 2017-imiit 1. juli 2017-imut.*

2). Siunnersuummi inatsisitigut aalajangersakkanut ataasiakkaanut oqaaseqaatit.

2.1). Siunnersuummi § 1-imi eqqaaneqarpoq, meeqqat aammalu inuusuttut “inuuniarnikkut atugarliortut” aamma meeqqat inuusuttullu ”immikkut pisariaqartitsisut” pineqartut. Immikkut eqqaaneqarsimagunangilaq, Siunnersuut naapertorlugu meeqqat inuusuttullu annertuumik innarluutillit innarluutilinnut peqqusummi atuuttumi pineqartut innarluutilinnut susassaqarfimmi ikorsiisutigineqarsinnaasut saniatigut immikkut pisariaqartitsineq malillugu ikiorserneqarsinnaassasut.

*Akissut: Ilannngunneqarpoq. Meeqqat inatsit una malillugu taperserneqartut inatsisit allat naapertorlugit pisinnaatitaaffigisinnaasaminnik annaasaqannginnissaat erseqqissarlugu oqaaseqatigiit ilannngunneqarput (assersuutigalugu § 4-mi § 45-milu oqaasertaliinerit nutaat).*

2.2). Kommunip oqaatigerusuppa, siunnersuutip taaguuttaa tassaammat Meeqlanut ikorsiisarneq pillugu Inatsisartut inatsisaat”, kisiannili “inuusuttunut” ikorsiisarnerit aamma annertuumik pineqarmata, tassa imaappoq inuit inersimasut 18-iniit 23-nik ukiullit ilannngullugit. Taaguut “inuusutt” kalaallit inatsisaanni allani iluamik pitsaasumik nassuiarsimagunangilaq aamma inatsisitigut isiginnittaaseq malillugu pisariaqarpasinngilaq.

*Akissut: Ilannngunneqanngilaq. Inatsisissatut siunnersuummi pineqartut pingaernerit tassaapput meeqqat (18-it tikillugit ukiullit), inuusuttut (inuusuttut siunnersuummi nassuiaserneqarput 18-iniit 23-nut ukiullit) suliniuteqareernikkut malinnaavigineqartut taperserneqarnissaat siunnersuummi aamma pitsanngortinneqaraluartoq inatsimmi uani quequtaani aalajangiusimaneqarpoq, takutitsisuunissaa eqqarsaatigalugu, meeqqat taperserneqarnissaat inatsisissatut siunnersuummi pineqartoq. Taamaammat malitseqartitsineq imatut paasineqassaaq meeqqat perornerusimasut inersimasunngornissamullu pitsaasumik ikaarsaariarnissamut ikorneqarnissamik pisariaqartitsisorujussuit. Inatsit tunngavigalugu taaguutit meeqqat kikkuunersut (0-17 ukiullit) inuusuttut kikkuunersut (18-23 ukiullit) kikkullu inersimasuunersut (18-inik ukioqalernermiit) paatsuungassutigineqannginnissaat qulakkeerniarlugu inuusuttut*

*nassuaaserneqarnerat tassunga peqatigitillugu inatsisip oqaasertaani ilanngunneqarput siunnersuummullu nassuaatini ersarissumik nassuiarneqaqqillutik. Inuuusuttut taamaalillutik siunnersuummi aamma inersimasuupput. Meerarli inuuusuttuunngilaq, meerarlu inersimasuunani. Suliniuteqareernermermi malinnaanerit neqeroorutigineqarsinnaapput, meeqqat meeraanermiit inersimasumut ikaarsaariarnerani meeqqanut tapersiisarneq pillugu inatsisisstatut siunnersuut naapertorlugu (inuuusuttut) tapersernejarnissamik pisariaqartitsisut nalilerneqarpat.*

*Taamaattoqassappat iliuuseqareernerup kingorna malitseqartitsinertut ingerlanneqassaaq. Siunnersuummili siunertaanngilaq inuuusuttut meeqqatulli tapersernejassasut, meeqqalli meeqqatut ineriartorneranni tapersernejassapput meeqqallu immikkut tamarmik pitsasumik mianerinnillunilu inersimasutut inuulernissamut ikaarsaariarnissaat qulakkeerneqassaaq, pisariaqarpallu meeqqat inersimasuunermut ikaarsaariartut suliniuteqareernikkut malinnaaviginerisigut inatsisisstatut siunnersuut malillugu inuuusuttuuneranni neqerooruteqarnikkut inersimasunngornissamut tapersernejassallutik, taamaalillutik inersimasuunermut pitsasumik ikaarsaariarnissaat qulakkeerneqassalluni.*

2.3). Siunnersuummi § 6, imm. 1 malillugu “meeqqap nukinginnartumik pisariaqartitsinera pillugu suliap kommunalbestyrelsimit suliarineqarnissaanik utaqqisinnaanngitsoq, (...) meeqqat pillugit suliat inissisimaffiani ataatsimiititaliamut siulittaasumit aalajangiiffigineqarallarsinnaavoq”.

Kommuni isumaqarpoq oqaasertaliussaq taanna ersarissuunngitsoq aammalu paatsuunganarsinnaasoq. Kommunip ilisimavinngilaa, inatsimmi aalajangersagaq ima paasineqassanersoq, Siunnersuummut atatillugu aalajangiinerit tamarmik aallaaviatigut kommunalbestyrelsimit imaluunniit ataatsimiititaliamit isumagineqartassanersut taamaasillutillu akuersisussaatitaanertik allamut tunniussinnaanagu imaluunniit allamut tunniussisinnaannginnerat taamaallaat meeqqap nukinginnartumik pisariaqartitsinera eqqarsaatigalugu pisuni atuuttassava, angajoqqaatut oqartussaaffimmik tigummiagaqartoq imaluunniit meeraq akuersiteqqaarnagu, ingammik nukinginnartumik akuersissutitaqanngitsumik inissiisoqarneranut atatillugu, taamaasilluni politikkikkut aalajangiinissaq pillugu peqqussuteqarneq taamaallaat Siunnersuummi pinngitsaaliinikkut iliuuseqarnissamik killilerneqarpoq (taamaasilluni taamatut paasinnissinnaaneq Siunnersuummi § 37-mi, imm. 3-mi tapersersorneqartoq ilimagineqarpoq). Inatsisartut peqqussutaanni maannakkut atuuttumi akuersisussaatitaanerup allamut tunniunnissaata inertequtaanera taamaallaat akuersissutitaqanngitsumik inissiinernut pingaarnertut atuukkunarpoq, kisianni takorloorneqarsinnaavoq taamatut inerteqquuteqarneq aamma akuersissutitaqanngitsumik isumaginninnikkut misissuinissamik pisariaqartitsisoqarneranut aamma angerlartitsinissaq pillugu qinnuteqaatinik itigartitsinermut atatillugu immaqa atorneqarsinnaasutut. Aamma upuarneqassaaq, aalajangiigallarnerup ullut 7 qaangiutsinnagit communalbestyrelsimit akuerisassangorlugu saqqummiunneqarnissaanik piumasaqaatip eqquutsinneqarnissaa kommunimut ajornakusoorsimasoq. Tamatumunnga peqqutaasoq tassaavoq, Qaasuitsup kommuniani isumaginninnermut ataatsimiititaliaq qaammammut ataasiaannarluni ataatsimiittarmat aammalu isumaginninnermut ataatsimiititaliaq nalinginnaasumik juli qaammat ataatsimiinneaq ajormat.

*Akissut: Ilanngunneqarpoq. Aalajangersakkap oqaasertai allanngortinneqarput, taamaalilluni siunertaa – suliassat nukinginnartut sukkasuumik ingerlaavartumillu suliarineqartarnissaat – pitsaanerusumik takutinneqarluni, sulianilu taamaattuni kommunalbestyrelsimi ataatsimiititaliamiluunniit taassuma pilersitaani aalajangersimasumik ataatsimiinnissat utaqqineqartassanatik.*

2.4). Siunnersuummi § 7-imi, imm. 1-imi aamma imm. 2-mi eqqaaneqarpoq ”kinaassutsimut uppernarsaammik takutitsinikkut” akuersissutitaqanngitsumik inissiisoqarniarneranut imaluunniit isumaginninnikkut sulinermi misissuinermut atatillugu kommuni meeqqap angerlarsimaffianut isersinnaasoq. Pingaaruteqarsinnaavoq oqaaseqaatini imaluunniit nalunaarummi erseqqissaatigissallugu, kommunimi sulisut inunnik isumaginnittoqarfimmi pigaartuutillutik ”kinaassutsimut uppernarsaat” suna nassartassaneraat aamma Kalaallit Nunaanni susassaqarfimmi assigiimmik kinaassutsimut uppernarsaammik atueriaaseq eqqunneqassanersoq.

*Akissut: Ilanngunneqarpoq. Immikkut nassuaatit ersarinnerulerput tamannalu nassuiarneqarluni.*

2.5.). § 8 imm. 5 naapertorlugu nakkutilliineq ”nalunaaqqaarluni nalunaaqqaarnaniluunniit nakkutilliinertut” ingerlanneqassaaq. Erseqqippallaanngilaq, ”nalunaaqqaarluni nalunaaqqaarnaniluunniit nakkutilliineq” pillugu inatsimmi aalajangersagaq taanna nakkutilliinernut tamanut atuunnersoq, tassa imaappoq kommunip nakkutilliineranut (tassunga ilanngullugu nalinginnaasumik nakkutilliineq, inummut sammisumik nakkutilliineq, kommunip aaqqissugaanik aamma nammineq aaqqissuussamik ilaqtariinnik paarsisartunik nakkutilliineq) aamma Naalakkersuisut nakkutilliinerannut (kommunalbestyrelsip nakkutilliisitsineranut kiisalu ulloq unnuarlu paaqqinnittarfinnik ingerlatsinermik, aningaasaqarnermik aamma perorsaanermik nakkutilliinernut) imaluunniit aalajangersagaq inummut sammisumik nakkutilliinermut aamma ilaqtariinnik paarsisartunik nakkutilliinermut taamaallaat atutissava imaluunniit, § 8, imm. 4-mi Naalakkersuisut nakkutilliinerannut taamaallaat attuumassuteqassava.

*Akissut: Aalajangersakkami Naalakkersuisut kommunalbestyrelsimut saaffiginnittarnera pineqarpoq, taamaammallu kommunit nakkutilliinerat pillugu saaffiginninnertut paasineqassalluni, soorlu tamanna § 8, imm. 1-3-mi allaqqasoq.*

2.6). Inatsimmi §§ 9-mi 11-imilu aalajangersakkat nakkutilliisut akisussaaffiannut, ilinniakkatigut ilisimasanut aamma piginnaasaannut imaluunniit nakkutilliinerup pitsaassusaanut ataasinnguamilluunniit piumasaqaatitaqanngitsumik pissaanermik annertuumik qitiusumik nakkutilliisunut tunniussippu. Taamaattumik ernumassutigineqarsinnaavoq (soorunami taamaallaat navianaratarsinnaavoq aamma isumaannaavoq) nakkutilliisuitat pitsaavallaanngitsumik pissaanermik atornerlueriataarsinnaanerat, soorlu tassunga ilaalluni kommuni peqqusinnaallugu meeqqanut tunngasuni suliani aalajangersimasuni tuaviortumik aalajangiissasoq, nakkutilliartorneq

sivikitsuararsuaq paasissutissallu amigartut kiisalu ilinniakkatigut ilisimasat naammaginannngitsut taamaallaat tunngavigalugit. Suliap pineqartup tunuliaqtaanik iluamik ilisimasaqarnani imaluunniit suliamut attuumassuteqartunik eqqarsaaqe qarnani pinngitsaaliissutaasumik aalajangiinerit annertuumik ajoquisiisinnaapput, tassunga ilanngullugit meeqqat pineqartut.

Navianartorsiorsinnaaneq qulaani eqqaaneqartoq tunngavigalugu, kommuni isumaqarpoq, nakkutilliinermut ersarinnerusumik malittarisassanik aalajangersaanermi, nakkutilliisut kommuninut pissaanermik annertuumik Naalakkersuisunit taamaallaat tunineqarnatik aammali kommuninut attuumassuteqartunut aamma qitiusumik siunnersuisarfimmut tunngatillugu akisussaaffimmik annertuumik aamma suleqatigiinnissamut pisussaaffimmik tunineqarnissaat pingaaruteqarsinnaasoq. Kommunit aamma nakkutilliisut sulinerat pillugu arlaannaannulluunniit attuumassuteqanngitsumut naammagittaalliuuteqarnissaminut periarfissaqartariaqarput, ingammik kommunit tunngavissaqartumik pasitsaassaqarsimappata, nakkutilliisut tungaanniit toqqaannartumik ajoquaasinnaasumik iliuuseqartoqarsimasoq, pissaanermik atornerluineq, soqutigittaassuseq, assuarinninneq, narruginnиннеq, nikanarsaataasumik pineqarneq imaluunniit pisut allat assingusinnaasut.

*Akissut: Immikkoortortaqarfik – kommunini ingerlatsivinni sulisut assigalugit – tassaapput sulisut aqutsinermi akisussaasut, aammalu akisussaaffe qartumik aqutsinermi aalajangersarneqartutut allaaffisornermi najoqqutassanik ingerlatsivinni sulisunut taakkualu immikkoortortaqarfianni malinnittussat. Tassani aqutsisumut akisussaasumut immikkoortortaqarfik pillugu maalaaruteqartoqarsinnaavoq, naggataatigullu isumaginninnermut naalakkersuisoqarfimmut immikkoortortaqarfip ingerlatsineranut naalakkersuisoqarfiusoq akisussaasoq.*

*Immikkoortortaqarfik Naalakkersuisunit pilersinneqarpoq, immikkoortortaqarfip ingerlatsinera pillugu maalaarutip suliarineqarneranik naammaginninngissinnaaneq pillugu naggataatigut Naalakkersuisunut ingerlanneqarsinnaavoq, tassa naalakkersuisoqarfimmut suliassap ingerlanneqarmeranut akisussaasumut, taannalu immikkoortortaqarfip ingerlatsinera pillugu pingaarnertut akisussaasuovoq. Immikkoortortaqarfimmi sulisut ingerlatsinermanni, tusarniaanermi akissummi oqaatigineqartutut, ingerlatsinermanni "pissaanermik atornerluillutik, soqutigitsaallutik, narruginnillutik, nikassaarpasissumik pinnillutik" ilimanangitsumik iliuuseqassagaluarpata, soorunami ingerlatsinermi inatsisit tunngavigalugit pisortani sulisut atorfinititsisarnerlu pillugu inatsisit nalinginnaasut pisinnaaitisinerup iluani ingerlatsisoqarneranik nalinginnaasumik nalilersuilluni sulisitsisoq soorunami ingerlaannaq iliuuseqassaaq aammalu iliuuseq ingerlatsinermi pitsaasumik, ammasumik, inussiarnerluni sulilluarlunilu iliuuseqartarnissaq malinnejarnersoq nalilersuisoqassalluni. Oqaatigineqartutut ajortigisumik iliuuseqartoqassappat maalaaruteqarneq inunnut pineqartunut atorfeqarnermi soorunami kinguneqassaaq, naliliisoqarporli immikkoortortaqarfip ingerlatsineranik inatsisikkut killilersuineq tamannalu pillugu maalaarutit pilligit suleriaatsinik immikkut ittunik pilersitsineq aqqutigalugu siunissami piviusorsiortumik ilimagineqarsinnaanngitsoq. Ilimagineqarpoq immikkoortortaqarfik kommunit ingerlatsiviisa nakkutilliinerisa pitsaassusiliinermut tapersiissasoq,*

*kommuninilu ingerlatsivinni immikkoortortaqarfinnik suleqateqarneq pitsaanerulersoq suliamitakuusunut pitsasumik misigisaqarnermik kinguneqassasoq.*

2.7). Siunnersuutip oqaaseqaatitaani immikkoortoq 1.8)-mi uparuaneqareersut malillugit, kommunimut ajornakusoorsinnaavoq Siunnersuummi § 20, imm. 1-imi pingaarnertut malittarisassaagunartoq eqquutsinniarlugu aalajangissallugu, nalunaarummik tigusinermiit akunnerit 24 qaangiutsinnagit isumaginninnerup tungaatigut misissuiniissamik aallartitsisoqarnissaanut tunngavissaqarnersoq, tak. §§ 15 aamma 16. Ingammik tamanna ajornakusoorsinnaasarpooq, sapaatip akunnerata naanerani inunniq isumaginninnermi pigaartoq nalunaarummik tigusaqartillugu imaaliinnarlugu meeqqamat paarsinerlunneq, nakuuserneq imaluunniit kinguaassiutitigut kanngunartuliorneq pillugu pasitsaassaqarnissamut tunngavissaqarpianngikkaangat. Inunniq isumaginninnermi pigaartut sapaatip akunnerata naanerani saaffiginninnernik tigusinissaminut, sulianik meeqqanut tunngasunik suliaqarnissamut aamma aalajangiinissamut pisussaaffilerneqassappata, tassunga ilanngullugu suliani tapersersorneqarnissamik pisariaqartitsineq taamaallaat pisariaqartinneqarpat imaluunniit pissutsit ernumanartuuppata, taava inunniq isumaginninnermi pigaartut annertuumik amerlineqartariaqassapput, tamatumalu malitsigisaanit kommunimut malunnaatilimmik aningaasatigut kinguneqassalluni.

*Akissut: Soorlu immikkoortumut 8.1-imut akissummi ersittoq sumiiffinni allaffissornikkut taamatut mianerinninnissamik pisariaqarfiusutut isigineqartuni sivusunerusumik piffissaliisoqarpoq. Kommunini isumaginninnermi ingerlatsivinni amerlanerusunik sulisoqarnissamik kissaateqarneq paasinarpooq, pisariaqartitsinerlu ersarippoq. Kisiannili isumaginninnermi ingerlatsivinnut sulisutigut isumalluuteqalernissamik kommunit akisussaasuupput, inatsisinilu kommunini sulisoqarnermik ilaatigut pisariaqartumik isiginninniarneq naleqqukkaluartoq, isiginninniarnermi communalbestyrelsit inatsisini piumasaaqatit innuttaasullu kissaataat naapertorlugit isumaginninnermi ingerlatsivinnik aaqqissuussinissamik piginnaatitaaffeqarnerat pisussaaffeqarnerallu qaangiinnarneqassanngilaq. Meeqqat kommunini ingerlatsivinnit taperserneqarnissamik pisinnaatitaaffeqarput, aamma pisariaqartitsineq pinartuuleraluarpat. Tamanna ingerlatsiviit malissavaat, inatsimmi soorunami suut pisinnaanersut piviusorsiortumik isiginiarneqassapput, nalilerneqarporli siunnersuummi piffissaliinerit ilanngunneqartut oqartussanik isiginninniarnermut sanilliullugu innuttaasunik isiginninniarneqassapput, annertunerulaaruartoq kommunini ingerlatsivinnut nutaaliaasunut naleqquttunik piumasaaqatitaaffeqarput.*

2.8). Ilaatigut inatsimmi § 21-mi, § 23-mi aamma § 50-imi aalajangersakkat inissiinerit taamaatinnerannut atatillugu isumaginninnermut tunngasutigut misissuinerit, iliuusissatut pilersaarutit aamma uppernarsaasiinerit imarisaannut annertuumik angusaqarfiusussamillu piumasaaqatitaaffeqarput. Naak siunnersuummut nalinginnaasumik oqaaseqaatini (immikkoortoq 1.1)-imi eqqaaneqartut) ataatsimut tapiissutit qaffasinnerusut aamma sulisut amerlineqarnerat

naatsorsuutigineqaraluartoq, suli kommunimut ernumanartoqarsinnaavoq, kommunimi sulianik sullisisut piffissamik annertuumik allaffissornikkut suliassanik atuisarnermikkut inunnik isumaginninnerup suliassartaanut, tassunga ilanggullugu oqaloqatiginninnerit, siunnersuineq aamma tapersersuineq, iluamik piffissaqarnaviangimmata. Taamaattumik pingaaruteqassaaq, Naalakkersuisut isumagissagaat susassaqarfimmi sulianut qarasaasiatigut atortunik atuisunut atoruminartunik suliarinnitoqarnissaa, taamaalilluni paassisutissat ajornangitsumik naleqqussarneqarsinnaassapput nutarterneqarlutillu, qarasaasiatigut toqqorneqarlutik kiisalu immikkoortiterneqarlutik, pisariaqartitsineq malillugu kisitsisitigut paassisutissat annertussutaasigut nuussunneqarlutik.

*Akissut: Inassuteqaat tiguneqarpoq, inatsisissatullu siunnersuummik suliareqqiinermut atatillugu sulinermi atortut nutaat atoruminartullu suliarineqassapput.*

2.9). Kommuni isumaqarpoq, kapitali 7-imí qulequtaq eqqoqqissaanngitsoq, kapitalimi taanna taamaallaat “immikkut iliuuseqarernut” ilaatigut attuumassuteqarpoq soorlu angajoqqaanut peqqussutit, meeqqanut peqqussutit aamma malitseqartitsineq, sinneralu sulianik suliaqarnermut tunngassuteqarluni. Kommuni isumaqarpoq, meeqqanut susassaqarfimmi iliuuseqarnerit tamarmiullutik kapitalimut ataatsimut katersorneqassasut sulianik suliaqarneq ersarinnerusumik sukkanerusumillu anguneqartariaqarmat.

*Akissut: Ilanngunneqarpoq. Inatsisissatut siunnersuutip ilusilersornera ataatsimut isigalugu allanngortinneqarpoq, tassunga ilanggullugu siullermeerluni avammut tusarniaarnereerneup kingorna tusarniaanermi akissutini tiguneqartuni inassuteqaatit tunngavigalugit aaqqissuussanerani nuussisoqartarluni.*

2.10). Kommunip maluginiarpa, Siunnersuummi §§ 25-mi -26-mi angajoqqaanut peqqussutit aamma meeqqanut peqqussutit 2012-imili tusarniaassutaasunut arlalinnut siusinnerusukkut kommunip tigusartagaanut sanilliullugit annertuumik pisariillisarneqarsimasut. Inatsimmi aalajangersakkat massakkut danskit kiffartuussinermut inatsisaanni § 57a-miit aamma § 57b-miit toqqaannartumik ilaagaarpasinngillat aamma meeqqanut peqqussutinut atatillugu kommunip piginnaatitaaffiminik atuinerani politiit ikiuisarnissaat pillugu aalajangersagaq peerneqarsimavoq, qularnanngitsumik ikiuineq taamak ittoq Kalaallit Nunaanni piviusunngortikkuminaammat. Maannamut suli ersarippallaanngilaq, angajoqqaanut peqqussutit aamma meeqqanut peqqussutit pillugit malittarisassat suut ersarinnerusumik aalajangersarneqassanersut, tassunga ilanggullugu, angajoqqaatut oqartussaassuseqartumut ilisimatitsissutigineqartassanersoq, angajoqqaanut peqqussutip eqquutsinnejqarnissaa “meeqqanut aamma inuuasuttunut ikorsiissutinik” tigusisarnissamut piumasaqataasoq.

*Akissut: Ilanngunneqarpoq. Angajoqqaanut peqqusisarnerit meeqqanullu peqqusisarnerit pillugit aalajangersakkat siullermeerluni avammut tusarniaareernerup kingorna tusarniaanermi akissutit*

*tiguneqartut tunngavigalugit angajoqqaat akisussaaffeqarnerat meeqqallu akisussaaffeqarnerat pillugit oqaloqatigiinnissamut aggersaasарneq pillugu aalajangersakkaniк nutaanik taarserneqarput, tassa taakku "peqqusisarneq" pillugu siusinnerusukkut aalajangersakkatut sunniuteqarnerusumik pitsaanerusumillu sunniuteqartutut isagineqarmata.*

2.11). Siunnersutip nalinginnaasumik oqaaseqaatitaani immikkoortoq 1.12)-imi eqqaaneqareersutut § 27 naapertorlugu malitseqartitsinissamut periarfissat atitupput, taamaasilluni oqartoqariataartoqarsinnaassaaq, § 28, imaluunniit §§ 35 aamma 36 naapertorlugin ikorsiissutit tamavimmik inuup 23-nik ukioqalernissa ilanngullugu ingerlaannarsinnaasut, inuk pineqartoq piffissami 18-inik ukioqalerluni ikorsiissutinik tigusaqartarsimappat. Imaaliinnarlugu takorlooruminaappoq, atituumik periarfissiineq taamak ittoq sunik kinguneqartitsissanersoq, kisianni Siunnersummut oqaaseqaatini nuna tamakkerlugu ukiumut 6,7 millioner kr.-init missaannik amerlassuseqassangatinneqarput. Akerlianik oqaaseqaatini saqqummiisoqarluni oqartoqarnera, kommunit malitseqartitsinermik atuinertik annertusigunukku "susassaqarfiiit arlallit sipaarfigisinnaalissagaat, tassunga ilanngullugu pisortanit ikorsiissutit, aamma ikorsiissutit allat, kiisalu akileraarutitigut isertitat annertunerulissasut pissutigalugu meeqqat ulloq unnuarlu paaqqinnitarfinniissimasut sulisinnaassuseqarnerunerat" ilimanarpriaratik.

*Akissut: Ilanngunneqanngilaq. Inatsisisatut siunnersummi aningaasaqarnermi isumaq ilaat tassaavoq, communalberlyrelsit suliniuteqarlutik ujartuillutillu ikuutsinik atuippata ilaatigut meeqqanik inuusuttunillu angerlarsimaffit avataanni inisisarnerit ikilippata sipaaruteqartoqarsinnaasoq. Tassunga peqatigitillugu ilimagineqarpoq isumaginninnermut aningaasaliissutigineqartut pitsaanerusumik atorneqarnerisigut sipaaruteqartoqarsinnaasoq. Pisariaqartitanut annertunerusumik iliuuseqartoqarpat ajornartorsiutillu annikitsillugit iliuuseqarfigineqarpata ilimagineqarpoq annertunerusunik sipaaruteqartoqassasoq. Meeqqat siunissami qanigisaat paasiunaannerulersillugit ilaqtariit meerartaat sisamat-tallimat kingusinnerusukkut inissinneqarnerannit ilaqtariit iliuuseqarfigineqarnerat akikinneruvoq. Ilaqutarsianik atuisarneq annertusitillugu taakkuninngalu pitsaanerusumik nakkutilliisoqartillugu misissusoqartartillugulu ilimagineqarpoq meeqqat inissinneqartut inuulluarnerat, peqqissusaat ineriarornerallu pitsanngortinneqassasoq. Ilimagineqarpoq isumaginninnermi aningaasat allatut atorneqarnerat, pingaartumik siusissukkut iliuuseqartarneq isiginiarlugu, assersuutigalugu meeqqanik inuusuttunillu angerlarsimaffi avataani inissiisarnernut akisoorujussuarnut aningaasartuutit ikilisinneqassasut. Ingerlatsinermi oqartussat akissusaaffisa sunneranik aamma angajoqqat meeqqallu akisussaaffiat suunersoq inatsisisatut siunnersummi isiginninniarnermi ilimagineqarpoq ingerlatsinermilu oqartussat ilaqtariinnik meeqqanillu suleqateqartarnerisa oqaloqatiginnitarnerisalu pitsanngortinnerisigut ilaqtariit kivitsisinnaanerisa pitsanngorneranik kinguneqassasoq. Inatsisisatut siunnersuutikkut ilimagineqarpoq meeqqanik isumassuiffiit aaqqiissutissanik akissussaaffeqartutut annertunerusumik peqataatinneqartassasut. Ilaqutariit isumasioqatigiittarnerat iluseqarnermilu siusissukkut aaqqiinerit sunniuteqartut allat arlallit, ujartuillunilu pisullu qanillugit tapersiissutit ingerlatsivimmiit neqeroorutigineqarsinnaapput.*

*Kommuninit annertunerusumik nakkutilliineq Naalakkersuisuniillu nakkutiginninneq pitsaanerusoq aamma meeqqat, taakku pisariaqartitaat maannakkullu inissisimancerat pillugu pitsasumik eqqornerusumillu ilisimasaqalernermut tapersiisinggaapput, tassunga ilanngullugit meeqlaat maannakkut inuulluarnerat, peqqussusaat ineriatornerallu pillugit ilisimasarilivikkat.*

2.12). § 28, imm. 3-mi ikorsiissutinut allattuiffik taamaallaat assersuutinik imeqarunarpooq, kisianni suliniutinik nutaanik assut pissanganartunik imaqarpoq, tassunga ilanngullugit, ilaqtariinnut pikkorissartitsineq, ilaqtariinnut siunnersuineq, atornerluinermik katsorsartinneq, immikkut ittumik ornittakkami meeqqanut ikorsiissuteqarneq imaluunniit immikkut ittumik inunnik isumaginninnikkut perorsaaviit ornittakkat (kingullit marluk taakku erseqqissaavigineqarnissaat pisariaqarpoq, tassunga ilanngullugu taakku immaqa inissiinerniit avissaartinneqarnissaat). Ersarippallaanngilaq, nr. 5-imi oqaasertaliisimaneq eqqortuunersoq (immaqa “pillugu”-mik allassimanani “-tut” allassimassagaluarpoq aamma nr. 6-imi tapiissuteqartarneq taamaallaat efterskolertunut tunniunneqartassanersoq, kisiannili atuarternut allanuunngitsoq (soorlu højskolertunut, imaluunniit assigisaannut). Imm. 9-mi ikorsiissuteqarneq, tassa imaappoq ”ineqarnermut akiliutinut akiitsoqarneq imaluunniit ineqarnermut akiliutinut il.il. akilerneqartussanik akiliisinnaannginnermik pissuteqartumik anisitaaratarsinnaaneq ilimagineqartillugu meeqqap angerlarsimaffiup avataanut inissinneqarnissaa pinngitsoortinniarlugu aningaasatigut ikorsiissutinik neqerooruteqarneq”, assut soqutiginarpoq aamma qularnanngitsumik ilaqtigut pisariaqartassaaq, kisianni immaqa erseqqissaavigineqartariaqarpoq killilerneqarlunilu, tamatuma annertunerusumik paasineqarsinnaaneranik kinguneqaratarsinnaammat (tassunga ilanngullugu naammagittaalliornissamut oqartussaqarfiit), tassani kommuni ulluinnarni suliaqarternermini inoqutigiinnut meeratalinnut akiitsulinnut tamatigut pinngitsoorani aningaasatigut ikorsiisariaqartassaaq, inoqutigiinni taakkunani inersimasut inatsimmi allami piumasaqaatinik naammassinnissinnaanngippata, tassunga ilanngullugu pisortatigut ikorsiineq qularnanngitsumik nunami maani isumannaallisaaneq annikinnerpaaq. Immaqa tunngavilersuutigineqarsinnaavoq, assersuutigalugu attartukkamit anisitaaratarsinnaaneq aamma inoqutigiit meerartaasa inissinneqaratarsinnaanerat tassaniittuassaaq, ineqarnermut akiliutissat (ineqarnermut akiliutinut akiitsoqarneq) piffissaq eqqorlugu akilerneqanngippata. Siunnersuummi § 28 imm. 5 naapertorlugu pinartoqartillugu kommuni imm. 3 malillugu ikorsiinissamik aallartitsinissaminik pisussaaffeqartuaannarmat (aamma allaat pineqaatissiissutitigut pinngitsaalisaalluni), tassunga ilanngullugu ingerlaannaq inoqutigiinnut meeratalinnut aningaasatigut ikorsiissuteqaatigaluni, isumaginninnikkut misissuilluni, taava kommunip pisussaaffia atitungaatsiartutut nassuiarneqarsinnaavoq aammalu inatsimmi aalajangersagaq taanna kisiat inatsisitigut tunngavilersuutigalugu inoqutigiinnut amerlasuunut ingerlaavartumik aningaasatigut ikorsiissuteqarnermik kinguneqarsinnaalluni taamatuttaarlu isumaginninnikkut misissuinerit amerlasuut, qularnanngitsumik inuit inersimasut ineqarnermut akiliutinut akiitsoqarnerat kisiat pissutigalugu. Immaqa pingaaruteqarpoq ilanngutissallugu, kommuni immaqa taamak iliornikkut pinngitsaalisaalluni inoqutigiinni inunnut inersimasunut inoqutigiit meeraannut ilaquaanngitsunut aningaasatigut ikorsiisalissaq.

*Akissut: Periarfissanik kommunip atussallugit toqqarsinnaasanik atunngissinnaasaanilluunniit inatsisissatut siunnersuut imaqrpoq. Aningaasatigut ikiuisarneq pillugu, meeqqat nerisassanik, kiammik, atisanik angajoqqaalluunniit inigisamut akiliutissanik amigaateqannginniassammata piffissami killilimmi aningaasatigut ikiuisoqarpat pisut amerlanersaanni akikinnerussaaq, angusaqarfunerussalluni meeqyanilli qajassuussinerussalluni. Inigisamut akilissinnaannginnejq pissutigalugu anisitaaneq inuttut atukka-nut sunniateqassaaq meeqqat angerlarsimaffiup avataanut inissinneqarnissaannik pisari-aqartitsigajuttartoq, tamannalu tunngavigalugu ilaqtariit inigisamut imaluunniit nerisas-sanik atisanilluunniit il.il. akiliisinnaannginnerat pissutigalugu anisitaanissaat pinngit-soorniarlugu isumaginninnermi aningaasat ilamininnguisa atorneqarallarnerat akikinnerussaaq pitsaanerussallunilu. Tamanna meeqqanut pitsaanerusutut nalilerneqarpoq aningaasarnermullu iluaqutaanerussalluni.*

2.13). Paasisinnaasat malillugit, § 28, imm. 3, nr. 5 aamma § 29 naapertorlugit meeqqanut illersorti meeqqamut ikorfartortitut isigineqassaaq, meeqqanut angajoqqaatut oqartussaassutsimik tigummisaqartunngitsutut. Meeqqanut illersorti meeqqamut suliaq kommunimit suliarineqareeraangat meeqqamut tamatigut neqeroorutigineqarsinnaannguatsiarpoq, kisianni imaannguatsiarpoq meeraq pinngitsaaliisummik angerlarsimaffiup avataanut inissinneqarpat imaluunniit ulloq unnuarlupaaqqinnittarfimmi isumannaallisakkamik immikkoortortaqarfianut, assigisaanulluunniit inissinneqarnialerpaiillersuisuliisoqartassasoq. Ersarinngilaq, pinngitsaaliineq atorlugu meeqqanut illersorti meeqqamut illersuisunngortinneqarsinnaanersoq, tassa imaappoq naak meeraq aamma meeqqamut angajoqqaatut oqartussaassutsimik tigummisaqartoq akerliliigaluarpata. Soqutiginarpooq, Siunnersuummut oqaaseqaatini tassunga ataqtigiissillugu aamma inuk meeqqap toqqisisimaffigisaa eqqaaneqarmat, aamma ikorsiissuteqarneq taanna tassaasoq, takusinnaasat malillugit, susassaqarfimmi inatsisissatut siunnersuutaasarsimasuni immikkut eqqaaneqartarsimasoq, kisiannili Siunnersuummi takussajunnaarsimagunarpooq. Ersarippallaanngilaq, Siunnersuummut oqaaseqaatini inuk toqqisisimaffigisaq atuutiinnarniarneqarsimanersoq imaluunniit siusinnerusukkut oqaaseqaataasimasuni ikorsiissutipiilarneqarnissaa puiguinnarneqarsimanersoq, soorlu 2013-imeersumiit.

*Akissut: Ilannungeqarpoq. Inuit tapersersuisut taakkulu inissisimanerat/suliassaat inatsisissatut siunnersuummi allanngortinneqarpoq killilerneqarlunilu. Inuit tapersuisut attaveqaatillu maannakkut tassaalerput inuit pingarnerit, meeqqanullu illersortit pigiinnarneqarlutik, kisiannili taaku inatsisissatut siunnersuutip aaqqissuunnerani nuunneqarput, taamaalilluni meeqqanut illersortit sulianik suliarinnittarnermi qulakeerinnissutaalerlutik.*

2.14). § 32, imm. 1-imi meeqqamut isumassuisumik ikorfartuisup, § 30, imm. 1-imi inuttut siunnersortip aamma § 31, imm. 1-imi meeqqamut isumassuisunut saaffigisassap allaaserinerisa imminnut naapertuunnissaat amigaateqarpasippoq. Meeqqamut isumassuisunut ikorfartortip allaaserinerani immikkut piginnaassutsit eqqaaneqarunarput, kisianni ikorsiissutip siunertaa

eqqaaneqanngilaq meeqqamulli isumassuisunut saaffigisassap allaaserinerani eqqaaneqarluni. Kommuni neruppoq, ikorsiissutit taakku pingasut siunertarisaat, akissarsiaqartitsineq aamma piginnaassutsitigut piumasaqaatit pillugit ersarinnerusumik malittarisassaliortoqarumaartoq. Eqqaaneqalaassaaq Siunnersuummi § 32, imm. 3 toqqaannartumik § 31, imm. 3-miit assiliinnavinneqarsimاغونارما، kisianni “meeqqamut isumassuisunut saaffigisassaq” “meeqqamut isumassuisunut ikorfartortimik” taarsissallugu puigorneqarsimalluni.

*Akissut: Ilanngunneqarpoq. Inatsisissatut siunnersuutip ilusilersonera ataatsimut isigalugu allanngortinneqarpoq, tassunga ilanngullugu siullermeerluni avammut tusarniaarnereerneup kingorna tusarniaanermi akissutini tiguneqartuni inassuteqaatit tunngavigalugit aaqqissuussanerani nuussisoqartarluni. Imm. 2.13-imut akissut takujuk.*

2.15). Kommunip paasiuminaatsippaa, Siunnersuummi § 33-mi peqatigiiffiit pillugit inatsisitigut aalajangersakkat siuliani kinguninnguatigullu eqqaaneqarsimasut qanoq ilillutik ikorfartueriaatsit sinnerinut attuumassuteqarnersut, tassunga ilanngullugu § 28, imm. 3-mi ikorsiissutit. Inatsimmi aalajangersagaq kukkusumik inissinneqarsimarpasippoq aamma paasiuminaatsupilussuuvoq, Siunnersuummi qanoq isumaqartinneqarnersoq paasisassaanngilaq, oqaaseqaatitai atuarsimanngikkaanni.

*Akissut: Ilanngunneqanngilaq. Inatsisissatut siunnersuummi eqqarsaatigineqarpoq peqatigiiffiit kattuffiillu sorliit suleqatigineqarnissaannik kissaateqarsinnaaneq kommunit soorunami namminneq aalajangissagaat. Ilimagineqartariaqarpoq peqatigiiffik akuerisaasoq, peqatigiiffimmut akuerisaanngitsumut sanilliullugu ingerlatsinerminnut inuinnarnit aningaasanik pissarsiniarnissamik ajornannginnerutitsissasut. Naalakkersuisut peqatigiiffinnik akuersinissaannik aalajangersakkami Naalakkersuisut periarfissinneqarput, tamassumanilu peqatigiiffiit ersarinnerulersinneqassapput immaqalu ingerlatsinerminni pisortani oqartussaniit malugitinniarnissartik aningaasanillu pissarsiniarnissartik ajornannginnerulersisinnaallugu.*

2.16). Kommuni isumaqarpoq, angajoqqaanngortussanut ikorsiissutit Siunnersuummi § 34-mi eqqaaneqarsimasut ersareqisumik paasiuminartumillu nassuiarneqarsimasut, taamaasillunilu taakkua siunertaat, imarisaat aamma atorneqarnissaat paatsuungassutigineqarnissaat annikitsuararsuulluni.

2.17). Siunnersuummi § 35-mi, imm. 1 malillugu kommunip “angerlarsimaffiup avataani inissiineq meeqqap ikorserneqarnissamut immikkut pisariaqartitaanik akuersinissamut annertuumik pingaaruteqartoq isumaginninnikkut misissuinerup takutippagu, angerlarsimaffiup avataani inissiisoqarnissa neqeroorutigissavaa”. Aamma paragraffimi tassani imm. 2 malillugu angajoqqaatut oqartussaassutsimik tigummialik ilaqtariinnilu ilaasortat allat ulloq unnuarlu paaqqinnifimmik imaluunniit ilaqtariinni paarsisartuni ulloq unnuarlu najugaqarnissaannik neqeroorfigineqarsinnaapput. Tassunga atatillugu ersarippallaanngilaq, ulloq unnuarlu

najugaqarneq inissiinertut imaluunniit inissiinerup akerliatut isigineqassanersoq. Aamma ersarippallaanngilaq, ulloq unnuarlu najugaqarneq taamak ittoq aamma § 28, imm. 3, nr 4 malillugu oqilisaassilluni najugaqartitsineq inatsisitigut pingaarutilimmik assigiinngissuteqarnersoq. Takorloorneqarpoq, meeqqap angajoqqaavi ulloq unnuarlu paaqqinnittarfimmi meeqqap najugaqarfigisaaniissinnaasut, meeqqalli najugaqarneranut akerliliullugu angajoqqaat najugaqarnerat tamatigut pinngitsaaliissutaanngilaq, imaassinnallunili kommuni aalajangiisinnasoq meeqqap ulloq unnuarlu paaqqinnittarfimmiitinneqarnera taamaatinneqarsinnaanngitsoq aamma angajoqqaatut oqartussaassutsimik tigummialik aamma meeraq akuersiseqqaarnagut meeraq tigummigallarsinnaallugu, § 36, imm. 1 imaluunniit allaat § 50 naapertorlugu.

*Akissut: Ilannngunneqanngilaq.*

2.18). Siunnersuummi § 36, imm. 1-imi “angajoqqaatut oqartussaassutsimik tigummialik aamma meeraq akuersiseqqaarnagut” kommuni meeqqamik inissiinissaminut pisinnaatinneqarpoq. Paasisinnaasat malillugit, Siunnersuummi § 51 naapertorlugu meeqqap akuersissuteqarnissaanut minnerpaaffiliussimasaq ukiut 15-iupput. Kommuni isumaqarpoq, peqqusummi massakkut atuuttumi nassuaaneq, tassa imaappoq ”akuersissut pigineqaraluarpalluunniit” pitsaanerusoq, tassani kommuni pisinnaatinneqarmat akuersissut pigineqanngikkaluartorluunniit meeraq inissiinnaallugu naak angajoqqaatut oqartussaassutsimik tigummialik inissiinissamut akuersisimagaluartoq, kisianni kommuni isumaqarpoq, pinngitsaaliissutigalugu inissiineq atorlugu meeraq pitsaanerusumik illersorneqarsinnaasoq, assersuutigalugu soorlu tunngavissalimmik pasitsaassisoqarpat angajoqqaatut oqartussaassutsimik tigummiallit inissiinermut akuersissut uukapaatitsissutigisinnaagaat.

*Akissut: Inatsisissatut siunnersuutip ilusilersornera ataatsimut isigalugu allanngortinneqarpoq, tassunga ilannngullugu siullermeerluni avammut tusarniaarnereerneup kingorna tusarniaanermi akissutini tiguneqartuni inassuteqaatit tunngavigalugit aaqqissuussanerani nuussisoqartarluni.*

2.19). Siunnersuut inatsisip aalajangersagartaani arlalinni taaguummik “isumassuisoq” / “isumassuisut”-init ativoq, § 37-mili, imm. 2-mi taaguut nassuaaserneqarunarpooq ima “meeqqamik isumassuisuusumut”. Kommuni isumaqarpoq, isumassuisup nassuaaserneqarnera inatsisip kapitalianni siullerni inissinnejartariaqartoq, taamaasilluni taaguutip imarisaa atuuffialu inatsisip oqaasertaani ersarissuussaaq.

*Akissut: Inatsisissatut siunnersuutip ilusilersornera ataatsimut isigalugu allanngortinneqarpoq, tassunga ilannngullugu siullermeerluni avammut tusarniaarnereerneup kingorna tusarniaanermi akissutini tiguneqartuni inassuteqaatit tunngavigalugit aaqqissuussanerani nuussisoqartarluni.*

2.20). Siunnersuummi § 38-mi inatsisip aalajangersagartaatigut kommuni pisussaaffilerneqarpoq, ajornannngippat nalunaaquttap akunneri 24-t qaangiutsinnagit pinngitsaaliinikkut inissiineq pillugu aalajangiineq angajoqqaatut oqartussaassutsimik tigummialimmut aamma meeqqamut nalunaarutigissallugu. Tamanna pisut ilaatigut kommunimut, ingammik illoqarfinni sapaatip akunnerata naanerani meeqqanik amerlasuunik inissiiffiusartuni, annertuumik ajornartorsiutaasinhaavoq. Aamma sapaatip akunnerata naanerani aalajangiinernik allaganngorlugit suliaqarnissaq isumaginninnermi pigaartunut annertuumik unamminartuusinnaavoq, kommunimi isumaginnittooqarfimmik aamma IT-mi atortunik atuinissaq killeqarsinnaasarmat. Aamma Siunnersuummi ersarissumik iluamik nassuaaserneqarsimanngilaq, meeqqamut illersuisuliinissaq kommunip pinngitsoorani pisussaaffigineraa (§ 29-mi inatsisip aalajangersagartaa taamak nassuiarneqarsinnaammat) imaluunniit kommunip pisussaaffianut akerliliullugu meeqqap pisinnaatitaaffia kisiat pineqarnersoq (soorlu § 38-mi taamak paasinarsagaasoq), taamaasilluni meeraq imaluunniit angajoqqaatut oqartussaaffimmik tigummialik neqeroorummut naaggaarsinnaalluni.

*Akissut: Ilanngunneqarpoq. Inatsisissatut siunnersuutip ilusilersonera ataatsimut isigalugu allanngortinneqarpoq, tassunga ilanngullugu siullermeerluni avammut tusarniaarnereerneup kingorna tusarniaanermi akissutini tiguneqartuni inassuteqaatit tunngavigalugit aaqqissuussanerani nuussisoqartarluni. Aalajangersakkap oqaasertai allanngortinneqarput. Maannakkut atorneqarpoq "sapinngisamik" paragraffilu maannakkut § 29-ulerpoq.*

2.21). § 40, imm. 1-imi, nr. 4-mi inatsimmi aalajangersakkami ilaatigut meeqqanut inissiiffiusinnaasut eqqaaneqartut tassaapput, meeqqap nammineq ineeraa, inissiaq, ataatsimut najugaqtigiiffik assigisaaluunniit. Siunnersuutip oqaaseqaatitaani nassuaatigineqarpoq, "meeqqat annerit inuusutullu suliniuteqareernermeri malitseqartitsiffigisat" pineqarsinnaasut, tassani kommunip nammineq ineeraqarneq, inissiaq, najugaqtigiiffik assigisaalluunniit "neqeroorutigisinnaallugu. Meeraq nammineq ajornartorsiuteqanngitsoq ajornartorsiuteqartoqartillugu, "aalajangersakkap atuunnissaa eqqarsaatigineqarpoq kisianni ajornartorsiutit angerlarsimaffimiippit, imaluunniit atuussinnaallutik meeqqap ilaqtariinni paarsisartuini imaluunniit ulloq unnuarlu paaqqinnittarfimmi inissineqarsimasup, inersimasut ikorfartuinerannik pisariaqartitsiunnaaraangat". Ikorsiineq assut soqutiginarpoq, naak immaqa qularutigineqarsinnaagluartoq oqaatigissallugu, ineqqamik imaluunniit inissiamik attartortitsineq qanoq ililluni inissiinertut isigineqarsinnaanersoq. Siunnersuummi § 57 malillugu najugaqarfimmik neqeroorutinut akiliutit pillugit maleruagassanik erseqqinnerusunik Naalakkersuisut aalajangersaasinhaapput, § 40, imm. 1-imi, nr. 4 naapertorlugu aamma kommuni neruppoq, aalajangersaanermut tassunga ilanngullugu taamatut ittumik inissiinermut atugassarititaasut pillugit Naalakkersuisut pitsaanerusumik erseqqissaateqassasut.

*Akissut: Tusaatissatut tiguneqarpoq.*

2.22). § 40, imm. 4-mi inatsimmi aalajangersakkami eqqaaneqarpoq, “meeqqat politiinit tigummigallagassanngortinnejarsimasut imaluunniit eqqartuunneqarsimasut ulloq unnuarlu paaqqinnittarfiiit immikkoortuini nakkutigineqartuni inissinneqarsinnaasut. Aalajangersagaq aamma atorneqassaaq meeqqat 12-inik – 15-inillu akornanni ukiulinnut, sakkortuumik pinerluuteqarsimasunut, aamma meeraq eqqarsaatigalugu inissinneqarnissa piumasarineqavippat”. Takusinnaasavut malillugit, inatsimmi aalajangersagaq taanna taarsiullugu meeqqanik inissiernik imaqrpoq, tassa imaappoq a). tigummigallagassanngortitsinermut taarsiullugu, tassa imaappoq, pinerluttunik isumaginnittoqarfiiup paaqqinnittarfiani tigummigallagassanngortitsinermut taarsiullugu angerlarsimaffimmut naleqquttumut imaluunniit inunnik isumaginnittoqarfiiup iluani paaqqinnittarfimmut inissiineq, eqqartuussisarneq pillugu inatsisip § 361-iani, imm. 2 naapertorlugu imaluunniit b). inissiisarfimmi inissiinissamik eqqartuussumvik naammassinninnertut, pinerluttulerinermut inatsimmi § 234, imm. 2 naapertorlugu. Aammattaaq immaqa inuuusuttunut pinerluuteqarsimasunut immikkut pineqaatissiilluni eqqartuussisoqarsimaneranuit apeqqut pineqarsinnaavoq – 18-nit inorlugit ukiulinnut imaluunniit immikkut ittumik pisoqarsimatillugu eqqartuussutip oqaatigineqarnerani 20-t inorlugit ukiulinnut – pinerluttulerinermut inatsimmi §§ 152 – 155 naapertorlugin, immikkut pineqaatissiinerit paaqqinnittarfimmiittussanngortitsinernik imaqpata, ingammik Kalaallit Nunaanni ulloq unnuarlu paaqqinnittarfiiit immikkoortuini nakkutigineqartuni. Ernumanrpoq Siunnersummi § 40, imm. 4-mut oqaaseqaateqartoqarsimanngimmat, taamaasilluni pineqaatissiinerup annertussusaa, imarisaa imaluunniit aningaasalorsornera ilisimaneqaratik.

*Akissut: Ilanngunneqarpoq. Imm. taanna peerneqarpoq immikkullu paragrafinngortinnejarluni (§ 36), tassani tusarniaanermi akissut ilanngunniarnejarluni. Ilimagineqarpoq tamanna iluatsissimanngippat politiit tusarniaaqqinnermi tusarniaanermi akissumminni tamanna qanoq eqqornerusumik ilanngunneqarsinnaanersoq erseqqissassagaat.*

2.23). Siunnersummi § 42, imm. 1 malillugu meeqqat imaluunniit inuuusutut suliniuteqareernermeri malitseqartitsivigineqartut “illoqarfimmi najugarisap avataani” inissinneqarsimasut, ukiumut marloriarlutik tikeraarluni angerlarsinnaatitaapput. Isumaqarpugut taaguut ”illoqarfimmi najugarisap avataani” atorneqarpat ersarinnerussasoq tassami nunatsinni illoqarfiiit nunaqarfiiillu “najugaqarfigisamut” ilaatinneqartarmata. § 42, imm. 3-mi oqaatigineqarpoq, meeraq imaluunniit inuuusuttoq suliniuteqareernermeri malitseqartitsivigineqartoq illoqarfimmi najugarisap avataani efterskolertoq, ”efterskolimi ukiup atuarfiusup ingerlanerani ataasiarluni angerlarsimaffiminut tikeraarsinnaatitaasoq”. Oqaatigineqalaassaaq, Annertuumik innarluutillit ikiorserneqartarnerat pillugu Namminersorlutik Oqartussat nalunaarutaanni nr. 8, 25. juni 2014-imeersumi § 56 malillugu, ”inuuusuttut annertuumik innarluutillit 16-init aamma 24-t akornanni ukiullit” Danmarkimi najugaqarallartut,” Kalaallit Nunaannut tikeraarlutik angalanissaminut ukiumut marloriarlutik pisinnaatitaaffeqarput”. Isumaqarpugut, susassaqarfimmi tassani meeqqat inuuusuttullu assigiaarnerusumik pisinnaatitaaffeqarpata pitsaanerussasoq, najugaqarfigisap avataani najugaqarallarneq meeqqanut imaluunniit inuuusuttunut susassaqarfimmi inatsisitigut

maleruagassanik tunngavissaqaraluarpualluunniit. Aammattaaq oqaatigineqassaaq, suliniuteqareernermermi malitseqartitsivigineqarneq 23-nik ukioqarneq ilanngullugu akuerineqarsinnaasoq inuuusuttut annertuumik innarluutillit 24-nik ukioqarneq ilanngullugu akuerineqarsinnaanerannut maleruagassaqarmat.

*Akissut: Ilanngunneqarpoq. Oqaaseq "illoqarfik angerlarsimaffik" uuminnga taarserneqarpoq "angerlarsimaffik". Inatsisip oqaasertai nassuiatillu imatut annertusineqarput, angerlarsimaffiup avataaniinissiisoqarnera pineqartoq maannakkut allaqqalerluni. Aalajangersakkanut taakkununnga marlunnut (§ 32, imm. 1 aamma 3) immikkut nassuaatini angerlarsimaffik nassuiarneqarpoq nunaqarfik illoqarfillaunniit angerlarsimaffiup inissisimaffia.*

2.24) Siunnersuummi § 45, imm. 1 malillugu ulloq unnuarlu paaqqinnittarfiit meeqqanik ulloq unnuarlu paaqqinnittarfinnut inissinneqarusuttunik tigusinissaminut pisussaanerannut piumasaqaataavoq”, inissiineq ulloq unnuarlu paaqqinnittarfiup siunertaanut siunnerfigisaanullu naapertutissasoq”. Siumut oqaatigiuminaassinaavoq piumasaqaat taanna qanoq annertutigisumik Namminersorlutik Oqartussat ulloq unnuarlu paaqqinnittarfiutaannit atorneqarsinnaassanersoq, meeqqat perorsaanikkut unamminarsinnaasut imaluunniit meeqqat pissusilersornermikkut ajornartorsiutillit itigartissallugit, tassunga ilanngullugu § 40, imm. 4 naapertorlugu paaqqinnittarfiit immikkoortuini nakkutiginniffiusuni inissiinermut atatillugu. Kommunip aamma ulloq unnuarlu paaqqinnittarfiup akornanni isumaqatigiinngitsoqarpat kommunip inissisimanera sanngiillisinneqarnerulissaq, tassami § 40, imm. 2 aamma imm. 3 malillugit, isumaqatigiinngissutigisaq Naalakkersuisunut aalajangigassanngortillugu saqqummiunniunneqassaaq aammalu Naalakkersuisut aalajangiinerat naammagittaalliuutigineqarsinnaanani, Ajornakusoorsinnaavoq isumaqarfigissallugu isumaqatigiinngissummut taamak ittumut atatillugu arlaannaannulluunniit atanngitsutut isigalugit Naalakkersuisut eqqartuussisuunissaat.

*Akissut: Ilanngunneqanngilaq.*

2.25). Siunnersuutip nalinginnaasumik oqaaseqaatitaani immikkoortoq 1.11)-imi erseqqissaatigineqartoq malillugu kommunip iluamik paasilluanngilaa, Siunnersuummi § 47-mi inatsisitigut aalajangersakkat naapertorlugit kommunip aaqqissugaanik ilaqtariinnut paarsisartunut akuersisummik aamma paarsinissamut akuersissutinik tunisinermut atatillugu piumasaqaatit aamma uppernarsaatit suut atuutissanersut. Aamma kommunimut pingaaruteqartorujussuuvoq tassanngaannartumik meeqqamik inissiisinnaanissaq (utaqqiisaa) allaat paarsinissamut akuersissutitaqanngitsumik, tamanna periarfissatuaappat (soorlu illoqarfimmi mikinerusumi imaluunniit nunaqarfimmi) aamma inissiineq meeqqap inuuneranik, peqqissusianik ineriartorneranilluunniit navianartorsiortitsisoqarnera tunngavigalugu pisariaqartinneqarpat.

*Akissut: Ilaqtarsianut inissiinerit kommuninit aaqqissuunneqartut aqtsilluni nakkutilliisarlunilu pissapput. Nuna tamakkerlugu ersarissunik malittarisassaqarnissap pingaaruteqarnera pissutigalugu Naalakkersuisut ilaqtarsiat pillugit annertunerusunik malittarisassioriornissamut pisinnaatinneqarput.*

2.26). § 51, imm. 1 Isumaginninnikkut misissuinissaq, tak. § 21, meeqqamut peqqussut, tak. § 26, suliniuteqareernermermi malitseqartitsineq, tak. § 27, aaqqiinerit, tak. §§ 28-32 imaluunniit sukanganerusumik aaqqiinerit, tak. § 35 naapertorlugit aalajangiinissaq sioqqullugu angajoqqaatut oqartussaassuseqartumiit aamma meeqqamit 15-inik ukioqalersimasumit akuersissut allaganngorlugu kommunalbestyrelsip pissarsiarissavaa”. Qulaani pineqartup oqaasertalerneqarnera tamakkiisumik isigalugu immaqa ersarippallaanngikkaluarpoq, assersuutigalugu paatsuunganarsinnaavoq meeqqanut peqqussummut atatillugu angajoqqaanngortussanit allaganngorlugu akuersissuteqartoqarnissaa imaluunniit meeqqamit naatsorsuutigineqarnersoq. Aamma § 51, imm. 2-mi ilangunneqarpoq, § 21 naapertorlugu isumaginninnikkut misissuinissamik, kapitali 7 naapertorlugu immikkut pineqaatissiinissamik, kapitali 8 naapertorlugu pineqaatissiinissamik imaluunniit kapitali 9 naapertorlugu sukannernerusumik pineqaatissiinissamik allaganngorlugu akuersissutitaqanngitsumik kommuuni ”suliaqarsinnaasoq”. Qaasuitsup kommuuniata assut takorlooruminaatsippaa, Siunnersuummi pinngitsaaliilluni pineqaatissiinertut ikorsiissutinik suliaqartoqarsinnaanera – tassunga ilangullugu siunnersuineq, sullissineq, perorsaaneq, tarnip piussaatigut siunnersuineq, angerlarsimaffimmi isumaginninnikkut siunnersuineq, ilaqtariinnut pikkorissaaneq, ilaqtariinnik isumasioqatigiissitsineq, ilaqtariinnik katsorsaaneq, atornerluinermut katsorsaaneq, ilaqtariinni paarsisartuni imaluunniit ulloq unnuarlu paaqqinnittarfinni oqilisaassilluni najugaqartitsineq, meeqqanik illersuisartoq, inuttut siunnersorti, inuttut attaveqaat, imaluunniit tapersersorti, aningaasatigut ikorsiineq, efterskolimi najugaqarnermut. Avaqqussinnaanngilarput, qulaani pineqartunut oqaasertalersuineq tunngavissaqarluarsimassasoq, kisianni taakku Siunnersuummi imaluunniit oqaaseqaatitaani nassuiarneqarsimannngillat.

*Akissut: Tapersiinermut aallaavik tassaavoq angajoqqaat, meeqqap oqartussallu akornanni suleqatigiinnerup ilaatut neqerooruteqartoqassasoq, aammalu angajoqqaat meeqqallu akuersissuteqassasut.*

2.27). Inatsimmi aalajangersakkani § 50, imm. 3 aamma § 53-imni naqinnerit angisuut imaluunniit mikisut atorlugit ”Meeqqat Pillugit Paasisimasalittut Qitiusumik Ataatsimiititaliaq” allanneqartarsimavoq. Immaqa kimittunerussagaluarpoq inatsisip oqaasertalersorneqarnerani allaasereriaaseq assigiaartoq atorneqarpat.

*Akissut: Ilangunneqarpoq. Naqinnerit angisuut ataatsimiititaliap aqqa takutinniarlugu tamani maannakkut atorneqalerput.*

2.28). Siunnersuut malillugu § 59, imm. 1-imi inatsimmi aalajangersagaq malillugu aalajangiinerit tamarmiullutik Isumaginninnermut Naammagittaalliuuteqartarfimmum naammagittaalliuutigineqarsinnaagunarput. Kommuni isumaqarpoq, tigussaanerusinnaasoq pisut tamaasa naammagittaalliuutigineqarsinnaanerannut periarfissiisoqanngippat, ingammik nalornissutaasinnaappat, naammagittaallioroq suliami illuatungiliuttutut isigineqarsinnaanersoq. Siunnersuutip nalinginnaasumik oqaaseqaatitaani immikkoortoq 1.9)-mi uparuarneqareersutut kommuni isumaqarpoq, assersuutigalugu kommunip aaqqissugaanik angajoqqaarsianit angajoqqaarsianut allanut meeqqamik nuutitsineq angajoqqaarsianit qimanneqartunit Isumaginninnermi Naammagittaalliuuteqartarfimmum naammagittaalliuutigineqarsinnaasariaqanngitsoq. Aammattaaq takorloorneqarpoq, meeqqanut naammagittaalliuuteqarsinnaatitaasunut ukiunik minnerpaaffiliilluni killiliisoqarsimassasoq, assersuutigalugu ukiut 12 imaluunniit 15.

*Akissut: Ilaatigut ilanngunneqarpoq. Meeraq maalaarutip kingunissaanik paasinnissinnaatikkumallugu inerisimanissaa pillugu oqaasertaq ilanngunneqarpoq.*

2.29). Naggasiullugu oqaatigineqassaaq, Siunnersuutip §-iisa 61-iat Naalakkersuisunut killeqanngingajattumik pissaanermik tunisimmat, “kommunalbestyrelsip oqartussatut pisussaaffiinik eqqortitsiniarnermi ingasattumik imaluunniit uteqqinneqartumik sumiginnaasoqarpat imaluunniit mianersuaallioroqarpat” kommuninut pineqaatissiisinnaallutik, akiliisitsinernik, tassunga ilanngullugu ullormut akiliisitsinerit. Qitiusumik immikkoortortaqaarfiit taakkuugunarput “sumiginnaasoqarneranik imaluunniit mianersuaalliornernik” naliliutigalutik eqqartuussuteqartussat, pineqaatissiissutit suut peqqussutigineqassanersut. Kommunip ernummatigivaa, pisuni taakkunani kommunip pinerluttutut iliuuseqarsimaneri “siumut” ilimagineqarsinnaassasut taamaattumillu paaseqatigiinnissamut suleqatigiinnissamullu inissaqartitsinissaq annikitsuararsuussalluni, paarlattuanilli uummaarissumik akerleriinnernut, nipaatsumik akerliliernut aamma naalagaaniaannarluni naalakkiinernut tunngavissiilluassalluni. Siusinnerusukkut uparuaatigisimasat arlariit malillugit qitiusumik oqartussaqarfiit sumiginnaasimappata imaluunniit pissaanermik atornerluisimappata naammagittaalliuuteqarnissamut periarfissaqarpasinngilaq, Siunnersuummi “isumaqartoqarunarmat” oqartussaqarfiit taakkua kukkussuteqarsinnaanngitsut aamma kukkujuitsuusut.

*Akissut: Ilanngunneqarpoq. Aalajangersakkap oqaasertaa allanngortinneqarpoq taamaalilluni aalajangersakkamik ataasiinnarmik unioqqutitsineq pineqarani tamanik naliliinissaq tunngaviussalluni.*

Pisussaaffinnut tamanut allattorsimaffik (katillugit 47 missaaniikkunarput) ilanngussatut kommunip nassiuppa, sumiginnaasoqarsimatillugu pineqaatissiissutaasinnaasut. Tupigusuutigalugu paasineqarpoq, pisuni ataasiakkaani atugassiinerit nammineq toqqarneqarsinnaasut pineqarmata,

assersuutigalugu angajoqqaatut oqartussaassutsimik tigummialinnut aamma ilaqtariinni ilaasunut allanut ulloq unnuarlu paaqqinniffimmi, angajoqqaarsiani assigisaanniluunniit ulloq unnuarlu inissiinissamik neqeroorfigineqarsinnaasut.

*Akissut: 2.29-mut akissut takujuk.*

**Ilangussaq:** Inatsisini aalajangersakkat allattorsimaffiat unioqqutitsisoqartillugu pineqaatissiissutaasinnaasut:

§ 7, imm. 1: "Aalajangiinerit naammassineqarnissaanut kommunalbestyrelsi akisussaavoq".
§ 15, imm. 2: "Nalunaarutiginninneq tiguneqarpat Kommunalbestyrelsi sapaatip akunnera 1 qaangiutsinnagu nalunaarutiginnittumut allakkatigut ilisimatitsissaaq nalunaarutiginninneq tigusimallugu".
§ 16, imm. 2: "Nalunaarutip tiguneqarneraniit sapaatip akunnera 1 qaangiutsinnagu nalunaarutip tiguneqarnera pillugu allakkatigut inummut nalunaaruteqartumut uppernarsaammik kommunalbestyrelsi nassiussisussaavoq".
§ 17. Ilaqtariit 18-it inorlugit ukiulimmik meerallit kommunimiit kommunimut allamut nuuppata, meerarlu immikkut tapersorsorneqarnissamik pisariaqartitsisoq kommuni qimanneqartoq isumaqarpat, tamanna pillugu kommuni qimanneqartoq kommunimut nutserfigineqartumut nalunaaruteqassaaq. Imm. 2. Ernisoqarnissaa sioqqullugu imaluunniit ernisoqareernerata kingorna angajoqqaanngortussat ikiorserneqarnissaannik pisariaqartitsisut naliliisoqarpat kommuni qimanneqartoq imm. 1 malillugu taamaaqataanik nalunaaruteqarnissamut pisussaaffeqarpoq. Imm. 3. Imm. 1 imaluunniit 2 malillugu nalunaaruteqarnermut atatillugu suliami atortut attuumassuteqartut kommunip qimanneqartup nassiutissavai, tassunga ilangullugit kommunip qimanneqartup naliliinerminut tunngavigisimasai paasissutissat attuumassuteqartut eqikkarneri.
§ 18. Ilaqtariit 18-it inorlugit ukiulimmik meerallit Kalaallit Nunaata avataanut nuuppata, meerarlu immikkut tapersorsorneqarnissamik pisariaqartitsisoq kommuni qimanneqartoq isumaqarpat, tamanna pillugu kommuni qimanneqartoq kommunimut nutserfigineqartumut nalunaaruteqassaaq. Imm. 2. Ernisoqarnissaa sioqqullugu imaluunniit ernisoqareernerata kingorna angajoqqaanngortussat ikiorserneqarnissaannik pisariaqartitsisut naliliisoqarpat kommuni qimanneqartoq imm. 1 malillugu taamaaqataanik nalunaaruteqarnissamut pisussaaffeqarpoq. Imm. 3. Imm. 1 imaluunniit 2 malillugu nalunaaruteqarnermut atatillugu suliami atortut attuumassuteqartut kommunip qimanneqartup nassiutissavai, tassunga ilangullugit kommunip qimanneqartup naliliinerminut tunngavigisimasai paasissutissat attuumassuteqartut eqikkarneri.
§ 20. Kommunalbestyrelsi nalunaarummik tigusaqaruni, tak. §§ 15 aamma 16, nalunaaquttag akunneri 24-it qaangiutsinnagit isumaginninnikkut misissuinissamik pilersitsisoqarnissaanik tunngavissaqarnersoq pillugu aalajangiissaaq. Imm. 2. Kommunalbestyrelsi aalajangiippat, tak. imm. 1, isumaginninnikkut misissuineq piaernerpaamik kingusinnerpaamillu nalunaarutip tiguneqarneraniit sapaatit akunneri marluk qaangiutsinnagit aallartinneqassaaq. Imm. 3. Meeqqamik paarsinerluttoqarsimaneranik, nakuusertoqarsimaneranik imaluunniit kinguaassiuutitigut atornerluisoqarsimaneranik kommunalbestyrelsik pasinnilersitsisumik

nalunaarummik tigusaqarnermi ingerlaannartumik kingusinnerpaamillu nalunaaquttat akunneri 24-it qaangiutsinnagit isumaginninnikkut misissuineq aamma ikiuigallarneq aallartinneqassaaq. Imm. 4. Nalunaarummik tigusisoqarnerani, tak. imm. 3, nalunaarut tiguneqartoq pillugu kommunalbestyrelsi ingerlaannartumik politiinut nalunaaruteqassaaq. Imm. 5. Kommunalbestyrelsip iliuuseqarnissamut pisussaaffia, tak. qulaani allassimasut imm. 1-4, kommunalbestyrelsip nammineerluni, aamma nalunaaruteqartoqarnera pissutiginagu, meeqqamut pissutsit ernumanartoqartut maluginiarpagit taamaaqataanik atuuppoq.

§ 21, imm. 1-4: Isumaginninnikkut misissuinermit atatillugu kommunalbestyrelsip pissutsit arfinillit uku minnerpaamik nassuiarneqarnissaat qulakkiissavai: 1) meeqqap ineriartornera pissusaalu. 2) meeqqap ilaqtariinni atugai, tassunga ilanngullugit ilaqtariit attaveqarfiallu katitigaaneri. 3) meeqqap atuarnera. 4) meeqqap peqqissutsikkut atugai. 5) meeqqap sunngiffimmi atugai ikinngutaalu. 6) pissutsit attuumassuteqartut allat. Imm. 2. Isumaginninnikkut misissuineq ikiuinerit suut pilersinneqarnissaat pillugu iliuuseqarnissamut pilersaarummik allanneqartumik tunngavilersorneqartumik inerneqassaaq. Angerlarsimaffiup avataani inissiinissaq eqqarsaatigineqarpat, suliap kommunalbestyrelsimit aalajangiiffigineqarnissa sioqqullugu, siunnersummut isummersissaq pillugu allakkatigut nalunaarummik Ataqatigiissaarinermi Ataatsimiititaliaq saqqummiussissaq. Imm. 3. Ikioriigallarnissaq pilersinneqarpat, tak. § 20, imm. 3, isumaginninnikkut misissuinerup naammassineqarneranut atatillugu kommunalbestyrelsi ikioriineq ingerlateqqinnejassanersoq imaluunniit atorunnaarsinneqassanersoq pillugu isummissaaq. Meeqqap angajoqqaatullu oqartussasut ikioriinerit qanoq isummersimanerat tulluartumik eqqarsaatigineqassaaq. Imm. 4. Kommunalbestyrelsi isumaginninnikkut misissuineq tunuliaqutaralugu ikioriinerup pilersinneqarnissaanut tunngavissaqarnersoq aalajangiissaq.

§ 22, imm. 1: Aaqqiinerit, tak. kapitalini 7-9-mi aalajangersakkat, kiisalu aaqqiinerit atorunnaarsinnissaat pillugit aalajangiinissaq sioqqullugu, tak. kapitali 11-im i aalajangersakkat, meeqqamik oqaloqatiginnitoqarsimassaq.

§ 22, imm. 3: Meeqqap perorsimassusia imaluunniit oqaloqatiginnerup ingerlanneqarnissaanut suliap pissusaa aalajangiisumik akunnappat oqaloqateqarneq pinngitsoortinneqarsinnaavoq. Oqaloqateqarneq naammassineqarsinnaanngippat aalajangiinissatut eqqarsaatigineqartumut meeqqap isumaa pissarsiariinarneqassaaq.

§ 23, imm. 1-7: "Kommunalbestyrelsi meeqqamut allatanik iliuusissatut pilersaarusiussaaq: 1) isumaginninnikkut misissuinermit atatillugu, tak. § 21, imm. 2, 2) aaqqiinerit aallartinneqarnissaat pillugu aalajangiisoqannginnerani, aamma 3) aaqqiinerit atorunnaarsinneri pillugit aalajangiisoqannginnerani. Imm. 2 Iliuusissatut pilersaarut inummut ataatsimut tunngassaaq ikioriinermilu siunertaasoq taaneqarsimassalluni. Iliuusissanik pilersaarumiissapput suliniuteqarnerup qanoq sivisutiginissa naatsorsuutigineqarnersoq, meeqqamut tungasut pissutsit immikkut ittut, tassunga ilanngullugit katsorsaaneq, ilinniartitaaneq ilaalu ilanngullugit, kiisalu suliniuteqarneq ingerlaavartumik kommunalbestyrelsimit ingerlaavartumik nalilerneqartassaaq aamma iliuusissatut pilersaarut qaqgu kingullermik nalilerneqassanersoq. Imm. 3 Angerlarsimaffiup avataanut inissiinermi suut anguniagaanersut iliuusissatut pilersaarummi

taaneqarsimassapput, anguniagaasullu qaugu naammassineqarnissaat naatsorsuutigineqarnersut taaneqarsimassallutik. Angerlarsimaffiup avataanut inissiinermi aamma piffissami meeqqap angerlarsimaffiup avataaniinnerani aamma piffissami meeqqap angerlareernerata kingorna, meeqqap angerlarsimaffiani isumassuinikkut avatangiisit nukittorsarnissaannut ikiueriaatsit suut immikkut kommunalbestyrelsimit pilersinneqartussatut naatsorsuutigineqarnersut iliuuseqarnissamut pilersaarummi peqatigisaanik allassimassapput Imm. 4. Angerlarsimaffiup avataanut inissiinermi inissiiffiusup iliuusissanik pilersaarummik ilisimatinneqarnissaannut kommunalbestyrelsi isumaginnissaaq. Inissiineq ingerlaannassasoq aalajangertoqarpat iliuusissanik pilersaarut nutaamik aalajangiinermut naapertuutilersillugu iluarsineqassaaq. Imm. 5. Iliuuseqarnissamut pilersaarut angajoqqaatut oqartussaasut aamma meeraq oqaloqatigalugit suleqatigalugillu sapinggisamik suliarineqassaaq. Imm. 6. Meeraq iliuusissatut pilersaarummi pineqartoq iliuuseqarnissamut pilersaarut pillugu ilisimatinneqassaaq. Imm. 7. Iliuuseqarnissamut pilersaarut pillugu maleruagassanik erseqinnerusunik Naalakkersuisut aalajangersaassapput, tassunga ilanngullugit paasissutissat suut iliuuseqarnissamut pilersaarummut ilanngunneqassanersut.

§ 24: Iliuuseqarnissamut pilersaarut ikinnerpaamik ukiumut ataasiarluni iluarsanneqartarnissaat kommunalbestyrelsip qulakkiissavaa. Imm. 2. Kommunalbestyrelsi piaernerpaamik aamma imm. 1-imi aalajangersagaq apeqquataatinnagu iliuuseqarnissamut pilersaarummut attuumassuteqartunik meeqqap atugaani allanngortoqarpat iliuuseqarnissamut pilersaarummik iluarsaassisaaq.

§ 27, imm. 1-3: Piffissami 18-inik ukioqalernerminni aaqqiiffingeqarsimasut, § 28 naapertorlugu, imaluunniit sukannernerusumik aaqqiiffingeqarsimasut, §§ 35-36 naapertorlugit, inuusuttunut 18-iniik 23-nik ukiulinnut suliniuteqareernermermi malitseqartitsinermik neqeroorfingeqassanersut kommunalbestyrelsi aalajangiissaaq. Imm. 2. Suliniuteqareernermermi malitseqartitsineq inuusuttup ingerlalluarneranut, peqqissusaanut ineriartorneranullu annertuumik pingaaruteqartutut isigineqarpat suliniuteqareernermermi malitseqartitsinissaq neqeroorutigineqassaaq. Suliniuteqarnermermi malitseqartitsineq nammineerluni inuuneqalernissamut ajunngitsumik ikaarsaernermet iluaquataassaaq aamma inuusuttup pisariaqartitaanik tapersersuinermerik isiginnissalluni. Imm. 3. Suliniuteqareernermermi malitseqartitsineq neqeroorutigineqassanersoq pillugu naliliinissaq siunertalarugu meeqqap 18-inik ukioqalernissaat kingusinnerpaamik qaammatit 6 sioqqullugit kommunalbestyrelsi meeqqamut attaveqassaaq.

§ 28, imm. 1-2: Meeqqap ikiorserneqarnissamut immikkut pisariaqartitsinera annertuumik pingaaruteqartuuusutut isigineqarsinnaappat aaqqiinerit pillugit kommunalbestyrelsi aalajangiissaaq. Imm. 2. Ajornartorsiutinik aamma isumaginninnikkut misissuineq aqqutigalugu pisariaqartitsinernik paasineqartunik pitsaanerpaamik aaqqiisinnaasut kommunalbestyrelsimit toqqarneqassapput.

§ 28, imm. 5: "Imm. 3 malillugu ikorsiineq isumaginninnikkut misissuinerup kingorna aallartinneqassaaq, tak. § 21. Meeqqamut pitsaanerpaasussaq eqqarsaatigalugu tamanna pisariaqartilerpagu pilersinneqassaaq"

§ 29, imm. 2-3: Meeqqat angerlarsimaffiup avataanut pinngitsaaliniikkut inissinneqarsimasut, tak. § 37, meeqqamut tapersersortimut attaveqassapput. Imm. 3. Meeqqat ulloq unnuarlu

paaqqinniffimmi nakkutigineqartumi inissinneqartussatut eqqarsaatigineqartut imaluunniit ulloq unnuarlu paaqqinniffimmut nakkutigineqartumut inissinneqareersimasut meeqqamut tapersersortimut attaveqassapput.

§ 34: Kommunalbestyrelsi angajoqqaanngortussanik ikorsiinissamik neqerooruteqarsinnaavoq, taakku inuusaasiat meeqqap suli erniusimanngitsup ingerlalluarneranik, peqqissusianut perioriartneranullu ulorianartorsiortitsissappat. Imm. 2. Erninissaq sioqquillugu kingornalu ikiuinissaq pillugu naartunerup nalaani iliuuseqarnissamut pilersaarusiortoqariissasoq, tak. § 23, kommunalbestyrelsi neqerooruteqarsinnaavoq. Iliusissanik pilersaarut angajoqqaanngortussat suleqatigalugit piareersarneqassaaq. Imm. 3. Meeqqap inoorlaap pisariaqartitaanik naammassinninnissamut angajoqqaanngortut ajornartorsiuteqartussatut kommunalbestyrelsimit nalilerneqarpat erninerup kingorna aaqqiinerit pilersinneqarnissaat pillugu naartunerup nalaani kommunalbestyrelsi aalajangiisinnaavoq. Imm. 4. Suliniut tamakkiisumut sammitinneqassaaq aamma peqqinnissaqarfimmi oqartussat suleqatigalugit ataqtigiissarneqassalluni.

§ 35: Angerlarsimaffiup avataani inissiineq meeqqap ikiorserneqarnissamut immikkut pisariaqartitaanik akuersinissamut annertuumik pingaaruteqartoq isumaginninnikkut misissuinerup takutippagu angerlarsimaffiup avataani inissiisoqarnissaat kommunalbestyrelsip neqeroorutigissavaa. Imm. 2 Aammattaaq angajoqqaatut oqartussaasut ilaqtariinnilu ilaasortat allat ulloq unnuarlu paaqqinniffimmi, ilaqtariinni paarsisartuni assigisaaniluunniit ulloq unnuarlu najugaqarnissaannik neqeroorfigineqarsinnaapput.

§ 48 Meeqananik ataasiakkaanik inissiinissaq sioqquillugu paarsinermi suliassat kommunimi ilaqtariinnut paarsisartunut sukumiisumik paasissutissutigineqarnissaat kommunalbestyrelsip qulakkiissavai. Kommunimi ilaqtariinni paarsisartut minnerpaamik iliuusissatut pilersaarummik meeqqap inissinneqarneranut tunngavigineqartumik peqassapput.

§ 50, imm. 1: "Angerlarsimaffiup avataani inissiinerup atorunnaarsinnissaat pillugu kommunalbestyrelsip aalajangiinissa sioqquillugu kommunalbestyrelsimit qulakteerneqassaaq: 1) angajoqqaatut oqartussaassuseqartoq meeqqap pisariaqartitaanik naammassisqaqarsinnaasoq, pisariaqartinnejartunik angajoqqaatut piginnaasaqartoq, 2) meeqananik oqaloqatiginnitqarsimasoq, tak. § 22, 3) inissiiffiusumiit allaganngortitamik oqaaseqaammik pissarsiartoqarsimassaq, 4) meeraq angajoqqaallu angerlartitsinissamut piareersarluarsimasut, aamma 5) angerlartitsineq pillugu kommuni iliuuseqarnissamut pilersaarusiorsimasoq aamma angerlartitsinissaq sioqquillugu kingornalu piffissami meeqqamut angajoqqaatullu oqartussaasumut ikorsiisoqarnissaanik piareersaasoqarsimasoq".

§ 51, imm. 1: "Isumaginninnikkut misissuinaisaq, tak. § 21, meeqqamut peqqussut, tak. § 26, suliniuteqareernermeri malitseqartitsineq, tak. § 27, aaqqiinerit, tak. §§ 28-32 imaluunniit sukanganerumsumik aaqqiinerit, tak. § 35 pillugit aalajangiinissaq sioqquillugu angajoqqaatut oqartussaassuseqartumiit aamma meeqqamit 15-inik ukioqalersimasumit akuersissut allaganngorlugu communalbestyrelsip pissarsiariissavaa".

§ 54, imm. 2: Kommunalbestyrelsi aamma inissiiffiusoq ataatsimiititaliap allattoqarfiaita noqqaanerisigut paasissutissat uku tunniunneqarnissaat qulakkiissavaat: 1) meeraq pillugu suliami allagaatit. 2) angerlartitsinissaq pillugu communalbestyrelsip inassuteqarnera. 3) siusinnerusukkut

iliusissanik pilersaarutit. 4) angerlartitsineq pillugu iliusissanik pilersaarut nutaaq. 5) suliatigut Ataqatigiissaarinermi Suleqatigiissitap oqaaseqaataa. 6) ulloq unnuarlu paaqqinniffimmiit, atuarfimmiit assigisaanilluunniit oqaaseqaataasinnaasut. 7) tarnip pissusaanik ilisimasalimmiit, nakorsamiit assigisaanilluunniit oqaaseqaataasinnaasut. 8) meeqqap angerlartinnginnissaanut inissiiffiusup tunngavilersuutaa. 9) meeqqap angerlarfissaatut kissaatigineqartumi angajoqqaatut oqartussaassuseqartup atugai pillugit allaaserinninneq. 10) akuersinermik nalunaarutit aamma akuersinerup utertinneqarnera. 11) meeraq pillugu paasissutissat attuumassuteqartut allat tamaasa ataatsimiititaliamit kissaatigineqartut.

## 15) Ilaqutariit illuat - Ilaqutariinnut sullissivik

Ilulissani Ilaqutariit illuata matumuuna oqaaseqaatini nassiuppi.

Angajoqqaanut peqqussutit aamma meeqlanut peqqussutit sukaterneqarneranni nakkutilliinissaq pingaartinneqarpoq.

§ 20 imm. 3 aamma imm. 4: politiinut nalunaaruteqartoqartassaaq: pasinninnerit nalunaarutigineqartassappat?

*Akissut: Politiinut nalunaaruteqavinneq pineqanngilaq, kisiannili kommunip politiinut "nalunaaruteqarnera". Nalunaaruteqarneq taanna imatut paasineqassaaq, innuttaasup meeqlamik paarsinerlunnermik, nakuusernermik kinguaassiutitigulluunniit atornerluinermik erenumassuteqarneranik imaqartumik immikkut nalunaarut kommunip tigusaa pillugu politiinut sapinngisamik siusissukkut politiinut ilisimatitsinera. Politiinut nalunaarut tamaalluni aqutsiveqarfup suliamik misissuinissa sioqquillugu pissaaq. Kommunip nalunaaruteqarnermik missinissa siqqullugu nalunaaruteqarnissamut pissutaavoq, politiit kommunimi ingerlatsivimmit allaanerusumik misissuisinnaanera, tassa politiit misissuisinnaaneranni pilerluttulerineq pillugu inatsimmik unioqqutisoqarsimanersoq nalilersuisoqartussaanera immaqalu pinerluuteqartumik eqqartuussinermik kinguneqarsinnaalluni. Kommunip misissuinera tassaavoq isumaginnermi pissutsit immaqalu meeqlamut/inuusuttumut tapersiinissamik pisariaqartitsinermik kinguneqarsinnaalluni. Kommunimi ingerlatsiviup taamaammatt politiinut nalunaaruteqarneq politiinut unnerluussinivittut isigissanngila, pisortanilu oqartussat taakku marluk assigiinnngitsunik suliassaqartut akornanni tatiginartumik ilisimatissuteqartussaatitaanerattut isigineqarnerussalluni. Kommunimi ingerlatsivik isumaginninnermi suliassani ingerlatsinermi nammineq misissuinissani utaqqissanngilaat, aalajangersagarlu taamaammatt imatut oqaasertalerneqarpoq, kommunip naunaaruteqarnermik misissuinerata naammassinissaata kingorna pinnani piffissami nalunaarummik kommunip tigusaqarnerani politiit nalunaarfigineqassasut (innuttaasoq pasitsaassiararluni/ernumassuteqaannarluni).*

§ 21: Tapersersuinerit annertusiartortinnejnarnerisa inunniq isumaginnitoqarfinni sullissisut suliatigut piginnaasamikkut suliassallu annertussusaatigut tatineqariartuinnassapput. Ilaqtariit illuata ernummatigaa assersuutigalugu isumaginninnikkut misissuisarnermut piumasaqaateqarnerulererup nassataanik pitsaliuinermik suliaqarneq akigalugu oqartussaaffeqarfiit salliutinnejnarnerulerernissaat.

*Akissut: Ilimageqannngilaq tapersiinissamut inatsisisstatut siunnersuummi periarfissat annertunerulersut kommuninilu ingerlatsivinni iliuuseqarnissamut nammineq annertunerusumik aalajangiisonnaaneq kommunalbestyrelsit pinaveersaartitsinermut ajoqutaasumik oqartussaanermik ingerlatsinissaq sallitissagaat. Akerlianik arlalinni erseqqissarneqarpoq, minnerunngitsumik inatsimmut nassuaatini, inatsisisstatut siunnersuummi periarfissat assigiinngiiaartut ilamagineqartut kommunini ingerlatsiviit isumalluutaasa aammalu meeqqat inuusuttullu iliuuseqareernermermi malinnaavagineqarnissamik pisariaqartitsisut taperserneqarnissaanntu sinaakkutit pitsaanerulererannik kinguneqassasut.*

Oqartussaaffiit Ilaqtariit illuat aqqutigalugu isumagineqarnerulissappata pitsaliuinermik suliaqartarnermut tunngatillugu arlaannaannulluunniit attuumanngitsumik neqerooruteqartarneq annaaneqassaaq. Angajoqqaat namminneq piumassusertik malillugu ilaqtariit illuannukartarnissaannut kajumissaarneqassapput.

*Akissut: Tapersiissutissatut neqeroorutit pillugit kajumissutsimik pitsaasumillu suleqatigiinneq ilimageqarpoq meeqqanut/ilaqtariinnut tapersiissutit pitsaanerulererannik sunniuterqassasut. Inatsisisstatut siunnersuummi taamaammat aamma komunit ingerlatsinermi oqartussaanerannik tamassuminngalu atuisarnermk allanut suliakkiisonnaanerat isummerfigineqannngilaq.*

Ajornartorsiutinik qitiusumit nalunaarsuisarneq periarfissatsialaasoraarput ilaqtariinnut isumalluutissakitsunut tunngatillugu inuiaqatigiinni ajornartorsiutinik takunnissinnaanerulerernissamut.

## **16) Allorfik – Siusinaartumik iliuuseqarneq**

Meeqqanut ikorsiarnermut tunngatillugu inatsimmi matumani immikkut pingaaruteqarpoq nipangiussisimasussaanermut sanilliullugu meeqqap pisariaqartitaanik sallititsinissap erseqqissumik takuneqarsinnaanissaa. Tamatuma saniatigut inatsimmi aamma erseqqissarneqartariaqarpoq ilitsersuutinik suliaqartoqartariaqarnera aamma kaajallaasitaasinnaavoq pisuni aalajangersimasuni malittarisassanik qanoq paasinnittoqarnissaanik erseqqissumik nassuaatatalik.

Siusissukkut suliniuteqartarnitsinni amerlasuutigut misigisarparput suleqatigiittooqartanginnera, naak meeqqap pisariaqartitai ulorianartorsiortilluinnarneqaraluartut aamma nipangiussisimasussaaneq eqqarsaatigalugu tamanna pineq ajorpoq.

*Akissut: Ilanngunneqanngilaq. Naliliisoqarpoq ingerlatsinermi oqartussanut allanut paasissutissanik pisariaqartunik ingerlatitseqqiinissarnerup qulakkeernissaanut inatsisit atuuuttut naammattut.*